



VIA TOR

CHRISTIANUS

In

*P. B. Ermitte. Camille. Inutile Vigreux.*

PATRIAM

Tendens

Per MOTUS Ana-  
gogicos.

Cum Facultate Superiorum

Cracovia.

Typis Franc. Cezary S. R. M.  
Hecnon Illustris. et Roni D. C. C. C.  
Duis Severie Typogr. A. D. 1693.

Via est Vita pra-  
sens, quâ ad Patriam  
tendimus. S. Augustinus  
de Consolat. Mort. Ser. I.

Bien. A. IX 48



MARIAE  
DEIPARAE,  
Serenissimæ,  
Cæli terrarumquæ  
REGINÆ.

Ter Optimæ, Ter Maximæ  
IMPERATRICI.

Augustissima Domina.



*pusculum hoc tenue, seruitutis  
demiſſiſſimæ, obſequij humillimi,  
amoris ſtudioſiſſimi monumētū  
ſupplex ad Tuæ Maieſtatis aram*

*appendo. Et ne mihi in Via Vires ani-*  
*miq; deficient, ad tuum o MARIA*

*A. 2.*

*Sinæ*

*Sinum, Cursum hunc dirigo : quia à Sa-  
culo non est auditum, quenquam ad tua  
currentem præsidia, tua implorantem au-  
xilia, tua petentem Suffragia, à Te esse  
derelictum. Quam diu aduena & pe-  
regrini sumus in regione longinqua, &  
procul à Patria finibus extorres degimus,  
ad Te omnes ò Stella Maris, super hoc ma-  
re magnum, & spatiosum necessario sub-  
leuata, micans meritis, illustrans exem-  
plis, sicut ad medium, sicut ad præsidium,  
sicut ad portum, sicut ad negotium sacu-  
lorum respiciunt omnes viatores, & qui  
nos præcesserunt, & nos qui sumus, &  
qui sequuntur, & nati natorum, & qui  
nascentur ab illis. Tu Mater misericor-  
dia de via fessos reficis, si qui torpent  
excitas, benè currentes ad Cursum con-  
summandum animas. Te sequens Viator  
non deuiat; Te rogans non desperat; Te  
cogitans non errat; Te tenente non cor-  
ruit; Te protegente non metuit; Te du-  
cente non fatigatur, & ad portum per-  
uenit. Tu igitur Mater viuentium, Vir-  
go via Regia, per quam ad nos Saluator  
uenit,*



venit, procedens ex tuo utero tanquam  
Sponsus de thalamo trabe nos post Te, ut  
deponentes omne pondus, & circumstantes  
nos peccatum, curramus ad propositum  
nobis certamen, aspicientes in Auctorem  
fidei & Consummatorem IESVM Filium  
Tuum, ut non fatigemur animis no-  
stris deficientes, (Hebr. 12.) sed fer-  
uide, & constanter sub Tua protectione  
Cursum consummantes perueniamus ad  
Patriam. Vbi Tu Mulier amicta sole,  
gaudium omnium calicum, post Filium  
Tuum, illuminas uniuersum Calum, omnes  
latifscas stellas, accendis soles. Vbi Tu  
Esthere felicior, formosa valde, & incre-  
dibili pulchritudine, omnium Sanctorum  
oculis grata, & amabilis videris, & vi-  
deberis, eternum decus cali & delictum.  
Vbi Tu Iuditha fortior, gloria Ierusalem,  
latitia Israël, honorificatio populi bono-  
rificati, eternum triumphabis. O Do-  
mina! trabe nos omnes post Te, & sicut  
Aquila prouoca pullos tuos ad volandum,  
ut assumptes pennas velut aquilæ, uole-  
mus & requiescamus in monte illo, ubi

*felix iucunditas, & iucunda felicitas  
(teste Augustino) Sanctos videre, cum  
Sanctis esse, & esse Sanctum: D B V M  
videre, & D B V M habere in aeternum  
& ultra. Vbi vacabimus, & videbi-  
mus; videbimus & amabimus; amabi-  
mus & laudabimus.*

*Hac vota mea & conatus, ut benigna  
accipias intra Sacrarium exauditionis tue,  
humillimè obsecro.*

*Augustissimæ Ma-  
iestatis Tuæ,*

*Minimus & indignissimus  
Seruorum,*

*A. K. A. C.*



*Perillastri & Reuerendissimo Domino,*  
**D. ANTONIO ANDREÆ**

*De Krzesimow*

**KRZESIMOWSKI,**

*Diuinā Vocatione ABBATI COPRIVNICENSIS,  
Sacri Ordinis Cisterciēn, per vtramq; Poloniam,  
Prussiam, ac Magnum Ducatum Lithuaniz*

**COMMISSARIO & VICARIO  
GENERALI,**

*Sacrz Regiz Maiestatis Secretario,*

*Domino & Patrono Amplissimo,*

**A V C T O R I O P E R I S.**

*Viatorem Christianum, per Motus Anagogicos,  
ampliore orbitā in Patriam Conducenti:*

*Ode Gratulatoriā,*

*In vim debiti obsequij, & venerationis*

*Typographus applaudit.*

**N**on sic repandum permeat ætheras  
Suetus, Deorum pandere Nuntia,  
Atlantis è Maia Nepos: cum,  
Itque, reditq; viam; supernè.  
Non sic, Fauoni, flamine prospero  
Impulsa, ludunt per mare carbasæ:  
Plaudente Neptuni & Tridente  
Mite carina volat per altum.

*Motus*

Motus per altos, prout Anagogicos,  
Christum secutus, deproperat Viam,  
In Patriam tendens Viator:  
Te Duce; & Elisum reuifere;  
Dum viuit, alium. Qui bene temperas.  
Virum recessus Spiritualium,  
Cisterciensum grande Nomen  
Ordinis eximij Corona.  
Perplexa multis munia Gordijs,  
Docte resoluens Progenialis &  
Summum Caput, Præstas per Oras,  
Per Lechicum Lithavumq; Cælum.  
Abbatiali præradius Pedit  
Vir KRZESIMOWSKI ductus ab aureo  
Seclō Virorum, splendor alti.  
Sanguinis; & pietatis Altor;  
Quantis amoris ferueat ignibus.  
Intus decori, pectus amabile.  
Veri Tonantis, monstrat ardor  
Astra petens, alijsq; flammâ  
Signans iter; quo, præ Zephyris volent,  
Stellarum in aulam, motibus Entheis  
Acti, quæis coquis medullas;  
Cordolijs cumulasq; pectus:  
Ardens supernam cernere gloriam.  
Per saxa, flammæ, pergere non piget,  
Quæ præis Orator Supremi  
Numinis, Arbiter & Viarum.  
Ditis



Ditis furores sint procùl ab Ioue,  
Aul'tros furentes semita non timet  
    Quam mulcet Æther lenis aurâ,  
    Quam superi magè protegentes,  
Altè fauent. Hoc, namq; Tuus meret  
Diuus Viator. gemmea Regula  
    Vitam recensens Christianam  
    Conciliat pia corda Cælo.  
Tantum Ioui non contulit, horridi  
Ales satelles baiula fulminis,  
    Auspex Giganteo in triumpho,  
    Obsequij: aut Ganimede raptô:  
Quantum DEO, Tu consilij potens  
Salubrioris, ex Anagogicis  
    Victor trophæis, laurearum  
    Approperas. animis sacratis  
Pulchrè redonans lucida sidera.  
Affectat illò, missile, quem ferit,  
    Quod iustior vibras Apollo  
    Spolia digna parans Olympo:  
Venator haud tam cuspide vulnerat  
Damas feroces; vt tua spicula,  
    Orationum flammearum,  
    Vulnera pectoribus refigunt.  
Gratus sed ictus, dulcia vulnera  
Plagæ, perennis pignora gloriæ,  
    Quam sauciatis hoc ab arcu,  
    Spondet amor Deitatis almus.  
Tam

Tam non quietâ mente reuoluitur.  
Omnis potestas, quæ superiûm loco  
Fungens; Olympi vim sereni  
Solentis agitat procellis.  
Hic Te procellæ Spiritus impulit,  
Diuiniore; vt bene conscius  
Cælestis Aulæ; quâ sequendum,  
Dirigeres, in amæna Tempe,  
Mentes piorum, cursibus arduis.  
Quorum recenti vestigio calet,  
Auctus Viator sanctiori  
Præsidio pretioq; Cæli,  
Per Te: cuius, non sufficit indoli  
Magnæ, reduci pectora dedita  
Astris, per angustos agones.  
Amplior area, cordis isti,  
Telo superni fulminis, exigit  
Latè remitti, sidera in aurea.  
Quæ grandinent gemmis & auro;  
Maçte Tibi meritisq; cellis.  
Votum Viator fert Tuus hoc: mihi  
Sed, ( quo refulget gloria Nominis )  
Magni fauoris gratiosum  
Poscit onus meritamq; palmam.  
Nam tunc Viator tempora gloriæ  
Viuet, Tuus quando Accipiter Cruce,  
Hunc ducet, æternas in Arces :  
Vnde Tui pretium laboris.



# APPROBATIO.

**E**GO M. FRANCISCVS  
PRZEWSKI, S. Theolog.  
Doctor & Professor, Ecclesiarum  
Collegiatarum SS. Omnium Crac:  
Præpositus, Scholasticus Cureloui-  
ensis, S. FLORIANI Clepardiæ  
Canonicus, Ordinarius Librorum  
per Diocesim Cracou: Censor,  
S. R. M. Secretarius. Librum cui  
titulus VIATOR CHRISTI-  
ANVS, Authore Perillustri &  
Reuerendissimo Dño ANDREA  
ANTONIO KRZESIMO-  
WSKI Abbate B. MARIÆ  
Virginis de Copriunico Sacri Or-  
dinis Cisterciën. per vtramq; Po-  
loniam, Prussiam, ac Magnū Du-  
catum Lithuaniae Progenerali, S.  
R. M. Secretario: accuratè & di-  
ligenter

ligenter legi, qui cū nihil in se  
Orthodoxæ fidei bonisq; moribus  
dissonum contineat: quin imò sit  
verè Asceticus, ad mentem ele-  
uandam in Deum, eliciendosque  
omnium Virtutum actus, non so-  
lū Vitam Monasticam & soli-  
tariam viuentibus, verū Omni-  
bus Christi fidelibus summè pro-  
ficuus: Eapropter eundem antea  
cum Licentia Superiorum iam im-  
pressum, nunc magis auctum &  
locupletatum reimprimi, & in pu-  
blicam lucem edi, de & concedo  
facultatem. Datum Cracouiæ in  
Collegio Maiori, die 29. Ianuarij,  
Anno Domini 1693.

*Idem qui supra. m. pp.*

CA-





## CAPVT I.

### Manuductio Viatoris.

*Cui recta via proponitur ad Patriam.*

I.

Omnes, Viatores sumus &  
peregrini.

*Omnis qui ad supernam pertinet Ci-  
uitatē peregrinus est mundi, & dum  
temporali utitur vitā, in Patria  
viuit aliena. S. August.*

**S**icut omnes, quotquot nascimur, siue paupe-  
res, siue principes, mortales sumus, ita omnes  
Viatores, omnes Peregrini. Toto aberraret  
cælo, qui sibi Patriam in exilio fingeret, qui ma-  
nentem Ciuitatem in itinere somniaret. Mundus  
omnibus diuersorium est.

Vnde bene S. Bernardus: *Sancti Viri Peregrini*  
*sunt.*

sunt, & hospites in hoc seculo. Hinc reprehenditur Petrus, quod tabernaculum in morte fieri soluerit: quia Sanctus in hoc mundo tabernaculum non est. Et S. Angustinus, cuius diuiti modum pecunijs viendi præscribens, ait: Vere nummo, quem admodum Viator in hospitio, citius mensa, calice, Græco, dimissurus non permanens. Tract. 40. in Ioan.

Quia omnes peregrinamur, imitmur homines peregrinos, & Viatores. Viator seu peregrinus semper ad Patriam suspirat, ad Patriam solite tendit, vestitum & victum habens: non vult alijs onerari. Peregrino diu stare, quiescere, sedere, epulari splendide, moras hic necesse, amœnitatibus, alijsq; illi- cijs distineri non licet. Nam stultus ille Viator est (inquit S. Gregorius) qui in itinere amana præta, conspiciens, obliuiscitur ire, quæ tendebat. In Via es, ô homo, ambula & peruenias, ne te nox in Via occupet.

Idem inculcat nobis mellifluus Doctor cum dicit: Peregrinus Via regia incedit, non declinat ad dextram, neq; ad sinistram; si forte iurgantes viderit, non attendit, si iubentes aut choros ducentes, aut aliud quodlibet facientes, nihilominus transit, quia Peregrinus est, & non peruenit ad eam de salibus. Serm. 7. in Quadr.

Infelicitissimam Viator fuge viam illorum, qui mundo & mente capti, hic tibi præfigunt Patriam, hic fines vanissimos, honorum, voluptatumque eligentes, homicidam animæ suæ præponunt Christo, voluptatulam pestilentem delicijs cæli, hic ob res caducas, animam suam & æterna bona (teste S. Aug.) vendunt diabolo, accepto tanquam pretio, dulcedine temporalis voluptatis, cursumq; eheu! miserè abripiunt. O mortaliū (exclamat B. Laurent. Justin.)

lugenda



## CHRISTIANVS.

Iugenda conditio! quæ cum sit exul à patria, exul-  
tat in via!

Cum ergo vita nostra, sit breuissima in hoc  
mundo peregrinatio, (vti inclamat sapius auribus  
nostris D. Paulus ad Corinth c. 7. *Hoc itaq; dico  
fratres, tempus breue est, & quicunq; stantur hoc  
mundo, tanquam non stantur.*) omnes dies pere-  
grinationis nostræ, quos decurrimus, benè & fru-  
ctuose impendamus.

Vbi in nouissima hora, exierit è corpore spiri-  
tus, mox tibi dicetur. Tempus non erit amplius,  
vt ergo in hac vita, quæ est Phasè (Exod. 12.)  
id est transitus, sic transeamus. per bona tempora-  
lia, vt non amittamus æterna, imò vt nouissimâ ho-  
râ cum Christo transeamus ex hoc mundo ad Patrē  
sapius insonet nobis vox eiusdem Pauli: *Hora est*  
(Roman. 13.) *iama nos de somno surgere.* Habes  
in anno 12. Menses, 52. hebdomadas, 365. dies, 8.  
millia horarum & 760. in articulo illius diei, dum  
anima tua ibit in domum æternitatis, recogitabis  
omnes annos, dies, omnes horas, in amaritudine a-  
nimæ tuæ.

De Mercatore quodam legitur, (apud Gosterm.  
in domin. 21. post Pentec.) quòd dum morti proxi-  
mus sanâ adhuc mente vigeret, in præsentia testi-  
um sequens condiderit testamentum dicendo: Re-  
linquo corpus meum terræ animam uerò diabolo  
consigno, quia hæc propter iniustitias meas ad i-  
psum pertinet. Huic insuper consigno animas  
uxoris & filiarum mearum, quæ dum superbis in-  
dai voluerunt vestimentis, me còegerunt, vt ad il-  
la requisita, per fas & nefas congregarem pecunie-  
as, totum vitæ meæ tempus huic impendendo.

Coma

Commendo quoque eidem diabolo animam Confessoris mei, qui mihi absolutionem impertitus est à peccatis meis, nec tamen me ob illa unquam reprehendit, aut ad restitutionem iniquæ partorum aditrixit.

Chrysaorius ille, de quo magnus Gregorius, cum à dæmone citaretur ad reddendum flagitiosissimæ vitæ suæ rationem, magnis vociferationibus obtestari coepit, ut modicum aliquid temporis indulgerent: *Inducias usque mane.* Quid non obtulisset ad exigui temporis usuram? Non pepercisset opibus, & facultatibus suis, si tam vili, tanta res venalis fuisset; sed non potest pretio vel breue tempus emi.

Tempore nihil pretiosius, ait S. Bernardus, cuius vel horam unicam felicitati totius mundi præeligerent beati, & damnati omnes, hi ut salutem, illi ut augmentum æternæ gloriæ operari possent. Imò tam pretiosum est (attestante S. Antonino p. 2, t. 9. c. 1.) tempus, quod damnati darent omnes thesauros mundi, si haberent in potestate sua. pro habendo momento temporis, in quo possent pænitere: & euadere tantas pænas.

Vita præsens (ingemiscit S. Bernardus t. 1. ser. 13.) quam multos decipis, quæ dum cognosceris, nihil es, dum videris, ymbra es, qui te quærunt non te cognoscunt, & qui te cognoscunt, non te quærunt. Vera non est via, quam tu ostendis, fugitiua est velut somnium. Alijs ostendis te longam, ut perdas in finem, alijs largam, ut faciant quæcunque volunt.

Quanta tamen o Deus! fugientis & auolantis temporis vitæque habetur ratio. Transit inter cæpanda infantia, inter levitates & libidines adolescentia.



## CHRISTIANVS.

Teſcentia & iuuentus, inter vaniſſimas rerum cadu-  
carum curas ætas reliqua.      Præſentis diei 24.  
horas in computum voca, quot ex his ſibi rapi-  
unt ſomnus non neceſſarius, gula, otium, ludi, con-  
fabulationes.      Volat verbum irrevocabile, volat  
tempus irremeabile, nec aduertit inſipiens, quid a-  
mittat.

Vade nunc ad aulas Principum, & quid in  
illis inuenies, quàm homines nauci, qui Deum of-  
fendant, tempus perdant.      Exi in plateas, peram-  
bula vicos, & videbis ingentem errorum & vaga-  
bundorum turbam, qui amore ſuorum cadauerum  
capti ſpatientur, & ijs placere concupiſcant. O vitam  
miſerrimã! ò gentem ingrata! ò immemorem! ecquid  
cogitas? quò vadis? hac ne tu ratione te Deo ſatisfa-  
citurã arbitraris? ita ſanguinẽ Chriſti remuneraturã?

O homines inſenſati, ſequimini perfidos hæ-  
reticos, qui traduentes tempus otio, voluptatibus,  
& oblectamentis nolunt bonum operari, inquierentes:  
Chriſtus mortuus eſt pro nobis, quod ſuffiit, ſed  
in fine animaduertent:      Ecce Genio ciſo, & merces  
mecum eſt reddere unicuiq; ſecundum opera ſua.  
*Quia qui fecit te (inquit S. Aug.) ſine te, non ſal-  
uabit te ſine te.*

Totum ergo illud tempus amittitur, quod Dei  
amori eiusque obſequijs non impenditur.      Ani-  
mum etiam aduerte ad Sacros Regum libros, ubi  
Saul non niſi duobus annis regneſſe dicitur, cum  
tamen manifeſtum ſit, eum diademate coronatum  
publiceq; regem habitum, per annos omninò qua-  
draginta. Vtrumq; illud Sacer textus aſſerit, quod  
tamen conciliari non poteſt, niſi D. Gregorio aſſen-  
tiamur, quẽd cum Saul duobus tantum annis ama-  
uerit

uerit Deum, eique fideliter seruerit, reliqui regiminis nulla in Dei volumine ratio habeatur, ita ut anni triginta octo euanuerint, nobisq; insignie relictum est documentum, plures nos vitæ annos numerare non posse, quam quot benè utiliterque impendimus.

Multos etiam reperies Religiosos, qui de viginti aut triginta annis in religione traductis gloriabuntur, qui fortè nonnisi horam aut diem vnicum vixere, cum propter Deum pauca, plurima verò propter vñs suos, propter amorem proprium tepidè ignauiterque peregerint. Quæ res a Thoma Kempensi has voces extorsit: *Multis computant annos conuersionis, sed sæpe parvus est fructus emendationis.*

Pudeat meminisse illius, quod de Iacob dicitur ( Gen. 29. ) *Seruiuit Iacob pro Rachel septem annis, & tu pro Deo nec septem diebus, imò potius neq; septem horis.* Tot ergo saltem consecra dies Deo pro tua salute, quot Iacob Labano annos pro sua Rachele, Dicebat ille, *Seruiam tibi pro Rachele septem annis.* Quid tu? *Seruiam tibi & Deus pro anima mea septem diebus!* O verè sacrum septenarium! si per septem dies totum te impendas in Dei obsequium.

Illà Christi (Lucæ 9. ) ad Ierosolymam, quærimonia, sit tibi quotidiana meditandi materia. *Quia si cognouisses & tu, & quidem hac die tua, quæ tibi ad pacem.*

© Si cognosceres, quæ tibi euenient super omnem fitem incredibilia, super omnem timorem horribilia super omnem stuporem admirabilia, in arciculo illius diei, quando recoles, pauida mente & re-



## CHRISTIANVS.

7

repetes querula voce illa verba: ( Job 7. ) *dies mei transierunt!*

Ergo infigatur menti nostræ illud S. Bernardi monitum ep 23. *Nunquam iustus arbitratur se comprehendisse, nunquam dictis satis est, sed semper esurit sitisque iustitiam* Ita & si semper viueres, semper quantum in se est, iustior esse contenderes, semper de bono in melius proficere totis viribus conaretur. Non enim ad annū vel ad tempus instar mercenarii, sed æternum diuino mancipat se famulatui. Vis coronari? esto fidelis vsque ad mortem. Iustorum enim semita quasi lux splendens ( Prou. 4 ) crescit & sçz̄ ad perfectum diem.

## Affectuosæ Aspirationes.

**H**eu! ingratitude mea pessima, Optime & Benignissime Deus æternis tibi beneficijs sum obligatus, & nullo momento temporis, vt debui gratus fui. Tota vita mea, purissimum est donum tuum; omniaq; vitæ n. & n. c. m. e. n. t. a., merissima beneficia tua.

Creasti me ad imaginem & similitudinem tuam, ad gloriam tuam, & salutem meam. Conseruasti me hætenus, tantis vn uersis impensis, & Propter me omnia. Redemisti me à morte æterna, vitâ & morte Vnigeniti tui. Illuminasti me fide tua. Iustificasti me toties gratiâ tuâ indignum, Pepercisti mihi toties, damnationis reo & in ipsem salutis me reuocasti. Subdixisti tot peccandi occasionibus. Liberasti me à tormentis, quæ euenire mihi poterant. Suppeditasti mihi plurima ad salutem media. Reuelastorem te agnoui & non colui.

Vnam!

## VIATOR

Vtinam!  $\delta$  Benefactor meus, liceret ad hoc punctum, totam vitam reuocare, & quidquid neglectum est compensare! Vtinam possem redimere, & excellentissimis excelsissimæ tuæ charitatis actibus impleere omnes horas illas,  $\delta$  Deus! qui charitas, qui ignis consumens es!

O si a primo instanti vsus rationis ardentissimè summeque te amassem!  $\delta$  si nullum vitæ meæ momentum sine tui amore præterisset!  $\delta$  si liceret retrovertere annos meos & peractæ ætatis spatia amoris tui actibus replerè! Vtinam omnia, quæ cogitavi, dixi, & operatus sum, ex tui ardentissimo amore semper fuissent!

O quam serò te cognoui!  $\delta$  pulchritudo diuinæ!  $\delta$  quam serò amavi te!  $\delta$  bonitas infinita! Eheu perijt hora, perijt momentum, quo non amavi! Vtinam nulla hæcenus fuisset, nulla deinceps sit reliqua vitæ meæ actio, nulla corporis animique motio, nullum virium, sensuum, aut potentiarum mearum internarum externarumque exercitium aut functio, quæ non in quàm maximum gustum tuum, oblectationemque cesset tibi.

Hoc volo, hoc desidero, hoc intendo, & incipiendo ab hac actione, quam hoc momento ago, omnes & singulas reliquas vsque ad ultimum halitum vitæ meæ, imò per totam æternitatem, omnes inquam & singulas actiones meas, sanguine Filij tui aspersas, ac ipsius meritis vnitas, tibi per Filium tuum offerre.

Omne momentum vitæ meæ volo & opto, ac intendo, vt sit continuus amor tuus mi Deus! quo te amem, laudem, honorem, benedicam super omnia, omni possibili amore, quo te omnes amant benedicunt, ac laudant.

Seri-



## CHRISTIANVS.

3

Seruiat tibi Domine Deus meus, & ad infinities, infinities, maiorem honorem, gloriamque cedat, quidquid cogito, quidquid loquor, & quidquid totâ vitâ meâ agam, loquar, cogitabo.

Quâm pœnitet me, quòd alia extra te dilexist! O si tot hodie millena haberem corda, quot annis, mensibus, hebdomadis, diebus, horis, momentis v. xi, vt possem recompenlare amorem neglectum Dei mei: saltem ex hac hora volo & desidero, quolibet anno, mense, hebdomadâ, momento, imò per omnem aternitatem, cor meum millies millesies, Christiformiter, Marianè, offerre in holocaustum tibi.

Sit in posterum omnis respiratio mea, & potissimum vltima exhalatio mea, viuum holocaustum amoris tuo & honori tuo, altissima charitate oblatum. Scio tempus breue esse, igitur non patiar dies vitæ meæ, imò neque horas & momenta sine fructu præterire.

Amen te Deus meus, quia dignissimus es, optima bonitas, pulcherrima pulchritudo, charitas infinita. Ament demum mecum, omnes tribus, linguæ, populi. O amo! amo, amo te Deus meus totâ animâ meâ, & totis viribus meis, & ab omnibus amari volo.

Vtinam continuò eâ flamma amoris tui arderem, quâ ardent Seraphini, quâ ardet totum calum, quâ ardes tu: Vtinam possem Deus meus hoc momento, & quoad vixero omnibus momentis facere aliquid, quod tibi summè placet. Vtinam innumera millia cordium, quotquot tibi placuere, vel placere possunt ipse possiderem, vt continuò immensis tui desiderijs æquarem!

B

O mi

O mi Deus! da mihi continuum amoris tui incendium, trahere me post te, curram ad te & non deficiam. Accende ô Deus meus viam flammam beati amoris tui in medio cordis mei,

## II.

Viator, Quasi à facie Colubri fuge peccata. Eccl. 21.

**P**eccatum mortale, non tantum actu exteriori consummatum, sed sola interna deliberata, aduertente ad grauem Dei offensam, adeoque voluntaria cogitatione, delectatione, vel assensu, Commissum importat, ingrata, iniuriosa, impudente, periuram, perfidam & sacrilegam auersionem, & conuersionem à Christo ad Antichristum, ab æterno Patre omnium Conditor, ad Sathanam orbis exterminatorem.

Nam peccatum est offensa & contemptus Dei summi boni. Est deinde sanguinis Christi conculcatio, & ad instar rei immundæ reputatio, quia peccans proicit animam tinctam sanguine Christi in cænum peccati. Est rebellis creatura contra Supremum Principem, imò voluntas perdendi Deum si perdi posset eumque perimendi quidam conatus, quo (vt ait S. Bernardus) homo peccando vult interimere aut Sapientiam Dei, Solendo ne suum peccatum videat, aut iustitiam Solendo ne puniat, aut omnipotentiam, Solendo ne possit punire, adeoque peccatum est quoddam in voto Deicidium, quo vult interimere Deum qui sine sapientia & iustitia esse non potest.

Hinc Spiritus S. testatur Prou 18. quod *impie-  
cum*



*sum in profundum Generis contemnit.* Vbi quia indefinite dictum est contemnit, voluit idem Spiritus indicare, peccatorem actu mortaliter peccantem, omnia excogitabilia in cœlo & in terra, & sub terra, creata & increata (præter sui criminis obiectum) contemnere, diuina & humana, cœlestia & inferna. Videlicet tremendam SS. Trinitatis potestatem, Iesu Christi Saluatoris sui vulnera, passionem, mortem, & sanguinem, Angelorû custodiam, Sanctorum intercessionem, Ecclesiæ triumphantis gloriam, militantis suffragia.

O Deus! quis non timebit quasi à facie Colubri fugere peccatum? quod simul ac semel tot pulcherrimorum spirituum milliones tam infanda fuligine tinxit, & transformauit in turpissima monstra, quibus nec tota natura creata, nec humanum vel Angelicum ingenium, aliquid fædius aut horribilius concipere, vel exprimere valeat.

Vnde non immeritò S. Ioan. Chrisos. hom. 28. in Epistol. ad Rom. peccatum appellauit magnum dæmonem, dæmonem voluntarium dæmone maius, animamquæ hominis per peccatum conuerit in dæmonem non quidem substantiâ sed voluntate. S. Catharina Senensis peccatorem vocat, diabolum incarnatum.

Ea nimirum obstupescenda, quæ in vita B. Catharinæ Genuensis leguntur apud Lancie opus. 26 n. 7. Certum habeo inquit illa, quod si quis cerneret quàm enorme unum tantum peccatum sit, potius eligeret, animâ & corpore in succensa fornace viuus consistere, quàm in se peccatum tolerare. Et si vniuersum mare ignis esset, ad effugiendum peccatum sese in medium eius usq; ad fundum demergeret.

Eadem Virgo ostensâ libi cœlitûs ad vnicum temporis momentum minimæ actionis Deo displicentis, quasi vmbatili deformitate ac turpitudine, adeo fuit consternata, vt in has voces proruperit: si hæc sola obscura visio, quæ nonnisi momentanea fuit, diutius durasset, licet corpus habuissem prorsus adamantinum, interissem.

S. Catharina Senensis impudicæ secum loquentis mulieris foetorem non tolerans, nares obturauit: suo verò confessori Raimundo casum hunc admiranti, dixit, se, nî hoc fecisset, præ animæ illius fœtore vomituram. Surius in vita.

Legitur de quadam Virgine ( vt testatur S. Antonin. p. 4. t. 14. ) quæ diu castè vixerat, & cum instigaretur à diabolo de luxuria ad experiendam delectationem eius maximam, & quidam etiam viuens honestè nimis familiariter cum ea conuersaretur, etiam tentatus est ad similem actum. Demum victi à diabolo, commixti sunt simul. Quâ delectatione expertâ ad tantam amaritudinem deuenit, quòd virginitatem amisisset, propter vilem & turpem & momentaneam delectationem, vt præ amaritudine mortua sit.

Hinc S. Anselmus Archipræsul Cantuar. non dubitauit, sequentia verba, tum voce, tum scripto posteritati notificare & peccatorum cordibus insculpere: *Si hic peccati pudorem & illic terrorem inferni horrorem, & necessario vni illorum deberem immergi, prius me in infernum mergerem, quam peccatum in me committerem, mallem enim purus a peccato, & innocens gehennam introire, quam peccati sorde pollutus calorum regna tenere.*

Sanctus quidam Eremita miraculis clarus, & in  
dæmo-



dæmones potens, ne vanâ gloriâ elatus Deum offenderet, ab eodem postulauit impetrauitq; , vt ipse à dæmone possideretur. Ita Viro Sancto peccatum erat ipso dæmone formidabilius. Surius 8. Ian.

Refert S. Hieronymus in vita S. Pauli Eremitæ, quòd cum Decius persecutor Ecclesiæ grauissimè excrucia- ret Christianos, Iuuenem quendam uti callidus hostis occidere nitebatur, quem iuuenili ætate florentem in amænissimos hortulos adduci præcepit, & super stratum plumis lectulum resupinari iussit: & ne inde se excutere posset blandis serico nexibus irretitum, relinqui. Quò, cum recedentibus cunctis meretrix speciosa venisset, caput delicatis stringere colla complexibus. Quid ageret miles Christi, quò se conuerteret nesciebat. Et quem tormenta non vicerant, superaret voluptas: tandem coeli us inspiratus, præcisam mordicus linguam in osculantis se faciem expuit, sic libidinis sensum succedens doloris magnitudo superauit.

Cum ergo te appetitus (vni nos S. Basilii magnus adhortatur) inuaserit peccandi, *Velim cogites horribile illud & intollerabile Christi tribunal, in quo præsidebit Iudex in alto & excelso throno. Ad hæc cogites profundum barathrum, inexplicabiles tenebras.* Habitatio reproborum paucis describitur à misero eiusdem loci incola diuite Epulone Luc. 16. Est locus tormentorum.

Deinde cum in periculo versaris peccandi, illud bene scias ac consideres, quia peccatum mortale tuis viribus committere potes, sed tuis uiribus dele- re non potes, supernaturali auxilio opus est. Nam ad talem peccati detestationem, eiusque tam perfectum odium: sicut perfectum Dei amorem, vires naturæ nullo modo sufficiunt.

Opus est spiritus sancti gratiâ, quâ illustretur intellectus ad peccati malitiam benè apprehendendum, (iuxta illud Ierem. 31. *Postquam conuersisti me, egi penitentiam, & postquam ostendisti mihi, percussisti femur meum confusus sum & erubui*) & voluntas excitetur & adiuuetur ad tantum malum dignè odio habendum.

Etsi verum est (quod docet S. Thomas 1. 2. q. 113. 2. 9.) quòd iustificatio impij aut conuersio peccatoris, non solum sit opus gratiæ excitantis & adiutantis infirmitatem voluntatis humanæ, sed inter omnia Dei opera maximum & excellentissimum, & maius sit conuertere impium, quàm creare cælum & terram (qui enim solo verbo creauit cælum & terram, ad delendum peccatum, & conuertendum impium fecit potentiam in brachio suo, nec solum potentiam, sed & misericordiam suam infinitam adhibere debuit, neq; solo verbo vsus, sed ipsum Verbum caro fieri debuit, quod & multa dixit, & multa fecit, & multa indignissima tulit, vt perditus quæreretur, & inuentus iustificaretur) si itaq; tanta res sit conuersio peccatoris, quæ sit per actum contritionis, profecto solus homo ad hoc non sufficit.

Sicut aliquis catenis ferreis constrictus, non se ipsum liberare potest, nec cæcus natus se ipsum illuminare, sed solus ille, qui solvit compeditos & illuminat cæcos. Hæc est enim voluntatis humanæ natura, vt dicit S. August. *Vt ad malum prior quidem sit, ad bonum vero eius, siue & eam faceret, quæ nulla erat, siue & reficeret quæ lapsa erat, Creatoris eius.*

Ex his ergo motiuis Viator tanquam a facie Colubri fuge peccatum, nam cum gulas paululum mellis,



## CHRISTIANVS

15

mellis, time ne postea cogaris absorbere Oceanum  
fellis, ac time ne pro vnica gutta consolationis, ac-  
cipias mare ærurnarum, & æternæ plorationis.  
B. Polycarpus ait Herodi Proconsuli rogamini-  
tanti. Octoginta & sex annos seruiui Christo, &  
in nullo me læsit vnquam, quomodo ei maledi-  
cam? eum lædam? Euseb. l. 4. O Viator nemo ti-  
bi rogaminiatur, guttula mellis duntaxat pro-  
ponitur, & Deo tanto benefactori maledicis. Au-  
di S. Cyprianum de duplici martyrio ad Fortuna-  
tum. Tam vili mercedula sollicitatus spontè defici-  
ad eum, à cuius tyrannide te Christus suo sangui-  
ne redemit? cuius Sacramentis es initiatus.

Idem diabolum Christo & peccatori in die iu-  
dicij sic insultantem introducit. Ego pro istis quos  
mecum vides, nec alapas accepi, nec flagella susti-  
nui, nec crucem pertuli, nec sanguinem fudi, nec  
regnum cæleste illis promisi, & tamen vsq; ad las-  
situdinem multam, mihi in via iniquitatis seruierunt,  
pro vna voluptatula carnem titillante, me audie-  
runt, nonne ergo iustum est, Vt in eandem sortem  
descendant?

### *Affectus animi contriti.*

**E**heu! peccaui peccatum maximum! contremiscite  
omnes artus mei ad immane & horrificum hoc  
nomen, peccaui contra Deum Creatorem & Pa-  
trem meum, rem commisi, (ô non commissem)  
commisi inquam rem adeò admirabilem, quam in-  
finito odio & detestatione persequitur Deus. Quid  
aliud possim velle, quàm lachrymas, gemitus, eiula-  
tus, dolorem, pænitudinem,

Deus

Deus ipse tamen si mutabilitatis expertus ac beatus, ad quem accedere malum non potest, tamen peccati super terram malitiam intuitus, quasi cum acerbo sensu ac gemitu tactum se dolore cordis intrinsecus faretur, & proclamat, atq; opera ipse sua damnat; infectaq; vult esse: Pœnitet inquit me fecisse hominem. & cum lacrymari per se ipse non possit, cælum quodammodo substituit, vt ploratu & lacrymis, hominum scelere prouocatis, terrarum orbem, totis laxatis, & effusis imbrium habenis, totis cataractis apertis, etiam cum rerum creaturarum interitu, inundet atq; obruat.

Quis etiam dabit capiti meo aquas & oculis meis fontem lacrymarum? & plorabo die ac nocte. O quam congruentes! quam optabiles mihi sunt lacrymæ! O quis mihi det vt sit magna velut mare contritio mea, ex quo lacrymarum flumina exeant! & in illud intrent, vt iterum ac perenniter fluant.

Peccaui, miserum me! & peccatis meis Deo, Deo inquam, Deo ( & ausim ego abominatio & execramentum, nomen illud sanctum & ineffabile pronuntiare? ) summo illi & æterno ac infinito Numini me hostem, plus quam bello indicto constitui, Maiestatem illam increatam violauit & spreui, illam Bonitatem, quæ sola bonitas est, illam amabilitatem offendi! Multiplicatæ sunt iniquitates meæ super capillos capitis mei, & super numerum arenæ maris supergressæ sunt caput meum.

Vix inter homines homo ( si tamen homo & non brutum aut bruto intensatior ) comparui, vix libertatis arbitrio vti, cum ferè simul eo abuti cœpi, & Dei mandato ac voluntati, idq; penè continenter in singulos non modo annos, & menses, sed etiam



etiam dies ac propè horas aduersari, quasi idcirco in hanc lucem prodixissem, vt Deum mihi aduersarium, contra quem agerem, proponerem, ad quem amandum laudandumq; conditus eram! Proh dolor! vix bene discretionis annos attigi, & iam primo ætatis illo vere, vitâ planè lacteâ tot pænales actus exercui, multiplices numero, vno alios atq; alios peiores.

Porro quid dicam de annis maturioribus vsq; ad hodiernum? nihil omnino intactum reliqui, quod non mouerem in Tui offensam, ah! quoties deliberatam! Dies diei, momenta momentis tradebant malitiam meam, contabescebam in fece peccatorum, & vulnera mea non sensi, multiplicatæ sunt iniquitates meæ super arenam maris, & tamen me securum reputavi.

Quæ? quot? & quales in districtum iudicium tuum venient cogitationes, dicta, & actus mei, contra legem tuam, debitam vrgentia vindictam! Aderunt ex aduerso tot gratiæ tuæ propè infinitè neglectæ, si non contemptæ, tot instinctus, tot diuini pulsus, cordis mei dilati, vel reiecti.

O quàm bonum erat mihi si natus non fuisset! & vt quid etiam nū viuo? aut moriendū mihi dolore, aut vivendū dolori est. O dolor! ô amara, & ô amata lacrymæ singultibus intermixta, vos ego vos solas volo, obruite me, & mergite, replete me amaritudinibus. Vos ô lacrymæ este mihi panes die ac nocte, Vobiscum ô lacrymæ potum meum miscebo, potum expressum ex vna fellic & botro amarissimo. Vobis lauabo per singulas noctes lectum meum, vobis stratum meum rigabo.

O vos imbres, siue qui olim cataclismo mundum

sum obruistis, siue qui etiamnum in terras perpetim caditis, aut casuri aliquando estis, non iam è nubibus posthac vos abruppire, sed ex oculis meis omnes decidere. O flumina! ô fontes! ne ex mari deinceps, sed ex oculis meis originem multò vtiq; instiorem lucire. O maria omnia & abyssi magnæ! ô collectiones omnes aquarum! in meo vobis pectore, in meo capite colligite, & per hos infelices oculos exite! His demum lacrymis, his vndis mergatur mundus, his, si ita vult mecum intereat, neq; ille mihi, neq; ille mihi superstes.

Quanquam quid hæ lacrymæ? quid hi gemitus? quid hi dolores criminibus meis eluendis expiandisque sunt? si mille mundos flatibus meis operiam, ne vnicum quidem abluam aut abstergam scelus.

Heu me mi Iesu! quænam potest esse abyssus doloris, ut in eam me conijciam? quæ possibilis animi acerbitas, ut sufficiat sceleri meo? O inferni tignes & flammarum vortices, frigidi etiam vos estis ad mea vrenda scelera! O quantò melius fecissem, si prius quàm peccassem, in vos potius sine peccato cum D. Anselmo insilire voluissem.

Ergo deprehensus coram te, in delicto meo & opertus velut diploide confusione mea, pronus in terram, & procumbens in faciem meam, hoc vnum ore confuso, oculis lacrymantibus, spiritu contrito & humiliato, hoc inquam vnum inlamo: Pater! ô Pater! Ergonè te patrem voco? ita est, tu Pater, sed ego non filius, ô Pater mi! & plus quàm Pater! ô Pater peccaui in cælum & coram te, peccaui in omnem iustitiam tuam, iam non sum dignus vocari créatura tua, fac de me quod vis, tantum dele iniquitatem meam, & à peccato meo munda me.

Merceor



Mereor equidem, mereor repellī à te, & in mortem, ac omnia mala detrudi, sed tu moriens pro me expandis brachia, & manus tuas ad me quantūvis contradicentem, & aduersantem tibi, vt dulcissimè amplexeris & stringas me, imò & caput tuum inclinas siue vt suauissima mihi oscula figas, melle dulcissimi cordis & amoris tui illita, siue vt hæc postrema verba mihi moriens in aurem insusurres: En morior amore tui, tu vicissim ama me!

O amo! amo, amo te totā animā meā, & totis viribus meis mi Deus! O pœnitet pœnitet me, pœnitebitq; semper! ô doleo iterumq; doleo, & si possem infinito dolore dolerem. O si quod faciam est, possem infectum reddere! ô si tempus præteritum reuocare!

O millies iterumq; millies doleo, neq; saliam ob causam doleo, quā quia te offendi, summum Bonum, adeoq; mi Deus, si scirem quod annihilare me velles, aut ad æternas pœnas detrudere, dolerem etiam de peccatis ob eius amorem Propono cum gratia tua omnia in posterum subire mala potius, & millies mori, quā tibi peccare.

*Actus breuiores Pœnitentis.*

**D**omine qui es summum bonum meum, quā longè per peccatum recessi à te, & habito in regione hac longinqua miseriarum, vbi perdi di me, indignus planè quem terra sustineat. Misere mei & salua me.

Deus tu scis insipientiam meam, & delicta mea à te non sunt abscondita. Delicta iuuentutis meæ & ignorantias meas ne memineris Domine, Deus propitiuss esto mihi peccatori. Iesu Fili Dei viui misere-

rere mei. Ablue me Domine sanguine tuo, sana me vulneribus tuis.

Hic vre Domine hic seca, vt in æternum parcas, hic me castiga, & noli in futurum referuare mala mea, Domine ne in furore tuo arguas me, neque in ira tua corripas me. Non intres in iudicium cum seruo tuo Domine, quia non iustificabitur in conspectu tuo omnis viuens.

Verè, verè, agnosco commissâ mea, & pavesco, ne me proijcias ô Deus meus! vt iratus Pater à facie tua, neq; me tantis meis enormibus malis irritatus hereditate cælesti priues, & velut inutile terræ pondus, imò diaboli mancipium æternam tradas ad pœnam. sed parce pijsime Saluator, qui latronem in cruce exaudisti, & Petrum lacrymantem ac Magdalenam pœnitentem suscepisti.

O Deus meus! amo te amo! & ideo doleo quòd te offenderim Deus meus! amo, amo, amo te ex toto corde meo, ex tota mente mea, & ex omnibus viribus meis. Et ideo doleo, doleo ex toto corde meo, ex tota anima mea, ex totis viribus meis de omnibus, de omnibus etiam occultis peccatis meis.

Amo & ideo doleo, & doleo quòd non magis amem, doleo, quòd non magis doleam, amo & desidero plus amare. doleo & desidero plus dolere, ô Deus amoris Deus doloris, & desiderij mei, sine me aut amore aut dolore, aut potius vtroq; abrumpi & mori.

O quantum hoc esset mihi bonum, vel hoc exiguo modulo, compensare quadantenus amorem tuum, & indulgere dolori meo. Famula tua Theressia ex amoris erga te vehementia mortua est. O invidenda beatitas! ô mors optabilis & beata! Altera, iudem



dem magna serua tua Magdalena de Pazzis amanti te animæ dicebat martyrium esse quoddam, quod videat te à se, non tantum amari, quantum amandus es.

Quale igitur martyrium & omni acerbius morte tormentum esse debet mihi, qui sic te amabilem, quemq; nunc prout possum amo, non modo non amaui, sed offendi, sed spreui, sed occidi?

*Formula propositi emendationis.*

**R** Egressus sum ô amantissime Iesu, sicut filius prodigus ad brachia & amplexus tuæ bonitatis, ah miserum me! quæ nubes tam densa affectus deprauati efficere potuit, vt non viderem & amarem te, Solem veritatis? Cæcus fui, cum te offendi, & amavi cecitatem meam.

O infelix tempus in quo te non cognoui? ô misera cæcitas, in qua te non vidi! ô nefanda surditas in qua non audiui voces tuas! ô durum & insatiatum cor, quod se immiscuit pulchritudini & amor corruptibili tuarum creaturarum, te deserens, qui es pulchritudo, & bonitas æterna!

Sed ô bonitas infinita, tu mihi oculos aperuisti vt agnoscerem & horrerem peccata mea cuncta propter te, vt cognoscerem & amarem te super omnia, serò quidem te amaui amor æterne, melius tamen est serò quam nunquam, faciam quod nunquam feci, exhibebo me ex tota anima tibi gratum.

Procul hinc esto vita vetus, procul profanæ delitiæ, procul honores vani, procul omne peccatum. Nunquam ô mi Deus amplius recedam ab amicitia & gratia tua, nunquam per vllum peccatum elongabor à te,

Si

Si vis mi Deus! potes me ita mundare, vt te non offendam amplius, dic mihi obsecro, quod dixisti olim leproso, volo mundare, dic mihi quod dixisti Paralytico; Ecce sanus factus es iam noli amplius peccare. Ita propono, ita profiteor, & protestor coram tua Diuina Maiestate, coram Beata V. Maria, & tota cœlesti curia, nolo amplius peccare. in æternum non peccabo, cum gratia tua.

Ne quæso finas Domine Iesu, & tu Sanctissima Mater, vt in posterum tam immani scelere me obstringam. Voluntate libenti præligo infernum, & omnium dæmonum ac damnatorum etiam possibilem cruciatus, cum gratia tua mi Deus! quàm cælum cum omni sua amœnitate, iucunditate, delicijs existendo in peccato.

## III.

Via recta ad Cælum Via Crucis.

*Per quam viam ascendemus? 4. Reg 3.*

**M**aximus ille & amabilissimus Gigas, paratus ad currendam cœlestem viam, duas commemorat vias, quibus Viatores tendunt ad felicem vel infelicem terminum. *Spatiosa* (inquit Mat. 7.) *Via est, quæ ducit ad perditionem, & multi sunt, qui intrant per eam. Arcta Via est, quæ ducit ad vitam & pauci sunt, qui inueniunt eam.*

Spatiosa via, quâ currunt cæco impetu homines reprobi, quorum Deus venter est, qui ducunt in bonis dies suos, & eheu! in puncto honoris in momento lætitiæ, in exultationis exiguo fluxu ad inferna descendunt, est plenissima omni fraude & dolo, plena reptilibus ac bestijs omnium scelerum,  
nimi-



nimirum auaritiæ, luxuriæ, odij, superbiæ. Per hanc viam, mundus mercator perduellis, suis spargit misera solatia, fallaces spes, breuem vilemq; fortunam, quæ vix afficit, & deficit, vix proficit & proijcit, vix exponit & deponit, vix concedit & recedit.

Omissâ hoc loco spatiosâ ac periculosâ viâ in omni pio statu ac professione, non tantum scilicet Religiosorum, sed etiam cuiuscunque conditionis sæcularium, arcta viâ est eligenda, nimirum viâ crucis, quia in genere omnibus dictum est: *Per multas tribulationes oportet nos intrare in regnum DEI.* Deinde, *Regnum calorum vim patitur, & violenti rapiunt illud.* Non vinolenti, non somno, gulæ, luxuriæ, aut deliciis dediti. Frustra existimamus obtineri cælum posse, nihil patiendo, & carni indulgendo, quidquid illa appetit. *Impossibile est* (inquit S. Hieronymus) *ut presentibus quis & futuris fruatur bonis, et hic ventrem, & ibi mentem expleat, et à deliciis transcat ad delicias.*

Hâc viâ Dux & Antesignanus noster Christus præiit. Primus ille crucem baiulauit, primus passus est, nobis relinquens exemplum, vt sequamur vestigia eius. Neq; tantum passus fuit ad finem vitæ suæ, quando fuit crudelissimè cæsus, spinis coronatus, & cruci affixus, sed ab instanti suæ Incarnationis, tota ipsius vita fuit passio, fuit continua Crux.

Post Christum Ducem nostrum transferunt hâc viâ Crucis & Virgines, transferunt Martyres, transferunt pueri & puellæ. Tu solus hâc viâ Crucis ire renues? Christus portauit spinas, tu vis te blandis rosis coronare? innocentissima Christi caro tam diris cruciatibus lacerata est amore tui, tu Dei amore non vis carnem tuam rebellem, nisi indulgenter tractare?

Deum

Deum seriò amare, est vnicum compendium, ne commoda nostra quæramus, vt secundùm Deum non secundùm nos viuamus. D. Prosper. de vita Contempl. l. 3. c. 1. hæc omnia scire ita complectitur depingens hominem suis commodis inhiantem: secundùm se ipsum viuit, qui si potuerit est eum quibus vult, pergit quò vult, dormit quando & quamdiu vult, loquitur quæ vult & ubi vult, manducat & bibit, quando & quod vult. Qui autem secundùm Deum viuit, non quod eum carnaliter delectat, sed quod ædificat spiritualiter facit, & omnia desideria carnis spiritualis desiderij delectatione compescit. futura præsentibus antepōnit, carnem spiritui subdit.

Indulgenter tractare carnem est illam immortaliter odisse, ac ad æternum, quod cruciat ducere per momentaneum, quod delectat. Vnde S. Bernar. (epist. 2.) Commoditates, porcorum siliquas vocat, quæ cælestium famem extinguunt. Quomodo potest inquit esurire vel sitire Christum, plenus quotidie siliquis porcorum? Quomodo ignis & aqua simul esse non possunt, ita spirituales & carnales deliciae. Verè ait aureus ille Asceta Thom. de Kem. l. c. 24. *Nos ipsos decipimus per inordinatum amorem, quem ad carnem habemus.* Quanto amplius tibi ipsi nunc parcis, & carnem sequeris, tanto durius postea pœnas lues, & maiorem materiam comburendi reseruas.

Vnde Hosius Cordobensis Episcopus ex mente S. Hilarij se perdidit; quòd sepulchri sui nimium amans fuerit, id est nimis corpus suum coluerit, totque cum illo alij æternum perire, quòd carnem suam luxu eduliorum, & vestium, alijsq; sensuum deli-



delicijs & voluptatibus nimium indulgenter habuerint, cum obsequi D. Paulo debuissent dicenti 2. Cor. 4) *semper mortificationem Iesu in corpore nostro circumferentes, Et Iesus manifestetur in corporibus nostris.*

Multi etiam sunt alij filij tenebrarum, qui carnem suam suauiantur vt filiolam, qui iugiter & moliter fouent, qui rectâ in Epuri hortulos & delicatæ inertix umbrâ feruntur. Et illâ nimia corporis curâ fit, vt homines toti pulpæ fiat, & tanquam sues, non animam habere alia de causâ videantur, quàm ne caro & pinguedo putrescat. Illi nihil sapiunt, altum, nihil cogitant diuinum, nunquam se humo attollunt, mens omnis & cogitatio apothecæ cancellis definitur, donec vita finiatur.

Diogenes vno in dolio cubabat, illi totos dies peregrinantur inter dolia & ollas, totas noctes voluntantur inter plumas & rosas, animus totus est in patinis & potius in paropside quàm in obside, pius in foro quàm in choro, pius in macello, quàm in sacello, deniq; in cæno, quàm in cælo.

Quam tu delicatus es miles, si speras te posse sine pugna vincere, sine certamine triumphare. Stat sanguine palma, dolore lætitia emitur, sola in Christi caltris patientia coronatur. *Nisi granum (rumen) cadens in terram mortuum fuerit, ipsum solum manet.* Silex nisi inter verbera non scintillat, aurum nisi ab igne non lucet, adamas nisi sectus, atq; detritus non fulget.

Crux ergo seu mortificatio est arcta via, per quam cælum ingredi contendamus. Qui verò C ucem seu quancunq; mortificationem fugit in quocunq; statu, fugit viam arctam, semitam salutis, & incidit in vias difficiles.

Duplicem verò communiter Ascetæ assignant mortificationem, nimirum continuam, & discretam seu discontinuam. B. Albertus magnus (Paradisus animæ c. 38.) macerationis seu mortificationis continuæ actiones has ponit. Primò, sponte castigare corpus ieiunijs, vigilijs, humicubationibus, orationibus, cilicijs, disciplinis, abstinentiâ cibi & potûs delectabilis, ut in omnibus caro spiritui subiaceat. Secundo carni nullam voluptatem, sed solum necessitatem impendere. Tertiò non tantum ventrem, & os suum coercere à cibi & potûs voluptate, sed & linguam compescere à verbis illicitis: & tactum refrenare à delectationibus, & cor à cogitationibus & affectionibus voluptuosis.

*Continuam mortificationem suadent nobis auctoritates & exempla.*

**S** Paulus monet: semper mortificationem in corpore nostro circumferentes. Et de se ipso alijsq; ait. Propter te mortificamur totâ die, non habuit requiem caro nostra. Et S. Bernardus suadet ad Fratres de monte Dei scribens, *Semper exhibere corpus suum hostiam Deo placentem.* Hanc hostiam per continuam mortificationem Deo amor sacerdos immolat, quando corpus ieiunio, somno parco, cilicio, flagris, duro inter orandum, vel lecto, situ, alijsq; actibus, affligat.

In vitis Patrum in ea regula, quam Angelus dedit Pachomio Macarij successori de mortificatione, ita præscribit Deus per Angelum: *Corpora vestra affligatis per omnia, quia hæc est delectatio bonorum operum, orantes semper ac ieiunantes, Et possimus scaturientium demonum superare naturam.*

Hoc



Hoc incitamento mouet filios suos magnus ille mortificationis vrgendæ Author S. Franciscus de Paula sic scribens opus. c. 7. *Mortificate membra vestra, saluari penitentiâ, quia taliter immanes eritis, ne in laqueos & tentationes sathana cadatis, qui nisi pigros, nescit vincere.*

Primum exemplum continuæ mortificationis seu crucis accipe in B. Virgine, de ea scribit Gregorius Turonensis, quod ex quo templum ingressa est, semper sit vsa cilicio, somnus illi super nuda humo, vel duris tabulis, parcissimus fuerit.

De S. Bernardo in uita ipsius legitur: Beatus Bernardus in afflictione corporis sui vsq; adeo sibi mundum, seq; mundo reddidit crucifixum, vt confisamur Martyrum quoq; eum merita obtinere sanctorum, quem confessionis ordine, & parsimoniâ vitæ tam longum constat duxisse martyrium.

Scribitur de Iuditha l. 4. quia habens super lumbos suos cilicium, ieiunabat omnibus diebus vita sua præter festa domus Israël.

Ioannes Rhod de magna virgine Ioanna à S. Cruce refert, quâ se industriâ cruciauit: ait illam ingenti cruci adhaesisse, apprehensiq; prominentibus e stipite clauis, diductis latè brachijs diu pependisse suspensam, ac volutatam fuisse inter spinas à flagris iam ante cruentatam.

Aiunt S. Ludouicum Galliz Regem, si quando Confessarij iussu consuetum cilicium deponebat, ob valerudinem afflictam ad tempus, eo die concessam hanc ut ipse dicebat, corpori suo indulgentiam, erogatis quadraginta scutis in pauperes redemisse.

Robertus Galliarum Rex, quintâ cuiusuis hebdomadis feriâ, vestem regiam exuebat, & cilicio ad

carnem coopertus centum sexaginta pauperum pedes abluebat, ac prolixo suo capillo tergebat, Lyraus 1. 2. c. 3.

S. Paula etiam in gravissima febris, mollia lectuli strata non habuit, sed super durissimam humum stratis ciliciosis quiescebat. de ea S. Chris. ep. 108.

Lectus S. Martini erat nuda humus.

**T**iberius Bisiniani Princeps sæpius non nisi pane vescabatur, aquam bibebat, ferreâ catenâ collo circumdatâ, quâ se Deiparæ mancipium testabatur,

Gratum sibi esse S. Edmundi nostri cilicium ostendit Deus, quando illud ab igne servavit intactum. Dum enim eius cubicularius (inquit Surius) cilicium & femoralia cilicina quæ usu diuturno contriverat, ab eo comburenda accepit, & ille quidem misit ea in ignem, sed ignis lambens ea consumere non potuit, tanquam vereretur sacrilegij notam sibi innotum iri, si læderet ea, quæ beati viri carnem attigissent.

S. Eligius de sua prædestinatione anxius animi, hanc sibi vocem (nempe dæmonis instinctu) audire videbatur: Quidquid agis inutile est: calurus es, quia de numero es reproborum. At ille in consuetâ mortificationis exercitatione pergebat. Et verò inter cilicina lintea orantem noctu vox è cælo lapsa recreavit: securus es, si ita ad finem perseveraveris.

S. Theresia post obitum cuidam apparens dixit: Si qua ex causa vellem carere beatitudine tantisper, certe ut amplius pati possem, cuius nunc tantam mercedem in calis video.

Eidem Sanctæ notus à dira & varia corporis afflictione



fictione S. Petrus de Alcanrara post mortem apparuit, ac latus dixit: O felix pænitentia, quæ tantum mihi promeruit gloriam!

S. Agapitus arduas prunas capiti impositas sentiens, sic se animabat: Age anime mi, ne graue putet, si modò caput ignem ferat, quod paulò post coronâ redimitum immortalitatis, æternû triumphabit.

Abbas Olympius aliquando interrogatus, qualiter speluncæ suæ inhabitare posset angustias, & excessivos supportare calores, præter apû, muscarum, & culicum sanguinem continuò elicientiû morsus & puncturas? Respondit, culices sustineo, quia vermem timeo immortalem, flocci facio calorem, quia ignem pertimesco æternum. Hæ afflictiones finem habebunt non illæ. S. Climacus in scala paradisi.

Altera mortificatio est discreta seu discontinua, quam in varijs actionibus totius diei & in omni occasione possumus facere, videlicet in sensibus externis, & internis, in potentij tribus animæ, in linguæ usu, in prauis consuetudinibus, in mortificatione honoris, amoris proprii.

*Ita dum egrederis in publicum, oculorum cohibe curiositatem: ne aspice quod desiderare non licet, visum modestum & depressum gere.* Magdalena Redonia tertij Ordinis S. Dominici professâ per Urbem incedens, nihil præter filices & lutum intuebatur. Vidit aliquando S. Mechtildis, dum in festo S. Ioan. Euang. sacris interesset, B. Virginem & hunc S. Apostolum illustrem radio splendoris admirabili, qui ex oculis emicans, in faciem Deiparæ dirigebatur, dumq; hæret isto prodigio attonita, audit à Ioanne, illum dum intra mortales uiueret, eâ

fuisse erga Virginem Matrem reuerentiâ, vt defigere in illam oculos nunquam fuerit ausus.

Cum S. Franciscus in quodam domicilio propè Assisium valde stricto cum fratribus suis moram traheret, accidit vt Romæ coronandus Imperator Otto cum magna pompa illac transiret. At Vir sanctus cum secus viam maneret nec ipse, nec aliquis fratrum saltem aspicere de tugurio voluit, præter vnum ex ipsis, qui gloriam huiusmodi modicum duraturam Imperatori constanter nunciari præcepit. Manip. ex. v. visus.

*Offert se aliqua curiositatis occasio?* adhibe mortificationem. S. Carolus Boromæus nunquam per vllam fenestram prospiciebat. Pia Magdalena Redonia, quando ad eam sinj literæ deferebantur, ad tres quatuorue dies tenebat obsignatas, tum vt curiositatem suam frænaret, tum vt temeritatem affectus materni compesceret.

*Aliquis te Verbo, repulsâ, contemptu, aut alia ratione offendit, optima adest te mortificandi occasio.* Argumento est illa historia, quam sanctus Bernardus de maledica muliere posteris reliquit. Pessima hæc affueta quibus suis obtrectare, ausa est aliquando in publica plurium corona calumniari S. Malachiam Episcopum, & præsentem iniurijs petere, caluū hypocritarum, alijsq; probrosis nominibus compellans. At ille nil respondit (inquit S. Bern.) quia misis erat. & Verendum.

*Versaris in periculo, Violanti silentij, aut regulæ alicuius, aut præstantiæ iniurijs & otiose vrbانيتis?* Generoso recessu & mortificatione declina. Me moriæ prædicitum est de Ioanna Celsa Attrebatensi Religiosa, quod raro ad locum congressus seu colloquij



loquij veniret, ne vnquam nisi de rebus necessarijs loqueretur. Vnde ab alijs quibusdā sororibus maiori licentiæ deditis, soror syuestris appellata est, sed illa tali conuitio immobilis a sua consuetudine non recessit.

*Cibum sumis?* etiam hic in quo franges appetitum tuum inuenies, siue a qualitate ciborum siue quantitate Nunquam sine aliqua victoria recedendum est. Franciscus Arias attert è B. Petro Card. Damiani, Abbatem, qui allatum sibi piscem, cuius edendi desiderio tenebatur, cum pauper ad portam peteret sibi pro eleemosyna dari id quod Abbati appositum est, audito eo, illi vnā cum scutella misisse pro eleemosyna, vt seipsum mortificaret, seu per uinceret, pauperem autem, vnā cum accepta scutella in conspectu plurium è terra sublatum in cælum.

*Dum grauitèr à carne, mundo, & diabolo tentaris,* generoso animo recede, eligas cum S. Casimiro milles mori quàm fœdari & in DEVM tuum peccare. Refert Iacobus de Vitriaco, sanctimonialem quandam pulchram fuisse facie, quam Princeps diues & potens, (in cuius potestate fundatum erat Monasterium) concupuit, & cum nec precibus nec muneribus eam sibi vsurpare posset, mandauit per nuntios Abbatissæ, vt vnum ex duobus eligeret, aut scilicet Monialem, illam sibi corrumpendam transmitteret, aut ipse totum Monasterium ignibus succenderet. Terretur vehemèter Abbatissa, vtpotè quæ sciret, quoniā nisi quæ desiderabat obtineret, faceret peiora quàm dixerat. Pauida igitur Moniali illi tantæ, Regis edictū crude denūciat. Quæ tremēs & dolens capit inquirere, cur eam præ cæteris Monialib⁹ sic amaret, audiuit ex nuntijs: propter pulchritudinem.

inquirunt oculorum tuorum in te ardenti amore succenius est. Exhilarata illa, atque segregata parum à cæteris, ambos sibi oculos præ crudelitæ euulsit, atq; componens in dilecto præsentauit ministris Principis dicens: Ite & Principi uestro hæc præsentate ex uel, ei dicentes: Ecce sagitta, quæ cor tuum importuno ardore confoderant. Habes quod desiderasti, nunc exsere pro libitu atq; oculis cordis mei intactos atq; illos relinque. Speciali exem. 20.

Nunc ergo & nobis gemendum est, subiugo mortificationis, nunc mortificemus membra nostra, quæ sunt super terram, ut illa collocemus in cælo, ubi gaudebimus de amaritudine, de molestia, de dolore, diuini amoris causâ suscepto. Magnum prædestinationis pignus est assidua corporis mortificatio. Nam si ut reprobi mirum in modum querunt ea, quæ postea carni in sartagine inferni crucianda, immortallyter torrendæ, commoda, blanda, grata sunt, ita prædestinati contra carni suæ insensu hoc agunt, quod nunc illam cruciat. *In multis enim* (Eccles. 6) *inuenient requiem in ea*, id est mortificatione, & conuertetur in oblationem.

O quam felix est illa mortificatio (ait Thom. à Kemp op. 8 n. 2) quæ mihi aperit ianuam æternæ uitæ, id quod fit in portis mortis, per quas eximus e tugurio temporis, & intramus per angustam mortificationis portam in immensum æternitatis palatium. *Tunc mortificatio quasi myrrha electa dabit nobis suauitatem odoris.*

Hæc te Viator consolatione solare, crucem unius horulæ, æterno præmio & solatio compensari. *Carramus ergo (ut Anselmus uiget) credendo, sperando,*



*rando, diligendo corpus affligendo, bene operādo. Cē-  
abſtinentiæ, lacrymæ, præces, vigiliæ, ipſæ ſunt viæ,  
quæ in cælum ducunt, teſte Ephrem.*

*Actus deſiderij patiendi pro Chriſto.*

**Q**uis me ſeparabit à charitate tua mi Deus? non  
timor mortis, non fames, non nuditas, non per-  
ſecutio, non gladius, non flagella, crux, ærumæ,  
mors, & quæ dura, horridaq; mortalibus videntur.

Tibi mi Domine me totum addico, totus  
in tui amorem concedo, totus tibi aſſigreo, quod  
tu amas, meq; amare vis, amo, quod non vis nolo,  
quod de me diſponis accepto, ſiue in vita, ſiue in  
morte, ſiue in tempore, ſiue in æternitate, ſe-  
quar te quocunq; ieris, ibo quo duces, ſi per ſpi-  
nas & cruces, per inopiam & contemptum, per  
labores & ærumnas, per ſanguinem & mortem.

Patiar quia tu præcipis, quem ardentiffimè amo  
ſuper omnia. Tibi me totum in holocauftum con-  
ſecro & Deus cordis mei & pars mea Deus in æ-  
ternum! Nolo vivere ſine vulnere, quia te miſe-  
ry video pro me totum vulneratum.

Quidquid unquam perpeſſus ſum, & quidquid pa-  
tior, patiaruè, omne illud ex motiuo ſanctiffimi a-  
moris tui offero gloriæ tuæ. Amor tuus perficiat  
dolores meos, efficiatq; vt quantum me cruciant, tan-  
tùm delectent.

Tu Rex & Dominus meus paſſus es amore mei  
tanta pro me! & ego ſub ſpinolo capite membrum  
ero delicatum? Senſit hoc orbis & ingemuit, ſenſit  
terra & contremuit, & ego non ſentiam? Ecce  
paratum cor meum ire extra caſtra, & improprium  
tuum portare, ferre crucem tuam & ſequi te.

*Amo,*

in Amore Devs meus, & paratus sum pro te omnes  
 & horbos & dolores, omnes cruces & tormenta, fa-  
 tum & sitim, demonum tentationes, quamlibet i-  
 nominiā & iniuriā, quemlibet mei contemptum  
 tolerare. insuper pro te pati & mori millies, millies,  
 millies.

O si possem pro tui amore & honore vitam  
 & sanguinem profundere, ac perferre vniuersa Mar-  
 tyria, quæ SS. Martyres perulerunt, ac omnes la-  
 bores subire, Veniam saltem omnes habitus mei  
 sint gemitus dolentis ac penitentis cordis mei.

Insuper mi Deus! Si tibi placeret, aduoca ipsas  
 etiam tartareas potestates, inferni vires omnes de-  
 monesq; euoca, qui quidquid possunt funestum,  
 durum, horridum, atrox, exaggerent. Neq; cupio  
 vt animam meam mihi vt lobo facere coacti sunt,  
 seruent, sed vt eam etiam cruciatuum immanitate a  
 corpore separent. En collum & pectus. Exige san-  
 guinem, exige spiritum, mille gladijs, ignibus,  
 sors exhibebo singula membra, & membrorum  
 articulos.

Accipe Domine cor serpi tui in holocaustum glo-  
 riæ tuæ, sim tibi totus hostia diuini tui beneplaciti.  
 Dispone de me liberè vt de tuo proprio iumento pro  
 gloria tua.

## IV.

Compendium viæ cælestis est. breuissimum  
 per Heroica.

Vidisti Virum velocem in opere suo. Prou. 22.

**V**iator, viâ Regia, seu viâ crucis incedens ad patri-  
 am, si velit quātoq; breuius tempore iter  
 suum conficere, & peruenire ad terminum, in spi-



ritu feruoris, seu per actiones heroicas progredi debet. Per has citius summum attingitur, & quod alij diuturno tempore, Viator heroicus breuissimis momenti assequitur.

Præstantissimus est talis feruor eorum, qui incumbunt actionibus heroicis, generosis, insolitis, & ita celeribus, ut incredibili velocitate sua, omnes alias vulgares transcendant actiones, & ad thronum gloriæ magni Dei peruenientes Angelos omnes & ipsum Deum in sui admirationem & amorē abripiant.

Talis fuit actus Abrahæ, qui ad unicam vocem Domini, exunc voluit unicum filium suum immolare. Vnde audiuit, *Quia fecisti hanc rem, benedicam tibi.*

Eius generis fuit actus heroicus S. Bernardi. Clericus quidam veniens ad hunc sanctum Abbatem importunè instabat, ut in Monachum reciperetur. Dum eidem suaderet S. Pater, ut ad suam reverteretur Ecclesiam homo ille velut insanus, totâ vi percussit maxillam sancti Patris ad hunc tam gravem ictum, ne minimum Pater sanctus edidit impatientiæ signum l. 3. c. 6.

Alexius prima nocte nuptiarum, sponsam intactam reliquit, paupertatis propter Iesum experiendæ studio, & amore castitatis. S. Casimirus, maluit vitam amittere, quam Virginitatem.

Charitate inter se contenderunt apud Antiochiam Theodora Virgo; & quidam miles. Illa ob Christi confessionem ab infidelibus in prostibulum truditur; miles verò eam primus adiens persuadet, ut mutatis secum vestimentis virili habitu euadens, virginitatem intactam conseruet. Cumq; ipse cum muliebri vestitu deprehensus, pro Virgine ad supplicium traher-

traheretur, non sustinuit illa, ut cuius ope pudicitia tutata surar, ei necis causa fieret: palam proclamatur, se esse ei paratam ad dictam, non ipsum: contra ille, se iudicis sententiam damnatum, non illam: diu certarunt, uterque alterum sua morte redimere cupientes. At vero quoniam Christum confitentibus, mori, vivere erat, Deo disponente, ambo simul capitis obtruncatione gloriosum Martyrium peregerunt, S. Ambros. 1. 2. de Virg. sub finem tom. 4.

Eximius ille vir Cæsar Buzius, dum quodam tempore videret Augustissimum Sacramentum deferri ad ædes ægroti, statim nudato capite, faciem manu præferens contempto nobilium virorum occurſu, à quibus se videndum & vilipendendum sperabat, præibat ad ædes ægroti.

Theodosius Imperator magnam Castimoniam & perfectionem consecutus est unico actu heroico. Nimirum in ludis theatralibus frænando oculorum licentiam & curiositatem: quotiescunque enim occurreret aliquid aspectu iucundum, gratumque, & populus magnis lætitiæ vociferationibus, spectaculo acclamaret, tum se demittere, aut omnino claudere oculos solebat, ne quid eorum cupiditati indulgeret.

Considera Viator, quia Deus à creaturis suis vinci humanitatis officio non vult, amat illas, blanditur, & longè alia ratione, quàm soleant terrarum Domini suorum subditorum agnoscere obsequium, remunerat.

Discimus ex Historijs Ottomanorum, quendam Machometem, qui intimus & carissimus Solymano fuit, non aliter peruenisse ad tantos honorum & fauorū gradus, quàm actionis vnius seruire animosumque plenæ officio epistolam legebat Solymanus



ous innixus fenestram quā in viridarium erat aspectus, hæc legentis manibus excidit, & viridario illapsa est, illico tota nobilitas aulae ad gradus currere, volare ad charitatem: ut quisque prior referendarum literarum honorem occuparet. Quid fecit Machomet, ut aneuerteret cæteros? præcipitem se de fenestra dedit, sublataque epistolam prius Principi suo retulit. Actus ille tam acceptus fuit Solymano, ut statim Machometem, autoritate dignitateque præ cæteris, auxerit, atque per omnem vitam habuerit in delicijs.

Ament sanè Solymani & orbis moderatores tam illustrem, & amore plenam actionem, facilius tamen & admirabilius capitur diuina bonitas, ut ob vnicum opus plenum affectu & feruore, obitum in eius feruitio, tales amantes non solum in hac vita, singularibus fauoribus, verum etiam in altera magno gloriæ incremento præsequatur.

Vnus actus heroicus & extra ordinem feruens diuinam maiestatem (si ita loqui liceat) rapit in admirationem, & incredibilia elicit reciproci amoris argumenta. Ob hanc rationem surrexit e throno Iesus, stansque Stephanum pro inimicis toto ardore supplicanti spectauit, veluti huius stupore prodigij attonitus.

Fecerat aliquando S. Theressia illustre & feruens nescio quod opus: crederes Deum sibi imperare, non potuisse, quin diceret: Theressia si mundum non contidissem, illum iam tui gratiæ, & ex propensissimo erga te affectu, crearem.

Sic accipio illud Cantici Canticorum, vbi sponsus affirmat se abreptum esse vnicâ cogitationum illius: *Vulnerasti cor meum soror mea sponsa in seno*  
crine

*crine colli tui.* Prima B. Virginis cogitatio quâ se sub immaculatam Conceptionem suam, integre Deo dedicabat, sic diuinum cor, & affectum rapuit, vt illico fauores omnes & gratias in illam congeslerit.

Mariam aliam adeamus videlicet Magdalenam. hæc ob vnicam heroicam actionem, & feruentem insolitum illum Christi fauorem & beneuolentiam consecuta fuit. En puella nobilis ad pedes Iesv prosterinitur, præsentibus conuiuis. *Pia impudentia* inquit Augustinus, *quæ fuit sanitatem, irruens importuna conuiuio, opportuna beneficio.* Vocet ille *piam*, impudentiam, ego feruorem indagare malo, & asfero hoc unicum opus fuisse fontem, ex quo admirandi illi diuini amoris riuus, quibus deinde affluxit emanarunt.

Hæ nimirum nobilissimæ ac generosæ actiones, mirum in modum accelerant iter ad egregiam sanctitatem. Hæ actiones sunt, gratiæ prodigia, & germina spiritalis feruoris, ita vt subinde vnus actus heroicus, non solum aucupari soleat, singulares fauores diuinos in hac vita, sed etiam in altera incredibilia consequantur amoris diuini & gloriæ argumenta.

*Affectus animæ ad heroica anhelantis.*

**O** mi Deus! ô amor infinite! ô diuina bonitas quid dicâ, aut quid respondebo tibi? non possum respondere vtrum pro mille, imò infinitis excessibus charitatis tuæ, quæ me in admirationem rapiunt.

Quid non egisti? quid non agis vt ameris? vt corda nostra tibi deuincias atq; alliges? Prior enim mirabiliter dilexisti nos, sic vt filium tuum vnigenitum dares. O nimia charitas! ô in immensum excessus



cessus! Ergone amoris tui in nos contestatio ac testis, imò pretij, quo nostrum amorem licitaris, quasi auctarium est Filius tuus Unigenitus?

O amor mundi & gaudium cæli, quid tibi & mihi, qui debeo odium esse & horror totius vniuersi, si nilem amat, quid tu optimus diligis me pessimum? quid tu sapientia amas, stultitiam? potentia infirmitatem? misericordia miseriam? pulchritudo turpitudinem? quid deniq; Tu Bonitas amas me malitiam?

Qua verò in re animum meum & ingenium occupo, si non excogito modos, quibus testificer me diligere te? O ingeniose amor, nunquam te tantum amabo, quantum dignus es!

O si omnibus actionibus meis & operibus tam feruenti, tam heroico affectu & obsequio possem te glorificare, amare, recreare, & exhilarare dulcissimum Cor tuum, purissimè & perfectissimè propter te Deum meum, propter gloriam tuam, gustumq; tuum quàm maximum, & consolationem dulcissimi & beatissimicordis tui!

O si possibile foret, desideratè agere, heroicè, Marianè, Christiformiter, & egisse quidquid actum, quidquid agitur, agipotuit, ageturq; placitè ac dignè te Deo meo, à quocunq; vbiunq; in omni intensiōe & intentione, ac extensiōe possibili, in omni multiplicatione, replicatione & modo quouis possibili, & exoptabili, ac desiderabili.

Vtinam mi Deus! agendo semper, aut quod tibi omitti placet, omittendo, patiens te item quacunq; in anima & corpore propter te, ad quæ omnia in tui gratiam, amorem & gustum, paratum promptumq; exhibeo, vtinam inquam tibi totus ac pectus

nitus secundum omnia in purissimum acceptissimumq; holocaustum cedam, & totus instar thuris aut thymiamatis tibi in suauissimum odorem consumar, imò & annihilor!

Vicinam haberem omnium Martyrum animas, omnes vellem expirare pro te martyrio doloris & amoris tui ô Deus, dignè pro quo per martyriū omnis vita omnium mortalium immoletur. Pro te mi Deus semper & ubiq; colligari, guttatim interire, & omnes tyrannicas Antichristi, ac diabolorum persecutiones si voluntas tua aderit, volo pati.

Hæc sunt vota, hæc suspiria, quæ sacrifico tibi, hæc desideria cordis mei, quæ offero tibi. Accende quæso cor meum mi Deus! in amorem tui, & diligam te ex penitissimis cordis mei medullis.

## CAPVT II.

De prædestinatione Viatoris, quæ est scopus & terminus uix nostræ, & medijs ad eandem consequendam.

### I.

*Si non es prædestinatus, fac ut prædestineris. S. Augustinus. Sâtagite, ut per bona opera certam vestrâ vocationem & electionem faciatis 2. Pet. 1.*

**C**ogitanti mihi de inscrutabili prædestinationis diuinæ mylterio, silere magis liberet, quàm loqui,



qui, (habendo præ oculis mentis effectum illud à Salomone prolatum Prou. 25. quoniam, qui scrutator est Maiestatis opprimitur à gloria) & quod olim Ezechieli Prophetæ, hoc mihi humiliter proficendum esset, huius torrentis aquas ita profundas & altas esse, vt transuadari omninò non possint. Vnde meritò exclamat Apostolus Rom. 11. *O altitudo diuitiarum sapientiæ & scientiæ Dei, quam incomprehensibilia sunt iudicia eius!*

Certum tamen est (vt cætera omnia inscrutabili Dei sapientiæ, & incomprehensibilibus iudicijs relinquamus) quòd prædestinatio nihil est aliud, quàm æterna & omne tempus præcedens destinatio, quæ Deus ante mundi constitutionem creaturas aliquas ad gloriam, & beatitudinem cælestem elegit & destinauit. Vnde dicit eo sensu Apostolus Ephes. 1. *Elegit nos in ipso ante mundi constitutionem.*

Ita S. August. : lib. de bono perseuer. cum dicit : quòd prædestinatio est præscientia & præparatio beneficiorum Dei : quibus certissime liberantur qui cunctis liberantur. Ex his autem verbis S. Aug. colligitur ad completam rationem prædestinationis, prout ab illo & SS. Patribus sumitur, debere per eam intelligi, non tantum electionem & destinationem ad gloriam & beatitudinem, sed etiam præparationem omnium mediorum, ad illam consequendam, propositumq; ac voluntatem media illa tribuendi, ita vt prædestinatio non tantum respiciat gloriam conferendam, sed etiam simul omnia gratiæ dona, quibus ad illam gloriam homines perducuntur.

Et sic tres præcipui effectus prædestinationis numerantur, nempe vocatio, iustificatio, & gloria  
D
ficatio

ficatio iuxta doctrinam Apostoli Rom. 8. *Quos predestinavit hos & vocavit, & quos vocavit, hos & iustificavit, quos autem iustificavit, illos & glorificavit* Ad gratiam vocationis reducuntur omnia auxilia & adiumenta, non solum interna, sed etiam externa, quæ ad iustificationem suo modo simul cum internis concurrunt: vt externa Euangelij prædicatio, à parentibus Christianis ortus & educatio, occasionum peccandi remotio, cum pijs & bonis conuersatio, fraterna correctio, & his similia. Ad gratiam iustificationis pertinent omnes alij habitus supernaturales, qui simul cum ipsa gratia habituali infunduntur, vt habitus fidei, spei, charitatis, & aliarum virtutum supernaturalium, item dona Spiritus Sancti, gratiæ sacramentales, ac donum finalis perseverantiæ.

Duo autem sunt effectus reprobationis. Primus est permissio peccati, vnde dicit Apostolus Rom. 9. *Quod Deus volens ostendere iram, & notam facere potentiam suam, sustinuit in multa patientia mala ira apta in meritum.* Et ad hunc effectum reducitur obduratio, seu excæcatio reprobis: Cum nihil aliud sit quàm ipsa peccati permissio, quatenus Deus permittendo peccatum, simul iusta aliquâ ex causâ subtrahit reprobo peculiare aliquod gratiæ suæ auxiliū, quo eius cor emolliretur, vel illuminaretur intellectus. Secundus verò effectus reprobationis est, æterna ipsius reprobis punitio, vt patet ex illis Christi verbis, Matt. 25. *discedite a me maledicti in ignem æternum.*

Firmiter ergo tenendum est, & fide Catholicâ credendum, neminem à Deo reprobari & ad poenâ æternam damnationis deputari, nisi ratione præiudiciorum



forum demeritorum. Huic veritati oppositus est error Caluini, qui lib 3. Instit. c. 23. parag. 5. asseruit Deum ante prauersionem cuiuscunq; peccati, non tantum exclusisse aliquos a cælesti gloria, sed etiam efficaci voluntate eos ad pœnam æternam deputasse. Vnde c. 23. parag. 9 ait; Deum vt ipsi reprobi efficaciter ad hunc finem à se intentum perueniant, non tantum eos gratijs ad salutem necessarijs priuare, sed etiam iniicere ijs peccandi necessitatem, quam euadere non possint.

Hæc blasphemia refellitur, & veritas nostræ fidei probatur autoritate scripturæ varijs in locis, in quibus testatur Deus se nolle, vt ullus pereat, sed vt omnes peccatores ad pœnitentiam conuertantur, & sic vitam æternam consequantur. Ezech. 18. *Nunquid voluntatis meæ est mors impij dicit Dominus Deus, & non conuertatur à suis suis & viuat? Et c.* 33. *Vivo ego dicit Dominus, nolo mortem impij, sed vt conuertatur impius à via sua & viuat.* 5. *Matt 18. Non est voluntas ante Patrem vestrum, vt pereat ex his pusillis. Luc. 11. Quis ex vobis Patrem petit panem, nunquid lapidem dabit illi?* Axioma Theologicum est. *faciendi quod in se est, Deus non denegat gratiam.*

Docet etiam S. Thomas q. 14. de veritat. a. 11. ad 1. Si quis in filiis nutritus ductum rationis naturalis sequeretur in appetitu boni & fugam mali, certissime est tenendum, quod Deus ei vel per internam inspirationem reuelaret necessaria, vel ad eum prædicatorem dirigeret.

Imò si Deus reuelaret per Angelum, quod quis sit futurus ex numero damnatorum, non idè esset desistendum à bono faciendo, quia nesciret, an

illa revelatio sit absoluta vel tantum conditionata. v g. Petrus certo damnatorum erit ex numero, nisi se emendauerit, hoc fecerit vel omiserit. Ita locutio fuit conditionata, quâ per Ionam Deus fuit usus ad terrendos & ad penitentiam mouendos Ninuities : *Adhuc quadraginta dies & Ninive subueretur.* Ionæ. 3. c. Quid inde? Deus quia prædixit per Ionam non parcat? nequaquam, pro locutione acceperunt conditionata : Crediderunt viri Ninuities in Deum & prædicauerunt ieiunium & velti sunt sacco &c. Nisi ergo Deus adderet, se non loqui conditionatè sed absolutè, tunc necessario seu infallibiliter sequeretur damnatio.

Communitè itaq; docent SS. Patres, electionem absolutam & efficacem prædestinatorum ad gloriam factam esse, nonnisi post præuisionem meritorum ac finalis in gratia perseverantiæ. Clare patet ex scriptura hæc veritas Matt. 20, ubi Christus dicit : *Sedere ad dextram meam vel sinistram non est meum dare vobis, sed quibus paratum est à Patre meo.* Quibus verbis (vt SS. Patres docent) Christus innuit, non fauori & gratiæ, sed laboribus & meritis paratâ esse sessionem in regno suo Ita hunc locum explicant S. Epiph. hæresi 69. S. Cyrill. l. 10. thesauri c. 16. & Hieron. lib. contra Iovinianum, ubi ait, ideo Christum Dominum ibi dicere. Non est meum dare vobis, vt nouerit unusquisq; mansionem sibi in cælo non ex sola Christi largitate, sed etiam ex proprijs operibus esse præparandam.

Item S. Math. 25. *Venite benedicti &c: possidete paratum vobis regnum &c: esuriui enim &c: qui-* bus verbis apertè insinuat, regnum cælorum ab æter-



æterno esse iustis præparatum ob præuisa eorum bona opera, quod patet ex particula causali, *enim*. S. Ambrosius l. 5. de fide c. 3. expresse concludit: *Quorum merita præsciuit, eorum præmia prædestinauit*. S. Augustin. Ser. 7. de verbis Domini ait; *Quos soluit hos Deus elegit, elegit autem* (sicut dicit Apostolus) *Et secundum suam gratiam, Et secundum illorum iustitiam*.

His SS. Patribus adiungi potest Franciscus Salesius, qui in opusculo de amore Dei l. 3. c. 5. id expresse docet, & probat ex verbis cuiusdam Collectæ, in qua Ecclesia Deum alloquens dicit, illum misereri omnium, quos suos fide & opere futuros esse prænotat. Quibus uerbis (ut ille dicit) fatetur Ecclesia, gloriam ipsi esse destinata, quos diuina sapientia præuidit gratiæ suæ uocationi obtemperaturos, & per illam ad fidem uiam, quæ per charitatem operatur, esse peruenturos.

At verò non paucos intricata hæc quæstio potest anxios reddere, & non abs re, si illud in mentem uenerit, quod dicit Apostolus: *Cuius uult miseretur, Et quem uult indurat, Voluntati eius quis resistit?* o homo tu quis es qui respondeas Deo? an non habet potestatem figulus luti ex eadem massa facere aliud quidem Vas? Et: Et 2. Tim. 2. in magna domo non solum sunt Sala aurea Et argentea, sed etiam lignea Et fætilia, Et quadam quidem in honorem, quadam in contumeliam. Unde S. Augustin. dicit super Ioannem: Quare hunc trahat & illum non trahat, noli uelle diiudicare si non vis errare.

Hæc tamen omnia & similia Sacræ scripturæ loca intelligenda sunt de diuinis decretis ex præuisione bonorum vel malorum operum proueni-

entibus, quod docet Apostolus: *Quos præsciuit, hos & prædestinauit*, id est quos præsciuit bene victuros, hos prædestinauit. Vbi Deus dicitur prius præsciuisse, deinde prædestinasse. Porro præscientia ante prædestinationem nulla alia rectius intelligitur, quam præscientia meritum, puta fidei, dilectionis, penitentiae, ut exponunt SS. Patres in hunc locum, Cyrillus, Chrysostomus, Theodoretus, clarissime autem S. Ambr. de fide. c. 3. lib. 5. *Quos præsciuit prædestinauit, non enim ante prædestinauit, quam præsciuit; sed quorum merita præsciuit, eorum merita prædestinauit.*

Hoc ipsū expressè ipsa æterna Veritas insinuat Mat. 19. *Si vis ad vitam ingredi serua mandata*, ex quibus verbis Christi patet, merita esse motiuum prædestinationis, ac conditionaliter fieri prædestinationem Dei, nihil enim sine aliqua prædestinatum est conditione. Prædestinatum est ut saluetur mundus, sed per aquam baptismatis & mortem filij Dei. Prædestinati sunt omnes boni ad gloriam; cā tamen conditione, si fidem tenuerint, si charitatem, si humilitatem, si misericordiam, pietatem, & his similia habuerint, atq; perseverauerint in via pia & Sancta: tales enim futuros eos præuidit, quos Deus ad vitam prædestinauit, & quasi prædestinando eis diceret. Ego quidem ad vitam vos prædestino, si tamen mandata mea custodieritis, & si in bono tandem fine inueni fueritis.

Communis etiam S. Patrum est doctrina, nostram prædestinationem non esse simplicem, sed esse compositam ex duobus, prædestinatos videlicet nos esse ad Crucem Christi & regnum, ad patientiam Christi & ad gloriam Dei. Ad primum. cau. medium, ad posterius. cau. finem.

Lnunc



I nunc, quisquis es quære, si pauci sunt vel plures, qui saluandi erunt. Videbis paucissimos ad gloriam, propter huius conditionis defectum videlicet merita, prædestinatos. Hæc saluandorum paucitas omni æuo proposita, nobis est ad cautelam.

Ante diluuium ex tanta hominum multitudine octo solum animæ in illo nauigio sunt seruatae. Sodomæam terram Dominus euersurus, nec decem reperit probos. Cum Moyses sexcenta millia virorum absq; paruulis & mulieribus educeret Ægypto, duo tantum è tanto numero in terram promissionis peruenerunt exceptis Sacerdotibus.

In amplissima Ninive solus Tobias cum vxore & filio: in Babylone Daniel cum tribus socijs ambulabant coram Deo & erant perfecti: In omni terra vnicus Iob inueniebatur iustus. Non minus flebili Ieremias Propheta questu hanc proborum paucitatem deslet: *Nullus est qui agat penitentiam super peccato suo dicens, quid feci?*

Deplorat eandem beatorum paucitatem ipse Christus: *Va vobis diuitibus qui habetis hic consolationem æstram: Va qui saturati estis, & vobis qui ride-  
re.* Inuitati ad lautissimam cænam, ceperunt simul excusare. E tot diuitibus, onustis scilicet camelis, vnicus Zachæus, deposita gibbi sarcina, ( sic Beda loquitur ) hoc est opum onere relicto Christum sequitur. Vnica Magdalena è vitæ prostibulo ad vitæ innocentiam transit.

S. Chrysostomus ausus est quondam dicere de Vrbe Antiochia populosissima, idq; eo tempore, quo spiritus primæe Ecclesiæ nondum intepuerat: Quot esse putatis in ciuitate nostra, qui salui fiant, infertum quidem est, quod dicturus sum, dicam

tamen: Non possunt in tot millibus centum inueniri, qui saluentur, quin & de his dubito. Quanta enim in iuuenibus malitia, quantus in senibus tepor.

Mirabilis & stupendus casus refertur a S. Vincentio Ferrar: qui postquam (vt Deo liberius vacaret) resignauit sua beneficia, petijt desertum, ibiq; pie ac sancte viuens postea obiit. Nocte sequenti suo Episcopo apparuit lumine coruscans, eiq; dixit: Reuerendissime Domine, age pœnitentiam, emenda vitam, alioqui æternâ priuaberis gloriâ: & scias velim, quod heri eodem, quo discessi momento, ante Iudicem mecum comparuerunt triginta animarum millia, ex quibus ego & S. Bernardus statim obtinuimus cælum, tres aliæ uenerunt ad purgatorium, reliquæ omnes damnatæ fuerunt ad infernum: Et hoc dicto disparuit.

Horrendum est, quod Franciscanorum historia referunt: Bertholdum virum eiusdem familiæ insignem, in Germania inter uerbi diuini promulgationem ex cathedra in vitium quoddam ita acriter inronasse, vt mulier quædam eodem vitio detenta, & ab alto, dolore intrinsecus tacta, in media concione exanimis conciderit, omnibus viso spectaculo, & in genua procumbentibus, mulierem reuixisse, & inter alia dictu audituq; horribilia retulisse: Vnâ secum ad districti Iudicis tribunal adducta simul esse sexaginta animarum millia, ex diuersis mundi partibus, & ex omnibus ijs, tres tantum purgatorio adiudicatas, cæteras omnes ad supplicium æternum damnatas.

Omnibus etiam Religiosis illud sit benè impressum: Vidimus multos & audiuius à patribus nostris (quod non sine timore confiteor) ascendisse pri-

mitus.



mitus quodammodo vsq; ad cœlos, & inter sydera nidum suum collocasse, postmodum autem cecidisse vsq; ad abyssos. Quæ cum considero, contremiscunt omnia ossa mea: Quoniam non securatur homo viuens super terram, S. August. Soliloq. c. 9.

Multi enim sunt vocati ad statum religiosum, sed horresco dicere, pauci electi: dicam ergo pro maiori consolatione nostra: Non omnes electi: Verè enim non omnes electi: si enim ex duodecim Apostolis, omnibus à Christo ad Apostolatum vocatis, non omnes erant electi, Iudâ videlicet præuicatore; quis credet, quis sibi imaginabitur, omnes, quotquot ad statum Religiosum vocantur, electos esse? Si inter duodecim membra sacratissimi illius Collegij, cuius caput ipsemet Christus, putridum vnum inventum est, quas reflexiones facere poterimus, super ea religiosa habitacula, in quibus non duodecim tantum, sed triginta, quadraginta, quinquaginta in ò cœrû quâdoq; Religiosi cohabitant.

Audite Bernardum nostrum: Nusquam est securitas fratres, neq; in cœlo, neq; in paradyso, multo minus in mundo: In cœlo enim cecidit Angelus in præsentia diuinitatis, Adam in paradyso de loco voluptatis: Iudas in mundo de schola Saluatoris. Hæc idcirco dixerim, ne quis sibi de illo blandiatur, quia dicitur: Locus iste Sanctus est. *Quia non locus homines, sed homines locum sanctificant.*

Miserabilem Iudæ lapsum considerans D. Hieronymus omnibus terrorem iniecit in Psal. 108. *Episcopatum eius accipiat alter*, ita discurrens: Non solum illo tempore de Iudâ dictum est, sed vsq; hodie dicitur, & vsq; in iudicii diem: Si ipse Iudas Apostolatam perdidit, custodiant se Sacerdotes

& Episcopi: Si Apostolus cecidit; facilius potest Monachus cadere.

Ad cautionem ergò & terrorem aliorum permittit Deus tragicos in quibusdam religiosis casus, ut discamus secundum doctrinam Pauli, cum metu & tremore nostram salutem operari. Quantum enim displiceat Deo in religioso tepor, neglectus regulæ, contemptus obseruantia regularis patet ex hac historia.

Fuit in quodam Monasterio Frater quidam, qui suâ regulâ neglectâ exorbitauit per modum continui. De suis admonitis excessibus hæc elatis reposuit supercilijs: *quod fieri debet, fiet infallibiliter.* Non ero in fine vitæ alius, quàm me Deus, quòd sim & qualis sim futurus, præiudic. Sic monasterio valedicens ac omnibus peccatorum sordibus se inquinans orco cessit præda August: lib. de bono perseuerant In eiusmodi alio in loco ait: *Quorè cor si non esset satuum, non crederet fatum, &c.*

Quantū etiā Deo displiceat, sibi ipsi attribuere donum perseuerantia, & quàm Deo recedente simus fragiles, expertus est inter alios Monachus ille, de quo Discipulus in serm. de temp. Ser. 107. In solitudine Angelicam ut ita dicam duxerat Monachus vitam, nihil in eo desiderari poterat, nisi quòd bona à se acta sibi adscriberet, quasi hucusq; suâ perseuerasset virtute in bono, non reuocans ad mentem Christi effatum: *Sine me nihil potestis facere* Ioan 15 c. Dæmon ingruente nocte sæminam mentitur, à via per eremum aberrantem. Tam ad motum ( multa præcedens, ut intromittatur, motiua ) dixit, ut voti sui fuerit facta particeps. Intuetur monachus hospitem, speciosæ, quæ præferbat sæminæ, speciem



speciem, Hæc ornare loquendo, ridendo, ita inescavit solitariū, vt in turpes abierit ac consenserit amores. Extendit brachia, in amplexus fictæ ruiturus Helenæ. At dæmon se retrahens vnâ cum alijs dæmonibus eum irruit in ære. Monachus, verò, in malo, qui longo prius tempore in bono fixerat, luxuriosè viuendo, pedem fixit, de conuersione omnem abiiciens spem, quamuis pessimè.

Quid ergo consilij, quid remedij ad hoc, vt non tantum Vocati sed & Electi esse possimus? Dignè nimirum ambulandum vocatione nostra. Quod ipsum innuit Apostolus: *Quapropter fratres magis sancti, et per bona opera certam vestram vocationem, & electionem faciatu.* Coincidit, quod monet Dominus Angelicus: Prædestinatis conandum est ad bene operandum & orandum, quia per eiusmodi prædestinationis effectus, certitudinaliter impletur. Quod etiam expressè insinuat Mellissius Bernardus: Ipsa celestis regni prædestinatio ita ab omnipotenti Deo præordinata est, vt ad hoc electi, ex labore perueniant, quatenus mereantur precibus, & meritis obtinere, quod ipse Omnipotens Deus, ante tempus disposuit donare.

*Affectuose aspirationes ad DEVM vt est prædestinator.*

**A**ctum est tibi de nobis, Christe Redemptor amantissime, nisi tuo interuentu & sanguine ab interitu erepti, spem vitæ haberemus. Gratias igitur tibi habeo, quia hæc redemptio tua sufficientissima est ad saluandum omnes, quantum in se est, utrodo uelimus, nostrum flectere arbitrium, & adniti quantum in nobis est, vt cum gratia tua salui fiamus.

Quia

Quia tu ore Prophetarum dixisti: *Quid ultra potui facere. Et non feci? Perditio tua ex te est.* Et vt. Augustinus testatum reliquit: *Creare te potui sine te, saluare te, non possum sine te.*

Quòd sim capax aeternæ vitæ tu dedisti, perscice quod dedisti, dispone, trans mitte me ad finem illum quem proposuisti mihi, & ad quem viribus meis peruenire non possum. Potero vero & spero, perueniam per te, qui fecisti me ad te

Tu scis quàm mihi eun lum sit ad te. Tu nosti finem tu media. Tu dispone ascensiones in corde meo è valle lacrymarum ad te. Da mihi gradus, da scias, per quas ascendam, tene me ne excidam, duc ne errem firma me, ne lubricè præcipiter, ne superbia, morsus diaboli me infelici vertigine deorsum agat, in præcipitum superborum, in abyssum impurorum, in barathrum æternum, & igneum, carcerem damnatorum.

Et cum non simus sufficientes, cogitare aliquid à nobis, quasi ex nobis, nec ullum possit quod cogitationem antecedit principium reperiri, non est à nobis sed à te salutis nostræ initium. Tu das gratiam vt gloriam mereamur. Quicquid est in me ordinans me ad salutē, comprehenditur totum sub effectu prædestinationis, etiam ipsa præparatio ad gratiam. Præpara me ad gratiam, & per hanc ad gloriam tuam. Da ut obediam inspirationibus tuis. Quia dum illis non pareo, timeo, ne me subtraham à gratia illa, quam mihi præparabas, & per quam me ad gloriam disponebas in mirabili serie prædestinationis tuæ.

Da, vt quicquid ad prædestinationis felicitis statum pertinet, nunc statim exquirat. Hoc erit signum, quod



quòd dilexeris & elegeris me, si docueris me bene  
semper id eligere, quòd tu magis diligis

Domine sit cor meum lingua mea, omnia opera  
mea calamus manus tuæ velociter in libro tuo scri-  
bentis me. Doce cor meum, cogitationes, ver-  
bas opera mea, manus meas, quomodo inscribere me  
etiam illa debeant in libro tuo sancto. O qui non  
vis mortem peccatoris, sed vt conuertatur & vivat,  
vitam per te in notitia & albo electorum.

Ne me omitte, ne me proscribe, viuā in gratia hic  
semper, ibi æternū in gloria; non in morte igno-  
minia ac odij tui. Ne permittas vt me deeam, vel  
merear deleri de libro uitæ. Qui enim à gratia tua  
per mortiferum peccatum deficiunt, delent se, quan-  
tum in illis est de libro gratiæ & gloriæ. Neq; in te  
Deus est illa mutatio, sed in illo, qui liberè con-  
sentiens peccato, se delet de libro tuo & inscribit se  
in inferno. Tu autem scis illum ordinatum ad gloriam,  
dum est in gratia si perseveret: non ordinatum, dum  
excidit, si non redeat. Doleam Domine, ac deeam  
quidquid est in me, quod me potest delere de libro  
viventium, & cum iustis non scribi me facit. Tu  
iuua tuā gratiā me præueniente, comitante, sub-  
sequente, coronante.

Tu cōuertis nos ad te & cōuertimur. Ne ergo per-  
mittas vt sum inter vasa iræ tuæ apta in interitū, sed in-  
ter vasa misericordiæ. Ostēde diuitias misericordiæ  
tuæ in me De<sup>o</sup>. Dirige, accipe meā libertatē, seruiat illa  
tibi, & sit mihi salutis nō æternæ perditionis instrumentū.

Non sum sollicitus, an tot simus saluandi quot  
Angeli remanserunt, an verò tot, quot rebelles An-  
geli ceciderunt, & quot Angeli sunt creati. Tibi  
soli cognitus est numerus electorum, in superna se-  
licitatē

licitate locandus. Fac me ita de me sollicitum, vt sim in illo numero beatorum: da vt ad id consequendum nihil planè omittam.

Da mihi talem hac in re tam perplexa sollicitudine, quæ tibi maxime placet, vt hanc sollicitudine non piger, spiritu feruens, tibi seruiam Domino prædestinationis meæ à quo pendeo.

tuet me obsecro ad felicem illam vitam janua celi & Regina, quæ amabili elogio vocatur Mater primogeniti, ac Regis prædestinatorum, ac Mater pulchræ dilectionis, & sanctæ spei, tesseræ prædestinationis nostræ: per quam dedisti nobis Iesum, cuius sanguine spero me inscribendū libro tuo; per illam te rogo, vt illo sanguine deleas de corde meo quicquid potest me delere de libro vitæ. Moue tuos omnes qui tecum sunt & qui tecum sunt, moue corda omnium, qui aliquid in hoc possunt vt me adiuuent.

Adoro in hoc etiam infinitam misericordiam bonitatis tuæ, quod aliquos è stercore in illam salutem erigas, à qua plurimi deficiunt, secundum communem cursum & inclinationem naturæ in perniciem æternam pronæ. Tremo ad ista ego! idèoque dicam cum publicano; *DEVS propitiuss esto mihi peccatori!* Dicam cum cæco: *IESU Fili David miserere mei!* Domine Et Videam, vt videam te in æternum, ne sim inter cæcos æternum.

Quamvis verò etiam mi DEVS! à merito redemptionis me unicum tanquam indignum, super quem effunderetur diuinus sanguis tuus amoueres, & libro saluandorum deleres, tamen amarem te, desiderarem desiderare te, amare te, propter eundem, prout & nunc scio incertus licet; an amore, an odio



odio dignus sim, & hunc actum meum continuo ac in æternum continuari cupio.

Plūs adhuc vltra dulcissime Amor meus me resoluo & declaro, si voluntatis tuæ esset mihi vnico nutu significare me isto temporis momento vivum cum corpore & anima ab inferni faucibus absorbendum, & solum pœnas omnes damnatorum (illis liberatis) æternaliter sustinere debere: ah! horreo quidem & tremo secundum naturam, tamen ex diuinæ gratiæ motu, ad tuæ uoluntatis beneplacitum adimplendum statim dicerem: *Dominus es quod bonum est in oculis tuis, hoc facias.*

## II.

## Pactum cum Deo Viatoris.

*Pactum sempiternum erit eis. Ezech. 37.*

**I**Nter alia media ad finem prædestinationis consequendum, est etiam hoc efficacissimum, cum sapientiùs mente ad Deum euolamus. Nam frequenter cogitare de DEO ac ex toto corde amare DEUM, est negotium maximum, & pretiosissima omnino occupatio, quâ nihil nobilùs etiam in cælo agitur. Christus ipse Mechtildem (1. 3. c. 2. spir. grat.) docuit, optimum cordis negotium seu occupationem esse, Deum toto corde feruenter amare, & desiderare, atq; in meditatione dulciter de ipso cogitare.

Expende tenerrima illa, & tibi quoq; (Deutor. 10.) à Deo dicta verba: *Et nunc Israël, quid Dominus Deus petijt à te nisi ut timeas Dominum Deum tuum, & diligas eum ac seruias Domino Deo tuo ex toto corde tuo?* Et Eccl. 7, idem nobis inculcat. In

*omni virtute tua dilige eum qui te fecit.* Vbi legunt alij: In omni potentia tua, omni vi, omni tempore, Deus & quod Creator, & quod summum Bonum ac ultimus noster finis fit, amari à nobis debet.

Notum est illud de mellifluo nostro Bernardo sibi sapius dicente: *Bernarde ad quid venisti?* Idem tibi dic: Ad quid existi de nihilo? ad quid venisti in mundum? ad quid creatus es ad quid natus? ut orio torpeas? ut cibo, potui, somno, voluptatibus te dedas? Pecori quod bonum est quæ natura eius est? nonnisi complere ventrem, dormire, gressire, tale tu bonum quæris? coheres Christi quid gaudes, quia socius es pecorum? Duc in altum! ad quid existi de nihilo, & venisti in mundum, ut Dominum Deum tuum laudes continuo, & reuereraris, eiq; seruias, tandem saluus has.

Mente reuolue similia Augustini verba: ut amor Dei inte amplius excitetur, & crescat, considera diligenter, à quo, quare, vel ad quid, creatus sit homo. Ad laudandum Deum, ad seruendum ei, ad fruendum eo. Ipse Christus hoc incitamento vsus est dicens S. Brigittæ l. i. c. i. *dilige me ego creante te:* S. Chrysost. *homo ideo factus est, ut Deo placeat.*

Beata Catharina Genuen. dicebat: *Ego sum creata ad amandum Deum & eum oblectandum.* Eadem sapius exclamabat! ô Deus! ô amor! ô Domine mi! cessa, cessa tantopere amare. Amor quo hanc creaturam amplecteris nimis est, & ille quo te creaturæ diligunt, nimis exiguus.

Audiamus Angelicam S. M. Magdalenzæ de Pazis vocem, sic in æstu suauissimo exclamantis. O animæ creatæ ad amorem, quare non amatis Amorem? Quid est Amor nisi Deus? ecquid est, quod nobilissi-



nobilissimâ hâc occupatione ferè neglectâ, nos amore rerum amore nostro indignarum destinemus? Miratur etiam S. Philippus Neri cum quærit: *Potestne fieri, ut homo qui Deum credit, possit aliud præter Deum amare?*

Nec immeritò B. Petrus Card: Damiani Iuditham Virginem ab hoc laudat: *Iudith igne diuini aestuabat amoris. in populosa vrbe artifex, amor solitudinem reperit, Et Agneti Imperatrici scribebat, idem: Mens humana intra silentium in amore Dei per ardorem spiritus inflammatur.*

Considera quòd aliquando Deus dixerit Philippo Neri in Metropoli orbis habitanti: *Philippe in Vrbe Roma tanquam in deserto viuendum est.* Id enim clarè docere erat, posse vbivis locorum haberi illam cordis solitudinem, ita vt nec impedire eam possint occupationes ex charitate susceptæ, neq; conuersatio hominum, quam status cuiusq; exigit & cui se hic sanctus ex instituto Ordinis sui impendebat.

Vt ergo inter mundanas varietates per amorem Dei, ibi nostra fixa sint corda, vbi est finis noster, ac nihil sit in nobis vanum, nihil casu ac temerè factum, sed quidquid est, sit actus humanus & supernaturalis, ac à nobis tendat ad Deum tali obsequio dignum, anima cum Deo inire fædus societatis non trepidet.

Deus dignatus est olim pactum inire cum homine, ac etiam ipsi mali sæpius pangunt fædus cum interno iuxta illud Isaïæ: *cum inferno fecimus pactum,* quidni etiam nos cum cælo & Deo illud ineamus? Fiat hoc pactum coram Beatissima Virgine, Seraphinis, & omni amantium Deum choro, per quos petamus gratiam, vt sicut pauper illa vidua

E

dando

dande duo minuta plus omnibus dedit, quia desiderabat dare, quidquid diuites dabant, & plus, ita nos modicum id quod facimus, offeramus cum desiderio faciendi, quidquid gratissimum Deo esse potest.

Non tantum verò generatim omnia, sed exemplo S. Gertrudis minutim singula ut consecrentur, Deo consecres & offeras videlicet voces singulas quas lecturus, characteres quos scripturus, bolos quos confecturus, verba quæ prolaturus, gressus quos facturus, anhelitus omnes quos dormiens, vigilans, ducturus es. Hoc non tantum est Dei gratiam habere, sed cum gratia perpetuo operari.

*Pactum Dominice.*

Vnde mihi ut præsumam loqui ad Dominum meum cum sim pulvis & cinis, imò verò execrabilis & abominabilis peccator? ignosce Domine, & fac mecum misericordiam tuam, ac simul dignare pactum amoris mei admittere, quo paciscor tecum.

Quoties hæc die, horâ, & quouis momento vitæ meæ dixerò: Benedictus Deus! vel Laus tibi Domine! ille actus sit interpretis cordis & amoris mei, quo vellem tibi inclinare cælum & terram, cum omnibus abyssis, ô TRINITAS sancta, TRINITAS supermirabilis, & superinenarrabilis, & superinaccessibilis, superincomprehensibilis, & superintelligibilis, exsuperans omnem sensum, omnem rationem, omnem intellectum ac intelligentiam, omnem essentiam super cælestium animorum.

Toties volo omnia, quæ debentur tibi Deo nostro à creatura omni perfectione ac intentione, item quæ tibi unquam exhibita vel exhibenda sunt, & quæ à te ipso sunt, re comprehensivè cognoscente.

Toties



Toties omnibus cogitatis, dictis, ac factis meis hoc nomen tuum Deus! seraphico quopiam compendio complecti vellem, ac in hoc nomine Deus! collectas omnes infinitæ æternitatis laudes offerre.

Sæpe sapius corde procidam ante te, aut dicet tibi lingua mea: Domine ego seruus tuus! vel Dominus meus & Deus meus.

Toties agnosco te Deus meus principium meum, propterea toto animo & corpore te prostratus adoro, in centrum nihili mei, ac infra omnes me demitto, & Maiestati tuæ in persona cælestium terrestrium & infernorum inclino, omnes omnium creaturarum effectus assumo, ipsq; te colo, veneror, adoro, hancq; adorationē in æternū continuare cupio.

Toties corde protestor, quod si plures animas haberem, plures vitas, plura corda adeoq; infinita, ea omnia tibi in holocaustum lubens darem; & si ego pluries essem ego, adeoq; innumerabiliter, quoties essem ego, toties pro te vellem esse.

Quoties signum Missæ vel elevationis Sanctissimæ Hostiæ percepero; tunc volo ac desidero congregare ac congregare omnia omnium sacrificia, cultumq; tui, & omnes sacrificiorum affectus & celebratorum usq; ad diem iudicii, etiam à sacerdotibus noui orbis.

Toties compensare cupio omnes superstitiones & adorationes subtractas tibi Deo vno & vero, impensas lapidi & falsis, numinibus. Hoc eodem actu te mi Deus præfero, & exalto appreciativè super omnia, ac demum me scabellum pedum tuorum ac totum mundum tuis pedibus profundè subijcio.

Toties omnes pios affectus, quos unquam Iesus & MARIA singuliq; electi tui eliquerunt, eliciunt.

& in æternitate elicient, tibi offero, quos vniuersos approbo, renouo, gaudeo, pro illis gratias ago, & tanquam meos tibi præsentio, & in æternū cōtinuo.

Quoties pectus percussero: aut dixerō: Peccavi Domino! vel: pœnitet me peccasse! Omne tunc odium derelictionem, dolorem, omnes intensissimos compunctiois, contritionis, affectus assumo, quos vnquam vere pœnitentes, & sua vel aliena peccata descentes elicerunt, in dō exhibitis etiam omnium actibus amoris alijsq; possibilibus, volo cum oblatione satisfactionis Christi, & eius actuum infiniti valoris, implere momenta actionum peccaminosarum.

Toties doleo, quod peccatores, præciti, condemnati, & reprobī omnes te non diligunt, ô si exilis amor meus & minutus suppleret amorem, odia & defectus illorum! ô si irritare, annullare, possem omnine malum ab omni creatura commissum!

Toties doleo dolore Sanctorum & ipsius Beatissimæ indolentis ad offensas Dei, & hoc parum est, doleo dolore tuo Theandrico.

Quidquid cogitatione agitaui, quidquid de te dixerō, audiero, legerō: toties desidero suspirare ad te, atq; totis medullis cordium amare te, amare te cordibus omnium hominum & Angelorum, mille obsequijs seruire tibi, mille millenis laudibus delectare te, omnes guttas sanguinis mei mutare in corda, & immolare eadem tibi Deo meo igne amoris tui, ac demum omnes actus sanctissimos cuiusuis creaturæ intellectualis, & possibilis, ad gustum tuum concentrare in cor meum.

Toties opto clamare die noctuq;: Benedictus Deus! Te decet laus, te decet hymnus, tibi benedictio



dictio & claritas, honor virtus & fortitudo DEO nostro, in cælo, Eucharistia, ac ubiq; præsentī in sæcula sæculorum.

Non verò corde solo, non linguâ solâ te amo mi DEVS, & ad te feror, sed omni gestu, omni passu, omni actu animæ meæ, omni motu corporis mei. omnia mea in holocaustum offero tibi, Tua hæc est anima, tuum corpus. Tuum hoc est caput meum vt cogitem de te, oculi vt non videant nisi quod delectet te, aures, manus, pedes, & reliqua omnia, vt suis munijs non alia de causa fungantur, nisi propter te. Tibi seruiat omnis creatura tua, omnis cogitatio mea, omnia membra ac momenta mea.

Quia verò vitæ meæ necessitates & occupationes me non sinunt, huic semel expressæ intentioni actualiter, semper intentum esse, idcirco cupio & declaro hanc meam oblationem toties pro renouata & actuali valere debere, quoties oculis in cælum aspexero, aut suspirauero : dicens : Renouo omnia : vel ô amor : ô DEVS meus ! vel quid simile : protestando expresse, contra omnes diabolicas tentationes suggestiones fraudes : & contra omnes distractiones obliuiones, cogitata, dicta, vel facta huic meæ intentioni & pacto contraria.

Quæ omnia mea & totius mundi opera licet abiecta & inutilia sanguine IESV aspergo, meritis Beatissimæ Virginis & omnium Electorum vnio, in corde IESV depono, ac per manus ipsius tibi DEO meo viuo & vero dono, offero, confesco ad purissimum gustum tuum, ad nullum præmium meum, eo solo respectu, quia dignus es coli, laudari, amari, ac idcirco quia DEVS meus es !

*Pactum*

*Pactum ferie secundæ*

**O** Corde toto, mente totâ, viribus totis, totâ animâ, & fortitudine spiritûs corporisq; amabilis, & amans bonitas amantissimi Lei mei! nunquam cor ullum exhauriet te amando! nunquam tantum amabit quantum es amabilis, quantum amas, & quantum bonus es!

Ab æterno mi Deus fuisti! & ego te necdum amabam! sed amabas te! gaudeo, nunc saltem effice, vt in æternum amem te tecum, qui ab æterno amasti te sine me, & me tecum. Utinam ab æterno incepissam amare, adorare, delectare te! Utinam nunc suppleam ea tempora omnia, quibus non amavi te, utinam, quamdiu fuero amem te.

In manibus tuis tempora mea, ô Deus æternitas! seruiant tibi, ament te, ancillæ horæ meæ ac ultimæ potissimum! Da mi Deus, vt nihil perdam temporis mei, sed illud impendam tibi, ac redimam horas meas, & momenta temporis infelicitis, quo te offendi.

O alpha & omega temporum, ac rerum mearum omnium. Dies meus totas est quoddam alphabetum viginti quatuor horis, velut literis totidem constans, è quibus varie compositis vniuersum æternitatis meæ volumen colligitur: Fac tibi ex his horis, velut literis laudem tuam, orationem talem quotidie, qualis tibi maxime placet super omnia Deus meus! vt singulæ meæ horæ sint ad te, sint laudes tuæ.

Utinam in vno corde cordibus infinitis, per momenta singula infinitis seculis in vno actu bono infinitis bonis actibus, possim amare te Deus meus!   
 ô si per possibile, impossibile liceret mihi hoc,  
 die per



die per æternum continuantiam, Theandricam te-  
dignam, statuerem, gratitudinem & amorem tibi!  
O si maiestuoſo tuo honori impendere quouis ſpi-  
ritu & reſpirio poſſem, quidquid ſupernæ men-  
tes & electi tui impenderunt, impendent poſthac &  
ſi ſuperare liceret, in id pia æmulatione intenderem.

Vtinam mi Domine! quotieſcunq; hoc tuum  
nomen Deus! mente, voce, calamo expreſſero, illa  
ipſius memoria ſit humillima, & cordialiſſima gra-  
tulatio quod ſis Deus! ſit deteſtatio peccatorum  
meorum & totius mundi quibus iniuria irrogata  
eſt à nobis tibi Deus! ſit effuſio cordis mei, quia  
amo te toto me, toto te!

Sit immenſum deſiderium meum, quo vellem o-  
mnium idololatrarum, atheorum, politicorum diſ-  
ſidentium, & omnium te verbis vel factis negantium,  
& vacuum quoddam Dei nomen in ore gerentium  
maſtiam fide mea, ſpe mea, charitate mea, æterna  
& exaggeratiſſima reuerentiâ reſarcire! imò in per-  
ſona omnium dæmonum ac damnatorum, & o-  
mnium irrationalium creaturarum, procidere ante  
te, in omnibus locis adorare te, ita vt omne ge-  
nu ſectatur, dum ſectatur meum.

Et quia particeps ego ſum omnium timentium  
te, ideo quoties etiam orantes alios videro, aut Re-  
ligioſos intentos tuis laudibus canentes & psallen-  
tes audiero, toties verto me ad quatuor mundi clima-  
ta & clamo amoroſo affectu: Regna terræ cantate  
Deo psallite Domino! Benedicamus Patrem & Fi-  
lium cum S. Spiritu, laudemus & ſuperexaltemus  
eum in ſæcula: Laudent illum glorioſum, cæli & ter-  
ra, & omnis creatura quæ in cælo eſt ſuper terram,  
mare & quæ in eo ſunt, & laudent, & ſuperexal-  
tent eum in ſæcula.

Quo-

Quoties horologij sonitus vel arteriæ meæ pulsus animaduersus à me fuerit: toties quidquid in toto orbe boni actum est approbo & renouo: toties maiori quàm vnquam feruore spiritûs milliesq; & milles maiori ac maiori proportionè illius ad purum gustum tuum, ad nullum præmium meum vellem mi Deus! te omni amore dignissimum, amare mille millibus cordium, millibus cogitationum, suspiriorum, desideriorum, amore tuo, & igne feruentissimorum Seraphinorum,

Deus meus per omne quidquid in IESV, MARIA, in omnibus electis tuis, & in te ipso amas, offero tibi singula momenta vitæ ac mortis meæ, cum omnibus quæ agam vilo sensu interno vel externo, ad summam super omnia gloriam tuam.

Eadem singula mea, & si tibi placet Deus meus omnium creaturarum opera tibi sacrifico, & illa coniungo cum omnibus meritis Christi, Beatissimæ, & Ecclesiæ triumphantis, aspergo illa Sanguine IESV.

*Pactum feriæ tertiæ:*

**O** Amabilissime Deus! tu es Dominus meus, & ego subditus tuus, quid iam imperas Domine? aliud nihil quàm amorem. O quale regnum Dei mei! in quo regit bonitas, in quo lex amor est, & amare tributum est, quàm bonus es mi Domine! cuius imperium amor est.

O amantium Rex! tantine est amor meus vti nisi amem, oderis me, & morte afficias me, eâq; æternâ? ita scilicet sum carus, vt tantis minis ad amorem me tui id est ad felicitatem meam compellas. Quid possum aliud mi Deus, quàm amare te, non quia minaris, sed quia ex amore minaris?

*Quæ*



Quæ verò est impudentia mea, si hoc unum cor quod habeo, & id miserum; non totum amoris tuo impendam? non consecrem? nunquid dignus sum tor infernis, quot in cælo stellæ micant, si non totum cor meum, vitam & animam meam tibi dedicem?

Beati in cælo te Deus meus videntes, potius paterentur inferni flammæ, & omnes possibiles alios cruciatus, quàm cessarent vel momento à te amando.

Ac proinde mi Domine, siue saluandus, siue damnandus sim, omni possibili modo te etiam ex nunc volo colere, amare, delectare. Nam si ex misericordia tua, quod spero, saluabis me, possum non tam bonum non amare? sin ob peccata mea, adeoq; iuste damnabor, saltem nunc amabo te amore dignissimum. Amo te non tantum quia bonis tuis me cumulas, sed etiam si his retractis omnibus malis nunc & in æternum me subijceres te amarem, quia te amo non tam ob id, quod ego sum ex munere tuo, quàm ob id, quod tu es ex natura tua.

Quoties igitur Vivens dixero: Paciscor, vel: Benedicam Dominum in omni tempore. aut quid simile, tunc omnia excogitabilia & possibilia amoris, honoris, laudis, glorificationis, ac servitutis obsequia præstare, non attentâ etiam futurâ meâ damnatione, in æternum volo ac constituo. Eo etiam pacto, ut me postea ad inferorum supplicia relegatum, præserues ab illo exitiali demonibus ac damnatis infixo tui odio, blasphemijs, ac maledictionibus rabiosis ac desperatis.

Hanc enim gratiam corde & corpore prostratus, peto à te mi Domine! ut sicut ab omnium beatorum cœtu iudiciorum tuorum rectitudo in finis laudibus

dibus celebratur in cælis, ita si ego (stante tali & quidem æternum de me duraturâ dispositione) in profundissima illa voragine constitutus fuero, incessabili laudis & benedictionis præconio, valeam correspondere (etiam frendentibus contra me diabolorum & damnatorum cateruis) ita ut vnus & solus ego in medio illius maledictæ cohortis, approhem, aforem, & laudem fines ac motiua rectissimorum iudiciorum tuorum, quibus me & omnes infernū meritos damnaſti, ac solus ego tot tibi benedictiones rependam, quot in te a cæteris maledictiones euomentur.

Tu ſcis Domine deſiderium meum, quia amo te, amo in vita, in morte, in æternitate. Ad vnicum honorem, laudem, gloriam & guſtum diuiniffimi cordis tui dono, & offero tibi animam meā, cor meum, & corpus meum, cum vniuerſis potentijs, membris, ac ſenſibus internis atq; externis? videlicet intellectu, memoriā voluntate, viſu guſtu, auditu, odoratu, & tactu: cum carne, oſſibus, vita, ſanguine, venis, arterijs, reſpirationibus, atq; gemitibus.

Omnes inſuper cogitationes, verba, opera, grefſus, geſtus, motus, & ſingulos oculorum ictus, & nutus: deniq; omnes animæ & corporis functiones, uſum, motus, & operationes in vigilia, & ſomno, bonas & indifferentes; omniaq; temporis mei momenta: mortem meam, æternitatem meam, ac totum meum eſſe in natura, & gratia in obſequiū ſeruitutis, laudis, glorificationis, amoris, ac beneplaciti tui tibi dedico.

Et hæc omnia, quæcunque per gratiam tuam ſum dicturus, cogitaturus, & facturus, agere volo eodem affectu, ſpiritu, & intentione, quibus



quibus Christus filius tuus operabatur in terris, ita ut tibi omni actu, respirio, ac suspirio, omnem laudem, cultum, honorem, & gloriam tribuam, quam tibi suis ille actionibus theandricis exhibuit.

*Paſſum feria quarta.*

**Q**uid petis à me Deus meus? audio ſuauiſſimam tuam vocem: Præbe fili mi cor tuum mihi: Ecce habes! tibi ſponte & hilariter dono, quidquid mihi dediſti, cor, animam, vitam, ſanguinem, intellectum, & voluntatem meam.

Nolo cor meum niſi tuum, nolo amare niſi te, nolo vivere niſi in te, & propter te, nolo ſapere niſi te, nolo velle niſi te, iam tuus ſum, non ſum meus.

Quia verò mi Deus vivo ego, quaſi non ego, ſed tu vivis in me; utinam mi Domine, qui es omnia in omnibus, per quamcunq; hypoteſim in me ſungeris vice cordis, mentis, animæ, virium fortitudinis meæ, quàm benè ex toto corde, mente, anima viribus fortitudine amarem te!

Omnia opera noſtra operatus es in nobis Domine: (Iſai; 25). Tibi ergo ſit unicè, tibi gloria ex me, non mihi. Tu ergo tui amorem in me operare, Tu te in me ama, & hoc ſit exaggeratiſſimum ſolacium meum! nam licet ego te amare non poſſim, quantum mereris, tu certe id potes, & vis, & facis ſemper, ſemper es in me, & in me exiſtens, non minus amas te, quàm exiſtens in empyreo illo gloriæ tuæ throno.

Ament etiam & loquantur tibi oculi mei; quoties illis toto vitæ meæ tempore cælum aſpexero, toties deſidero tibi offerre omnia illa cordium ſacrorum

ctorum desideria, quibus accendebantur sancti, cum caelum aspicerent: toties offere tibi desidero totum illum amorem, quo amaris in caelo à te ipso, à MARIA, & ab omnibus electis tuis, & desidero illis adiungi ut amem: toties eo dilectionis ardore omne bonum volotibi quo filius tuus suo diuino humanog; vult de tuo bono, gaudio ipsius gaudeo.

Amet te & benedicat tibi lingua mea; quoties illam mouebo, toties vellem omnia membra mea conuertere in corda & linguas ardentissimorum Seraphinorum, ut ament & laudent te: toties desidero loqui linguis omnium gentium, imò omnes guttas arenas, atomos, in choros & caelos te laudantium conuertere omnium Sanctorum, possibili affectu ac brachijs amoris te constringere, huncq; amorem & adorationem in æternum continuare.

Amet te cor meum, & amore tui ardeat, quia dignus es, ac simul dolore, quia offendi te disrumpatur. O si in hoc actu amoris simul & doloris non immorer tantum sed etiam immoriar! O si hoc instanti cor istud perfidum obrueret pudor, disrumperet dolor, Doleo milles, doleo infinities, quia ex toto corde diligo te o amantissime Deus! Ah! utinam optime Deus offense à me? utinam quidquid temporis, quidquid operæ, quidquid cordis impendi amâdis alijs rebus tibi vnice in pē lerem.

Ament te omnes cogitationes meæ, & quoties illas ad te direxero, toties mi Deus mente procido ante te! pronus ac supplex adoro te factorem meum, ego figmentum tuum: toties opto corde Iesv filij tui te laudare, per quem maiestatem tuam laudant Angeli, cum quibus laudo, & adoro cum.

Domini.



Dominationibus, tremo cum potestatibus, concelebro cum Virtutibus, amo cum Seraphinis.

Ament te omnes respiraciones meæ, sed ultima potissimum, dum expirabo, sit holocaustum amoris tuo & honori, sit gratulatio, sit amor, sit compendium omnium bonorum actuum, qui vnquam ab vllō viuente facti sunt vel fient. Nunc offero, & millies ac millies oblatas volo meas omnes respiraciones vsq; ad vltimam, ad summam gloriam tuam.

Insuper quidquid dixerō quidquid cogitauerō & fecerō, totum opto vt tuum, vt & ad maiorem tui gloriam, cum omni pura & simplici ac deiformi intentione quam vnquam habuit Beatissima Virgo, & omnes sancti, & ipse Sanctus Sanctorum Redemptor noster IESVS CHRISTVS.

Desidero omnibus actibus ac operibus meis, ac totius mundi addere numerum & pretium infinitum ac fines omnes, qui vnquam in diuina tua mēte sunt optimi, ac augere numerum singulorum bonorum operum & intentionum bonarum quouis momento infinito, quibus a me vel ab vlla creatura honoraris. Imò opto singula quæ facio, ad supremum tibi placendi, seu intentionis eminentissimæ apicem eleuare.

*Pactum feria quinte.*

**O**bscero Domine, si inueni gratiam in oculis tuis, liceat mihi pauca querere. & bonitas quid est quod me ames, & sic ames, cum odisse me deberent omnes creaturæ? quid est quod amari cupis a me, inter amatores tuos me feligens, qui indignus sum, qui sum inter dæmones seruus eorū factus?

Imò verò præcipis bone Deus! vt te amem, &

mihi

nisi faciam, minaris, an opus est his vinculis, ut ad  
tui amorem obstringar? an careo corde, quo te  
infinitum bonum amem? iam si amor amore com-  
pensari debet, quis amor amoris diuino par esse potest?

Ab æterno amasti me, cum necdum essem, aut  
redamare possem, mundum creasti & conseruas e-  
tiamnum mei causâ. Angelis mandasti, ut me cu-  
stodiant, merces mea magna voluisti nimis, pec-  
cantem ad penitentiam & gratiam reuocas, sed il-  
lud amabilius, quod volueris Deus Homo fieri, tam  
dura pati ac deniq; in cruce mori pro me, insuper vi-  
cinus mortis corpus & sanguinem tuum in Sacramen-  
to reliquisti, pignus tui amoris admirabile

O IESV pluiquam amabilis! post tantum amo-  
rem non amabo te? aut non amabo te intensius,  
quàm aliqua tuarum creaturarum? imò in testifica-  
tionem amoris mei, vellem omnes excedere te a-  
mando. Vellem omnibus adibus simul sumptis to-  
tâ æternitate elicitis, ac eliciendis, aut vno aliquo  
illis omnibus, præstantiore eoq; in infinitum mul-  
tiplicato, & aucto te DEVM meum colere, amare,  
& exhilarare.

Sit tibi satis Deus meus! amo te toto me, toto  
te! amo te millies omnibus momentis vitæ meæ,  
plùs quàm me, plùs quàm satietatem animæ meæ,  
plùs quàm ipsam beatitudinem meam, in hoc mo-  
rior amo te!

Et quia magis ac magis opto amare te, hoc cum  
anima mea pactum in eo, quotiescunq; dixero, amo  
te, paciscor, peto à te, laudo te, rogo vt intelligas  
omne id, quod hæcenus dixi, & quod ulla creatu-  
ra & omnes in cælo in terra simul sumptis tibi gra-  
tum egerunt, agentq; tanquam denuo repetitum &  
millies approbatum.

Obsecro



Obsecro vt intelligas, quia eo momento, quo ad te suspirauero, intendo tibi Domine omnes laudes dare & offerre, quæ dantur & dari possunt, quouis modo, libris, voce, silentio, admiratione, amore, obedientiâ, opere, qualq; tu ô Sanctissima Trinitas vnus Deus tibi das in æternum & vltra.

Opto tunc omnes actus meritorios, & quicunq; tibi DEO meo grati fuerint, & erunt in Christo, in Virgine Beata, in Sacrificijs, Martyrijs, conuersionibus animarum, mortificationibus, eleëmofynis, actibus heroicis, approbare, ratificare, offerre, cuius actioni includere, replicare in momentis & atomis rerum.

Quoties signum Missæ vel eleuationis Sanctissimæ hostiæ percepero, toties in persona omnium hominum, quicunq; fuerunt, sunt, & erunt, volo mihi Deus procidere ante te, agere tibi gratias pro institutione huius Sanctissimi Sacramenti. Vbi vera fide credo, & profiteor te esse viuum Deum, & hominem sub speciebus panis & vini, per verba tua consecratiua, ore Sacerdotis, habentis intentionem agendi, quod tu egisti prolata Credo & profiteor, quod sit vera realis transubstantiatio panis in carnem tuam diuinam, vini in sanguinem, remanentibus solummodò accidentibus panis & vini per tuam omnipotentiam,

Toties ago tibi gratias, pro abyssali, ac imperceptibili bonitate tua, quâ hoc Sacramentum tuum instituisti vt in hac lacrymarum valle existentem, diuinitatis tuæ quodammodo faceres participem. Gratias tibi pro stupenda, in æternitate reuelanda, patientia tua, quâ tam execranda toleras à Paganis, idololatris, hæreticis, ac malis catholicis.

Ac insu-

Ac insuper benedico te pro magnificentissima invisibili quidem oculis nostris, certissima tamen assentia, quam præstant tibi in Eucharistico Sacramento beatorum spirituum ordines.

Eadem verò singula mea, & si tibi placet DEVS meus omnium creaturarum tibi opera sacrifico, & illa coniungo cum omnibus omnino veteris legis & nouæ sacrificijs cruentis & incruentis, cuperemq; omnibusquæ facta sunt, vel fieri possunt missæ sacrificijs interesse, omni omnium sacrificantium, eisq; assistentium, adeoq; ipsius, IESV & MARIE pietate.

Vtinam etiam singulis momentis possem IESVM in Eucharistiæ Sacramento percipere cum illo apparatu, quo illum vlla vnquam, anima, vel re ipsa veletiam desiderio accepit vnquam! ac te DEVS ipso corde IESV amare infinitis modis in infinitum

*Paclum feria sextæ,*

**O** Deus! si me ad thronum illum gloriæ tuæ vel semel euocares ad te, ad vnā quasi horam, quomodo istic ego, quā reuerentiā me prosternerem, te adorarem, te amarem, veniam peterem. Ecce nunc idem es in me intimè qui istic es, nec esse minor potes, da ergo, vt ita, vti tunc facerem apud te, hic adorem, amem, deprecer te, dum es apud me, in me.

Quia verò mi DEVS tu idem es semper, ego verò tædio, alijs cogitationibus, ex alio in aliud eo ambulatoriā inconstantia voluntatis, adeoq; non sum semper is, qui sum nunc, nec semper ita expeditus, vt de te cogitem, & excogitem actus, qui tibi placent exquisitæ ac profundæ humilitatis, contritionis, gratulationis, amoris, intentionis, quā vitam



vitam totam, vltimum vitæ punctum & ipsam æternitatem meam offeram tuæ diuinitatis amori & honori æterno, illo modo qui tibi maximè placet, nunc petita à te suppliciter veniâ, hoc tibi Domine de me certum esse velim.

Quoties respiratione aut motu cordis ad te suspirauero, vel hoc nomen tuum Deus pronunciauero, ille actus sit interpret cordis mei, quo vellem, vt nomen tuum pronuntiatum sit instar voluminis, vel bibliothecæ infinitæ continentis omnes actus placentes tibi, significetq; desiderium meum, omnibus illis actibus, qui vnquam fuerunt vel erunt tibi grati te amandi, laudandi, adorandi, gratulandi, pro te patiendi!

Quoties mi Redemptor amantissime! tuam imaginem aut crucem aspexero: toties supplex corde & spiritu procido ante te, pro me incarnatum, in horto orantem, ac sanguinem sudantem, positum in agone, ab Angelo confortatum, osculo Iudæ proditoris traditum, comprehensum, vincitum, per tot tribunalia tractum, tota nocte incarcerationatum, productum ad Pontifices, ferreâ militis manu colaphizatum, reum mortis condemnatum.

Procido ante te crudelissimè flagellatum, dolorosissimâ spineâ coronâ redimitum, innocentem sceleratissimo Barrabæ postpositum, ad infame supplicium damnatum, extra portam Caluarie locum crucis onustum protractum, velimentis nudatum, attritis clavis cruci affixum, felle & aceto potatum, tot blasphemijs illusum, pro crucifixoribus exorantem, capite inclinato expirantem, ex aperto pectore aquam & sanguinem, profundentem, ac demum de cruce depositum, nouo sepulchro illatum.

Quotiescunq; signum Sanctissimæ Crucis fronti, ori, cordi impressero: toties gratias tibi ago dulcis IESV quia cum potuisses propè infinitis modo longè faciliori, genus humanum saluare, tamen elegisti, vsq; adeo difficilem, plenum doloris & ignominiarum, vsq; ad vltimam guttam sanguinis pretiosi in ara Crucis effusi.

Gratias tibi Domine, quia ab æterno ita dilexisti me ( dum illo momento æternali, & decreto ab æterno facto resoluiſti te, vt assumptâ naturâ humanâ in personam Verbi, hominem, Deus factus homo à peccatis redimeres, mortis chyrographum deleres ) vt si totum genus humanum esset immune à peccato, nec vllâ egeret redemptione, & solus ego ac vnicus prauaricator essem, tu pro me solo, vitam & sanguinem æterno Patri exposuisses.

Quoties mediator efficacissime, de tua passione, sanguine, morte, dixerò, audiero aut cogitauero vel scripserò: toties in persona omnium Ethnicorum de te nescientium, aut scire nolentium, in persona omnium in peccato mortali existentium, ac demum omnium Schismaticorum, Hæreticorum, Persarum, Japoniorum, Turcarum, Sinensium, & quicunq; infideles sunt & erunt ad orientem & meridiem, ad occidentem & septentrionem, ac demum nomine celestium, terrestrium, & infernorum adoro veneror & exalto te ab his omnibus adorari & exaltari cupio, dignus enim es Domine vt à toto mundo adoreris & ameris in æternum.

Quoties mi Deus! tua recolenda beneficia, cor meum intra me incaluerit, aut ad te suspirauerit: aut lingua dixerit: ô mi Deus! ô amor! quid retribuam tibi pro omnibus, quæ tu tribuisti mihi?

toties



toties cupio millies millesies in mille diuidi partes, & tot millenis cordibus te amare: toties opto omnibus omnium quæ à te creari possunt, cordium viribus & amoribus, ad te ferri.

Imò toties libentissimè cor meum totum transcribo, cedo, dono, vt iam non sit meum, sed tuum cor; vt iam nihil sui, aut mei amoris habeat, sed tantum tuum; imò, vt iam non tu ego te amem, quam tu ipse te corde meo ames, iam non meo. O ama, ama te illo ardentissimè Creator meus, & omne bonum meum, ama te quia dignus es, vt ere illo ad omne arbitrium tuum, polthabito omni arbitrio meo, quod in tuum transfero, & cuius tibi clauem, usq; omne permitto, resigno, trado.

Hæc omnia & singula tibi mi Deus offero in vitione perfectissima, & inseparabili omnium sanctissimarum cogitationum, verborum, operum, actionum, virtutum, laborum, dolorum, passionis, mortis, & effusi pretiosissimi sanguinis, de viuifico & amabilissimo latere & corpore tuo.

*Paſſum Sabbathi.*

**H**æc est voluntas tua, mi Bernardo dicente ac reuelante Deus, qui nos totum voluisti habere per **MARIAM**, vt illam totis medullis cordium, totis precordiorum affectibus veneremur. Fiat voluntas tua mi Deus! da quod iubes, da vt illam tuo exemplo amem, qui illam adeo honorasti, da vt illam plus amem, quam illam oderint omnes diaboli, & omnes hæretici, omnesq; inimici tui.

Indignus quidem sum Virgo Beatissima ego peccator homuncio, vt labijs pollutis loquar de te, & colam te. Fac me tamen obsecro saltem vnum

de mancipijs tuis, Summa felicitatis meæ hæc est, esse aliquid tui. En habere me corde & corpore prostratum tuis pedibus! calca hunc aspidem, quia tibi dictum est: super aspidem & Basiliscum ambulabis. De meo scriptum accipio: Ipsa conteret caput tuum.

In signum ergo perpetuæ seruitutis meæ & amoris mei, liceat mihi nunc vobiscum ô IESU, ô MARIA, perpetuum inire pactum.

Quoties de tua MATRE loquendo, scribendo dixerò, Domine gratias ago: toties pro omnibus donis naturæ, gratiæ, gloriæ, Virgini Beatissimæ concessis laudo & benedico te, quam immaculatè concipi atq; nasci, licet generis nostri filiam, omnipotenti imperio tuo iussisti ac voluisti.

Gratias tibi S. Trinitas pro decreto redemptionis humanæ a te facto, idq; per incarnationem Verbi æterni. Pro eo, quod Deus Verbum suscepturus hominem non horruerit Virginis uterum, sed cū nouem mensibus diebus ducentis septuaginta sex eundem inhabitare dignatus sit, similis per omnia nobis factus est.

Gratias liberalitati tuæ mi DEVS! pro omni donorum thesauro, quem in Sanctissimam purissimam ac pretiosissimam Matrem tuam effudisti, præcipue pro amore illo, quo eandem amas, pro omni dignitate in cælo & in terra, & quicquid miraculorum, imaginum, librorum est, quidquid illius honori fiet vel factum est vnquam, ac pro beneficijs orbi vniuerso per MARIAM concessis ac destinatis,

Quoties de te Virgo Beatissima dixerò, aut imaginem tuam aspexero, aut alios loquentes de te audiero:



diero: toties credo ô veritatis Mater MARIA, quicquid de virtutibus, gloria, beneficijs tuis reuelatum vnquam, aut credibiliter assertum fuit. Speciatim vero credo te Deo magis placere, atq; apud eundem preces tuas plus posse, quàm omnium electorum simul tam Angelorum quàm hominum. Credo te solis tuis precibus in cælo pro animabus purgatorii, fufis à purgatorio eas liberare, & pœnas illarum mitigare. Credo dolorem tuum in passione filij omnium martyrum tormentis intensiorem fuisse. Credo te cum glorioso corpore in cælos assumptam. Filio tuo proximam exorare, quicquid oras.

Quoties te salutauero & diero: Ave gratia plena. Rogo clementissima, purissima, vt intelligas ac se dicerem.

Aue ancilla Trinitatis humillima.

Aue Maria præelecta Dei Patris filia sublimissima.

Aue Maria Sponsa Spiritus S. amabilissima.

Aue Maria Mater Domini nostri Iesu Christi dignissima.

Aue Maria sponsa Sanctissimi Ioseph castissima.

Aue Maria Soror Angelorum pulcherrima.

Aue Maria promissa Prophetarum desideratissima.

Aue Maria Regina Patriarcharum gloriosissima.

Aue Maria Magistra Euangelistarum veracissima.

Aue Maria Doctrina Apostolorum sapienissima.

Aue Maria confortatrix Martyrum validissima.

Aue Maria fons & plenitudo Confessorum suauissima.

Aue Maria honor & festiuitas Virginum iucundissima.

Aue Maria consolatrix viuorum & mortuorum. promptissima.

Aue candidissimum lilium, fulgidæ semperq;  
tranquillæ Trinitatis, rosq; præfulgida cælicæ amæ-  
nitatis, de qua nasci, & cuius lacte pasci, Rex cæ-  
lorum voluit.

Cupio te reuereri omni eâ reuerentiâ, cuius es-  
capax, quâ te in terris honorauit Filius tuus obe-  
dienter tibi subditus, quam idem tibi exhibet eti-  
amnum in cælo; quam exhibent omnes pijs tuis  
imaginibus præcipuè miraculosis, in toto orbe aut  
nomini, & exhibebunt in sæcula.

Laudo te omni illâ laude, quam tibi exhibuit  
in terra & in cælo Filius tuus Deus: omni laude,  
quâ te uquam laudârunt deuoti tui, seu verbo, seu  
scripto, & quâ laudabunt te in omnem æternitatem;  
tum illi, tum omnes Angelorum chori, & quâ te  
laudarent singulæ maris guttæ, terræ puluisculi,  
herbulæ, arbores, si linguam & loquendi faculta-  
tem haberent.

Saluto te ex affectu Gabrielis Archangeli, om-  
nium cælestium spirituum & electorum Dei, om-  
nium qui te iam salutârunt, salutant, & salutabunt,  
imò vellem salutare corde & ore filij tui, mo-  
do tibi gratissimo mihiq; possibili te saluto, ac  
in persona omnium cælestium, terrestrium, &  
infernorum ante te Dei Matrem procido. Affectus, &  
amores, ac honores omnes tuos approbo, de  
illis gaudeo.

Quoties dixerò amore itoties ita te diligo & di-  
lectissima Deo & hominibus MARIA, vt paratus  
mihî videar gehennam pati prius, quàm culpâ meâ  
minimum gloriæ tuæ detrimentum pati. Desidero  
amare te si fieri possit, amore quo te amat SS.  
Trinitas, humanitas tui IESV, quo omnes Angeli  
hominetq;



hominesq; te amant vel amabunt, desiderando, vt orbis terrarum vniuersus te norit, amet, colat perfecte, etiamsi ad hæc tibi procuranda, sine spe vilius præmij deberem pati ingentia, & mori milles.

Quoties dixerō : offero tibi; toties o Domina mea, me in tuam benedictam fidem, ac singularem custodiam, & in sinum misericordiæ tuæ, hodie & quotidie, & in hora exitus mei, animam meam, & corpus meum tibi commendo, omnem spem meam & consolationem meam, omnes angustias & miseras meas, vitam meam, & finem vitæ meæ, tibi committo, vt per tuam sanctissimam intercessionem, & per tua merita, omnia mea dirigantur, & disponantur opera, secundum tuam tuq; filij voluntatem.

Omnes has, ac indifferentes actiones meas, & totius mundi, ad tuam gloriam mi Deus offero, vt omnia & singula vitæ meæ ac mortis momenta, sint mihi, tibiq; æterno solatio, IESV & Mariæ æterno honori, & amor, in felici beatorum Angelorum æternitate,

### De cultu Magnæ DEI Matris.

**I**nter omnia Dei creata, nihil est Dei Matre excelsius, *Hac est enim honos totius creature & præcipue generis nostri, quæ nec primam similem visa est, nec habere sequentem ait S. Bernar. Hac est, quæ minus est, quidquid sub Deo magnum est. S. Anselm.* Si ergo Deum amas, & semper plus amare vis, ama etiam id, quod maxime amat Deus. Ergo post Deum æstima, ama, cole, super omnia Virginem. Sicut enim Deus summe colendus est, quia summe bonus & dignus est, ita vnumquodq; aliorum,

prout magis minusuē ad primam bonitatem dignitatemq; accedit, æstimandū, & obseruandum est.

Hæc enim dignissima Mater Dei, est aduocata, Patrona, & Mater nostra; tam pia, tam potens, & omnem ad eā conuersum. Et ab illa respectum impossibile sit perire. Si Anselm: Imò nullus est qui saluus fiat, nisi per hanc sanctissimam: nemo est qui liberetur a malis, nisi per hanc purissimam; nemo cui celeste donum conferatur, nisi per hanc charissimam S. German:

Si a dæmone infestaris, si criminum immanitate turbatus, iudicij horrore perterritus, trilitiæ & desperationis barathro incipis absorberi, cogita MARIAM, MARIAM inuoca. Si Filij Dei in hac vita gratiam & consolationem ambis, eiusdemq; aspectu in vita altera beari quæris, Matrem honora. Si demum corporalibus premeris necessitatibus, si quibuscunq; in hoc oceano iactaris fluctibus, respice stellam maris, voca MARIAM, Suadet S. Bernard:

Deinde SS. Doctores censent, peculiarem devotionem erga Beatissimam Virginem MARIAM, probabile admodum prædestinationis, seu electionis esse signum, Ita expresse S. Bonau. in speculo Virg: Qui dignè coluerit illam, iustificabitur, & qui neglexerit illam, morietur in peccatis suis. Redditationem S. Bernardus: Quia quando pro homine peccatore exhibet Filius Patri latus & vulnera, Mater Filio pectus & vbera, non potest fieri repulsa, ubi tot concurrunt charitatis indicia. Nec tamen illi beati aut felices statim dici debent, qui leue aliquod obsequium Virgini Beatissimæ impendunt, & mores eius, vestigia & virtutes imitari negligunt, tales enim



enim non incongruè, qui quotidie peccata peccatis accumulanti, & Virginem aliquibus colunt precibus, assimilari possunt Philistæis, qui genu unum coram Arca Domini flectebant., alterum coram idolo Dagon.,

Affectuosæ salutationes Virginis  
Beatissimæ.

**S**aluto te humillimè Domina mea elementissima, purissima. Quæ es ab æterno Patre in filiam electa ante sæcula; à Dei Filio electa in Matrem, à Spiritu Sancto electa in sponsam, Promissa & expectata à constitutione mundi. Imperata precib⁹ steriliū parentū, cōcepta citra omnimodam labem, ab omni actuali peccato præseruata.: Omnibus virtutibus maternitatem diuinam docentibus exornata: Nata ad orbis decus & salutem insignita Sacro nomine M A R I Æ, decimo quinto die à natali,

Laudo & glorifico te Sanctissima Virgo, quæ es trimula in templo oblata, Virginitatem prima voto firmans. Vitam in templo cælestem agens vsq; ad 14. ætatis annum Purissimo Patriarchæ Iosepho cælit⁹ in sponsam data. A Legato supremæ TRINITATIS submissè salutata & compellata. Responso pudoris atq; obedientiæ pleno tuum assensum exhibens. Dei Filio grauida facta. Elisabetham inuisens, & Baptistam necdum natum implens diuino spiritu. Pro sponsi angore ad virginei vteritumq; stupentis piè sollicita. A Iosepho diuini arcani cōscio facto, longè magis dilecta magisq; culta:  
Aue MARIA expectans & desiderio desiderans horam.

horam saluari partus. Bethlehemum veniens & ab omnibus diuersorijis exclusa. Sanctam speluncam Dei ortu nobilitandam reuerenter subiens. Nixa Virgineis genibus ad orandum, altâq; imminentis Mysterij contemplatione suspensa. Virgo quem genuisti, adorans & amplectens. Sitibundum parvulum HOMINEM DEVM lactans. Hebræorum Pastorum pietati, ostenso recens nato Messia, satisfaciens. Circumcisi Puelli gemitibus ingemiscens. Nomen IESV imponens, idq; cum summa veneratione pronuntians. In barbaris Regibus Natum adorantibus gentilis ecclesiæ primitias comite excipiens.

Procido ante te, Virgo Deipara purganda legalitatu templum ingredias, & Primogenitum tuum offerens. Danis ISRAELVM Simeoni amplectendum, ac funestas vaticinationes audiens. Fugiens in Ægyptum, dum innocentes obtruncantur. Rediens post septennale exilium in Palestinam. Commorans in Nazareth & tanti Pueri diuino contubernio fruens. Subtractum sponte Filium duodenem sollicitè versigans. Post tres dolore plenos dies, repertum in templo Filium vni abducens. Charissimo Sponso IOSEPH morienti oculos claudens. Primum miraculum in nuptijs Canæ à Filio impetrans. Filium Apostolicis laboribus occupatum assidue affectans, eiusq; diuinas conciones obleruans.

Amo te, elementissima ac purissima Virgo Filium dilectissimum ad cenam ultimam & mortem properantem supremum salutans. Compassa comprehenso, à discipulis deserto, per varia tribus raptato, flagellato, spinis coronato, iniquissime condemnato. Occurrens Filio crucem baiulantem, & ad Caluarie montem succedenti. Audiens crucis  
deles.



deles iæus malleorum. Spectans Filium latrones inter medium pendentem, Ioannem tibi à Filio commendatum acceptans, & in Ioanne nos omnes. Filium Dei ac tuum in medijs doloribus exspirantem intuens. Cernens Filio iam mortuo lancea latus aperiri. Depositu in Cruce sancto gremio dolenter excipiens, Tumulo diuinum Corpus inferens, tum in mæstam cubiculi solitudinem te abdens.

Sis in æternum benedicta. MARIA. Rediit Nati conspectu & amplexu prima exhilarata. Filium cælos penetrantem contemplata. Spiritum sanctum tibi atq; Apostolis superfusum excipiens. Inter Apostolorum Missas Filij cruentam mortem incruento sacrificio recolens. Filium sæpè in Eucharistico Pane præsertim Ioannis manibus ad Materna viscera reuocans. Sollicita de fidei propagatione & populorum conuersione ad fidem, curam gerens sub vitæ mortalis finem ad Filij perpetuum in cælo conspectum ardentè aspirans. Suauissimè in mortis somnum conuiuens. ex sancti amoris. vehementiore impetu. Exequijs celeberrimis, Apostolorum Virgineo feretro succolantium humoris elata. E tumulo excitata, corpore & animo gloriosa in cælum cum triumpho illata. Coronam suæ premæ potestatis accipiens ab æterno Patre.

*Breuior salutaris Beatissimæ.*

**A**ue MARIA gratia plena Dominus tecum. Ave Filia Dei Patris, Ave Mater DEI Filij, Ave Sponsa Spiritus Sancti, Ave templum totius SS. Trinitatis In Patris potentia, Filij sapientia, Spiritus S. gratia, SS. Trinitatis efficacia; ex affectu Gabrielis Archangelij, omnium ac singulorum cælestium Spi-

um Spirituum & electorum DEI. corde & ore  
Filij tui; modo tibi, gratissimo, mihiq; possi-  
bili te saluto.

Beatam te dicant omnes generationes, & magni-  
ficent in æternum, quia te Ancillam humilem re-  
spexit DEVS, ac fecit tibi magna qui potens est, vt  
esses Mater DEI, Regina cæli, Domina mundi.

*Concludo oratione S. Bernardi.*

*Serm. 2. de aduentu Domini.*

**P**ER te accessum habeamus ad Filium ô benedicta  
Inuentrix gratiæ, Genitrix vitæ, Mater salutis; vt  
per te nos suscipiat, qui per te datus est nobis. Ex-  
cuset apud ipsum integritas tua, culpam nostræ cor-  
ruptionis, & humilitas DEO grata, nostræ veniam  
impetret vanitati. Copiosa charitas tua, nostrorum  
cooperiat multitudinē peccatorū, & fecunditas glori-  
osa fecunditatē nobis conferat meritorū. Domina no-  
stra, mediatrix nostra, tuo Filio nos reconcilia, tuo nos  
Filio commenda, tuo Filio nos representa. Fac ô  
benedicta per gratiam, quam inuenisti; per præro-  
gatiuam, quam meruisti; per misericordiam quam  
peperisti: vt qui te mediante, fieri dignat<sup>9</sup> est particeps  
infirmittatis & miserix nostræ, te quoq; intercedente,  
participes faciat nos gloriæ, & beatitudinis suæ, I E-  
SVS CHRISTVS Filius tuus, Dominus noster, qui  
est super omnia. DEVS benedictus in sæcula. Amen.

*Actus gratitudinis ad finem septimane  
eliciendi.*

**Q**uid retribuam tibi Domine, pro omnibus quæ  
hisce diebus, & omnibus momentis vitæ meæ  
tribuisti.



tribuisti mihi? quid merui, quia inter tot mil-  
liones hominum, quos pro vno solo peccato, alios  
pro paucis admodum, iusto iudicio tuo damnasti,  
æternis pænis addixisti, a Tui visione beatifica e-  
longasti, mihi post tot innumera peccata, abyssali  
decreto, ad relipiscendum pænitentium, spatium ad  
vsq; hodie, ad id momentum misericordissime cõtulisti?

Quid pro bonis publicis & priuatis, pro con-  
seruatione, cooperatione, & gubernatione omnium  
creaturarum retribuam? Quid pro bonis operibus,  
verbis, cogitationibus, te donante à me conceptis  
referam, quippe, qui nihil boni cogitare possum,  
nisi te largiente? Quid pro auxilijs & inspiratio-  
nibus tuis? O Domine, pro his omnibus sis be-  
nedictus in æternum.

Quid autem pro his omnibus reddidi tibi: E-  
heu! reddidi mala pro bonis, quia toties ausus sũ  
grauissimis peccatis meis te offendere, te contrista-  
re. O vtinam ea nunquam commissem, non cor-  
de, non ore, non opere.

O amabilissime Deus! amore tui solius, odi, exe-  
ror, & abominor omnia ab annis adolescentiæ  
meæ, vsq; in hanc horam commissa facinora mea,  
ac totius mundi, speciẽ diuersissima, qualitate infan-  
da, & pudenda, quantitate immentia, frequentati-  
one assidua, numero inexplicabilia, malitiæ au-  
tem grauitate per omnem æternitatem & mille  
inferno inexplicabilia.

O si præ infiniti doloris & contritionis magni-  
tudine, propter hos enormissimos excessus meos  
perpetratos contra te, cor meum intra me collique-  
sceret! O si mi Deus eadem peccata mea & me, in  
puluerem & in nihilum redigeres, eo præcipue mo-  
tuo

riuo, vt infamis & infernalis ille character, macula, & offensa, oculis infinitæ bonitatis tuæ in æternum ampliùs non appareat, sed maneat oblitterata, ac funditus extincta

Ac demum in suppletionem amoris & laudis, quam tibi vt debui, non impendi, offero tibi mi Domine, innoce omnia obsequia iustorum, omnes deuotiones, ieiunia, vigilias; omnem penitentiam, mortificationem, & austeritatem Religiosorum; omnia vota, omnes cultus, adorationes, & omnia SS. Missæ Sacrificia, ac demum, si quæ facta sunt Martyria. Offero tibi incendia amoris omnium Angelorum; omnes laudes Sanctorum totius triumphantis Ecclesiæ. Hæc omnia quasi mea essent, dono tibi, & offero.

Suppleo omnes defectus meos sanguine Domini mei, meritis Beatissimæ & Sanctorum omnium.

### III.

Decet Viatorem semper & ubiq;  
DRI sui meminisse.

*In omnibus vijs tuis cogita Dominum &  
ipse diriget gressus tuos. Prou. 3.*

**V**iator aspirans ad Patriam, ne erret in terra desertæ inuia & inaquosa, semper ambulet coram Deo, & cogitet Deum sibi intimè præsentem; quia in Deo vivimus, movemur, & sumus.

Vnde nos admonet S. Bonau. Attende vt quid agas, & vbicunq; steteris, & quibuscunq; negotijs impliceris die ac nocte, omni momento & ho-

ra De.



Idem Deum semper habeas in memoria, credens & cogitans te esse verè coram eo. & ipsum cogita te ubique aspicere. Hæc autem cogita cum magna reuerentia ac timore pariter & amore.

*Quidquid semper operor* (inquit S. Aug. c. 14. soliloq.) *tu pariter semper præsens ades, Et potes perpetuus inspector omnium cogitationum, intentionum, delectationum & operationum mearum.* Idem ser. 45. de verbis Dom. Ipse timendus est in publico, ipse in secreto; procedis? videns. Lucerna ardet? videt te. In cubile intras? videt te. In corde versaris? videt te si peccaueris, quære ubi te non videat, & fac quod vis. S. Franciscus Xaverius (Manu disc. 8. n. 1.) dicere solebat: *Ubicumq; fuero, meminero, me in orbis terra theatro in celestis Regis & superum oculis versari.*

Præliantes nos, & fidei congressione pugnantes spectat Deus, spectant Angeli, spectat & Christus. Quanta est dignitas, quanta felicitas, præsentem Deo congressi & Christo Iudice coronari! S. Cyprianus ep. ad Tiburit. Ergo non tam sæpe respirare oportet, (concludit S. Gregorius Nazian.) quàm Dei sui meminisse. Deus enim continuò & continenter nobis benefacit.

Certè continuò, cuius Deus benefacit, quia per eum nobis terra stat, fluit aqua, diffunditur àer, ardet ignis, lucet sol, cælum venit, nobis bruta animalia viuunt, seruiunt Angeli. Verbo quæcumq; sub visum, gustum, odoratum, & tactum cadunt, omnia munera tua comperies, quibus Deus te pascit cum esuris, potat cum sitis, operit cum nudus es, fouet cum friges, reficit cum deficiis, sanat cum ægrotas.

Vade

Vnde est summa infelicitas hominis, quòd raro præ oculis Authorem bonorum habeat, quòd in huiusmodi actione supinè negligens sit, perinde vt bruti pisces, cum in mari viuant, moueantur, & sint, se tamen ibi viuere, & moueri & esse ignorant.

Expende tecum, quia tu in mente Dei ab æterno eras, & iam te amabat, ac tibi beneficia destinabat. Sit etiam Deus in mente tua, Tobias Filio suo (Tob. 4.) dicebat: *Audi fili mi Serbaris mei, Et ea in corde tuo, quasi fundamentum construe. Omnibus diebus Serua tua in mente habeto Deum.* Sit hoc fundamentum vitæ tuæ Spiritualis, vt præsentis Dei memor in mente habeas Deum, qui te in mente habuit ab æterno. Nunquam fuit Deus, quin te amauerit. Et tu quando incipies amare DEVM? Vel iam serio incipe, ita, vt qui ab æterno illum amare non potuisti, iam nihil amittas temporis, quo eum non ames.

Et sicut nullum est momentum, quo homo non vitur vel fruitur bonitate ac misericordiâ DEI, sic nullum debet esse momentum, quo eum non præsentem habeat (inquit S. Bernardus) in memoria. Sicut enim assiduè respiramus, ita deberemus amare assiduè ac orare. Est qui putet (inito numero) se intra horæ spatium millies centies & ferè quinquagesies respirare, Toties corde saltem orandum esset, ac tot actus amoris erga DEVM edendi essent, si id fieri posset.

Est & summè periculosum homini non meminisse Dei sibi præsentis, quia sicut pisciculus ex aqua extractus, mox perit & moritur, ita homo ex Dei præsentia per oblationem egressus, necesse est, vt subito pereat. *Non est, ait Propheta, Deus in conspectu*



*ſpectu eius ( ideo ) inquinata ſunt ſua illius in omni tempore, ideo homo ſine præſentia Dei læpius in-  
grauiffima ruit & labitur peccata, in mentis cæci-  
tatem, cordis obſtinati duritiem, ac demum cæco  
impetu ruit in præſcriptum infernale. Nam ſine præ-  
ſentia Dei homo fit, aut per luxuriam velut beſtia,  
aut per ſuperbiam velut dæmon.*

*Idem nobis inculcat Clemens Alexandrinus lib. 3.  
de Pædag. c. 5. Hæc ſolùm ratione fit, inquit ille, ſi  
quis nunquam labatur, ſi Deum ſibi ipſi ſemper addeſſe  
exiſtmet.*

*Sufanna ad adulterium inuitata dicebat; Dan. c. 13.  
Melius eſt mihi incidere abſq; opere in manus ſeſtræ,  
quàm peccare in-conſpectu Domini. Hoc remedio S.  
Paphnucius Thaidem meretricem ſanauit,*

*S. Ephrem Syrus in cella ſua herbas quasdam le-  
gens & mundans, vidit laſciuam quandam feminam  
per fenestram cellam ſuam introſpicientem; quæ  
vt illum ad illicita permoueret; interrogauit eum,  
an quidpiam ei deeſſet; qui reſpōdit illi. calcē ſibi de-  
eſſe & lapides, quib; fenestrā illā obturare & claudere  
poſſet. Petulans verò mulier non ceſſabat verborum  
blanditiæ illū ſollicitare ad illicita, proteſtando, quòd  
inde reſeſſura non eſſet, niſi eius obtinuſſet conſen-  
ſum, Cui Ephrem reſpondit: Agedum igitur, con-  
tentus ſum & condeſcendo tecum ad peccandum,  
cum hac tamen conditione, vt in poteſtate mea ſit  
eligere locū, vbi peſſimæ tux & cupiſcentiæ ſatiſfacere  
poſſim; locus autem hic alius non erit, præterquam  
vrbis Edeſſæ publicum forum. Cumq; illa hunc lo-  
cum repudiaret, eò, quòd tantam nollet ſubire con-  
feſſionem, in conſpectu omnium hominum peccan-  
do; S. Ephrem confeſſum ſubiunxit; Tu hominum*

times præsentiam, nec tamen in conspectu Angelorum, imò ipsiusmet Dei verecundaris? an ignoras Deum ubiq; locorum præsentem, cunctorumq; operum tuorum spectatorem esse? Quæ verba, impellente cor eius Spiritu sancto, eam ad compunctionem veramq; perduxerunt poenitentiam, adeo, vt deinceps casta n. omnino sanctamq; egerit vitam. Mansi n. 2.

Iugis præsentia Dei memoria est compendium, & summa perfectionis in hac vita; Docuit ipse De<sup>9</sup> Abrahamum (Gen 17) hanc veritatem dicens illi: *Ambula coram me, & esto perfectus.* Maxime placuerunt Deo illi seivi se, ob memoriam præsentia ipsius, qui sunt reservati ad certamen cum Antichristo, hoc de illis refert scriptura. *Ambulavit Henoch (Gen. 3.) coram Deo.* in ore Elia, hoc frequentissimum fuit, intuen- do mentis oculis semper præsentem Deum: *Vixit Dominus in cuius conspectu sto.*

De Pretiosissima Filij Dei Matre innuitur in Canticis: *Ego dormio & cor meum vigilat c. 5.* Quæ verba multi SS. Patres explicat de B. Virgine, dicuntq; eam etiam in sonno Dei memorem fuisse. Vnde pluribus Sanctis revelatum est, quod B. Virgo integras ferè noctes orando & meditando traduxerit, vt adnotat Cornelius in hunc locum. Et S. Bernardinus ait tom. 2. ser. 51. Somnus qui abyssat, & sepelit in nobis rationis & liberi arbitrij actus, & per consequens actum merendi, non credo, quod talia in Virgine operatus fuerit, sed anima eius liberè ac meritorio actu tunc tendebat in Deum.

Maximam utilitatem viatori adfert diuina præsentia, præcipue verò quia nos arceat à grauioribus peccatis,



peccatis, puritatem cordis adfert, & in timore Dei conseruat.

Sanctus Antonius Abbas cum in fine certaminis cum dæmone habiti dixisset; vbi eras ô bone IESV? Dominum sibi respondentem audiuit. Hic eram; sed expectabam videre certamē tuū Mans. dis. 3. n. 8. Item sanctus habendo quouis tempore præ oculis semper intimè sibi præsentem Deum, insigne pudoris exemplum reliquit, qui Lycum flumen vado transmissurus, cum nudandi essent pedes, iussit Theodorum vitæ comitem longius à se abesse, sed ne hoc quidem pudori eius facti satis fuit, siquidem ipse aliquid sui nudum videre erubescens, veste se exuere non potuit: Id quàm superis gratum esset, Deus miraculo testatus est, qui famulum suum vno momento in aliam ripæ partem intactâ aquâ transuexit. S. Athan. in vita.

Simile patet exemplum pudicitie in mellifluo nostro Doctore S. Bernardo. Contigit, Bernardus adhuc adolescens apud Matronā quandam hospitaretur. Considerans mulier adolescentem decorum aspectu, capta est laqueo oculorum suorum, & in concupiscentiam eius exarsit. Cumq; adolescens quiesceret, surgens ipsa de nocte impudenter accessit ad eum, quam Bernardus sentiens, nec consilij inops exnunc clamare cepit. *Larrones, Larrones.* Et ita vsq; tertio improba mulier fuit repulsa. Quoniam hic inuictus Heros scuto munitus de carne & diabolo tam generose triumphauit? certè scuto diuinæ præsentie. Et verò quis coram Iudice præsentē peccare audeat?

Huc spectat Innocentius tertius (1. 3. de cont. mundi c. 14.) cum ait: Quis non timeat Iudicem

potentissimum, sapientissimum, iustissimum? potentissimum; quem nemo potest effugere; sapientissimum, quem nemo potest latere, iustissimum, quem nemo potest corrumpere? Iuxta hæc, quis est, qui videns talem potentiam, tam magnum Dominum offendat?

Deinde præsentia diuina in nobis flammæ diuini amoris succendit. *VS DEVM amare?* quærit S. Thom. op. 61. c. 2. & respondet: *Præus oportet cognoscere.* Summum delectabile oportet præapprehendere, cogitando, ut possimus diligere apperendo. Vide ergo intellectu semper DEVM, ut cõcipias affectu. Ad maiorem in dies & momenta flammam amoris diuini concipiendam ex continuo obtutu quasi præsentis DEI, S. Mariæ Magdalenæ de Pazzis frequentissimum fuit, cursare per domum obuias Sorores apprehensâ dexterâ ardentibus verbis ad amorem DEI excitare, hortum ingredi, spatia citato gressu conficere identidem succlamare: O amorem! ad æris campani turrim accurrere, illudq; totis obnixè viribus pulsare, cum illis vocibus: Excitemus mortales omnes, ut amorem hõnc ament. O amor! si mihi ferrea vox foret, quam inclamarem? Amate hunc amorem mortales amate!

Insuper præsentia DEI nos ipsis Seraphinis assimilat. Pulcherrima Seraphinorum occupatio est coram DEO stare, clamando & amare, ut Iſaias vidit c. 6. Quisquis DEVM amat, conatur illum ferre ubiq; in oculis imitatur Seraphinos. Vnde S. Gregorius. Seraphin ex singulari propinquitate Conditoris sui, incomparabili ardent amore. Tanto magis ardent, quanto vicini ores hunc vident.

Cum ergo præsentem DEVM semper habemus Angelorum



gelorum ritu viuimus, quamuis enim illi ad nostram tutelam deputati, curandis nostris negotijs intensissimi sint, non omittunt tamen DEVM aspicere, de illo cogitare, illum continuo stabiliq; amore complecti. Ita Rapháel Angelus Tobiaë comes, & inter homines versatus, omnia peragebat more aliorum diserebat, loquebatur, cibum sumebat: interim tamen versabatur cum DEO, eundem sibi semper præsentem habebat, alio cibo & potu, qui ab hominibus videri non potest utebatur, & Angelus erat.

Quidquid ergo facis, siue legis, siue oras, comedis, bibis, loqueris, ambulas, in omni loco & actione accede ad DEVM viator, ad DEVM intimè tibi semper præsentem. Accedere autem potes, triplici viâ, vel vt reus de peccatis ingemiscens, per viam purgatiuam, vel carens virtutibus per viam illuminatiuam, aut velut sponsa ardens amore, per viam vnitiuâ.

Via purgatiuâ vocât viri spirituales, quando intellectus animæ peccati sæditatem proponit, vt illud detestetur, atq; exterminet quibus ipsa permota affectuum suorum pedibus (vt sic loquar) per voluntatem abit in timorem DEI, & à peccatis cum magna detestatione recedit.

Via illuminatiua est, quando intellectus voluntati proponit amandam pulchritudinem virtutis, omniq; studio quærendam maximè Christi & sanctorum exemplo.

Via vnitiuâ dicitur, quâ beneficiorum DEI & perfectionum consideratione, voluntas in DEVM fertur per amorem, eiusq; voluntati se conformat, atq; ad perfectum cum eo vnionem aspirat.

Hinc apparet triplex affectuum genus, quod triplici viâ respondet, in partibus plures diuidi posse.

Affectus viæ purgatiuæ sunt pudor & confusio de peccatis, dolor de iisdem, timor diuinæ iustitiæ, atq; hinc mortificationis desiderium, vt homo illi satisfaciatur.

Illuminatiuæ: virtutum omnium amor, spes ac desiderium eas acquirendi, rerum terrenarum & voluntatis propriæ abnegatio, imitatio CHRISTI, & Sanctorum.

Vnitiuæ: amor DEI, gratiarum actio, Zelus animarum, lætitia & admiratio de perfectionib<sup>9</sup> diuinis, suspirium ad cælestem gloriam. Hæc ergo triplici viâ, seu affectibus iaculatorijs, sæpius per diem potest viator ad DEVM, & patriam Beatorum accedere.

Orationes iaculatoriæ, & Motus Anagogici quid sint? exemplis Sanctorum Patrum approbantur.

**D**icuntur orationes iaculatoriæ, quia instar iaculorum seu sagittarum velocissimè transeuntium, in cor Diuinum, tanquam in scopum iaciuntur, vt ab eo dona cælestia obtineamus. De his S. Augustin<sup>9</sup> ad Probam ep. 121. dicuntur Fratres in Egypto crebras quidē habere orationes, eas tamen breuissimas, & raptim quodam modo iaculatas, ne illa vigilanter erecta, quæ oranti plurimum necessaria est, per productiores moras euanescat atq; hebetetur intentio. Et Cassianus in collationibus: Frequenter sed breuiter orandum est, ne immorantibus nobis, inferere aliquid, cordi nostro insidiator possit inimicus.

Hunc



Hunc breuem orandi modum per orationes iaculatorias seu motus Anagogicos exemplo suo nos Christus docuit. In horto enim iterabat hæc verba: *Pater si possibile est, transeat a me calix iste.* Sancti in cælo continuo clamant: *Sanctus Sanctus.* Basilii suadet peccatori, vt ad imitationem Chanaanæ identidem inclamet illud: *Miserere mei fili David.* Thais olim meretrix edocta à Paphnutio Abbate sic orabat, *Qui plasmasti me, miserere mei.* Beata Clara de monte Falco milies quotidie DEVM adorabat genua flectens, & totidem fundens Orationes iaculatorias. S. Franciscus totâ nocte orabat, hæc sola verba repetens: *DEVS meus & omnia.* Narrat Theodoretus l. 9. Simeonem styliam, innumeras quotidie adorationes peregrisse, adeo, vt vnus numerauerit aliquando mille ducentas quadraginta, quatuor, alias omittes, quia lapsus destitit numerare.

Dicuntur motus Anagogici, id est sursum ducentes, nimirum, quia illis à rebus terrenis abducimur, & ad superna leuamur, ac tandem ad beatam cum DEO vñionem euehimur.

*Exercitium Aspirationum in via  
Purgatiua.*

**O** Miseram animam meam peccatricem! ah quid feci, quid cogitavi, quid dereliqui, quantum bonum offendi, quid amisi?

Pater mi! quid feci? peccaui in cælum, & coram te, peccaui super numerum arenæ, quæ est in litore maris.

Quis dabit capiti meo aquam, & oculis meis fontem lacrymarum, & plorabo die ac nocte:

Tibi soli peccaui Domine ! & malū corā te feci.  
 Qui plasmasti me miserere mei.  
 O me infeliciſſimū ! qui omnium peccatorū sū reus.  
 Quo ibo a spiritu tuo, & quo a facie tua. mi. De-  
 vs. tuiam ?

O mi Deus ! si me eijsis, quis me recipiet ?  
 Delicta iuuentutis meæ & ignorantias, ne me-  
 mineris Domine.

O IESV ! sis mihi IESVS.

Hic vre, hic seca, modo in æternū parcas.  
 Deus propitius esto mihi peccatori  
 Non audeo mi IESV ! in cælum oculos leuare,  
 propter peccata mea.

Deus in adiutorium meum intende.

Sancte Deus, Sancte Fortis, Sancte & Immor-  
 talis miserere mei.

O Domina mea monstra te esse Matrem !

Quæ vt litas mi IESV in sanguine tuo & meo;  
 si descendero in infernum ?

Non mortui laudabunt te Domine ! sed nos qui  
 viuimus benedicimus tibi.

Quid mali fecisti mi Domine, quia offendi te ?

O mi Deus ! malo in posterum in ipso inferno  
 ardere, quā n te offendere.

Peccaui Domino !

O IESV ! & summum bonum meum, cur vquam  
 offendi te ?

Væ tempori illi, quo te offendi mi Deus !

Pactum facio mi Domine tecum ! ego tuus &  
 tu meus eris in æternum.

Exitus aquarum deducant oculi mei, quia non  
 custodierunt legem tuam.

O Domine respice in me, quia ego seruus tuus  
 & filius ancille tuæ.

O Domine



O Domine etiam si me occideris in te sperabo.  
 Ah! doleo, doleo, quòd aliquando ita me habu-  
 erim atq; si nullus esset Deus! aut, atq; si dissimulare  
 credere vel aduertere, quòd sit Deus!

*In Via Illuminativa.*

O Domine ante te omne desiderium meum, & gemitus meus à te non est absconditus.

Redde mihi lætitiā salutaris tui & spiritu principali confirma me.

O Domine miserere mei Non enim est volentis neq; currentis, sed tui miserentis.

Serò te cognoui pulchritudo tam antiqua, serò te cognoui bonitas infinita.

Ibo & ibo, quæram, quem diligit anima mea.

Domine IESV, nouerim me, nouerim te, nec aliud cupiam nisi Te.

Quocunq; loco fuero, meum IESVM desilero: Vivat IESVS! & exaltetur Deus salutis meæ.

Væ tempori illi, quo te mi Deus! non amavi.

Loquere Domine quia audit seruus tuus.

Domine ante te omne desiderium meum.

Adiuua me & saluus ero Domine.

O Domine ego seruus tuus, & mancipium ancillæ tuæ MARIE.

Illumina oculos meos, ne vnquam obdormiam in morte.

Nolo viuere mi IESV, sine vulnere, quia te pro me video totum vulneratum.

Gaudens gaudebo in Domino, exultabo in Deo IESV meo.

Ex te, in te, & pro te mi Deus! sint omnia mea

Benedic mihi ô SS. Trinitas, ô Dulcissima Virgo Mater, ô Angele mi Custos, ô Patroni mei. Eia

Eia quæso multiplica in anima mea virtutes Domine Deus virtutum.

*In Via Vnitiva.*

**M**isericordias Domini in æternum cantabo.

Benedicam Dominum in omni tempore,  
semper laus eius in ore meo,

O ignis qui semper ardes accende me! Paratum  
cor meum Deus, paratum cor meum!

Quis mihi det, vt diligam te mi Deus, amore  
Seraphico, & Theandrico, & Diuino?

O patria nostra! patria secunda! a longè te video,  
ab hoc mari & exilio te saluto.

Cupio dissolui & esse tecum mi IESU!

Tædet animam vitæ meæ, quia lumen cæli Deum  
meum non video.

Vnam petij à Domino hanc requiram, vt inhabitem  
in domo Domini omnibus diebus vitæ meæ.

Quid mihi & tibi ô IESU Eli MARIE Virginis?

Amo IESVM amore MARIE, amo MARIAM  
amore IESU.

O patria quando reuertar ad te?

Vivat IESVS in corde meo!

O mi Deus! quando transibo in te? quando abibo  
in cineres dilectionis tui?

Vulnerastis cor meum ô IESU! ô MARIA! vulnerastis cor meum.

O felix hora quando liberabor de corpore mortis huius!

O amor meus! ô Deus meus! vellem te amare mille  
cordibus, si tot haberem, & amore ardentissimorum  
Seraphinorum.

Cupio mi Deus! transire in te, transformari in te,  
petire propter te!

Nihil.



Nihil cupio mi DEVS extra te, quia inquietum est cor nostrum, donec requiescat in te.

Moriar mi IESV moriar! modò inter desideratissimos & suauissimos amoris tui amplexus,

Age, age bone IESV: tolle amorem meum totum a me, & conuertere ad te, accende & rape, flagra & dulcesce, iam amem te, iam rapiar in te.

O liquefam! & conflagrem amore DEI mei!

Vtinam vivere possim ego sed non ego, sed uiuat in me DEVS, amor meus.

#### IV.

Viatori per creaturas ad Creatorem ascendendum.

*Cor hominis disponit viam suam. Prou. 16.*

**V**ARIÆ Viatori aspiranti ad Patriam solent occurrere creaturæ DEI, & opera eius, si ergo Viator noluerit errare, sciat & curet per eas DEVM inuestigare, & per omnes semper amoris gressibus ad Creatorem suum aspirare. Viatori creatura nō sit Remora.

Philo disertissimus Iudæorum lib. de præmijs, scalas ad DEVM esse omnia creata asseuerat. Via etenim patet nobis ab his quæ videmus & contrectamus, ad opificem DEVM, quem non videmus. Consonat Basil<sup>2</sup> Seleu. Episcop<sup>2</sup> orat. 1. dicēs. Cum Deus res creatas in mrem scala Viatoribus adaptauerit, per eas sui amantibus ascensum ad se extruxit.

Per creaturas DEVS tuum & Viator venatur amorem, cui capiendo, t. to orbe, creaturarum. ponit laqueos. Vtinam & tu capiaris! utinam sis amoris Domini præda, ne fias alterius amoris præda. Om-

nis Cre-

nis. Creatura inclamat tibi hæc tua. Accipe, redde caue. Accipe creaturas vt beneficium, redde Creatori earum officium, caue abutens illis, supplicium.

Cur amas hæc terrena, nisi quia pulchra & bona sunt? possunt esse tam pulchra & bona, atq; ipse a quo facta sunt? quis sic delectat, quam ille qui fecit omnia quæ delectant? Interroga creaturam, si a se ipsa est, remane in illa; si autem ab illo est, non ob aliud est perniciosa amatori, nisi quia præponitur Creatori.

Ad hanc piam erga DEVM affectionem & continuum accessum omnes Viatorem Christianum creaturæ horrantur, siue enim rationales illæ, siue non, laudem tamen DEI sui, vel apertè vel occultè enuntiant.

Nulli ergo dubium, quin facillimè possit, quicumq; huic studio animum applicauerit, ex aspectu cuiuslibet creaturæ in Deum affurgere, & pijs affectibus ad DEVM aspirare. Habemus huius rei exemplum in Sanctis.

Scribitur de S. Fulgentio Ep. Ruspensi, Videns quondam hic Sanctus, in generali conuentione nobilium Romanorum tot dominorum præsentium splendorem, Theodorico Gothorum Rege concionante, exclamauit: O Deys! quàm pulchra oportet, vt sit cælestis illa ciuitas Ierusalem. si hic in terris sic splendet Roma terrestris. Et si in hoc mundo tantus splendor concessus est amatoribus vanitatis, quanta gloria reservata esse debet contemplatoribus Diuinæ Majestatis.

Constantinus Magnus honorificè quondam scripsit S. Antonio Abbati, quod factum Religiosi, qui cum illo erant, valdè admirabantur. Tunc inquit Sanctus.



Sanctus ad illos. Quid admiramini Regem scribere homini? potius admiremini DEVM æternam suam legem scribere mortalibus, imò in persona Filij illis locuti.

S. Franciscus videns ouem solam inter hædos derelictam: Ecce inquit vt misera ista cricula mansueta est inter capellas, sic Saluator noster inter Pharisæos mansuetus erat. Idem S. videns quodam tempore agnellum a porco comestum; Ah parue agnelle, (inquit plorans) quam ad viuum Saluatoris mei amarissimam mortem exprimis

Anima quædam deuota, intuens fluvium, cui cælum cum stellis, nocte serenâ representatum erat, exclamauit: O mi Deus lexdem illæ stellæ sub pedibus meis erunt, quando recipies me in Sancta tabernacula tua.

Francisca considerans pulcherrimum fluvium in ripa, in qua ipsa flexis genibus sedebat ad orandum, in extasim rapta aliquoties, hæc verba lena voce repetijt: Tam dulciter & suauiter fluit gratia DEI, sicuti fluius iste.

Cum nouercali die, igni medullæ coquerentur, pia cogitatio mentem Dni Francisci Borgiæ pupugit: æquanzam illos flammæ vrerent, qui ob flagitia apud inferos penas æternas penderent?

Alius arbores videns florentes suspirabat: vt quid ego solus deflorui in horto Ecclesiæ? vt quid sum sicca arbor nullum fructum faciens?

Alius intuens cursum solis dicebat: Quando mi Deus anima mea sequetur Agnum, solem iustitiæ quocunq; ierit?

Regiâ & rectâ intentione creaturis vsa est Esther Regina, quando dixit: *Tu scis* (DEO loquebatur) *quod nunquam latata sit ancilla tua, ex quo hac trās-*

lata

*data sum, &sq; in presentem diem, nisi in te Domine.*  
Eliher. 4.

S. Antonius magnus in rerum creaturarum contemplatione, tanquam in libro, studens, citra aliarum scientiarum notitiam summam sibi quâ pollabar, adscivit scientiam. Nesciebat literas, sed sedebat in montes, & studebat in libro creaturarum. S. Athanasius in vita S. Antonij. Præclare scriptis S. Basilii in Hexamero. Vniuersa hæc mundi moles perinde est, ac liber literis exaratus, passim conuellens, & deprædicans gloriam DEI, illiusq; augustissimam maiestatem. arcanam, alioquin, & invisibile tibi intellectuâli creaturæ copiose annuntiâs.

Quocunq; ergo per vniuersam sublimarem mundi machinam, quam admirabili ordine, in numero, pondere & mensura creauit DEVS, & ingens quoddam volumen te docens hominem exposuit, ac quotidianis vîsibus, concessit, oculos tuos conuerteris, in omnibus lauda Creatorem.

Continuò ad hanc laudem excitant te sol mundi oculus, quem DEVS facit oriri super bonos & malos, luna noctis Domina, Planetæ tuas terræ communicantes influentias, stellæ, orbes caelestes, ignis, aër, aqua, terra, volatilia, fluminum & maris natatilia, quadrupedia, colorum & odorum flores, arborum fructus, herbæ, prata, campi, colles, mineralia, pretiosi lapides, gemmæ & omnia quæ in firmamento, aëre terra, mari continentur.

Ex his omnibus bonæ cogitationes, & sanctæ aspirationes ex obiecto pro varietate huius mortalis vitæ & negotiorum diuersitate elici possunt. Damnatione sanè æternâ digni sūt, qui abducunt creaturas à Creatore, & ex illis peccati materiam desumunt.



sumunt Sed beati illi & vere beati, qui convertunt creaturam ad gloriam sui Creatoris, & impendunt vanitatem ad honorem veritatis.

## V.

# Praxis Aspirationum seu Affectuum pro qualibet occasione & actione

*Dum calum conspicias.*

1. **D**omine non sum dignus videre altitudinem cæli, præ multitud. ne iniquitatis meæ.

2. O patria nostra! patria secunda, a longe te video! ad te suspirat peregrinatio mea! Tædet animam meam vitæ meæ, quia non video DEVM DEORVM in Syon.

3. Utinam mi DEVS! tantum te nunc amare possem, quātum omnes Beati in cælo hæten<sup>9</sup> te amârunt.

*Dum aliqua grata & venusta vides.*

1. **S**i tanta mi DEVS! facis nobis in carcere, quid Ages in palatio? si tâta solatia in hac die lacrymarum, quanta conferes in die nuptiarum?

2. Quidquid mihi dare vult Dominus meus, præter se ipsum, dulce mihi non est; auferat totum & se mihi det.

3. Quam durus & aridus es anime mi sine IESV! quam insipiens & vanus, si cupis aliquid extra IESVM! esse sine IESV gravis est infernus, & esse cum IESV dulcis paradisu.

*Dum animum relaxas.*

1. **O** Dilecte IESV! vnicum cordis mei gaudium

dium quia amoris mei delictum ! da vt amando te  
semper sim hilaris, quia offendi te merito sim tristis.

2. Ego autem in Domino gaudebo, & exultabo  
in DEO IESV meo.

3. Vtinam efficere possim dulcissime DEVS,  
vt omnia gaudia, quæ sunt & erunt in mundo non  
sint nisi de te. Tu enim es vera dulcedo cordium,  
excedens omne gaudium, & omne desiderium.

*In aspectu Solis, Stellarum.*

1. **O** Sol mundi ocule, qui me toties peccantem  
aspexisti, vtinam me deinceps, non nisi do-  
lentem & lugentem aspiceres.

2. **O** mi IESV candor lucis æternæ ! quando  
in lumine tuo videbo lumen tuum ? quando me to-  
tum liquefacies penetratum efficaci suauitate tuâ ?

3. Ardeant tibi & luceant DEVS meus sydera  
tua, & tot accende tædas amoris in corde meo,  
quot in celo splendent stellæ.

*In aspectu Ignis.*

1. **H**ic vre Domine ! hic seca, modò in æternum  
parcas.

2. **O** Domine amoris ! deficiat & conuertatur  
in cineres cor meum, si non permitto, vt amoris  
tui flammis æstuet, & ardeat.

3. **O** si citius vt feruam igni, ita & ego, tibi  
DEO meo vniri, ac in te transformari possem.

*In aspectu Aquæ.*

1. **O** Si deriuare possem in oculos meos, flumi-  
na, maria, Oceanum, effluerem isti omnia  
hoc in te : Eheu ! peccaui Domino : dereliqui fon-  
tem aquæ viuæ !



2. O mi DEVS! quot sunt guttæ aquarum in fluuijs, lacubus, fontibus & mari, tot tibi laudes, tot ardentissimos amoris affectus in omnibus & pro omnibus offero, & in te transfundo.

3. Immensa dulcedo mi DEVS! vtinam me totum rapiens absorberes & absconderes! Quod enim est mari absorbere vnâ guttam, hoc tibi est absorbere me.

*Ante quodlibet opus.*

1. O MI DEVS! titulus & inscriptio omnium actionum & cogitationum mearum est nomen tuum, quod est IESVS: tua enim sunt omnia, & propter magnam gloriam tuam, omnia meo do, dico, & addico tibi.

2. Quidquid videro, quidquid audiero, quidquid sensero, totum tibi seruiat mi IESV, omne opus à te incipiat, & per te cæptum finiatur.

3. Desidero vt quæuis actio mea non tam sit actio, quàm amor tui & maior continuè, mi Domine!

*Actus ante discipline Exercitium.*

1. MEMOR sum ô Domine! opprobrij & confusionis, quam pro me passus es, in crudelissima flagellatione tua, quando virgineum corpus tuum virgis spineis cruentabant, loris nodosis & vncis ferreis dilaniabant, catenis ossa ipsa & costas diuellebant.

2. O anime mi! ad tam funestam Saluatoris tui tragædiam ne quidem ingemiscis? si feram aliquam sic ex carnificari cerneres, an commiseratione non tangereris?

3. Equum est mi IESV! vt qui flagellationis

tux causa fui, illius quodammodo particeps fiam.  
Vnde offero tibi eam Domine in vnione acerbis-  
simæ passionis tux: omnes ictus & flagella tuo  
aspergo sanguine. vt hoc penitentix exercitium gra-  
tius tibi sit, cedatq; in satisfactionē pro peccatis meis.

*Actus ante susceptum iter.*

1. **O**ffero tibi mi DEVS, tot actus fidei, spei,  
charitatis, quot in hoc itinere intercedent  
superficierum per corporis mei permutationes.

2. Sicut ero in continua loci mutatione, ita  
vellem mi IESV! continuo benedicere & laudare  
te pro omnibus, & sudoribus, quos præcipue per  
triennium tux sanctissimæ prædicationis sustinui.

3. Quia procluius sum ego ad omne malum &  
peccatum, ideo commendo me tibi dulcis IESV, com-  
mendo me tibi Virgo Beatissima, & vobis SS. An-  
geli & speciales SS. Patroni mei, vestro præsidio  
munitus non timebo mala,

*In ipso itinere.*

1. **O** Mi DEVS! quoties in hoc itinere cælum  
suspiciam, toties venerari volo omnes il-  
los caelestes spiritus, illasq; Intelligentias cælorum  
motrices, commendans illis necessitates colonorum,  
per quorum agros transibo, ne grandines, tonitrua,  
tempestates illis noceant, vt maleficia dissipent,  
inducantq; æris temperiem.

2. Transeundo oppida, pagos, gratias tibi ago Do-  
mine pro beneficijs omnibus spiritualibus & tem-  
poralibus concessis huius loci incolis. Innouo ti-  
bi omnes cultus, laudes, affectus, & vota omnia,  
hic facta & facienda: simulq; detestor omnia pec-  
cata, hic commissa & committenda. In



3. In omnibus Ecclesijs tractus mei, adoro te, mi IESV ibidem Sacramentaliter existentem: tibi offero & repræsentō omnia Sacrificia inibi facta, omnes deuotiones & affectus cuiuscunq; orationis, & adorationis, siue elicitos siue eliciendos,

*Dum insurgunt tentationes impuræ.*

1. **A** Mor meus crucifixus est, & ego voluptati operam dabo? Absit! non decet sub spinoso capite membrum esse delicatum.

2. Discerpar in mille partes, rumparquē potius, quam vt amorī Diuino rem quampiam præponam. Malo Domine millies mori, quam tædari. Malo in ipsum exnunc infernum descendere, quam te deliberatē vel minimo peccato offendere.

3. Eia adesto optime IESV, ne sanguis tuus in me pereat. Adsis clienti tuo MARIA, Amore tui Domina mea, non cogitabo, non dicam, non faciam. Adeste Sancti omnes, vestris præsidij munus sperabo in Domino: & licet confluant aduersū me castra, non timebit cor meum. IESV, MARIA, IOSEPH dono vobis cor meum.

*Cum deambulas.*

1. **O** Quanti sunt infirmi & claudi, quibus ambulare concessum nō est! Gratiās tibi Domine, quia corpus integrum dedisti mihi, & me hactenus incolumem conseruasti.

2. Domine non sum dignus calcare hoc paui-mentum, per quod transeunt tot serui tui, quibus comparatus, Vermis sum & non Homo, opprobriū hominum & abiectio plebis

3. O si quous momento vitæ meæ, quous gres-

tu accedere possem ad pedes tuos mi IESV, illos-  
quē lamberem, illos amplecterer!

*Cum vides aliquod peccatum proximi.*

1. **C**ompatior mi DEVS peccato huius homi-  
nis, non credo tamen illud esse tantum ma-  
lum, quantum mihi videtur. In supplementum  
offensæ tuæ offero tibi pretiosum sanguinem Filij  
tui, & in illo hoc peccatum depono.

2. Ego Domine maiora peccata perpetravi, prohi-  
dolor! & gravius te offenderem, nisi tua me gra-  
tia præservaret. Vnde etiam toto corde tibi grati-  
as ago pro auxilio mihi præstito.

3. Amore tui mi DEVS! doleo de omnibus pec-  
catis, à quocunq; vnquam contra te commissis, &  
committendis, quæ si possem impedire, & sangui-  
ne meo delere, vellem.

*Cum vides aliquod bonum proximi.*

1. **S**erviat tibi mi Domine, quidquid est in  
cælo & in terra, quia dignus es accipere  
laudem & gloriam & honorem ab omni creatura

2. Sis benedictus Domine in firmamento cæli  
pro omnibus bonis aspirationibus, & auxilijs, quæ  
tam huic personæ, quam omnibus tribuisti.

3. O si & ego possem te amare omnibus illis  
affectibus, omnibus cordibus, quibus amatus es &  
amaberis, quàm libenter id præstarem!

*Dum occurris diuitibus.*

1. **O** Quàm dives est mi dilecte! cui tu suffi-  
cis. O amor meus! quid extra te quæram?  
desint omnia, modò tu me & ego te possideam.

2. Alij



2. Alij alia quærant, te solum ego mi IESV  
quæro, te solum desidero: DEVS meus & omnia.

3. O si omnium hominum, quotquot fuerunt,  
sunt, & erunt, corda & voluntates, solus habe-  
rem, ijs omnibus te solum quærerem, te summè  
diligere vnicum bonum meum.

*Cum das Eleemosynam.*

1. **S**i ego possem Domine DEVS meus, omni-  
sum egenorum miserijs subuenire

2. Offero tibi DEVS omnes diuitias, omnes the-  
sauros huius mundi, omnia regna, omnes redditus,  
ita vt si hæc omnia mea essent, illa amore tui paupo-  
rum erogarem, & in tui cultum effunderem.

3. Gratias tibi Domine, quia me pascis à iuuen-  
tute mea, nam inops & pauper sum ego.

*In aspectu Imaginis alicuius Sancti.*

1. **O** Sancti Sanctæq; omnes fideles sponsæ  
CHRISTI, saluto & veneror vos. Gratias  
ago DEO meo, quod vos elegerit, & in sublimi  
gloria collocauerit.

2. Scribite me Sancti DEI in libro afflictorum,  
quia affligi semper desidero propter DEVM. Scribi-  
te me cum SS. Virginibus, quia desidero cum il-  
lis sequi agnum, quocumq; ierit Scribite me in  
corde IESV, & in corde MARIE, vt nunquam  
obliuiscantur animæ meæ.

3. O felices animæ! quando vobiscum gustabo  
& videbo, quàm suavis sit Dominus? ô longa mo-  
ta! ô tædiosa dilatio!

*Cum vides Imaginem Crucifixi.*

1. **O** Pater æterne! respice dulcem natum, & toto corpore extensum, cerne manus innoxias pio manantes sanguine: vide inerte latus crudeli perfossum cuspide, & dimitte nostra crimina.

2. In tantum me diligis DEVS meus, vt te odisse videaris, cum posset gutta redimere non dico cruoris, sed sudoris, redemit vnda.

3. Adoramus te Christe & benedicimus tibi, quia per Crucem tuam redemisti mundum.

*In aspectu Imaginis SS. Virginis.*

1. **A** Ve gratiâ plena Dominus tecum, vel salve Regina Mater misericordiæ.

2. Quis non diligit te Regina cordium, & Mater sancti amoris, quis non diligit te? vtinam omnes creaturæ tibi seruiant.

3. Substerno tibi Virgo Beatissima me tuum licet indignissimum mancipium, tuisq; Virgineis pedibus cor meum subijcio, quia melius apud te erit, quàm apud me.

*Dum recordaris alicuius peccati.*

1. **O** Quàm iuste me iam pridem in infernum detrudere poteras, Iustissime Iudex, pro peccatis meis, & mihi clementer pepercasti.

2. O si quod factum est, possem Intectum redere! ô si tempus præteritum reuocare! ô quàm bonum erat mihi, si natus non fuisset: neq; enim vitam mihi dedisti, vt te offenderem DEVS meus.

3. Detestor peccata mea corde Saluatoris mei: sicut.



## CHRISTIANVS

TIR

sicut cor IESV ea fleuit, ita ea ploro & abominor,  
Nolo amplius in æternum peccare.

*Dum conspicias hortos, agros, prata.*

1. **O** Mi DEVS! hæc omnia quæ nunc video  
videlicet agros, hortos, & simul omnes  
agros per totum mundum, omnia prata, & quidquid  
in eis ab initio mundi excreuit, nunc crescit, cre-  
scetq; ad finem mundi, omnes segetes, herbas, flo-  
res, gramina, & totam entitatem, substantiam, ti-  
bi tanquam mea & me totum cum eis, & in eis,  
in holocaustum suauissimum tibi offero, pro eis  
gratias ago, in eis te adoro, te laudo & magnifico.

2. O si possem omnes arenas, atomos, folia, ma-  
ris ac pluiiarum guttas, atq; niuium grana in cæ-  
los & choros Angelorum te amantium & laudan-  
tium conuertere, ô quàm libentissimè id facerem!

3. Vellem mi DEVS toties æstuantissimis desi-  
derijs ad te moueri, quoties mouentur folia & ra-  
mi in arboribus, herbx & gramina in campis, se-  
getes in agris, animalia in terris.

*In aspectu volucrum.*

1. **B**enedicite omnes volucres cæli Domino;  
2. Quid est homo quòd memor es eius  
mi Domine? omnia subiecisti sub pedibus eius, vo-  
lucres cæli & pisces maris.

3. Quis dabit mihi pennas sicut columbx & vo-  
labo, & requiescam sub vmbra illius, quem deside-  
rat anima mea!

*Cum noctu decumbis.*

1. **O** Amabilissime DEVS: quàm dormit sa-  
cure,

carè, pro quo vigilat amor! nullas metuo infidias, ubi amor habet excubias.

2. O mi DEVS lux indeficiens! dum clauduntur oculi mei: fac ne simul amorì tuo claudatur cor meum.

3. Gratias tibi Domine, quia dum nox in suo cursu medium iter haberet, omnipotens sermo tuus è regalibus sedibus venit.

*Ante concionem.*

1. **D**ignus es Domine accipere gloriam & honorem. Utinam & ego omnes ad te Creatorem meum convertere possem!

2. Eia Domine video, vt infiniti pereant tuo sanguine & laboribus empti: & nemo potest venire ad te, nisi tu traxeris eum: quid ergo pollueris labijs & corde præstare potero sine te? datur mihi gratiam, ad quod vocasti me, & adsint mihi SS. Angeli & Patroni mei, vt ad tuam vnus gloriam fiant vniuersa

3. O Sanctissima TRINITAS! aperi os meum ad benedicendum & laudandum nomen sanctum tuum, O IESV! da mihi guttam sanguinis tui cordialis, vt illo cor meum conspersum incaleseat, O MARIA! da mihi guttam lactis tui Virginei.

*Ante confessionem audiendam.*

1. **O** IESV vnica salus, sana quæso per me hanc animam peccatricem, quia tu cor contritum & humiliatum non soles despicerè.

2. En pretium sanguinis tui Sponsa tua ab hoste vulnerata. Doce me vt prudenter cæcam & ægram ducam in viam salutis æternæ, quia  
tu



tu nihil horum odisti, quæ fecisti, & redemisti.

3. O IESV adfis, ô spes nostra miserere! O SS. Angeli! ô SS. Patroni adiuuate me En volo Domine potestate à te mihi & ab Ecclesia collatâ absolvere pœnitentes meos. Quod fiat ad gloriam diuinæ Maiestatis tuæ.

*In aspectu Iudæi, Hæretici, Ethnici.*

*Ec.*

1. **A** More tui mi DEVS: doleo de omnibus hæresibus, blasphemijs, irreuerentijs, quibus ab omnibus vnquam Iudæis, Hæreticis, dissidentibus offensus es, & offenderis.

2. In persona omnium, qui nunquam tibi debitum honorem, laudem, & reuerentiam reddiderunt, nec reddent: vt sint Hæretici, Athei, Iudæi, Turcæ, Idololatræ, magi, blasphemij, & omnes infideles, ego te mi IESV adoro, laudo, veneror, benedico, & exalto.

3. Supplico tibi mi DEVS, vt in omnibus toto orbe diffusis hominibus sanctificetur nomen tuum, vt omnes in obsequium fidei, quam mundo intulisti, tandem subdant colla, vt agnoscant te Dominum nostrum IESVM Christum. Vt omnis illa infelix communitas, siue infidelis synagoga Iudaica, siue obcæcatæ infidelitatis deponat, tum obstinatum non credendi pertinaciam, tum velum, quod obijcit idololatria.

*In aspectu hominis cæci, claudi, muti Ec.*

1. **P** Rocido ante te DEVS meus, gratias tibi ago, pro me ipso, quia me talem esse voluisti.

isti, qualis sum, & si me alium esse voluisses, quàm sim, easdem humilis persoluo gratias.

2. Gratias tibi ago, pro corpore meo, quod integris formasti sensibus: visu, auditu, olfactu, gustu, & tactu, sine vilo naturali defectu.

3. Etsi fecisset me tua abyssalis prouidentia, defectuosissimum, non ideo cessarem, à gratiarum actione. Idem ego cæcus, luscus, mancus, surdus, mutus, claudus, gibbosus, plicatus, leprotus & quidquid in me reperiretur, naturalis defectus, laudarem te, benedicerem te, gratias agerem tibi, quia me talem esse voluisses, qualis essem.

*In aspectu Energumeni.*

1. **O** Si quemadmodum integræ dæmonum legiones, vnius hominis corpus ferunt ingressæ, ita ego vno corde cælum totum, id est omnes beatos spiritus complecti possem, & quemadmodum dæmon per os energumeni loquitur, quem possidet, ita vellem, vt in corde meo per os meum omnes tui Angeli, omnes electi tui, tuum amorem, gratias, gloriam loquerentur. O quàm felix tunc esset cor adeo plenum choris te canentium Angelorum.

2. Supplico tibi mi DEVS vt potestates tenebrarum harum, per Sanctum Angelum tutelæ meæ depuratum, iubeas pro vltimo momento, obmutescere, nec obijcere ea, quæ potest anima reformidare, atq; ijs perturbari.

3. Gratias tibi DEVS meus, pro sedibus Beatorum, & Inferis damnatorum, quia ibi, & hîc agnosco, reuerentor te D E V M supremum remuneratorem: Utinam possem & liceret mihi (depurata



puratâ videlicet si id possibile esset illorum, malitia) demonum ac damnatorum omnium, odium, blasphemias, in laudem tuam, & incendia amoris tui commutare.

*Dum accipis aut aspicias librum.*

1. **Q**uia mi DEVS! aduerto reatum, & culpam. profiteor ante te, totus suffusus rubore, pijs obortis lacrymis, aperio nunc librum actorum meorum penitentiorum, ut in ultimo, quando libri conscientiarum aperientur, non damner cum hoc mundo.

2. Aut me dele de libro filiorum, inò creaturarum, aut parce ô Pater! delere me iubet impietas, & tua iustitia, sed vetat Patris misericordia.

3. O DEVS, in cuius mente est liber vitæ, liber gloriæ, liber viventium; qui liber est notitia tua, quâ prædestinasti ad vitam salvandos omnes; est firma notitia significatiua prædestinatorum descriptorum in cælis, quâ firmiter retines te, hos, & illos prædestinasse ad vitam æternam. Da, ut sim inter filios conscriptos tuos. Domine qui nosti, qui sint tui, Tuus sum ego, saluum me fac.

*In aspectu hominis, aut ipsius imaginis.*

1. **C**reatus sum ad imaginem tuam mi DEVS, non secundum corpus, sed secundum rationem & intellectum? Exorna tuam in me imaginem, ita ne illam fædem vnquam, sed mundam seruem, Tuq; illam postea reponas inter alias imagines viuas in domo æternitatis tuæ.

2. In tua mète Domine ideæ seu formæ omnes obiectiue fuerunt semper, ad quarum similitudinem nos & omnia condidisti. Sed ipsa illa rerum omnium exemplaria, seu idea omnis est ipsa tua essentia.

Tu ipse

Tu ipse similitudo mirabilis es, amabilis: idea, ac exemplar omnium quæ fecisti. Da Domine ut tu sis idea & exemplar omnium quæ facio etiam ego, nec discedam à forma tua.

3. O mirabiliter amabilis, ô amabiliter mirabilis conditor meus DEVS! idea mea æterna. Sim secundum cor tuum totâ mente cordis mei. Permaneas quæso in mente mea semper; ut habeam, te in intellectu meo, cum tu me in mente tua, & exemplari habueris ab æterno,

*Dum in periculo versaris peccati.*

1. **T**imeo te, ô vindex iustitiæ, ô mare, cuius tu mentis super me fluctus, ego in me ipse miserabilis excitavi. Timeo abyssum, & rudentes inferni, cataclysmum ignium æternorum. Timeo ne in illas tentationes incidam, quas, veluti penam, peccatis meis commerui; & ne subtrahas mihi illa auxilia, quibus me indignum reddidi, sine quibus tamen vides, me posse quidem vincere, sed non victurum. Ne intres in iudicium cum seruo tuo; sed illa mihi suggere, quibus misericordiam impetrem, loco iustitiæ.

2. Domine mi DEVS, da mihi cordatissimum mei odium, ut ipse me puniam, ne incidam in manus iustitiæ tuæ. Potes me deserere, potes tentationes, quibus me prosterneendum scis, à me non auertere, potes non dare illam efficacem gratiam, quam nosti in thesauris tuis mihi fore accommodatam, ut saluer; dare autem illam tantum, quæ sufficiat ad salutem. Parce Domine, peccatis meis, quibus hanc iram merui; & da, ut non minus deinceps merear misericordiam tuam, quam hæcenus iram meruerim.

3. Quid



3. Quid si obcæcatus, & obstinatè durus, illā mentis diritate obsurdescam, & obrigescam, quā tot alij post tot gratias à te acceptas in frigus quoddam ac tenebras inciderunt? O si semper tuis, nunquam dæmonis, instinctibus paruissē! Quantum fuissē lucratus gratiarum, auxiliorum, cum quibus eram saluandus, & sine quibus, vel longè difficilius, saluabor, vel fortè etiam non saluabor! Et sic vtrinq; tremo cum nec sim securus de peccatis mihi verè dimissis à te: & si dimissa scirem nescio, an non sis mihi subtrahaturus illam seriem auxiliorum, in qua sola eram saluandus, si illam peccato non abrupissē. Domine da mihi spiritum pænitentiae vt discam præterita mea tempora redimere cum pænitentibus, Petro, Magdalena, Augustino, & omnibus quos conuertisti ad te.

*In occurſu pergentium ad templa, vel icones  
thaumaturgas Beatissima.*

1. **E**Xosculor millies eorum vestigia, qui sup-  
plicum ritu ad xdes tuas ô admirabilis &  
incomparabilis Virgo Mater MARIA procedunt.:  
his me in spiritu pedissequum iungo, vnaq; te vene-  
ror, amo, glorifico.

2. Quis mihi nunc det pennas columbæ, & vo-  
labo ad te & requiescam in te! Quod corpore non  
licet, animo licet. Statuo me itaq; prono corde  
& corpore ante omnes clementiæ tuæ aras, icones  
thaumaturgas, & reliquias sacrosanctas, in ijsq; te  
DEI mei Matrem & vniuersorum Dominam, o-  
mnium nomine, & affectu possibili admiror, ben-  
dico, obtestor, inuoco.

3. Hos aliosq; omnes omnium possibiles affe-  
ctus

Aus elicere desidero, etiam cum dispendio ob eorum intentionem vitæ meæ, ut instar thymiamatis tibi in odorem suauitatis consumar, sine vilo respectu ad commodum vel præmium meum, sed ob merum tuum gultum & consolationem dulcissimi cordis tui, quia digna es.

*Dum moueris è loco vno in alium.*

I. **Q**uocunq; in loco sum ego, tu mecum es, at in quocunq; loco tu es, non sum etiam ego tecum. Ego sine te nusquam & nunquam esse possum, tu sine me potes & es. Ah! sis mecum etiam in hoc ut sim semper tecum per gratiam tuam hic. & per gloriam tuam ibi, ubi sedes in gloria.

2. Dicens Domine moueri ad nos, appropinquare nobis, nempe per influentiam bonitatis tuæ in nos! O appropinqua mihi! ne recedas à me!

3. O immensitatis diuinæ immensitas infinita! Tu es in me! ego sum in te! sentiam & semper sanctè sentiam te esse intra me, super me, extra me, circa me! satia me te ipso thesaure mi DEVS!

*Cum occurrit cogitatio de æternitate.*

I. **O** Verè æternum sempiternæ sæculorum Rex, æternitatis nec inchoatæ vnquam, nec vllis sæculorum myriadibus exhauriendæ, da mihi vt nihil perdam temporis mei, sed illud erudiam tibi ac redimam horas meas, & momenta temporis infelicis quo te offendi. Vellem singula illa malè à me, vel alijs impensè momenta, verti in æternas laudes tuas, & in totidem sæcula, tibi gloriam camentium in æternum.

2. Omni, quem ab æterno bonum vidisti, fines offero



offero tibi in tributum æternitatis tuæ dies, & momenta singula vitæ huius meæ, ac futuræ, singula illa quæ in vita, morbo, morte, purgatorio patiar., omnia illa spatia infinitæ æternitatis, visionem, quâ te videbo, quâ te amabo, & omnem felicem occupationem beatæ apud te æternitatis meæ, & quidquid æternum agemus, nos electi tui omnes, quando misericordias tuas cantabimus in æternum! amorem tuum amabimus in æternum, & de tuo erga te, ac nos, deq; nostro erga te amore & gaudio gratulabimur in æternum.

3. O æternitas tua DEVS! vtinam sicut æternitas vno amplexu omnia tempora complectitur., ita ego possim omnia mea, & omnium tuorum electorum sancta tempora, vno amoris tui amplexu implere, & in singula momenta dignos æternitate tuâ eminentissimi amoris actus exaggerare. Quicquid ab æterno à te, quicquid postea à tuis creaturis factum est, & quicquid in æternum fiet, quod tibi placeat, hoc tibi offero in satisfactionem pro malis meis, in gratiarum actionem pro donis tuis, in gratulationem de bonis tuis, quæ habes, & quæ vili creaturæ dedisti, vel dabis!

*Cogitando de æterna beatitudine.*

1. **N**E patere mi DEVS! vt intellectu te viluro abutar ad ea, quæ tibi non placent, ne patere vt eo non strenuè vter ad ea quæ tibi placent. Aufer ab eo pulueres vanitatis, superflua, curiosa; & totum intellectum meum à te tam nobilem, tam tibi charum, tu totus occupa DEVS meus! ne ad vilia ista & suâ nobilitate indigna se dignetur demittere, & quot cogitationes habebit, tot holocausta tibi offerat O Deus intellectus mei!

2. Dum

2. Dum ab intellectu creato videris, ipsa tua essentia fit forma intelligibilis intellectus: ad quam excessitatem intellectum eleuans, illam per supernaturalem dispositionem, per lumen gloriæ, aptum reddis, ut illi superaccrescat virtus intelligendi, quæ est illuminatio intellectus. Ita claritas tua illuminabit nos, & nos faciet Deiformes. Nam cum apparueris, similes tibi erimus, & videbimus te, sicuti es. Domine, fac, ne me tantâ dignitate reddam indignum!

3. Intellectus plûs de illo lumine gloriæ participans melius te videbit, ô Pater luminum! Plûs verò habebit luminis, & gloriæ qui plûs habebit, desiderij, & charitatis; quo desiderio præparamur, ad illud, quod amamus & desideramus amplius hauriendum. Et tunc omnes videbimus essentiam tuam, alius tamen alio perfectius, sicut stella differt à stella in claritate. Domine auge in me charitatem, auge desiderium tui, & sic perfectius te videbo & amabo: ita ut amorem ac desiderium sequatur visio, & è visione iterum nascatur amor tui beatum me faciens, te magis delectans in me, ac me in te amando occupans in æternum. O quid erit istud, quando experiar, Desidero desiderare, doce me amare!

## CAPVT III.

### Diarium Viatoris.

#### *Sive actionum per diem ordinatio.*

1. **M**emineris semper & ubiq; DEVM, te, cum celesti curia intueri: Angelum & dæmonem te tuaq; omnia diligentissime obseruare.

2. Con



2. Considera quænam agenda hodie, quid status, Vocatio exigat; perinde, quasi in stadio curreres, opera tua omnia, ac passus dirige ad metam, id est ad DEI gloriam corde ardenti.

3. Sæpius ex te percunctare: Quò pergis anima mea? quid intendis studijs, cogitationibus, & occupationibus tuis? ad quem finem tendis?

4. Vtere tempore, velut re omnium prætiosissimâ, & particula boni diei non te prætereat. Volat sæpius verbum irremocabile (inquit S. Bern.) volat tempus irremocabile, nec aduertit insapiens, quid amittat, libet fabulari, libet otari, dicit donec hora prætereat. O donec prætereat hora, quam tibi ad agendum pænitentiam, ad obtinendam veniam, ad acquiritendam gratiam, ad promerendam gloriam, miserationis Conditoris indulget! donec transeat tempus, quò debueras properare ad Angelicam societatem, suspirare ad amissam hæreditatem, flere admissam iniquitatem.

5. In omnibus actionibus, locutionibus, & cogitationibus dic tibi, monet Melliss. Doct. *Itane ageres, si hanc fines pro-certo horam nobissimam.* Et Doct. Angel. op. 62: diligentiam apponere debemus, vt singula opera nostra, & salus nostra, & omnis laus DEI, & vniuersitatis vtilitas, quasi ex vno opere dependeat: quasi nunquam ad id opus reuersuri, neq; aliud postmodum facturi.

6. In omnibus operibus tuis præcellens esto: dum oras, bene ora: dum confiteris, cantas, laboras, fac singula, quâ potes perfectione maximâ, quia DEVS non est remunerator verborum, sed aduerbiorum. Imò omnia opera tua ita fac, ac si iam tibi sepulchrum foderetur.

7. In progressu cuiusvis etiam minimi operis & colloqui, sæpè cor tuum ad DEVM eleua, vt inspicias, an illud ei placeat.

8. Vt verò semper collectus in DEO esse valeas, orationibus, quas iaculatorias nuncupant, frequentissimè per diem vtire.

9. Quotiescunq; Domini DEI obliuisceris, ita vt magna pars transierit temporis sine interiori ad eum motu & conuersione, ingemisce ac pugnis percutere pectus tuum, cum ille debeat esse solus vnicus dilectus, & amor tuus totus, nec unquam illi tui obliuiscatur.

10. Sæpius per diem Sanctos velut præsentés inuoca, maxime Virginem Beatissimam, & SS. Patrones tuos cum Angelo custode viæ duce & comite.

11. Si lapsus fueris in viâ, mox contritione refigure & amore in DEVM.

12. Vt omnes actiones & opera tua gratiora fiant DEO, demerge & deponè illa sæpius in vulneribus IESV, asperge illa sanguine cordis IESV, offer per manus Beatissimæ, operibus & meritis Sanctorum vnias.

13. Dum aliqua occurrit occasio peccandi, protestare exnunc, quòd malis mori, malis in ipsum infernum descendere, quàm DEVM tuum, summum & infinitum bonum, vel minimo peccato deliberato offendere.

14. Sæpius per diem excita in te desiderium corde ardenti videndi DEVM in cælo, illum cum sanctis amandi & laudandi.

15. Dum in mentem occurrunt tibi peccata tua, ante commissâ, exnunc illa detestare, tanquam rem suam detestabilem, exosam & execrandam, atq;



atq; corde contrito dolens eiula, quia peccatis tuis  
amorem tuum IESVM tam grauitè toties offendisti.

15. Deinde omnibus modis, quibus potes te vi-  
lifica, & credas omnes homines esse bonos, & me-  
liores te, magisq; placere DEO.

17. Ante omnia verò semper primò mane per-  
Actum Intentionis, omnes cogitationes verba, &  
actiones illius diei etiam indifferentes, ad DEI  
gloriam dirige. Quia non in magnis solum actio-  
nibus Amoris diuini magnitudo reperitur; etiam  
in paruis, humilibus, & secretis existit. Amor in-  
aurat & amplificat omnia. Et IESVS laudibus  
extollit viduam illam, quæ duo minuta æris contu-  
lit, & silentio præterit Salomonem, qui plus quàm  
mille milliones auri ad templi structuram contribu-  
erat. Totum tempus huius vitæ nobis conces-  
sum est, ad merendum præmium æternum, ne igitur  
sine merito vel instans tibi elabatur, ipsa cibi  
potusq; sumptio, & omne aliud opus coram DEO  
meritorium erit, si S. Paulum monentem audieris.  
1. Cor. 10. *Sine manducatis, sine bibitis, sine ali-*  
*ud quid facitis, omnia in gloriam DEI facite.* Cu-  
randum ergò tibi, ne unquam opera tua regat casus,  
sed ratio. Sunt enim aliqua opera, quæ de se non  
sunt meritoria, neq; demeritoria, si tamen altiori in-  
tentione eleuentur, euadunt meritoria.

18. Quâlibet horâ vel quadrante, aut quando va-  
cat, renoua illam voluntatem, quâ velis omnia de-  
inceps à te elicienda esse maiori seruire ad DEI  
gloriam, ac omnem actum virtutis, idq; semper  
maiores ac intensiores.

## Actus Maritimi.

In IESVM & MARIAM primos oculos  
 somno euoluto Viator aperiat, ac si presentes,  
 & suo lecto adstantes conspiceret: proinde pri-  
 ma quasi sui respiratio: IESVS MA-  
 RIA: Deinae paulò sibi factus presen-  
 tior, dicat.

**O** IESV & MARIA, mei dulcissimi amo-  
 res, dono vobis cor & animam meam: totus  
 sum vester, nullus meus in aeternum. O IESV,  
 candor lucis aeternae, DEVS, DEVS meus ad  
 te de luce vigilo. Anima mea desideravit te in no-  
 cte. Paratum cor meum DEVS, paratum cor  
 meum. O Domine quia ego servus tuus, ego ser-  
 uus tuus! & mancipium Ancillae tuae MARIAE.

*E lectulo surgens, seq. muniens signo S.  
 Crucis dicat.*

In Nomine Patris, & Filij, & Spiritûs  
 Sancti.

**C**urandum postea diligenter, ne ulla negotia per-  
 agas, antequam mentem ad DEVM, tanquam  
 primum principium, & ultimum finem eleues, ac  
 SS TRINITATI debitum reddas homagium. A-  
 deoq; cum summa humilitate & reuerentia in ge-  
 nua procidendo, intueri quasi caelum apertum, &  
 innumera millia Angelorum continuo clamantium  
 & psallentium sacrum Trisagion, cum quibus ma-  
 gnâ animi alacritate clama amoroso affectu.

Sanctus.



Sanctus, Sanctus, Sanctus Dominus DEVS Sabaoth. Pleni sunt caeli & terra gloria tua.

Benedicta sit sancta TRINITAS, atq; indiuisa unitas, Pater, & Filius, & Spiritus Sanctus. Confitebimur ei, quia fecit nobiscum misericordiam suam.

Benedictus tu DEVS Pater, qui me creauit & conseruat, vnigenitusq; DEI Filius qui me redemit, Sanctus quoque Spiritus, qui sanctificauit me. Gloria Patri qui me sustentat per suam potentiam. Gloria Filio qui me gubernat per suam sapientiam, Gloria Spiritui Sancto, qui me sanctificat, per suum amorem.

Benedicta sit Sancta & indiuidua TRINITAS ab omnibus Angelis & Sanctis, & ab omnibus creaturis, nunc & semper & in saecula saeculorum.

Regi saeculorum immortali & inuisibili soli DEO honor & gloria.

Adoro, laudo, & saluto te dulcissimum & uernans cor IESV Christi, & ex totis uiribus cordis mei ago tibi gratias, quod me hac nocte custodieris, DEO què Patri pro me laudes & gratiarum actiones persolueris.

Immortales etiam vobis gratias ago SS. Virgo MARIA, SS. Angeli & Patroni mei pro speciali tutela, mihi & omnibus in toto mundo hominibus hac nocte exhibita: benedicant & collaudent vos omnes omnium anhelitus & respirationes, psallat cor nostrum vobis gratiarum canticum, ut semper praesertim in agone nostro à vobis adiuuari mereamur.



*Dum surgis, aduerte num diabolus te somno aliquo lasciuo, aut motu quopiam sensuali ex tua occasione contaminare conatus sit, quod si factum fuerit, amaritudinem & dolorem assume, dicendo.*

**O** Domine iustitiæ & DEVS clementiæ: en detestabilis peccator omnia scelera & factores peccatorum meorum in immensum ignem amoris tui projicio: in sanguinolentis tuis vulneribus IESV crucifixe ea abscondo: in abyssum misericordiarum ea immergo: veniam da obsecro cunctis imperfectionibus meis, Domine mi IESV ablue me pretioso sanguine. da, vt non amplius offendam te.

O MARIA peccatorum aduocata & refugium! obsecro te per IESVM. O IESV obtestor te per MARIAM, miserere & ignosce. Agneculor vobis, & a tribunali Iustitiæ ad tribunal misericordiae appello. Malo mori mille, quam peccare amplius. Sic me IESVS! sic MARIA adiuuet.

*Deinde petat benedictionem.*

**B**enedic mihi hodie & quotidie Sancta & indiuidua TRINITAS, Benedic mihi ineffabilis potentia Patris. Benedicite mihi manus, cor dulcis, sinum cum Filio Virginis Matris. Benedicat me virtus Spiritus Sancti.

Anima Virginis MARIE lucidissima illumina me. Corpus Virginis immaculatissimum custodi me. Lac Virginis nitidissimum MARIE pascere me. Fletus Virginis MARIE in passione Christi effusus confirma me. O Dulcissima Parens fons diuinæ pietatis & gratiæ intercede pro me, O Virgo Mater misericor-



miseri cordiæ impetra mihi, vt à Filio tuo præui-  
sam hodie implere possim mensuram meritorum  
meorum: vt casto ac humili corde & corpore Fi-  
lio tuo, & tibi in omnibus actionibus meis serui-  
re & placere valeam.

Sancte Michaél Archangele, tuere nos in præ-  
lio, ne pereamus in tremendo iudicio. S. Gabriel,  
S. Raphaél, omnes Sancti Angeli & Archangeli  
DEI succurrite mihi peccatori.

Rogo vos cunctas virtutes cælorum, vt nullus  
inimicus mihi nocere possit, nec in via, nec in  
aqua, nec in igne, nec in domo, nec dormiendo,  
nec vigilando, nec aliquid aliud faciendo.

O Crux Christi adiuua me, † O Crux Christi  
salua me, † O Crux Christi libera me, † O preti-  
ose sanguis Christi ne permittas damnari & perire  
me, O purpurea vulnera Christi abscondite me.

O Sancti Sanctæq; DEI, omnes Sancti Innocen-  
tes, SS. Patriarchæ & Prophetæ, SS. Apostoli,  
Martyres, Confessores, Virgines, Sancti ad quo-  
rum Ecclesiam viuo, Sancti Angeli custodes statûs  
& officij mei. Sancti veteris testamenti, orate pro  
me indignissimo peccatore.

Per merita Sanctorum Patronorum meorum, per  
Crucem & pretiosum sanguinem Saluatoris mei  
IESV Christi, per merita totius triumphantis &  
militantis Ecclesiæ; Sancte DEVS, Sancte Fortis,  
Sancte & immortalis miserere mei. A subitanea  
& improvisa morte libera me Domine: à peccandi  
occasione: à carnalibus desiderijs: à damnatione per-  
petua: à corde obliuato & in peccatis obdurato: à spi-  
ritu superbiæ: ab omni praua intentione: ab appeti-  
tu terrenæ consolationis: ab appetitu voluptatum

poralium: ab omni inani gloria: ab amaritudine, ira & indignatione: a deliberato etiam veniali peccato libera me Domine.

*Actus Intentionis.*

**O** Ter magne DEVS! ex quo, per quem, & in quo sunt omnia, proinde supremi iure dominij seruiunt tibi omnia: tu scis desiderium meum, & emitus meus a te non est absconditus, Sed quia transientis vitæ necessitates minus sinunt mentem indefinenter laudibus tuis intendere, hinc tale tecum pactum mi Domine inire cupio.

Quoties hodie cælum suspexero: toties cordialiter cupio videre, & possidere te, dissolui & requiescere in te, deficere a me & transformari in te: toties intensissimo affectu cum Sanctis Seraphinis volo exclamare, Sanctus, Sanctus, Sanctus Dominus DEVS Sabaoth. Pleni sunt cæli & terra gloriâ tuâ,

Quoties de te cogitauero, dixero, audiero: toties offero tibi vitam, passionem, & sanguinem D. N. I. Christi, Cor SS. Matris ipsius & Matris meæ, Incendia amoris omnium Angelorum, cineres, tormenta, sanguinem omnium Martyrum, suspiria, lacrymas, labores, affectus omnium Confessorum, Lilia, rosas, corda omnium SS. Virginum

Quoties pectus percussero: toties amore tui detestor & abominor omnia peccata mea, & aliorum commissa ab initio mundi. O si hoc committenda ubiq; impedire possem! ô si vni inpetrare gratiam, ne te offendat.

Quoties librum, rosarium vel quampiam rem in manus accepero: toties quicquid boni habent omnes biblio.



bibliotheca, omnes linguæ, calami, cogitationes omnes, totum tibi offero: toties vellem tuos dulcis IESV pedes amplecti, osculari, lambere.

Quoties signum Missæ vel elevationis SS. Hostiæ percepero: toties offero tibi omnia Missæ sacrificia peracta, & ad finem mundi peragenda: toties omnes actus falsi cultûs ab Ethnicis factos, à malitia depuratos tibi offero.

Quoties imaginem alicuius Sancti vel Sanctæ video: toties pro omnibus naturæ, gratiæ, & gloriæ donis Sanctorum, præcipuè, quorum hodie dies annuæ ingressus in cælum agitur, te laudo & benedico: toties vellem gloriam accidentalem Sanctis tuis omnibus, & lumen animabus purgatorij impetrare.

Quoties ore vel corde dixerò: Benedictus DEVS! toties supplere volo actus diuinæ laudis, amoris, & adorationis, quos poterant per totam æternitatem exercere apostata Angeli, & animæ damnatorum, aliq; creaturæ rationales, possibiles.

Quotquot hodie passus ambulando fecero: tot elicere desidero actus charitatis: quo appetitio ætlimo, & præfero te DEVM meum super omnia, ita ut secundo passu, sit duplo, triplo, decuplo, centuplo, & millies millies feruentior & intensior actus charitatis meæ, quo magis appetitui, æstimem, & superexaltem te DEVM meum super omnia,

Insuper quoties cor meum, cor omnium animatorum mouebitur: toties in omnibus cordibus replicari vellem & illis te amare intensissime: quoties cadent guttæ roris vel pluuie, quoties cadent nives vel folia decident: toties nomine omnium caelestium, terrestrium, & infernorum pro te & pronolo me ante te, in cælo, Eucharistia, ac ubique præsentem,

Et hæc omnia in vnione mutui amoris SS Tri-  
nitatis, in vnione omnium altissimarum intentio-  
num, ad gustum tibi dandum & ad maiorem glo-  
riam tuam. In protestationem supremi tui domi-  
nij, & nostræ subiectionis. In gratiarum actionem,  
pro omnibus beneficijs mihi & toti mundo præ-  
stitis & præstandis. In satisfactionem pro omni-  
bus peccatis meis. Ad solatium viuorum præcipue N.  
& defunctorum suffragijs carentium, & pro quibus  
orare teneor, Per manus Beatissimæ Virginis MA-  
RIÆ, per cor tuum ò IESV, & in corde tuo de-  
posita, ac tecum mi IESV, do, dono & offero di-  
uinæ Maiestati.

*Actus diuersarum virtutum.*

**O** MI DEVS! gratulor tibi & gaudeo cum toto  
cælo & terra, de tua diuinitate, vnitatem, ordi-  
ne, amore, nexu, coæternitate, gloria, ac de omni-  
bus excellentijs & perfectionibus tuis, & quod sis  
vnus in essentia, trinus in personis.

Gratulor tibi de te beato DEVS: de oceano  
illo felicitatis immensæ, incircumscriptæ dulcedi-  
nis, gaudij exundantis in omnem æternitatem, &  
quod tibi bene sit ab æterno in æternum.

Adoro ex profunda abyſſo mei nihili, infinitam Ma-  
iestatem, Sanctitatem, Bonitatem, Potentiam & Sa-  
pientiam: Adoro te & amo summa & beatissima  
TRINITAS existentem in te ipsa, & unio hanc a-  
dorationem & amorem meum, cum amore, quo  
amas infinitè te ipsam.

Illo etiam meo actu, omnes alias adorationes,  
alios cultus, quibus hætenùs affectus es, & qui-  
bus affici te conueniebat, vno fasciculo compre-  
hensos tibi offero ac dedico.

Acci-



Acciplo personam omnium hominum in quatuor mundi partibus viuentium, præcipuè verò illorum, qui te non adorant sed blasphemant, & illorum nomine ante te procido, te adoro cultu latriæ, tibi genu flecto.

Amo te & amare desidero amore tuo, amore Mariano, amore supplente amorem eorum, qui te non amant, vt damnati & non creandi.

Cupio vt pauperculus amor meus tuo infinito vnitus reereet, & exhilaret semper dulcissimum & amabilissimum cor tuum.

Gratulor tuæ diuinæ Maiestati, quòd adæquate amari tantum nonnisi à te ipso possis, quantum amabilis es. Et gaudeo quòd ameris à te amore infinito, & quantum amari es dignus.

Non inuideo Seraphinis gradum illum gloriæ, quem in cælis obtinent, sed quòd plusquam ego te diligant, hoc demum inuideo ac doleo.

Desidero quouis respirio & suspirio vitæ meæ, congerere ad tuam mi DEVS! maiestatem adorandam omnes actus latriæ, adorationis, laudis, benedictionis, glorificationis, amoris, omnium existentium, & possibilium, cælestium & terrestrium, creaturarum.

Doleo de omnibus peccatis meis & totius mundi, quæ contra te. DEVM meum quomodocunq; vnquam facta sunt, fientq; eo affectu quo Christus de illis doluit. Nolo offendere te à præterita, præsentè, futura vita, & damnata creatura.

Pactum facio tecum, quòd in æternum nullo peccato voluntario te offendere velim, vt dum à multis peccatoribus offenderis, à me pacem habeas.

Pro omnibus & singulis beneficijs tuis mihi.

& omnia

& omnibus alijs in vita, & post vitam præstandis gratias ago, quantas possum, quantas debeo, quantas Christus pro iuis obtulit, & Beatissima Virgo.

*Pra Viatoris desideria, siue scintille ad  
flammam diuini amoris concipien-  
dam.*

**E** Morior mi IESV! emorior quolibet momento desiderio, millies ac millies plus amandi, plus exardescendi, plus laudandi te, quia tu es centrum cordis mei, tu vita, & omne bonum, sine quo nihil est bonum.

Quare autem ô DEVS meus, cum tam amabilis sis, & ita præceperis te amari, dedisti nobis vnum cor & adhuc tam paruum?

Vtinam haberem latitudinem cordis, sicut arena maris, sicut totus mundus, vt amare te possem latissime.

Vtinam millies millena millia talium cordium haberem, quale fuit cor IESV & MARIE: & omnes omnium beatorum virtutes vnus possiderem, vt amarem & seruirem tibi DEO meo illis cordibus, & exercitatione omnium illarum virtutum.

Vtinam quotquot vilo calamo scribi, vel vili mente concipi possunt numero, tot Cherubinerum & Seraphinorum cordibus, te amarem in infinitum, tot thesaurorum talentis pro gloria tua expensis te honorarem in infinitum, tot linguis, tot desiderijs, tot gaudijs tibi gratularer in infinitum; tot holocaustis tibi pro peccatis meis satisfacerem, & pro beneficijs gratias agerem in infinitum; tot desiderijs optarem id amore tui agere, quod tibi super omnia placeret, in infinitum,



O si cor meum ob tui amorem in tot minutas partes; quot sunt arenæ maris, quot sunt guttæ in aquis, quot atomi in aëre posset diuidi, & quælibet pars amaret te amore infinito, & omni possibili creato.

Vtinam omnia corporis mei ossa forent lampades aureæ, & sanguis omnis per venas & per membra diffusus balsamum foret, & lampades arderent, & balsamum consumeretur, in tui solius amorem & honorem, sicq; totus in holocaustum tibi conflagrare possem.

O si & venæ meæ omnes, & nervi, vincula forent aurea, te cordi meo alligarem mi DEVS! & nunquam amplius dimitterem.

O si tibi placeret DEO meo, etiam desiderarem vniri tibi DEO meo, vnione personali & Hypostaticâ, non propter meam excellentiam, vt appetijt Lucifer; sed ideo purè, vt cõplius diligerem te DEVM meum, nempe amore infinito, & tibi adæquato, ne te amplius possem offendere.

O mihi si dares, vel ad vnicam saltem horam, ardentissimum illum Seraphinorum amorem, vt illo vehementissimo amoris igne succensus, omnes homines in tuo amore succendere possem.

Et heu! quàm doleo quòd tu dulcis amor meus à me non ameris? Eheu quàm doleo, quòd tu dulcis amor meus ab alijs ita contemnaris, & insuper offendaris.

Compator tibi DEVS meus, amor meus, super omni contumelia & iniuria, quæ tibi irrogatur: & si praualerem, libentissimè tibi persoluerem omne damnum, in quo est detrimentum honoris & amoris tui.

Actus varij pro opportunitate  
temporis & occasionis e-  
liciendi.

*Ante recitationem Officij Divini.*

**E**Rubefco Domine! cogitans quis tu, & quis  
sim ego! nempe audet vilis terræ vermiculus  
& putris ranancula è palude sua prorepere ad thro-  
num gloriæ summi DEI! Egone comparebo co-  
ram te & loquar ad Dominum meum, cum sim  
pulvis & cinis, imò quod gravius est indignus, ex-  
osus, & ingratus peccator. Sed quia me Domine  
tam amanter inuitas ad orationem & colloquium  
tuum, cupio, tale tecum sancire pactum.

Quoties in oratione linguam mouebo: toties vel-  
lem mihi dari linguas ardentissimorum Seraphin  
ad benedicendum & laudandum te, corde & affe-  
ctu Seraphico, toties pro omnibus qui te ignorant  
vel blasphemant, siue in terris, siue in inferno, e-  
go clamo amoroso affectu: Benedictus DEVS!

Quoties oculos aperiam & literam aspiciam: to-  
ties desidero videre Christum Dominum & Vir-  
ginem Beatissimam: toties vellem innouare affectus  
cuiuscunq; orationis, & quocunq; Sanctorum in hac  
vita, vel in altera tibi oblata vel offerenda.

Quoties cor meum mouebitur, toties vellem cor  
meum mutare cum tuo, vnaq; recitare Officium,  
vt concessum S. Catharinæ Senensi: toties vellem  
cum S. Francisco cordialiter dicere DEVS meus &  
& omnia: toties desidero: transfigi mihi cor cu-  
jusde amoris cum S. Theresia,

Quoties



Quoties respirauero: toties gaudeo ob amorem, quo te electi tui æternum prosequuntur, & laudes quas tibi in perpetuum dicent: toties desidero, vt quælibet respiratio oris, sit ad te DEVM meum aspiratio cordis.

Quoties hoc nomen DEVS ore vel mente pronuntiabo: volo vt sit idem, atq; si tunc vno corde complecterer amorem tui summum, ac si tunc amarem amore increato, & omni possibili creato.

Quoties me inclinabo: toties volo exhibere illos dignissimos actus adorationis, quos Mater SS. exercuit erga Dominum IESVM cum alijs Sanctis, in terris, toties omnes inclinationes genuflexiones, & omnes venerantium gestus tibi offero.

Placeat ergo tibi DEVS meus hoc sacrificium laudis, & benigne digneris acceptare has preces, non vt à me procedentes, sed à te inspiratas, & sanguine Domini nostri aspergas. Per illas supplico tibi DEO meo, vt verum concipiam de peccatis meis dolorem, agam penitentiam, penas expiem: ac vt in gratia tua & amicitia discedam ex hac vita. Supplico etiam tibi pro omnibus propinquis, amicis, ac inimicis, & benefactoribus meis. Succurre illis, qui se meis precibus commendauerunt, conuertere miseros peccatores ad te. Reuoca Hæreticos & Schismaticos, illumina infideles omnes te ignorantes. Da animabus fidelium defunctorum lucem & requiem sempiternam.

*In ipsa recitatione Diuini Officij.*

CONsideret qui psallit, aut recitat, se officium Angelorum obire, quorum in celo perpetuum est exercitium, DEI laudes celebrare. Sed  
ipsis

ipsis exemplis melius demonstrari potest, Officium diuinum esse Angelorum Officium.

S. Magdalena triginta annis ab hominum consuetudine se iuncta, quotidie septies ab Angelis eleuabatur in altum, ad audiendas cælestium Spirituum laudes, & cum illis persoluendas.

S. Bernardus noster, in matutinis horis vidit Angelos, qui Fratrum orationes scribebant, aliorum quidem auro, aliorum argento, nimirum qui deuotè canebant, aliorum aquâ, videlicet tepidorum.

S. Gudualdus Archiep. ambulans aliquando per mare, cum preces in nauî persoluturus inchoaret more Ecclesiæ dicens: DEVS in adiutorium meum intende, Angeli subiunxerunt: Domine ad adiuuandum me festina, & ita totum Officium alternis vicibus cum viro DEI persoluerunt. Sur. 6. Iun.

Vnde Thomas à Kemp, loquens ijs qui in choro preces absoluant, sic dicebat: Chorus est DEI & SS. Angelorum locus Sacratissimus, sicut Angeli in cælo, sic ministri ordinati sunt in choro. Sic ergo sta in choro, & canta inter Fratres, quasi in medio Angelorum stares ante Christum in dextera Patris residentem, vel ante Beatissimam Virginem, Filium suum infantem in gremio gestantem.

Contra verò, quantum DEO displiceat negligentia in diuino Officio, præceptis quædam celeritas, absquæ vlla ferè significatione reuerentiæ, patet è vita S. Ludgardis, vbi diuinitus innotuit, pestem, fuisse penam culpæ istius. Vnde quàmprimùm horæ Canonicæ cum reuerentia sunt recitatæ; pestis cessauit, Sur. 16. Iun.

Recentius est id quod memoriæ prodidit Nebri-  
dus



dius Canon. Regul. S. Augustini, qui ait Gratia. -  
no Capucino pio Nouitio in templo nocte intem-  
pestâ DEVM oranti cælites in cultu splendidissi-  
mo conspectos dixisse: Dicis Guardiano, vt cures  
in choro horas Canonicas lentiùs recitari, quia ni-  
hil in Ecclesia, post vsum Sacramentorum, DEO  
gratiùs est, recitatione horarum Canonicarum.

Iacobus Card. Vitriacen: ait: Sancto cuiusdam  
visum dæmonem in humeris onustum sacco pleno  
syllabarum in horis canonicis celeritate præcipiti  
omissarum.

Iustinum in extasim raptum Anno 1547 nar-  
rat è Bouerio Nebridius, peruenisse in Ecclesiam,  
cùm Religiosi matutinum Officiũ peragerent, Spe-  
rabat se auditurum concentum Angelorum; sed ec-  
ce nihil percipere potuit, quàm horrendos latratus  
canum, grunitus porcorum, mugitus boum, & ver-  
ba blasphemiarũ. Mirabatur! Et vox ad eum. Il-  
lorum Religiosorum preces, qui eas negligenter  
persoluunt, qui Regulam negligunt, aliosq; rectè  
viuentes impediunt, nihil aliud esse, quàm voces  
belluarum.

### Post diuinum Officiũ.

*Orationem sequentem deuotè recitantibus Leo  
X. defectus in eo persoluendo ex humana  
fragilitate contractos indulsit.*

Sacrofanctæ & indiuiduæ TRINITATI, Cruci-  
fixi Domini nostri IESV Christi Humanitati, Be-  
atissimæ & Gloriosissimæ semperquæ Virginis MA-  
RIÆ fecundæ integritati, & omnium Sanctorum

vniuersitati, sit sempiterna laus, honor, virtus, & gloria ab omni creatura, nobisq; remissio omnium peccatorum, per infinita secula seculorum,

Beata viscera MARIE Virginis, quæ portauerunt æterni Patris Filium, & beata vbera, quæ lactauerunt Christum Dominum.

*Oratio quam Christus Dominus B: Gertrudem docuit, post Horas recitanda.*

*Blos. Mon. c. 3.*

**O** Bone IESV propitius esto peccatori. Ego tepidum, distractum, & imperfectum seruitium meum commendo mellifluo cordi tuo emendandum, & perficiendum, tibiq; ipsum offero, in vni-one illius attentissimæ orationis, quâ tu Patrem orasti & laudasti in terris. Responde quæso, satisfac, & supple pro me plenissimè.

O pijsima Mater supple hoc imperfectum obsequium meum apud dilectum Filium tuum, Monstra te esse matrem.

O pijsime IESV, suscipe hoc idem de manu SS. Matris tuæ, vnitumq; tuis ac eiusdem, omniumq; Sanctorum meritis offer æterno Patri.

S. Gertrudis ora pro me. Offer preces meas cordi IESV, à quo has didicisti.

*Affectus post Horas Canonicas vel alias priuatas Orationes eliciendi.*

**O** Pater misericordiarum scio & verè cognosco, quod me peccatorem miserum magis deceret coram te iacere prostratum, & cum fletu gemitu, ac rugitu peccatorum meorum veniam postulare, quam te ore polluto laudare.

Ignor.



Ignosce Domine, ignosce pie Saluator, ignosce & miserere. Noli me tanquam temerarium reprobare, quod audeam feruus valde malus te omnipotentem DEVM terribilem, ac nimis tremendum, sine cordis contritione, & lacrymarum fonte, sine reuerentia & tremore laudare.

Vtique Domine Angeli te DEVM suum adorantes & laudantes tremunt mirâ exultatione repleti: ego peccator dum tibi assisto, laudes dico, peccatorum veniam postulo; cur non corde pauco, vultu pallo, labijs tremo, toto corpore inhorresco, sicq; obortis lacrymis coram te indefinenter lugeo. Volo sed non valeo! O amor vim patior! tu responde pro me, quia nescio, quid dicam DEO vitæ meæ.

Et quia mi Domine non est speciosa laus in ore peccatoris. Laudet te pro me Domine DEVS tua æterna Deitas, immensa Majeſtas, infinita bonitas. Laudet te pro me tua altissima Sapientia, tua latissima misericordia, tua profundissima iustitia.

Tibi Domine DEVS meus iubilet & benedicat Humanitas I. C. sanctissima eius vita, diuinissimæ eius virtutes, pretiosus ipsius sanguis & lacrymæ, diuinissima eius vulnera & liuores, cor illius apertum.

Iubilet tibi pro me Mater gloriosissima Filij tui, tabernaculum admirabile gloriæ tuæ.

Tibi Domine DEVS meus cantet & iubilet SS. Mater Ecclesia, te honorent omnes Psalmi & preces, omnes eius affectus, & amores, omnia eius vota & desideria, quibus ad te gemit in hac lacrymarum valle.

Iubilent tibi pro me omnes Sancti Angeli. Omnes Sancti & Sanctæ, omnis electorum tuorum exercitus.

Iubilent tibi pro me & laudent te omnes creaturæ, quæcunque cæli, terræ, & abyssi ambitu, continentur.

Benedictum sit in omni loco totius vniuersi nomen tuum Domine, quod est sanctum, & laudabile & gloriosum in secula.

Iubilent etiam tibi & gratias agant cor meum, & anima mea, tibi seruiant omnes corporis & animæ meæ vires: tibi iubilent omnes nervi & arteriæ meæ, omnia ossa & carnes meæ, omnis intellectus, memoria, & voluntas meæ.

Nunquid enim Domine ideo te non laudabo, quia me indignum & immundum esse agnosco?

Nonne & vermes & ranæ immundæ coarctantes in paludibus suis te suum creatorem laudare cupiunt, prout sciunt?

O Domine amoris! quamdiu halitus erit in ore meo, benedicam te Dominum meum in omni tempore, semper laus tua in ore meo. Linguâ etiam deficiente omnis respiratio mea sit laudis significatio. Corpore verò extincto & in puluerem redacto laudes tibi infinitas dicant minutissima, quæq; pulueris grana usq; ad extremum iudicii diem.

Hoc enim dilecte IESV adijcio desiderans corde affectuoso, ut quando corpus meum fuerit in pulueres minutissimos redactum, & lapide clausum, ut videlicet de quâlibet particula minutissima vox amæna laudis, & intensissimi amoris tui exurgat, quæ durissimum lapidem penetrans cælorum altitudinem transcendat, & usque ad extremum iudicii diem viarum laudis præconium extollat: donec in resurrectione beata corpus & anima pariter unita in tuæ laudis glorificatione copulentur.



*Actus ante meditationem.*

**O** DEVS Omnipotens, adorande, colende, tremende, ante cuius conspectum omnis Beatorum exercitus cum summa reuerentia & tremore, procidit; teq; iugiter adorat, reueretur, & contemplatur: quomodo & ego vermis immundus, canis mortuus; cadauer putridum, ego ingratus & infidelissimus peccator, non tantum coram te assistere, & nomen tuum laudare, sed ad tuæ diuinitatis contemplationem, fruitionem, & unionem aspirare audebo?

O Domine! quia tanta tua est dignatio, vt velis & gratum habeas a me adorari, & mecum colloqui, ideo ingredi in solitudinis meæ requiem, & concede, vt hic secus pedes tuos cum Sancta, amante tua Magdalena, discam modum ac rationem, quā vni necessario sollicitè vacem, atque vnice intendam.

Excita me Domine ab omni negligentia & sensuum euagatione, Da vt in meditatione mea exardescat ignis. O si vt ferrum igni, ita & ego vnirar amori meo. O si vel ad vnicum momentum transferar in te, absorbearq; à te DEO meo.

At quomodo seruus tam inutilis inueniet gratiam in conspectu tuo? Respice ô Pater in faciem Christi tui, in quo tibi bene complacuit, in cuius nomine supplex rogo, vt clementer exaudias me.

*Vt felicius tibi succedat meditatio.*

I. **I**nprimis imaginare quasi cælum apertum, & pura te videre DEVM Patrem ibi Angelis circumdatum, teq; considerantem, quidnam agere ve-

lis. Roga eum, vt auream sagittam aduersum te dirigat, quâ cor tuum sancto amore suo vulneret.

2. Puta te videre DEVM Filium cum vulnerum suorum cicatricibus mirificè radiantibus; deprecare eum, vt tuo pectori immittat guttam Sanguinis sui, quâ cor tuum veluti viuo igne succensum in amore Diuino incalescat.

3. Imaginare te contemplari Spiritum sanctum sole longè splendidiorē, roga eum, vt ad te candidam gratiæ suæ columbam demittat, & inflamet cor tuum.

4. Finge te à latere obtueri Virginem Beatam stellis coronatam, ei cor tuum præsentā, vt ipsa Filio suo offerat.

5. Imaginare deniquè te cernere innumeras Beatorum Spirituum phalanges, qui ei mysterio, quod contemplaturus es, assistent. Tu verò postea perge ad pedes IESV assumptâ similitudine vel serui ingrati, vel proditoris, vel exilio damnati. &c:

*Post Meditationem.*

**T**E DEVM laudamus, vel Collectæ consuetæ cum versibus recitentur.

*In ingressu Ecclesiæ.*

**E**Rgonè credibile est, quod verè DEVS habitet super terram? si cælum & cæli cælum te capere non possunt, quantò minùs hæc domus?

Domine in multitudine misericordiæ tuæ, introibo in domum tuam, adorabo ad templum sanctum tuum, & confitebor nomini tuo.

Omnes Sancti & Sanctæ DEI, quorum reliquiæ & imagines hic sunt, saluto & veneror vos, intercedere obsecro pro me.

Saluete



Salutate omnes Christi fideles animæ: det vobis requiem ille, qui est vera requies, IESVS Christus Filius DEI viui, ille benedicat vos, & a pœnis liberet, faciatq; resurgere in die iudicij, Angelisq; suis sociari.

*Visitando SS. SACRAMENTVM.*

**C**oram te ô Sanctissimum Sacramentum cum summa reuerentia procido, & cum omnibus Angelis & Archangelis, cum Thronis & dominationibus, cumq; omni militia cœlestis exercitus hymnum gloriæ tuæ concino dicens: Centies milies laudetur Sanctissimum Altaris Sacramentum.

Credo mi IESV firmissimè, quod sub his speciebus tu Dominus meus & DEVS meus continearis. Innouo & offero tibi omnes affectus, & actus adorationis, saluationis & recognitionis hic elicitos & impensos. Et non tantum hic, sed in omnibus Ecclesijs per totum mundum existentibus.

Gratias tibi Domine pro thesauris omnibus beneficiorum, quos hic aliquando effudisti, effundes. Doleo de omnibus peccatis & irreuerentijs, quibus aliquando in hoc loco offensus es & offenderis. Desidero vt laus & gloria tua hic permaneat vsq; ad tempora Antichristi.

O si accendere tibi possem cor meum tanquam lampadem, vt hic ante te arderet continuo; & totum consumeretur! O si continuo assistere possem tibi DEO meo hic presenti!

Quia mi Domine id præstare non possum, saltem anticipatò omnes affectus laudis, amoris, adorationis ab omnibus fidelibus hic tibi impendendos nunc approbo, tibi innouo, & repræsentor.

Vos verò Sancti Angeli, SS. Patroni ad quorum Ecclesiam viuo, & in qua sepeliar, adorare, magnificate pro me istum Dominum meum, hic præsentem, omni modo, omni tempore, in æternum.

## Obseruanda circa Sacrificium. MISSÆ.

### *Explicatio vestitus sacrificantis.*

**V**Oluit CHRISTUS Sacrificium hoc in memoriam Passionis & mortis suæ fieri, simulq; per idem representari sacrificium illud cruentum, quod ipse in ara crucis Patri suo obtulit.

Proinde vestes sacrificantis ad eandem passionem & mortem significandam ab Ecclesia ordinatæ sunt.

1. Amictus seu Humerale, significat pannum seu velamen illud, quo Christum velauerunt, & percutiebant faciem eius, & interrogabant eum, dicentes: *Prophetiza, quis est qui te percussit?* Luc. 22. v. 64.

2. Tunica linea, seu alba, indicat vestem illam, quâ Herodes Christum indutum cum exercitu suo illudit, & remisit ad Pilatum Luc. 23.

3. Stola, Manipulus, & Cingulum, referunt funes & catenas, quibus Christus toto corpore ligatus, per urbem Ierosolimam, tanquam homo nefarius, tractus est Ioan. 28. 12.

4. Casula nobis vestem purpuream proponit, quâ circumdederunt eum,

5. Tonsura in modum coronæ Sacerdotis crinibus incisa, Coronam spinæam indicat, quam milites plectentes imposuerunt capiti eius, & dicebant:

Aue



Aue Rex Iudæorum: Et dabant ei alapas. Ioan. 19.

6. Crux casulæ inserta, illius nos Crucis admonet, quam Christus humeris suis portauit, & in qua IESVS emisit spiritum Matth. 27. 58.

7. Altare, in quo nunc tanquam incrementum sacrificium DEO Patri offertur: montem Caluariz representat, in quo olim Redemptor noster IESVS Christus, se ipsum cruentum fecit sacrificium, quo Patrem suum damnato mundo reddidit propitium.

8. Velum, & ea quibus Calix inuoluitur, significant lintheamina, quibus CHRISTI Corpus fuit inuolutum.

9. Cruces, quas Sacerdos crebrò format, varios Christi cruciatus indicant.

### Praxis offerendi Sacrificium Missæ cum Sacerdote celebrante.

*In quantum est Adoratorium.*

**O** Ter magne DEVS! ego pulvis & cinis, ac indignus peccator & serus tuus. ardentissimo quo possum reuerentiæ gratitudinis, amoris, & deuotionis affectu.

Offero tibi hoc sacrificium, quod auditurus sum, vnâ cum sacrificijs omnibus tibi placitis vnquam oblati a principio mundi, & ad finem offerendis, in vnione Sanctissimi illius sacrificij, quod tu mi IESVS! summus sacerdos & Pontifex ab æterno, ac primo ingressu in mundum & totâ vitâ offerre desiderasti, in vltima cæna, & cruce moriens obtulisti, & nunc offers tanquam summus & sempiternus Pontifex assistens ad dexteram Patris & interpellans pro nobis.

Ad ma.

Ad maximam æternamq; diuinæ maiestatis tuæ laudem, cultum, obsequium, honorem, & gloriam. In protestationem supremæ tuæ excellentiæ, & principij omnium creaturarum, dominijq; tui, & omnimodæ nostræ subiectionis.

In memoriam & honorem vitæ passionis, omnium suspiriorum, lacrymarum, vulnerum, dolorum, guttarumq; sanguinis pro nobis à te mi I. E. S. V. effusi.

In adorationem diuinarum dignitatum tuarum, Atributorum, Excellentiarum omnium, infinitæ tuæ perfectionis, beatitudinis & gloriæ, omniumq; operum tuorum, quæ summopere gaudeo à nulla creatura digne posse æstimari.

*In quantum est Gratiarum actuum.*

**G**RATIAS tibi Domine hoc sacrificio ago, pro illa ineffabili naturæ tuæ diuinæ cum natura humana in Hypostasi vnione ac pro admirabili supracaptum intellectus creati, Tui, generi humano communicatione.

Gratias tibi pro omnibus donis, gratijs, præiugijs, concessis. V. B. quam ab æterno ex meritis tuis præuisis, in tempore usq; adeo sublimasti, ut omnino non esset sub malefacto. Adæ, originali videlicet peccato non fuerit, imò, magis ad maternitatem tuam euexisti, in cælo super omnes Angelos & Beatos collocasti, Reginam cæli dedisti mundo, Matrem Ecclesiæ, peccatoribus Aduocatam.

Gratias tibi pro beneficijs concessis omnibus comprehensoribus ac prædestinatis in via & in patria, ac etiam concessis beneficijs omnibus idololatriis, paganis, hæreticis, imò etiam dæmonibus & damnatis.

Gratias



Gratias tibi ob beneficium creationis nostræ & tot creaturarum ad vsum nobis collatarum, ob beneficium redemptionis, conseruationis, iustificationis, finalis perseuerantiæ, glorificationis.

Et quomodo Domine mi obliuiscar beneficiorum mihi indignissimo collatorum? infinitas tibi gratias ago pro infinito amore, quo me persecutus es, eligens me ante mundi constitutionem, vt sim non lapis, non arbor, non brutum, sed homo, creatura rationalis, quodq; tempore præfinito ex abyssu nihili eduxeris me, & nasci feceris in Ecclesia tua, extra quam non est salus, tot media ad salutem aptissima ab æterno mihi præparaueris, copiosis naturæ, gratiæ donis ditaueris, quæ me extra cæterum vulgus naturæ, imò milliones hominum, & tuam ordinariam ad omnes prouidentiam, magis congregarunt.

*In quantum est impetratorium.*

**S**upplio tibi Domine pro omnibus Prælati Ecclesiæ, Principibus spiritualibus & politicis, & toto Clero, Seculari Potestate, Religiosis omnibus, Virginibus, Viduis,

Commodo tibi omnes benefactores spirituales & temporales, omnes necessitate pressos & in suis periculis; tentationibus ad te recurrentes, omnes consanguineos meos, amicos, prædestinatos & eos qui insignius DEVM amant & Beatissimam, iustos ac iniustos, atq; inimicos meos.

Supplio tibi Domine pro omnibus afflictis, peregrinantibus, captiuis, tentatis, infirmis, agonizantibus, & pro tota indigentium vniuersa farragine. Pro omnibus Hæreticis, Schismaticis, infidelibus.

libus, paganis, Iudæis, & obstinatis, quotquot sunt peccatoribus.

Pro omnibus Deiparæ Clientibus, ut augeantur, ampliusq; benedicantur. Pro paruulis in materno utero existentibus, ut baptismi gratiam assequantur. Pro ijs item paruulis, qui si excreverent, perirent, ut in innocentia sua moriantur.

Pro me ipso infelicissimo peccatore exoro mi DEVS ! clementiam tuam, da mihi remissionem peccatorum quæ multiplicata sunt super numerum arenæ maris. Da mihi victoriam omnium, sed vel maximè earum tentationum, quibus de facili succumbo. Da mihi præseruationem à malis animæ & corporis ac perseverantiam in bono finalem. Da maximum & perfectissimum tui diuini amoris supernaturalis, nunquam si fieri possit cessaturi affectum.

Peto deniq; ut proposita mea sancta sint & firma, ut demum viuam in te per gratiam, de te per Sacramentum, tecum per gloriam, moriarq; huius gratiæ, viatico corporis tui munitus, hæres salutis.

*In quantum est Propitiatorium.*

**O**ffero etiam hoc missæ sacrificium, & quotquot præterea in toto orbe fient, aut facta sunt, in propitiationem & satisfactionem innumerabilium peccatorum, & negligentiarum nostrarum commissarum, & committendarum usq; ad diem iudicii.

Præcipuè verò offero pro peccato primo originali, Ethnicorum infidelitatibus, Hæreticorum & Schismaticorum blasphemijs. Pro omnibus despectibus Eucharistiæ, contemptibus, ac derisionibus factis à dissidentibus, puncturis à Iudæis & sagis, ac pro ipso abominabilissimo Christicidio, & Antichristi peccatis, ac eius sequacium. Offe.



Offero pro omnibus sceleratissimis facinoribus meis, quæ cum maiori Majestatis, tuæ indignatione, proximi scandalo perpetravi, & notabiliter pro primo peccato, quo vnquam resolui me vt offenderim te. Ac pro omnibus negligentijs & imperfectionibus meis, & quidquid vnquam contra tuam infinitam Majestatem, cogitatione, verbo, opere, omissione feci & deliqui.

*Memento Viuorum.*

**M**emento Domine per viscera pietatis tuæ, & miserere omnium pro quibus mori dignatus es, præcipuè memor sis Ecclesiæ tuæ Sanctæ quam pretioso sanguine redemisti, eiusq; capitis Summi Pontificis N. cum suo Clero.

Miserere Christianissimi Imperatoris, Regum, Principum, Prælatorum, Pastorum, omniumq; statuum Ecclesiasticorum, Religiosorum, secularium, eorumquæ præcipuè, qui maximè possunt gloriæ tuæ, & salutis animarum prodesse: omnium pro quibus singulariter orare teneor Parentum, fratrum, amicorum, benefactorum, affinium meorum: omnium qui se mihi commendauerunt, qui me contristarunt, vel quos ego contristavi, offendi, scandalizavi verbo & opere.

*Ad elevationem Hostiæ.*

**S**alue nobilissimum Corpus & pretiosissime sanguis Domini mei IESV Christi, sub hac panis specie verè præsens, te adoro tali cultu & adoratione, quâ te nouem Angelorum chori, quâ totum celum

cælum & terra te colunt & adorant, quâ tuam diuinitatem humanitas Christi adorauit.

Vel: Assumo omnes omnium creaturarum affectus, ijsq; te nunc hic præsentem & latentem, adoro, colo venerorq;, hancquæ adorationem in æternum continuo.

Vel: Omnes beatissimi Angeli & Sancti omnes, adorate & exultate, iubilate, & reuerentiam facite pro me huic IESV, qui est etiam in manibus sacerdotis, sicut in diuino throno ad dexteram Patris.

O si potestatem haberem vt cælum & terram & infernum cum omni creatura tibi dulcissimo amatori cum omni reuerentia inclinarem!

Vel: O clemens, ô pie, ô dulcis IESV, fili MARIÆ Virginis miserere mei. Et da vt sicut te nunc videre merui in forma panis, ita cum ad iudicandum veneris, securus ac gaudens, merear te videre in gloria tuæ Majestatis.

Vel: Adoro te Domine DEVS cum Christo tuo, & per Christum tuum Aduocatam meum, hic & vbique, affectu ipsius, & modo tibi infinitè grato.

Ne reminiscaris peccata mea, neq; fratrum & proximorum meorum, in hoc mundo positorum, sed respice in faciem Christi tui te infinitè per totum mundum, in tot locis, in Sacrificio Missæ honorantis, & colentis, eoq; te infinitè oblecta, & per illum nobis tribue gratiam, vt peccatis liberati, nos quoque te bonis operibus semper & quam maxime oblectemus. Amen.

*Ad eleuationem Calicis.*

**S**alue nobilissime sanguis de latere Domini mei  
IE.



## CHRISTIANVS

251

IESV Christi profluens, totius veteris & nouæ culpæ maculas diluens, ablue. sanctifica, & custodi animam meam in vitam æternam.

Vel: O Pater amantissime, offero tibi & volo tibi omnes actus, quos dilectissimus Filius tuus tibi hîc in hoc Sacratissimo SACRAMENTO offert. gratissimos.

Vel: O Pater æterne offero tibi Sanguinem dilectissimi Filij tui pro omnibus peccatis meis & totius mundi,

Sanguine tuo Christe IESV, à peccatis omnibus lava me, & concede, vt anima mea, cum à corpore migrauerit ante tribunal tuum appareat munda, O bone IESV ne deseras me in suprema mortis hora & luctu, à qua tota pendet æternitas.

O Sacratissima vulnera IESV mei suscipite me, abloite me, ignificate me. Immergo dulcissime IESV totum me tuo sanguini, tuis vulneribus.

### *Memento Defunctorum.*

**M**emento etiam Domine famulorum famularumq; tuarum N. N. pro quibus primariò hoc sacrificium offero. Memento demùm omnium mihi peculialiter commendatorum, eorum pro quibus me vis potissimùm orare, omniumq; aliorum fidelium in Christo dormientium,

Præcipuè verò supplico tibi DEO meo pro Parentibus, propinquis, benefactoribus, pro ijs qui in templo vel cæmeterio quiescunt, pro Clero seculari & Religioso defuncto, pro cultoribus Marianis & SS. Eucharistiæ, & pro quibus orare nos vult ac gaudet DEIPARA, pro ijs qui pridem &

gra-

gratius purgatorium patiuntur, & qui sunt diu futuri in purgatorio.

Supplico etiam mi DEVS! pro omnibus infideles ac Ethnicos, in gratia tua defunctis, fame, peste, bello, subitanea morte sublati pro pauperibus & mortuis gentis ac religionis nostræ.

Horum omnium misericordissime Pater miserere per tuam infinitam clementiam, per infinita Filij tui merita, per omnium Sanctorum suffragia. Ostende illis faciem tuam ut te videant, ament, glorificent in cælis, in quem crediderunt & sperauerunt in terris,

*Praxis Communionis Spiritualis.*

**I**Ta est Domine IESV, indignissimus sum quia omnibus peccatoribus & iplis damnatis deterior sum, indignus omni bono, & dignus omni malo. Sto tamen pauper & inops ad mensam magni Regis & amantissimi Patris mei, tuam Christe IESV: & credo tibi o æterna veritas, quod verè è summo calorum ad verbum sacerdotis, ut me visites, venire dignatus es, verumtamen conscius infirmitatis meæ & peccatorum meorum, de quibus propterea vehementer doleo, non audeo Sacramentaliter suscipere te, sed dico ex amore tui cum Centurione: Domine non sum dignus ut intres sub tectum meum: sed per os Sacerdotis veni amantissime IESV in animam meam. Munda quæso illam a malis omnibus, & imperfectionibus, orna bonis & virtutibus.





## Oratio S. Augustini.

*Sumpta ex magna tabula Lateranensis Ecclesie, quam quoties quis contritus deuotè dixerit, octoginta millia annorum, Indulgentias consequetur, & qui quadraginta diebus eam dixerit, plenariam peccatorum remissionem obtinebit, quam Bonifacius VIII. concessit, & Benedictus XI. confirmauit.*

**D**EVS qui pro Redemptione mundi voluisti nasci, circumcidi, à Iudæis reprobari, à Iuda proditore osculo tradi, vinculis alligari, sicut agnus innocens ad victimam duci, atq; conspectibus Annæ, Caiphæ, Pilati, & Herodis, indecenter offerri, à falsis testibus accusari, flagellis & opprobrijs vexari, sputis conspui, spinis coronari, colaphis cædi, arundine percuti, facie velari, vestibus exui, cruci clauis affigi, in cruce lenari, inter latrones deputari, felle & aceto potari, & lanceâ vulnerari. Tu Domine per has sanctissimas pœnas tuas, quas ego indignus recolo, & per sanctam crucem, & mortem tuam, libera me à pœnis inferni, & perducere digneris, quò perduxisti latronem tecum crucifixum. Qui cum Patre & Spiritu sancto vivis & regnas DEVS in sæcula sæculorum, Amen.,

*Actus petitionis pro statu Ecclesie.*

**O** Pater misericordiarum, respice in faciem Christi tui, qui clamore valido & lacrymis interpellat pro Sponsa sua Ecclesia, Matre nostra.

Ecce mi Pater profusus ille corporis sudor, hor-

L

ren.

rendæ capitis spinæ, calidi fontes oculorum, clauis manuum, & pedum, liuores, & vulnera, & vox sanguinis Fratris Nostri IESV Christi clamat ad te de cruce

Audi ô Pater! ad huius suspiria & gemitus moti sunt cæli; scissi sunt lapides, & tenerrima misericordiæ tuæ viscera non flectentur?

Protege & defende Pater clementissime populum tuum, contra hostium ferociam. Ne trahas bestiis animas confitentes tibi, & animas pauperum tuorum ne proijcias in finem.

Custodi omnes Domine & conserua, qui te sincero corde, & ore confitentur, ne à falsis Prophetis, qui veniunt in vestimentis ouium, intus autem sunt lupi rapaces, seducantur. Coerce potentiam illorum, machinationes detege, & consilia aduersus Ecclesiam tuam dissolue.

Da fidelibus tuis misericors Domine, vt in pace & tranquillitate, ac vnione incessantè amemus, & laudemus te, vt doctrinam tuam agnoscamus, teq; ad mortem vsq; constantè sequamur.

Intentio & præparatio  
*Quando conceduntur Indulgentiæ.*

**O**Mnipotens DEVS, nec numerus, nec mensura est peccatorum meorum, quibus Diuinam Majestatem tuam læsi, & hæc tamen quidem per penitentiam Sacramentum ritè confessa ignoscis, & remittis; sed tamen rei sumus temporalium pœnarum, quibus exoluendis opera nostra non sufficiunt. Quare ad inexhaustum thesaurum meritorum Saluatoris Nostri IESV Christi confugimus, & obsecramus;



ut per illa debitæ pro nostris peccatis pænæ indulgentiam & remissionem ad placitum eius in terra Vicarij, cui potestas hæc commissa est, impetrare concedas.

Ideo enim præscripta in literis Apostolicis opera pro lucrandis Indulgentijs peragere institui; id vnum humillimè deprecans amantissime Pater, ut hæc mea opera ex se prorsus exigua in vnione meritum Passionis, & mortis vnigeniti Filij tui IESV Christi in satisfactionem admittere, & suscipere velis; & me de Indulgentijs his, & pænarum temporalium remissione, participare concedas. Amen.

*Si lucranda sint Indulgentia, non sufficit Confessio & Communio, sed insuper necesse est, ut illam Ecclesiam, in qua sunt Indulgentia Visites, ibiq; Communionem percepta orationes recitari debent, pro exaltatione S. Romane Ecclesie, Hæresum extirpatione, & Principum Christianorum vniione.*

**Formula orandi.**  
*pro Indulgentijs consequendis.*

1. **D**EVUS omnium fidelium Pastor & Rector, cuius Spiritu totum corpus Ecclesie sanctificatur, & regitur, quiq; gloriam tuam omnibus in Christo gentibus reuelasti, custodi opera misericordie tuæ, ut Ecclesia tua toto orbe diffusa, bonorum omnium incremento augeatur, & stabili fide in confessione tui nominis perseveret. Per eundem &c.

2. **D**EVUS largitor pacis, & amator charitatis, te famulis tuis Regibus & Principibus Christianis veram cum tua voluntate concordiam, ut bellis, dissensionib;

& omni perturbatione submorâ, secura tibi seruiat  
Christiana libertas, Per Dominum &c!

3. Omnipotens sempiterne DEVS, qui neminem  
vis perire, respice ad animas diabolicâ fraude deceptas,  
vt omni hæreticâ prauitate deposita, erranti-  
um corda resipiscant, & ad veritatis tuæ redeant  
vnitatem. Per Dominum &c:

Deinde septies Pater & Ave cum Credo reci-  
tetur.

*Formula orandi, post opera pro Indulgentijs  
peracta.*

**C**lementissime DEVS, vtinam quæ pro Indul-  
gentijs requirebantur, eo modo quo oportet  
ret peregissem. Quicquid autem mihi defuit sup-  
pleant merita, suppleat sanguis Filij tui. Permitte  
igitur misericors DEVS, vt de his Indulgentijs par-  
ticipem, remitte & dele pœnas, quas in hac vel in  
altera vita pro peccatis meis sustinere deberem.  
Illumina me vt gratiam hanc mihi exhibitam agno-  
scam, & tibi summo meo Benefactori æternas gra-  
tiarum actiones cum omnibus Angelis & electis  
tuis referam.

*Quando Indulgentia Communionis animæ in  
Purgatorio transcribitur.*

**A**mabilissime IESV miserere animæ huius N-  
lustrali incendio torridæ, pro cuius exemptione  
Indulgentiam hanc communionis meæ, & per  
eam diuini sanguinis tui pretium infinitum, tibi of-  
fero. Fac vt hæc anima voracibus flammis libere-  
tur,



tur, atq; in desideratissimos amoris tui amplexus  
volet / occupet rebellium olim Angelorum optati-  
simam sedem, ac concinat misericordias tuas in æ-  
ternum & ultra.

*Deprecatio pro felici successu Sacrae  
Religionis.*

**D**omine DEVS Rex omnipotens, in ditione tua  
cuncta sunt posita, & non est, qui possit resistere  
tuae voluntati, si decreveris saluare, & conseruare nos  
indignos seruos mille tibi votis ac desiderijs mancipa-  
tos Tu fecisti cælum, & terram, & quidquid cæ-  
li ambitu continetur. Dominus omnium es, nec  
est qui resistat Majestati tuæ. Et nunc Domine Rex  
DEVS Patrum nostrorum miserere congregationis  
tuæ, quam possedisti ab initio.

Ne despicias Domine partem tuam, & heredi-  
tatem tuam, quam tuo sanguine acquisiisti. Exau-  
di deprecationem meam, & propitius esto sorti, &  
funiculo tuo. Intende oculos pietatis tuæ in omnes  
Religionis nostræ Præsules, & Pastores, & fac eos  
super commissum sibi gregem fidelitèr excubare.

Conuerte oculos tuos misericordes in omnes  
Religiosos seruos tuos & Fratres nostros, quos de hoc  
sæculo nequam eripuisti, ad te benignè traxisti, vt  
hereditatem capiant salutis. Da illis in virtute, &  
vocatione profectum, & in cunctis seruorem accen-  
de. Da vt viuentes per totum mundum laudemus  
nomen tuum Domine, & ne vnquam claudas ora  
te canentium, Domine DEVS noister.

*Postulatio gratiarum.*

**S**iquidem bone IESV, sine gratia tua nihil boni  
fieri potest, quocirca peto a te dona & auxilia

ad meam & proximorum salutem procurandam necessaria. Peto auxilium gratiæ habitualis Sanctificationis. Peto continuas, gratias efficaces, excitantes, & cooperantes. Peto intensiores habitus virtutum, fidei, spei, charitatis, iustitiæ, prudentiæ, temperantiæ, fortitudinis.

Largire dona & fructus Spiritûs sancti. Largire opera misericordiæ Spiritualis, & corporalis. Largire etiam gratias gratuitas ad salutem proximorum & amplificandam gloriam tuam. Tribue gratiam orationis mentalis, & vocalis, examinis vtriusq; frequentis recollectionis, silentij, intimæ tecum vnionis, pietatis erga Virginem Beatissimam, cultûs erga SS. Patronos.

Concede vt perfectè obseruentur Regulæ, & vota paupertatis, castitatis, obedientiæ. Auge in me amorem vocationis, & da mihi Spiritum statûs, & aptitudinem ad omnia eius munia peragenda. Da virtutes solidas, humilitatis, mortificationis heroicæ, & abnegationis in omnibus, sitim insatiabilem contemptûs & iniuriarum. Da vt nunquam te peccato mortali & veniali deliberato offendam. Da vitam plenam meritis, & tuo amore feruentem. Da perseverantiam in Religione, & felicem in optimo animæ meæ statu mortem.

Petitio breuior.

V. *Confirma hoc DEVS quod operatus es in nobis.*  
R. *A templo sancto tuo quod est in Hierusalem.*

ORATIO.

DEVS qui nos a sæculi vanitate conuersos ad brauium supernæ vocationis accendis, pectoribus nostris purificandis illabere, & gratiam nobis, quæ in te



in te perseveremus infunde, vt protectionis tuæ muniti præfidijs, quod te donante promissimus impleamus: & nostræ professionis executores effecti, ad ea, quæ perseverantibus in te promittere dignatus es, pertingamus. Per Christum Dominum nostrum.

Actus ad Virginem Beatissimam & Sanctos Patronos.

*Formulæ dedicandi se Beatissimæ Virgini.*

**S**ANCTA MARIA Mater DEI & Virgo Immaculata. Ego N. peccator vilissim<sup>us</sup>, vnde quaq; purissimo conspectu tuo indignissimus, impulsus desiderio tibi seruiendi, ac fretus pietate tua singulari, coram benedicto Filio tuo, & curia cælesti vniuersa, dedico me tibi hodiè in seruum & mancipium tuum, eligoq; te in singularem meam Dominam, Matrem, & Aduocatam, & firmiter propono, me nunquam te derelicturum, neq; contra te aliquid vquam dicturum, sed semper tuum honorem defensurum.

Te itaq; Virgo Sacrosancta per Sanguinem Filij tui IESV Christi oro, vt me inter alios Tibi deuotos in seruum perpetuum admittere digneris, ad sisq; mihi in omnibus necessitatibus meis, & super omnia non me deferas in hora mortis meæ.

*Christus proprio ore dictauit in Regula Saluat.  
c. 5. has duas Orationes.*

**O**mnipotens sempiterne DEVS, qui pro nobis de Castissima Virgine nasci dignatus es, fac nos quæsumus tibi casto corde seruire, & humili mentis placere.

Oramus te piissima Virgo MARIA, mundi Regina & Angelorum, ut eis, quos purgatorius examinat ignis, impetres refrigerium, peccatoribus indulgentiam, iustis in bono perseverantiam; nos quoque fragiles ab instantibus defende periculis. Per Christum Dominum nostrum.

*Beatissima V. M. hec dixit S. Brigitta l. 1. eius.  
Renelat, c. 8. Sic laudare debes me.*

**B**enedictus sis tu DEVS Creator omnium, qui in vterum MARIE Virginis descendere dignatus es.

Benedictus sis tu DEVS, qui cum MARIA Virgine, esse sine gravamine voluisti, & de ea immaculatam carnem, sine peccato sumere dignatus es.

Benedictus sis tu DEVS, qui ad Virginem cum gaudio animæ eius venisti, & sine peccato, de ea processisti,

Benedictus sis tu DEVS, qui MARIAM Virginem Matrem tuam post Ascensionem tuam crebris consolationibus lætificasti, & per te ipsum eam consolando visitasti.

Benedictus sis tu DEVS, qui corpus, & animam MARIE Virginis Matris tuæ in cælum assumpsisti, & super omnes Angelos iuxta Deitatem tuam honorifice collocasti, miserere mei propter preces eius.

*Devota ad B. V. Commendatio.*

**M**emorare piissima, & gloriosissima Virgo MARIA Mater misericordiarum, & totius consolationis, à sæculo non esse auditum, quenquam ad tua præsidia currentem, tua implorantem auxilia, aut tua petentem suffragia à te Virgo MARIA derelictum,



derelictum. Idcirco tali animatus fiducia, ad te Virgo Virginum, Regina cælorum & Domina Angelorum, ô MARIA Mater Domini nostri IESV Christi confugio; ad te stella maris curro; coram te miser & gemens assisto.

Noli ô Dominam mundi, clementissimas aures tuæ pietatis ob ingratitudinem meam ad clamorem meum claudere. Noli Mater omnium ab omni benignitate me excludere: sed benignè fac mecum, propter nomen Sanctum tuum. Noli porta cæli ob scelera mea, iugiter obserari, sed reporta me ad portam gratiæ, à qua ingratus exui, per quam tu mundo vitam & salutem reportasti.

Noli Regina gloriæ, ob tuæ celsitudinis gloriam mei peccatoris obliuisci, sed memor esto fragilitatis meæ, & adiuua me propter magnitudinem gloriæ tuæ. Noli solitam pietatis tuæ manum retrahere, sed tolle quod metuo, largire quo careo, indulge quod offendo. Noli æterni verbi Mater, verba mea despicere, sed audi propitia, & exaudi me miserum ad te in hac lacrymarum valle clamantem, nunc, & semper, & in hora mortis meæ. O clemens! ô pia! ô dulcis Virgo MARIA!

*Pro felici morte ad Beatissimam*

**O** Dulcissima IESV Mater, Virgo MARIA, Patrona mea, visceribus misericordiæ plena, succurre mihi misero peccatori, antequam mors subitanea & improuisa superueniat, ne subito & imparatus de hoc mundo transeam.

Ora pro me MARIA Virgo benedicta ob vniuenti Filij tui D. N. I. C. passionem, ac mortem amarissimam, vt peccati detestatione, diaboli & operum

perum eius abrenuntiatione, verâ contritione, purâ & humili confessione, pœnitentiâ & satisfactione, dignâ DEI acceptione, & proximi dilectione, Filio tuo reconciliatus de hoc mundo transeam.

Et fac mecum misericordiam tuam ô Beata V. M. Mater DEI, in illa tremenda hora quando spiritus vitales deficient, & mortua lingua se nequit mouere ad inuocandum te; neq; oculi mei lucem capere poterunt, auresq; meæ nulli voci pateſcent, Memor esto ô MARIA precum, quas nunc fundo ad aures tuæ pietatis, & subueni mihi in illa vltima hora necessitatis meæ, vt liberer à ministris diaboli, collocaſ cum Chriſti Fidelibus, Filij tui ſeruis & amicis Amen.

*Ad SS. Angelos & SS. Patros.*

**O**Mnes Sancti Angeli & Archangeli, Omnes Sancti Throni, & Dominationes, Omnes Sancti Principatus & Potellates Omnes Sanctæ virtutes celorum, Omnes SS. Cherubim & Seraphim, Omnes SS. Patriarchæ & Prophetæ Omnes Sancti Apostoli & Euangelistæ, Omnes SS. Martyres & Confessores. Omnes SS. Episcopi & Doctores. Omnes SS. Sacerdotes & Leuitæ, Omnes SS. Monachi & Eremitæ, Omnes SS. Virgines & Viduæ. Omnes SS. Coniugati & Innocentes. Omnes Sancti & Sanctæ DEI. Et præsertim S. Michâel, S. Gabriel, S. Raphaël, S. Petre, S. Paule, S. Ioannes, S. Andrea, S. Benedicte, S. Fernarde, S. Augustine, S. Dominice, S. Franciscæ, S. Ignati, S. Antoni, S. Casimire, orate & intercedite pro me indigno peccatore, Vestrâ me tutelâ, vndiq; hostibus inuentibus vallate, vt non accedat ad me malum, & fla.



& flagellum non appropinquet tabernaculo meo. Venite in subsidium fortissimi Athletæ, vt auxilio vestro vltionem videam ex inimicis meis, & vobiscum in æternum laudem, & glorificem Dominum DEVM nostrum in terra viuentium, Amen,

*Ad Angelum Custodem*

**A**Ngele DEI Sacratissime, mihi à DEO in custodiam deputare, gratias tibi ago pro omnibus beneficijs, quæ mihi in corpore, & anima vquam exhibuisti.

Laudo, & glorifico te, quod mihi miserrimam tam fideliter assare, atq; me contra omnes hostium insultus tueri dignaris.

Benedicta sit illa hora, quâ mihi in custodiam datus, & in defensorem atq; Patronum deputatus es.

Benedicta sit tua in me charitas, omnisq; tua sollicitudo, quâ salutem meam promouere non cessas.

In recompensationem omnium obsequiorum mihi à iuuentute exhibitorum, offero tibi nobilissimum Cor IESV Christi: rogans mihi ignosci, quod toties Sanctis tuis inspirationibus renitendo te contristauerim: firmiter nunc propono tibi obedire, DEOq; meo fideliter seruire.

*Ad S. Ioannem Euangelistam pro conseruanda castitate.*

**A**ntiph: Ille est Ioannes, qui supra pectus in cæna recubuit; Beatus Apostolus, cui reuelata sunt secreta cælestia. V. Hic est Discipulus. R. Quem diligebat solus.

*Oratio.*

**P**ectoris illius delicias, & Diuinissimi cordis dulcedinem, supra quod felicissime decubuisti S. Ioannes,

annes, ad nos quoq; famulos tuos feliciter extende, vt abiectis mundi illecebris, in puro Christi amore quiescamus, Per &c.

*Ad S. Iosephum.*

**A**Ntiph: Salue Patriarcharum decus, & Ecclesiæ Sanctæ DEI Oeconomus, qui panem vitæ & frumentum Electorum conseruasti.

ψ. Ora pro nobis castissime Ioseph.

R. Vt digni efficiamur promissionibus Christi.

*Oratio.*

**V**irginum Custos & Pater S. Ioseph, cuius fidei custodia ipsa innocentia Christus Iesus, & Virgo Virginum MARIA in terris commissa fuit; te per vtrumq; charissimum pignus tuum IESVM & MARIAM obsecro & obtestor, vt me ab omni immunditia præseruatum, mente intaminatâ, puro corde, & casto corpore, IESV & MARIÆ semper facias castissime famulari, Per &c.

*Votiuâ ad eundem Sanctum.*

**S**anctissime Ioseph MARIÆ Matris DEI, & Virginis Sponse, periclitantium & agonizantium Aduocate. Ego N. te hodiè coram IESV & MARIA Sponsa Tua, in Dominum, Patronum, & Aduocatum pro tota vita mea, & morte eligo, firmiterq; statuo ac propono, me nunquam te derelicturum, neq; contra te aliquid vnquam dicturum, neq; permitturum, vt a meis subditis aliquid contra tuum honorem vnquam agatur.

Suscipe me ergo in seruum tuum, & me MARIÆ Sponsæ Tux in perpetuam protectionem, & in æternas IESV misericordias commenda, adsis mihi in omnibus actionibus meis, quas omnes offero in perpetuum



petuum, ad maiorem IESV. MARIE, & tuam gloriam, nec me deferas in hora mortis; ad quam Tenent Sanctum Patronum inuito; vt tunc quod possibilitas mea non obtinet, tuâ mihi intercessionedonetur. Per IESVM Deum animæ meæ

Gratias tibi Deus meus, pro omni donorum thesauro, quem in IESVM, MARIAM, & S. Iosephum effudisti.

Gratias tibi ago dulcissime IESV, & Tibi SS. Virgo MARIA, pro omni amore & beneuolentia, ac honore, quo Sanctum Iosephum complexi estis.

Gratias tibi S. Ioseph, pro omnibus laboribus & doloribus, quos pro IESV & MARIA libentissimè sustinuisti.

Gratias vobis omnes Sancti, & Sanctæ Dei, quæ peculiari studio IESVM, MARIAM, IOSEPHVM coluistis: adeste mihi vos omnes vnâ cum IESV, MARIA, IOSEPHO, semper, sed potissimum hinc migranti.

Per merita Agni immaculati IESV Christi, ex quo est fons omnis puritatis, & per Immaculatam Conceptionem, SS. Virginitatem, & innocentissimâ puritatem Beatæ semper Virginis Matris DEI MARIE, & intercessionem castissimi Sponsi eius IOSEPHI emundetur, & immaculatum conseruetur cor & corpus meum. In Nomine Patris, & Filij & Spiritûs Sancti.

*Ad S. Antonium de Padua.*

Responsorium à S. Bonauentura conscriptum.

**S**I quæris miracula, mors, error, calamitas, dæmon, lepra fugiunt, Ægri surgunt sani. Cedunt mare vincula, membra, resq; perditas petunt & accipiunt  
Iuyener

Iuvenes & Cani. Pereunt pericula, cessat & necessitas. Narrent hi qui sentiunt, dicant Paduani. Cedunt mare &c. *V.* Ora pro nobis B. Antoni Prædicator egregie. *R.* Vt interueniente tuâ gratiâ percipiamus cælestis vitæ gaudia.

*Oratio.*

**C**lementissime Domine IESV Christe, qui B. Antonium Confessorem Tuum perpetuis illustras miraculorum splendoribus, concede propitius, vt per eius merita pacem Regni illius, & gratiam consequamur æternam.

Sanctissime famule DEI Antoni, qui inter opera mirabilia, in quibus elucet, meritum tuorum efficaciam, ad conquirendas res perditas accurris, assistis, & instruis. Quæsumus, nobis deperditam gratiam reperire certantibus benignè subueni, vt illam amissam, & gloriam promissam percipere mereamur. Per Christum Dominum.

*Ad S. Barbaram.*

Henricus Köch ad ossa vsq; exustus, sequenti oratione meruit esse superstes. *Su-  
rius 4. Decembr.*

**O** Sanctissima Virgo Barbara, quodcumq; Sponsi Tui viribus potes, mihi in mortis articulo, obsecro, vt suppedites; adiuua me miserum, ne in peccatis moriar: effectum hunc habeat tuâ intercessio. ne primitus à Christo tibi facta promissio, cum fidem ejus tuo sanguine consecraret: Redeat in memoriam Sponso Tuo Virgineus collo tuo exuberans sanguis: recordetur ardentissimæ tuæ charitatis, nec animam meam à corpore exire permittas, nisi confestim.



confessione expiatam, & SS. Eucharistiæ Sacramento  
refectam, Amen,

*Ad S. Annam.*

**A** Nna pia Ioachim Dominam magnam genuit,  
Beatam M A R I A M Genitricem Domini.

¶ Valde honoranda est Beata Anna.

R. Quæ cæli Reginam genuit.

*Oremus.*

**D** EVS qui Beatæ Annæ tantam gratiam donare  
dignatus es, vt Beatissimam M A R I A M Ma-  
trem tuam in suo vtero glorioso portare mereretur;  
da nobis, quæsumus, per intercessionem Matris, & fi-  
liæ, tuæ propitiationis abundantiam, vt quarum me-  
moriæ pio amore complectimur, earum meritis, &  
precibus ad cælestem Ierusalem peruenire mereamur.  
Qui viuïs & regnas per omnia sæcula sæculorū, Amē.

*Ad S. Bernardum.*

**B** Eatus Bernardus ab infantia spiritum sortitus est  
bonum, per quem erat puer docilis, & amabilis  
valde. ¶ Ora pro nobis Beate Bernarde,

R. Vt digni efficiamur promissionibus Christi.

*Oremus.*

**P** Erfice, quæsumus Domine pium in nobis sanctæ  
religionis affectum, & ad obtinendam tuæ gratiæ  
largitatem, B. Bernardus Abbas, & Doctor egregius,  
suis apud te semper pro nobis meritis, & precibus  
intercedat. Per Christum Dominum nostrum, Amen.

*Ad S. Patronum cuius nomen in bapti-  
smate sortitus es.*

**O** Beatissime N. Patrone fidelissime, inuictissi-  
me miles purpurati exercitūs. Substerno me-  
tibi

tibi in seruum perpetuum, commendo vitam & mortem meam, maximè autem extremum spiritum meum.

Obsecro mi Patrone sanctissime per amorem, quod tam feruentèr DEO adhæsis, vt nunc liberari possim à cunctis malis animæ, & corporis, ac te duce, & comite securior peruenire merear ad vitam æternam.

O DEVS Omnipotens & misericors, nomen meum mellifluo nomini tuo digneris subscribere in libro vitæ, & qui me famulum tuum Sancti tui N. nomine voluisti gaudere; da vt in omnibus tibi placitis eius vestigijs insilam, & tandem cum illo Beatissimam faciem tuam contemplari valeam.

*Contra pestem, & quosuis morbos contagiosos.*

**R**ecordare Domine testamenti tui, & dic Angelo percutienti, cesset iam manus tua, & non desoletur terra, ne perdas omnem animam viuam.

*V.* Adiuua nos DEVS salutaris noster.

*R.* Et propitius esto peccatis nostris.

Domine exaudi orationem &c.

*Oremus.*

**P**reces populi tui Domine clementèr exaudi, vt qui iustè pro peccatis nostris affligimur, pro tui nominis gloria liberemur.

DEVS qui non mortem, sed pænitentiam desideras peccatorum: populum tuum ad te reuertentem propitius respice, vt dum tibi deuotus exillit, iracundiæ tuæ flagella ab eo clementèr amoueas.

Da nobis quæsumus Domine, piæ supplicationis effectum, morbosq; pestilenciales à nobis propitiatus auerte: vt mortalium corda cognoscant, à te indignante talia flagella prodire, Per Dominum nostrum Iesum Christum &c.

*Sani.*



Sauiente peste Conimbria 1317. Moniales S. Clarae quotidiana, quâ palam, quâ priuatim, huius quam lubdo antiphona recitatione, immunes a peste seruatas esse, atq; illum eis, à S. Bartholomæo Apostolo mendici specie spectandum se illis prabente, allatam esse affirmat. post alios Waldingus apud Marracium in Apostolis Mar: c. 10 pag 222.

Stella cæli extirpauit

( Quæ lactauit Dominum )

Mortem pellis quam plantauit

Primus Parens hominum.

Ipsa stella nunc dignetur

Sidera compescere.

Quorum bella plebem cædunt.

Diræ mortis vicere; *Gloriosa Stella maris*

O piissima Stella maris *summa digna laudibus*

A peste succurre nobis. *non a peste cœcare;*

Audi nos Domina. *et a mundi fraudibus*

Nam filius tuus nihil negans Te honorat. *medicina*

Salua nos, IESV, Pro quibus Virgo Mater orat. *christi*

¶ Ora pro nobis S. Dei Genitrix.

¶ Vt digni efficiamur promissionibus Christi. *non desit*

**D**EVS misericordiæ, DEVS pietatis, DEVS indulgentiæ, qui misertus es super afflictionem populi tui, & dixisti Angelo percutienti populum tuum, contine manum tuam: ob amorem illius stellæ glorioſæ, cu us vbera pretiosa cœnira venena delictorum, quàm dulciter luxisti; præſta auxilium gratiæ tuæ, vt ab omni peste & in prouisa morte recurè liberemur, & à totius perditionis incurſu miſericorditer ſaltemur. Per te IESV Chriſte Rex gloriæ, qui viuis & regnas in ſæcula ſæculorum. Amen.

*Modus honorandi quemcumq. Sanctorum  
in eius festiuitate.*

**O** DEVS æternæ infinitarum perfectionum Author, adoro te creatura tua, vt supremum rerum omnium Dominum, & Principium omnium donorum, naturæ, gratiæ & gloriæ, quibus S. N. in terra ornasti, & nunc ornas in cælis

Gratias tibi bone I. E. S. V., gratias Sanguini tuo, ex quo omnia Sancti huius merita fluxerunt:

Gratias tibi o Patrone fidelissime ob tuos istos amores, quibus Diuinam Maiestatem olim in terris, & nunc amas in cælis. Gratias tuo benedicti cordi, gratias sanguini (si est Martyr), quem effudisti.

Gratias ob tot exempla virtutum nobis relictæ, & beneficia multis per merita tua collata.

Benedicta sit Beata Virgo M. A. R. I. A., benedicti Sancti Patroni & Angeli Custodes, quorum ope ad hanc paradisi gloriam peruenisti.

Confundor & erubesco, quod vitijs meis simileo tibi dissimilis, & præsertim tuæ puritati.

Recipio te in Patronum & Aduocatum meum, ac me tibi trado in seruum & clientem in vita & in morte

O S. Patrone cæli Princeps, per amorem I. E. S. V. & M. A. R. I. Æ, impetra Ecclesiæ Sanctæ pacem, omnium infidelium, Hæreticorum, ac peccatorum conuersionem.

Offero tibi ô S. S. T. R. I. N. I. T. A. S. merita omnia S. S. Patroni mei ad gulum diuinissimi cordis tui, & gaudeo de omni amore & seruitio, quod exhibuit tibi fidelis iste seruus tuus.

Offero



Offero preces omnes, quæ in eius honorem funduntur, vt ante Tribunal tuum Altissime D E. VS præsententur, & per eas mihi benefacias.

Gratulor tibi ô S. Patrone, de omni honore & cultu, quem in terra habes, & quem in regno gloriæ consecutus es

*Actus Antemeridiani.*

**M**emento Domine per viscera misericordiæ tuæ, per merita Filij tui, per merita Beatissimæ Virginis MARIÆ ac Omnium Sanctorum & Electorum tuorum, inprimis Ecclesiæ Sponsæ tuæ: auge in ea fidei puritatem, & labore virorum Apostolicorum dilata eam toto orbe terrarum.

Da Summo Pontifici nostro N. Spiritus Sancti abundantiam, vt populo sibi commisso verbo & exemplo præluceat Intende oculos pietatis tuæ in vniuersos Ecclesiæ Præsules & Pastores, & fac eos super gregem sibi commissum fideliter excubare.

Adesto Parochis & Presbyteris, & omni Clero, vt nulli præbeant scandali occasionem, diligant puritatem, & ea sequantur quæ pacis sunt.

Esto propitius omnibus Religiosis, da illis continuum in virtute profectum, votorumq; ac regularum exactissimam obseruantiam. Da huic domui honorum temporalium sufficientiam, & Spiritum excita in Prælati nostris, & in cunctis feruorem accende.

Effunde miserationes tuas Domine Princeps Regum terræ in omnes Reges, & Catholicos Principes, eiusq; tribue in obedientia fidei & Ecclesiæ perseverantem famulatum, subditorum curam, iustitiæ zelum, & obseruantiam mandatorum tuorum.

Da Virginibus continentiam & castitatem, coniugatis sanctimoniam, penitentibus indulgentiam,

viduis: & orphanis sustentationem, peregrinantibus  
reditum, nauigantibus portum, iustis perseveranti-  
am, bonis vt meliores fiant; tepidis vt feruescant,  
malis & peccatoribus, qualē me dolens esse confiteor  
vt conuertantur.

Conserua Cælum in salubritate, terram in fer-  
tilitate, mundum in propidentia ex omni parte  
sufficienti.

Respice omnes ægrotos, tentatos afflictos, a-  
gonizantes, incarceratos & in aliquo periculo, vel  
necessitate constitutos, da illis auxilium & consolati-  
onem, prout expedit ad gloriam tuam, & salu-  
tem illorum.

Miserere Domine omnium consanguineorum  
meorum, affinium, amicorum. Miserere inimicorum  
meorum, quos intime amore tui diligo; Miserere  
omnium, quos ego scandalizavi & offendi.

Respice etiam Clementissime Domine, Paga-  
nos, Turcas, Idololatrias, Hæreticos, Schismaticos;  
Iudæos, & gentes omnes à fine alienas, collustra eas  
Domine veritatis tuæ splendore, ne pereant tot  
imagines tuæ, pro quibus pretiosus Filius tui Sal-  
uus effusus est.

Memento demum Rex æterne cui omnia vi-  
uunt, animarum omnium fidelium defunctorum.  
præcipue earum, quæ suis carent suffragiis, & pro  
quibus orare teneor. Extingue earum ardorem o-  
ptato rore misericordiæ tuæ, & citò purgatas in  
conspicuum tuum admite.

Pro me ipso tandem infelicissimo Cle-  
mentiam tuam humillimè imploro. Miserere mei  
secundum magnam misericordiam. Dona mihi vir-  
tutes statui meo necessarias. Da terrena despiciere  
& amare cælestia.

*Adus.*



*Actus Meridiani.*

**O** Candor lucis æternæ Domine mi IESV! & ignis qui dalciter ardes, secretè lucet, suauiter odoras! quando? o quando nox ista sicut dies illuminabitur, in qua, tuo in lumine videbo lumen tuum?

O quando veniet dies illa, cui nox non succedit, quæ temporum vices nescit, sed semper lucet & diescit?

Quando mi suauissime IESV flammis tuæ immensæ charitatis transflammatu, ego Te solo & Te solum ardere incipiam? quando ardescet pigrum frigus meum igne tuo, & accensus in te paruus erit mihi omnis amor, quo creatura quæuis diligit te? quando mi IESV vitali amoris tui morte moriar, igne tuo consumptus faulescam, abiboq; in cineres dilectionis tuæ?

O Domine! quando ero tuus totus & tu meus? quando suspensus de te, deficiam à me, & transibo in te? quando in loco tabernaculi admirabilis reficiat in admiratione gloriæ tuæ? quando gustabo & videbo quàm suavis sis Domine IESU?

Quanti mercenarij abundant in domo Patris mei panibus, & ego hic fame pereor? ô si citius possem surgere & ire ad Patrem meum. Quamuis verò iste panis non sit dandus canibus, quorum vnum me meum facit peccatum, attamen & catelli edunt de micis, quæ cadunt de mensa Dominorum suorum.

O DEVS cordis mei! quemadmodum desiderat ceruus ad fontes aquarum, ita desiderat anima mea ad te fontem viuum.

Quis indicabit mihi, quem diligit anima mea, ubi cubet in illo meridie, ubi pascat? & quando requiescam in meridie illo: meridie iucunditatis & lætitiæ? O merities præclarus nesciens vesperum non habens occasum!

Veni suspirata quies amantis animæ meæ, ut nulli mihi dies, nullæ noctes eant sine te, nullus mihi somnus, nulla requies sine te: te solum esuriam & sitiam, qui pascaris inter lilia, mi IESU suauissime.

*Actus ante refectionem.*

**L**iberalissime Domine, illinè tu escam dabis, qui te non semel conuitijs & opprobrijs saturauit? cur me potius non enecabis fame? cur talem escam alijs melioribus non prouidisti? Indignus enim sum rationalis creaturæ cibis, & panis Filiorum, qui iumentis insipientibus similis factus sum propter innumera peccata mea.

O immensam vim benignitatis tuæ, quâ vilissimum seruum pænis duntaxat dignum tot bonis cumulare non cessas? O quot pauperes fame pereunt; cum mihi indignissimo nihil desit! Da mihi Domine operari non cibum, qui perit, sed qui permanet in vitam æternam.

Gratias tibi ago ô DEVS meus! Misericordia mea! qui pascis me à iuuentute mea, & usq; nunc aperis manum tuam, & imples me licet indignum animal benedictione.

O si tam deuotè, temperanter, modestè, vires corporis mei reficere possem, bone IESU, sicut tu olim in terris.

Decerno temperatissime Domine escâ & potu ideo tantum



tantum vti, vt natura ad seruiendum tibi confultat. Nolo Domine villam in mensa voluptatem percipere, memor fellis & aceti, quod ipse gustasti. Vellem potius Domine, vt eaquæ sumpturus sum abstinthum saperent propter te.

Tibi Domine hoc corpus meum nutrio non mihi, tibi hanc vitam conferuo. Si possem viuere & vires tibi seruiendi habere sinevlla esca, ne aspiicerem quidem illam ob meam delectationem, sed quia tu ita ordinasti, ita vis, comedo tibi, & propter te ex puro amore tui. Ac ideo subministra cibum & potum corpori meo, vt te reficiam in me, qui toties in Sanctissimo SACRAMENTO venis ad me.

Benedic Domine & delectare in refectione mea, sicut delectatur herus super iumento aut seruulo, quem refici videt in obsequium sibi.

*In ipsa refectione condimentum spirituale.*

**P**ater! da mi portionem substantiæ quæ me concernit. Sed portio mea tu es DEVS meus, aliam nec quero, nec admitto.

Quàm magna multitudo dulcedinis tuæ Domine, quam abscondisti timentibus te.

Tu es sitis cordis mei DEVS meus, quò te plus gusto, plus esurio, quò plus bibo, plus sitio.

O mi DEVS! vti nam sic consumar amore tui, sicut hic cibus consumitur. Vti nam tot millenis cordibus te amem, quot guttæ in potu, micæ in cibo.

Virtus tui diuini amoris me totum tibi incorporaret amantissime IESV.

Tu es spes mea Domine, portio mea in terra viuentium. Tu scis Domine, Quia sicut desiderat ceruus ad fontes aquarum, ita ego sitio amorem tuum.

M.

Inungo

Intingo Domine omnes micas, quas sumo in phlegmate consputæ faciei tuæ. Utinam Domine IESV felle, quod gustasti, omnia mea prandia condiantur.

O Cæna magna quando accumbam ad te? ô torrens voluptatis quando potabis me? Quanti mercenarij abundant in domo Patris mei panibus, & ego hic fame pereor?

O quam millies felicior esses anima mea! si colligeres micas, quæ cadebant de manibus IESV, nunc in deserto, quando illi ministrabant Angeli, nunc in domo Pharisei, ubi Magdalena lacrymis rigauit pedes eius, O si etiam in societate Virginis MATRIS puerum IESVM pascentis, hunc cibum sumeres?

O IESV felle & aceto potate! omnes qui nobis benefaciendo prouiderunt, & eos qui ante me hic refectioni sunt, obsecro, eue de tenebris, & in patria refice.

*Post sumptam refectionem.*

**B**enedicimus DEVM cæli, & coram omnibus uiuentibus confitebimur ei, quia fecit nobiscum misericordiam suam.

Laudate Dominum omnes gentes, laudate eum omnes populi. Quoniam confirmata est super nos misericordia eius: & veritas Domini manet in æternum. Gloria Patri &c.

Quid mihi ex hac refectione accessit sanguinis & vitæ, aut etiam accedere potuisset, totum id veltrum sit, quibus offero corpus in victimam. vitam in holocaustum IESV & MARIA.



*Consideranda circa refectiorem.*

**M**ensa accumbens deuotè, decenter, circumspice consuetam corporis alimenta sume, memot illius D. Pauli 1 Cor. 10. *Sine manducatis, sine ministris bibitis, omnia in gloriam DEI facite.* Et illius S. Bernardi: Obseruandus est cibi modus, & tempus, quantitas & qualitas, fugienda quoq; sunt superflua & adulterina condimenta. Obseruandus est modus, vt non effundat, qui comedit animam suam, super omnem cibum. Tempus ne ante horam. Qualitas quibus vitur communitas fraternitatis, excepta causâ manifesta infirmitatis.

Imprime etiam menti illa D. Basilij verba, incit, Apostoli locum: Is manducat & bibit ad gloriam DEI, quando beneficiorum erga se memoriam conseruat, & talem animi affectionem retinet, quæ etiam ex compositione corporis declaretur, vt non omnino securus manducet, sed vt qui habet Inspectorem DEVM propositumq; habet manducandi, non vt vent is mancipium propter voluptatem, sed tanquam operarius DEI, vt in operibus firmior esse possit.

Deinde præterquam, quòd deuotè & decenter consueta corporis alimenta sumenda tibi sint, etiam seruanda tibi moderatio, & surgendum necesse est à mensa cum fame, ad memoriam reducenda Sanctorum in cibo parcitas, qui cum S. Iob dicebant: Antequam comedam, suspiro.

SS, Hilariion & Hieronymus carni suæ & corpori tanquam iumento insipienti frequenter ingeminarunt: Ego aselle faciam, vt non calcitres, non te herdeo pascam, sed paleis, fame te conficiam & fici,

fiti, graui onerabo pondere, vt cibum potius, quam laciuiam cogites.

S. Pachomius exhalaturus vltimum spiritum hæc protulit vltima verba : Tu nosti Domine, quia ex quo suscepisti hunc habitum Monachi, nunquam satiatus sum pane & aqua; vel quâlibet creaturâ aliâ quam fecisti.

Euagrius, Niceforò teste l. ii. c. 43. ad Macarium Anachoretam sub meridie reuisit, cumq; fatigatione ac si exhaustus frigidam postularer, Macarius ad illum placide : Mi fili, ait, contentus esto hac umbrâ : multi enim viatores, & nauigantes eâ nunc carent. Euagrius vir mitioris ingenij, ad tranquillitatem se componens, de temperantia cæpit differere. Cui Macarius : Confide ô fili, ait, & bono esto animo ; ego iam totis viginti annis neq; panem, neq; aquam, neq; somnum ad satiætem admisi. Et panem quidem ad modicum libellæ pondus comedi, aquam ad mensuram parcissimam bibi ; cum verò fatigatio me cogeret, parieti acclinis, exiguum somni partem rapui : Hæc mea vitæ methodus est.

Referebant quidam Fratres de Abbate Niceta, qui fuit discipulus Abbatis Siliuani, quia quanto in cella sua in monte Sina degebat, moderatè abstinebat pro necessitate corporis : quando autem Episcopus ordinatus est in Faran, nimis constrinxit se ipsum abstinere à diuinâ, & in vigilijs propensius, atq; in orationibus intentius agebat. Hæc autem videns discipulus eius dixit ei : Quid est Domine hoc, quia quando in eremo conuersabamur, non tantum in abstinence laborabas ? Respondit ei Beatus vir dicens : Considera frater, quoniam ibi eremus



mus erat, & secreta vita, ac paupertas: nunc autem egressi de eremo, cum sæcularibus conuersamur hominibus, & multæ ac variæ nobis occasiones occurrunt, & ideo timeo, ne in fine vitæ meæ aliqua occasione DEVM offendamus. Si enim S. Apostolus Paulus, qui Christum in se loquentem habebat, & qui tantas virtutes animi possidebat, vt vsq; ad tertium cælum, adhuc in corpore positus ascenderet, tamen dicebat: Macero corpus meum, & seruituti subijcio, ne forsan alijs prædicans ipse reprobus inueniar: quid nos humiles & peccatores facere oportet?

*Actus Pomeridiani.*

**O** Bonitas! ô misericordia DEVS meus! qui retribuam tibi pro omnibus, quæ tribuisti mihi? en vilissimus terræ vermiculus immensas tibi gratias ago.

Quia ex æternitate vidisti & dilexisti me (vt de tua misericordia spero) me ad gloriam tuam efficaciter elegisti, & per conuenientia media ad eam prædestinasti.

Quia per Creationem me ex nihilo condidisti, ad tuam imaginem & similitudinem fecisti, & innumeris donis in anima & corpore ditasti.

Quia me & omnia propter me tam longâ duratione conseruas, sine cuius actuali concursu in nihilum rediremus, nec possemus vno momento subsistere.

Quia me pretioso vulnerum tuorum sanguine redemisti, & per merita ac passionem tuam a seruitute diaboli liberasti.

Quia me cum paucis respectu multorum ad  
Eccle.

Ecclesiam tuam, & ad tui cognitionem & obsequium vocasti.

Quia me cum paucissimis ad statum Religiosum, & ad hunc amabilissimum quem profiteor, misericorditer adduxisti.

Quia Sacramentis, inspirationibus, sanctorum exemplis, spiritualibus libris, & alijs plurimis medijs ad bonam vitam adiuuisti, & adiuuare non cessas.

Quia me ab innumerabilibus periculis perdendi gratiam liberaisti, & liberare non desinis.

Quia plurimis donis tum internis, tum externis, tum naturæ, tum gratiæ ditasti.

Quia mihi (ut spero) ab æterno certum, secundum tuam prædestinationem, gradum, gloriæ efficaciter præparasti.

Quia me hodie ad orationem & tui colloquium admisisti, (pretioso corpore & sanguine satiasti) & per totam vitam infinitis alijs beneficijs, ac postea per totam æternitatem afficies.

Insuper gratias tibi Domine, quia cuiusvis benignè provides corpori & animæ, & das escam omnibus in tempore oportuno. Neq; tantum hominibus, sed & iumentis das escam ipsorum, & pulis coruorum inuocantibus te. Ergo pro omnibus & in omnibus sis benedictus in æternum.

*Actus antevespertini.*

**O** Quam serò te cognoui ô pulchritudo diuina! ô quā n̄ serò amaui te bonitas infinita! Tu ab æterno, id est ex quo tu DEVS! & DEVS amasti me, & ego primo instanti in quo esse cepi, non amaui te, imò dies mei transierunt non amando te.

Agnosce



Agnosco beneficentissime DEVS! diuinam  
quam in me liberalitatem, tot beneficijs testatam;  
quoties cogitasti de me, quod vixi momentis; tot  
meis obsequijs dignam, quod habeo mentis, cogita-  
tionis, animi affectus, corporis membra, respirandi  
vires.

Quid verò & quando mi Domine! pro his  
omnibus retribuam tibi? En iam corpus meum in  
dies ruinam ac occasum, minatur, mors continuo  
insidiatur, & in breui, post lucem in tenebris ster-  
nam lectulum meum; adeoq; dum claudentur o-  
culi mei, lingua mea etiā & cor meū in tuis deficient  
laudibus.

Proinde mi DEVS! saltem ex hac horā vo-  
lo cum gratia tua, & desidero omnes dies vitæ meæ;  
omnes horas & momenta impendere cum fructu.  
Opto quouis respiro ac suspirio meo millies ac milli-  
es tendere ad te, mille obsequijs seruire tibi, mille  
cordibus amare te

Insuper omnia bona opera post exitum me-  
um è vita hac, vsq; ad tempora Antichristi, tibi in to-  
to mundo impendenda, nunc offero, dono, ac dedi-  
co. Præcipue offero tibi mi DEVS! omnium San-  
ctorum Angelorum ac beatorum comprehensorum,  
incendia amoris, adorationes, tibi impendendas in  
Patria.

Anticipare etiam repræsentō omnium electo-  
rum tuorum in via persecutiones, animarum conuer-  
siones, dolores, ac labores, omnes mortificationes  
& Martyria. Omnia demum sacrificia in toto or-  
be celebranda.

Quidquid etiam in omnibus, qui edentur libris  
ad ultimum diem iudicij, virtutum, priorum affectu-  
um, &

um, & amoroſiſſimorū actuum tibi placentium, modumq; eos eliciendi deſcribetur, tibi offero, his affectibus te nunc laudo, & ab omnibus per totum orbem exaltari cupio.

Quidquid ſive vila creata voluntas tibi gratum volet, ſive intellectus intelliget, aliquid factibile quod tibi placeat; Imò quidquid tu ipſe ſcis fieri poſſe tibi acceptum, adeoq; quam acceptiſſimum, id omne approbo tibi voloq;

O ſi etiam mi DEVS! poſſem cineres meos, dum in illos corpus meum redactum fuerit, conuertere in linguas & corda aſſuantiffima, quibus ad extremum iudicij diem intenſiſſimè amarem ac laudarem te! omnia oſſa mea dicerent, Domine quis ſimilis tibi.

*Actus euntis dormitum.*

**C**redo Domine, quidquid de te credit S. Romana Eccleſia, & quidquid illa damnat, ego damno & anathematizo, imò pro hac fide ſum paratus ac opto mori.

Spero Domine etiam ſi vilis, indignus, & abiectus homuncio in abyſſo miſericordiarum tuarum, & in ſanguine tuo cum tanta charitate pro me effuſo, quia me ſaluum facies, & in carne mea videbo te DEVM Salvatorem meum.

Amo te ſ DEVS cordis mei, & amare volo in æternum. Et quia parum amo te, eum amorem quo anima Chriſti, Beatiffima Virgo, & omnes Sancti te amant, imò infinitum, quo te ipſum amas, tibi offero, & ſi poſſem omni illo amore, vellem te amare in perpetuum.

Laudo & approbo omnia bona opera facta in toto.



in toto mundo, & deinceps ad finem mundi faci-  
enda, & si possem ea millies nunc vellem multipli-  
care ad gloriam tuam;

Gratias tibi Domine pro beneficijs proprijs, com-  
munibus, gratias tibi pro beneficijs cuiuscunq; quan-  
tumuis irrationali creaturæ hodie concessis.

Doleo mi IESV, quod te summum bonum,  
bonum infinitum, bonum amabilissimum toties ho-  
die & tam grauiter offenderim, & doleo ex corde,  
non propter amissionem cæli, aut metum inferni, sed  
ob amorem tui solius.

Detestor simul & abominor peccata totius mun-  
di, hodie præcipuè commissa, Opto ex animo, vt  
compensari aliquatenus meo sanguine possent.

Protestor coram te Domine, quod millies po-  
tius impendere eligam vitam, quam posthac vlli pec-  
cato etiam veniali consentiam. Hucusq; sit termi-  
nus delictorum meorum, & non vltra in æternum.

Pæreo Domine omnibus qui me aliquâ mole-  
stia in vita affecerunt, & eos propter te sincerè amo.

Offero me ad omnem nutum diuinæ volunta-  
tis tuæ. Visnè bone IESV vt hac nocte moriar?  
lubens moriar. Offero me & ad omnia mala pæ-  
næ toleranda, etiam ad ipsas infernales pænas, re-  
nuncians iudicio, voluntati, amoris meo proprio.

Et quia vitæ & salutis incertus velut sepul-  
chrum ingredior, somnum capturus, voueo (si est  
Religiosus) coram tota curia cælesti, Paupertatem,  
Castitatem, & obedientiam.

Omnia quæ feci, aut facere debui, substerno  
pedibus IESV. Et quia non impleui mensuram  
meritorum meorum, quam hodie implere debui,  
inuestio me superexcessiuo sanguine Domini IESV.

SV, quia quod potuit sanguinis gutta, redemit vnda.

*Sacratissima IESV & MARIÆ nomina vespere ante somnum, digito in fronte efformare contra mortem repentinam, docuit ipse Christus Dominus S. Edmundum Cantuar. Episcopum. Tu similiter fac.*

**P**ER signum † Sanctæ Crucis de inimicis meis, libera me DEVS noster. (hoc ter dicat) Procul recedant somnia & noctium phantasmata, hostesq; nostrum comprime, ne polluantur corpora. Dignare Domine nocte istâ, sine peccato me custodire. Miserere mei DEVS secundum magnam misericordiam tuam.

Pax Domini nostri IESV Christi, & Virtus sacratissimæ Passionis eius, signum S. Crucis & titulus triumphalis, IESVS NAZARENVS REX IVDÆORVM. Integritas quoq; Beatæ MARIÆ Virginis. Custodia SS. Angelorum & suffragia omnium Electorum, fiat inter me, & omnes inimicos meos.

O cor IESV dulcissimum tibi commendo hæc nocte cor & corpus meum, ut in te dulciter, requiescat. Et quoniam ego obdormiturus. DEVM laudare nequeo, hoc tuum mi IESV suauissimum Cor pro me supplere dignetur.

Sancte Angele Custos, SS. Patroni mei, vos etiam pro me assistite SS. TRINITATI, Humanitati Christi Domini, & Beatissimæ Virgini Mariæ. SS. Patroni mei, ad quorum Ecclesiam vivo, assistite SS. Eucharistiæ, in persona vestri mancipij, adora-



adulate, laudate, benedicite perpetuò, & non interrumpere, DEVM, Humanitatem Christi Dñi, Virginem Beatissimam Dominam meam.

IESVS NAZARENVS REX IVDÆORVM præseruet me à subitanea morte, IESVS sis mihi IESVS, Virgo MARIA sis mecum in via. Omnes Sancti & Sanctæ DEI intercedite pro me, Nos cum prole pia benedicat Virgo MARIA,

O IESV MARIA IOSEPH dono vobis cor, & animam meam.

*Cum iam decumbis.*

**A**Ntequam obdormiscas breuiter tecum reuolue-re poteris, quibus illi, qui infernalem regionem incolunt, lectis vtantur: quàm etiam mollibus lectis ij, qui amena cælestis paradisi loca inhabitant, accubent. Postea imaginare te somnum capturum, esse circumdatum ab Angelis, qui custodiæ tuæ inuigilent. Vel mente concipe te aliquando cum CHRISTO dormire in stabulo, vel in deserto: aut in carcere Caiphæ, aut sub Cruce. Sic tibi nox sicut dies illuminabitur, & nox illuminatio tua erit in delicijs tuis.

### Aspirationes.

*Si quando noctu euigilare contingat.*

**B**Eati qui habitant in domo tua Domine (vbi neq; nox, neq; mortis vmbra, somnus est) in sæcula sæculorum laudabunt te.

Approbo & renouo quantum possum, omnes benedictiones & affectus, quos nunc in cælo electi tibi DEO deferunt, & sine fine concinunt: Sanctus, Sanctus, Sanctus Dominus DEVS Sabaoth.

Offero omnia Sacrificia, quæ in altero Orbe

N

nunc fiunt,

nunc sunt, & quidquid vspiam tibi DEO gratum agitur, Omnium Religiosorum psallentium affectus, per MARIAM tibi & IESV, per IESVM tibi Pater, Sancte offero.

Benedicta sit illa noctis hora, quā Dominus meus IESVS CHRISTVS, quondam erat pro me per-noctans in oratione DEI; & in qua patiebatur, quacunq; volebant carnifices crudeles!

O Crux, & Corona spinea! quā durum lectulum præbuiti IESV Saluatori meo In hoc lectulo dormiam & requiescam in cogitatione animæ meæ.

O Domine IESV! vtinam feliciter obdormiam in sinu amoris tui, & lux perpetua luceat, mihi in lumine viuentium, videntium & amantiū te.

Pero mi IESV & desidero, vt eunctorū respirationes meæ, hāc nocte, sint aspirationes & actus ardentissimi amoris tui,

Custodi me vt rem tuam Domine, & dum ego dormio, humanitas tua dignetur pro me laudare, amare, magnificare DEVM Nostrum. Magnificet etiam pro me anima tua Dominum & MARIA.

O si etiā animus meus ad amoris lucernam vigil hæreret, dum somnum corpus capit, ita vt dicere possem cum Sponsa; Ego dormio & Cor meum vigilat.

Detestor omnia nequam phantasmata, & quidquid tibi DEO displicere posset, contra voluntatem meam esse ac fore protestor.

Tibi lectulum, tibi somnum, tibi corpus & animam, ac motus omnes, quidquid sum & possum, tibi Domine dedico & deuoueo.

✠





*S. Gertrudis cum quodam tempore dormire non  
posset, hanc Orationem à Christo*

*didicit. l. 3. c. 25.*

**P**ER tranquillissimam Inauitatem, quâ ab æterno in  
sinu DEI Patris accubuisti; & per amænissimam  
pausationem in utero Virginali, quâ nouem men-  
sibus, quieuisti, & per iucundissimam delectationem,  
quâ vnquam in amante aliqua animâ dignatus es de-  
licari: rogo te misericordissime DEVS: vt non ad  
meum commodum, sed ad æternam laudem tuam  
mihi concedere digneris aliquantam requiem, quâ  
lassata membra corporis vsui exercitationis  
restituantur.

*Cave in quantum potes serue DEI, nè totum a-  
liquando dormias, ne sis somnus tuus, non requies las-  
sa, sed sepultura corporis suffocati, non reparatio, sed  
extinctio spiritus tui. S. Bern.*

*Actus breuis pro defunctis.*

**M**iserere piissime IESV, miserere: & respice de  
sede magnitudinis tue, ad miseras animas in  
purgatorio detentas, quia tibi proprium est misere-  
ri semper & parcere. Miserere gemituum, miserere  
lacrymarum, quas ad te fundunt, & condona eis  
pœnas peccatis ipsarum debitas.

Præcipuè verò animabus Fratrum, amicorum,  
& benefactorum meorum: animabus bellis, peste,  
fame sublatorum, item pauperum, egenorum, &  
quorum nulla extat memoria: ac denum istorum,  
quos à me iuuari vis: per Sanguinem totius corpo-  
ris tui, per crucem & mortem tuam, per meritâ  
omnium Electorum tuorum, per SS. Missæ sacrifi-  
cia, & omnia bona opera ad gloriam tuam in co-

to mundo facta : Requiem æternam dona eis misericordissime Domine, & lux perpetua luceat eis. Requiescant in lumine viuentium, videntium, & amantium te in æternum. Amen.

## CAPVT IV.

Alphabetum Amoris DEI per Hebræomadam dispositum.

*Relinquitte infantiam, & uiuite & ambulante per vias prudentie. Prou. 9. A, a, a, Domine DEVS : ecce nescio loqui, quia puer ego sum. Ierem. 1.*

### DIE DOMINICO.

*Amo te DEVS meus. Et ideo:*

1. **A** Doro te cultu patriæ tibi soli debito, affectu totius Ecclesiæ militantis & triumphantis, in cælo, Eucharistia, ac ubiq; præsentem.
2. Adoro te in peccatoribus, blasphemis, ingratis, infinitam bonitatem tuam letalibus peccatis offendentibus. Adoro beneficientem probis & improbis, omnia in orbe sanctissimè disponentem: Adoro pro omnibus, & in omnibus creaturis.
3. Adoro omnium Dæmonum ac damnatorum loco; totiesq; honorem omnem vitam meam compensare desidero, quoties blasphemaris.
4. Admiror, antefero te omnibus. Amo vt Filius amantissimum Patrem, cuius amore vitam, ponere si occasio ferat, pro honore, & Catholica fide, pro auertendis peccatis, libentissimè decerno.
5. Amo.



5. Amore tui vellem extinguere infernum, comburere cælum, vt nemo te DEVM meum amet ob timorem pænæ vel spem præmij, sed propter solam bonitatem tuam.

6. Amore tui desidero obstruere meisso locum inferni, ne in posterum quidquam tibi pereat.

7. Agnosco subjectionem meam, secundum infinitam à te distantiam, recedo & resilio in abyssum nihili mei.

8. Assumo, mihiq; vnio corda amore tuo ardentia omnium Sanctorum hominum, & Angelorum; adeoq; Cor ipsius Deiparæ Virginis, & Cor humanitatis Christi, hisq; omnibus te intensissimè ac ignitissimè amo.

9. Approbo omnia bona opera hominum & Angelorum, quæ tibi Domine vnquam placuerunt, vel adhuc placebunt; & illa ad gustum tuum milles ac milles per omnia instantia temporis & æternitatis innouari ab omnibus cupio.

10. Abominor omnia peccata quacunq; in hoc vniuerso fuerunt, sunt & erunt, & illa super omne malum detestor, & retracto; quia tibi displicent, teq; amo, super omnia, in recompensationem aliquam pro illis.

11. Agnosco, quòd sim ego infidelissima ex omnibus creaturis tuis, & malitiosissima, quæ si ex merito suo tractanda esset, jam tu illam centies & milles, in ima inferni præcipitem dare debuisses.

*Amo te DEVS meus. Et ideo.*

1. **B**enedico tibi omnium cælitum benedictionibus, propter honorem, excellentiam, Sanctitatemq; tuam infinitam.

2. Benedictus es Domine DEVS Patrum nostrorum:

frorum; & laudabilis & gloriosus in sæcula.

3. Benedictum nomen gloriæ tuæ, quod est Sanctum & laudabile & gloriosum in sæcula.

4. Benedictus es in templo Sancto gloriæ tuæ: & laudabilis & gloriosus in sæcula.

5. Benedictus es super thronum Sanctum Regni tui: & laudabilis & gloriosus in sæcula.

6. Benedictus es super Sceptrum Diuinitatis tuæ: & laudabilis & gloriosus in sæcula.

7. Benedictus es, qui sedes super Cherubim: & intueris abyssos: & laudabilis & gloriosus in sæcula.

8. Benedictus es, qui ambulas super pennas ventorum, & super undas maris: & laudabilis & gloriosus in sæcula.

9. Benedicant te omnes Angeli & Sancti tui; & laudent & glorificent in sæcula.

10. Benedicant te celi, terra, mare, & omnia quæ in eis sunt, & laudent, & glorificent te in sæcula.

11. Benedico tibi mi DEVS! & omnibus sceleratis Iudæis ac infidelibus te blasphemantibus: me oppono, qui dum tibi maledicunt, ego pro illis & nomine illorum clamo intensissimo affectu: Benedictus DEVS in æternum!

*A mote DEVS meus. Et ideo.*

1. **C**redo quod sis, & quod remunerator sis. Credo omnia quæ reuelasti de tua Unitate & Trinitate, de Incarnatione verbi Diuini, de Sacramentis, de Ecclesia, ejusq; capite, de cultu Sanctorum.

2. Credo specialiter illa omnia, quæ nostri temporis Hæretici non credunt, sed blasphemant.

3. Credo MARIAM Virginem DEI Genitricem esse



cem esse, quæ Virgo ante partum, Virgo in partu, Virgo post partum fuit.

4. Credo imagines Christi Domini, Deiparæ semper Virginis MARIÆ, necnon aliorum Sanctorum colendas & venerandas. Credo purgatorium esse, animasq; ibi detentas fidelium suffragiis adiuvant.

5. Commendo tibi mi DEVS Spiritum meum, spiritum vocationis meæ. Commendo omnia proposita & decreta mea, quæ Tibi servare, vel Tui causâ facere debui & decrevi.

6. Commendo tibi uniuersam Ecclesiam, ejusq; Prælatos & Superiores, ac omnes Religiosos, Reges & Principes, diuites atq; pauperes, afflictos, captiuos, carceri mancipatos, ægros, & in extremis positos, atq; animas in purgatorio existentes.

7. Concentro Domine omnem amorem in Cor meum, quo in æternum totum cælum amabit te, & illo singulis momentis vitæ meæ millies ac milies vellem te amare.

8. Claude, si fieri potest, obsecro mi Domine januas inferni, vt nemo eò descendat, vbi omnes te oderunt: aperi portas cæli, vt omnes eò conscendant, vbi omnes te diligunt.

9. Cupio tibi omnes illas laudes, quibus te affi ere possent innumerabiles Angeli, hominesque possibiles, & creaturæ aliæ non creandæ.

10. Contemni & pati volo pro te mi DEVS! projiciant me, abijciant me omnes à facie sua Ego sum illè qui cum Lucifero locum in inferno promerui infimum ad delitescendum.

11. Carcam mi DEVS cælo, & dato quod carebo te in cælo, hoc ipso nolo te carere in terra.

ne sum bis miser, ibi & hic, & ne sum ante tempus infelix.

## DIE LVNÆ.

*Amo te D E V S meus. Et ideo.*

1. **D**oleo ex toto corde, de omnibus peccatis meis quomodocunq; commissis, contra te summum Bonitatis & Sanctitatis Oceanum. Ita doleo de peccatis meis amore tui mi DEVS! vt velim sanguine meo redimere tempus, quo peccaui, vt non peccassem.
2. Doleo, quòd tu amor meus ab alijs non ameris. Doleo quòd tu amor meus contemnaris.
3. Desidero cum dispendio omnium bonorum & vitæ meæ, vt agnoscaris, ameris, adoreris ab omnibus creaturis rationalibus, in omnibus & super omnia.
4. Detestor, damno, & anathematizo omnes blasphemias in DEVM, & omnes irreuerentias ac contemptus.
5. Desidero inferorum portas obturari ipso me, & per me, ne quidquam amplius in infernum, & damnationem æternam descendat.
6. Desidero quicquid habent Seraphini omnes & omnes dilecti, ac Electi tui vna cum IESV Domino ac Rege nostro, ac MARIA Virgine omnium Electorum Regina.
7. De iustitia, meritis, dignitate mea despero, spero autem in solatua Bonitate & gratia, in Christi meritis & morte, in pretiosissimæ Parentis patrocínio, in communione Sanctorum.
8. Decretum mortis a tua manu diuina eo animo excipio, quo animo excepit Christus decretum mortis suæ.
9. Desidero



9. Desidero Domine te amare, te diligere Scraphice, Christiformiter, & omnipossibiliter, & tantum quantum amabilis es, quantum dignus es amari. Requiris à me Domine, cur velim ita diligere te? causa diligendi te DEVM meum. Tuiple. DEVS es.

10. Desidero mi DEVS! & in ipsum infernum descendere, & ibi amare te. Nam si potentes potenter tormenta patientur, cur amantes amabilius tormenta non paterentur?

11. Dono tibi cor meum mi DEVS! suscipe illud, quia melius & securius apud te erit, quam apud me.

*Amo te DEVS meus. Et ideo.*

1. **E**xulto in te solo rebusq; tuis, nihil in hoc mundo habere volo, quod me afficiat, nisi te sapiat.

2. Exulto in te solo mi IESV, Alij alia querant, te solum mi IESV ego quero, te solum desidero, hoc millies dicam, hoc millies repetam, DEVS meus & omnia.

3. Exulto mi DEVS! quod Tibi fideliter seruiatur à multis servis tuis. Quod honor tuus & gloria tua per totum mundum innotescat, quod te omnis creatura DEVM ac Dominum summum recognoscat.

4. Exulto, quod tibi publicus honor deferatur in Templis, Processionibus, famulatibus Religionum ac sodalitatum. Quod omnes Cæsares & Reges terræ, te sicut vermiculi creatorem suum potentissimum cognoscant & venerentur.

5. Exulto quod millia hominum amore tui moriantur, vitam & sanguinem alij profundant, alij profundere sint parati.

6. Exul.

6. Exulto in iudicijs tuis quantumvis terribilibus, idem volo approbare, & reprobare, quod tu; idem velle & nolle, quod tu.

7. Exulto & tibi congratulor, quòd DEVS sis summe bonus & perfectus, immensus, infinitus, iustissimus, sapientissimus, & incomprehensibilis. Gaudeo de omnibus his bonis tuis, ob hanc solam causam, quia bona tua sunt.

8. Esurio desideranter omnia peccata mea per tuam iustitiam in me dignè castigari, & puniri: ut sicut peccando te inhonoravi; sic libenter pœnam pro peccatis meis patiendo, te honorem & glorificè.

9. Esurio per totum mundum gloriam & honorem tuum ubiq; propagari, præcipue ubi nec cultus, nec amatus es.

10. Ejuro omnia peccata carnis, ejuro etiam uxuos, quantumvis minores venialissimis imperfectionibus, volendo imitari ter Sanctissimam Virginem, ante partum, in partu, & post partum.

11. Erubesco, quòd sim creatura tam ingrata & exosa tibi; indignus sum mi Domine, ut me inter homines tanquam monstrum abominabilissimum foueas & conserues.

*Ama te DEVS meus. Et ideo.*

1. **F**Eror (toto corde meo) ad te summum bonum meum; in immensa gloria tua exulto: gaudeo quòd ames te, quantum amari dignus es, ames te, quantum amari potes, & quantum amare potes.

2. Fero & patior libenter omnes corporis & animi molestias, has præsertim & illas, quæ tibi omnia pro gustu inprimis & gloria tua; deinde in satisfactionem pro peccatis meis offero

3. Fero



3. Fero & patior amore tui omnem dispo-  
sitionem aeris, intemperiem cæli, quæcunq. sit, o-  
mnes vilipensiones, injurias, sitim, famem, humi-  
lem opinionem, sinistra judicia, despectus, & la-  
bores omnes,

4. Fædus tale tecum mi DEVS inire deside-  
ro, quoties dixerò amo te, vellem amare te eo amo-  
re, quo nunquam ab illa pura creatura amatus es,  
vellem amare amore omni possibili creato,

5. Firmissime mi DEVS in misericordia tua  
& meritis tuis confido me saluandum. Vtq; ho-  
mines & iumenta saluabis Domine & salua etiam  
hoc iumentum tuum.

6. Fieri potest mi Domine, quia damnabor,  
volo ergo nunc in vita mea satiari amore tuo Di-  
uino,

7. Fugere volo delicatè nutrire, aut molliter  
vestire corpus meum, vt potè rem vilissimam, quod  
nihil aliud est, quam esca vermium, fætor & horror.

8. Fame vellem me enecare, vt non ampliùs  
offendam te, vt citiùs veniam & transeam ad te.

9. Famelicus sum mi Domine! te solum esu-  
rio & sitio! ô quando gustabo & videbo quàm  
suavis sis Domine! quàm magna multitudo dulce-  
dinis tuæ, quàm abscondisti amantibus & viden-  
tibus te.

10. Fædus tale in eo tecum; quoties dixerò  
mi DEVS adoro te: toties adoro te: tum Angelo-  
rum, tum Sanctorum omnium, adorationibus, qui-  
bus & modo adorant te, adorauerunt, & adora-  
bunt labente tora æternitate.

11. Fateor mi DEVS! quòd sim sentina ini-  
quitatum, vitiorum pelagus, quòd sim sacrilegis  
& latronibus

& latronibus, publicanis & veneficis, damnatis & demonibus peior.

## DIE MARTIS.

*Amo te DEVS meus. Et ideo.*

1. **G**ratulor tibi, quòd solus tu sis, qui es.
2. Gaudeo de omni bono tuo, quòd es, quod habes & operaris, & de pleno dominio ac beatitudine, de tuo honore & voluntatis tuæ impletiono.
3. Gratulor tibi, quòd adæquate amari tantum, quantum amabilis es, nonnisi à te ipso possis.
4. Gratias ago tibi pro beneficijs, quæ Humanitati Christi Domini, Sanctissimæ illius Mariæ, quæ Sanctis Angelis, Sanctis omnibus, præsertim meis Patronis contulisti.
5. Gratias ago pro omnibus spiritualibus & temporalibus beneficijs, Ecclesiæ, huic regno & Religioni meæ concessis.
6. Gratias ago pro creatione, conseruatione, redemptione, pro instituto venerabili SACRAMENTO, pro extirpatis hæresibus & erroribus ex hoc regno.
7. Gratias pro omnibus aduersitatibus, cruce hac & illa, pro omnibus incommodis, fame, peste, bello. Item pro omnibus beneficijs iustis, & iniustis, damnatis & demonibus aliquando præstitis.
8. Gaudeo Domine propter bona opera, quæ vnquam facta sunt, hodie fiunt, fientq; deinceps propter amorem tui.
9. Gaudeo ob ea, quæ Dominus noster IESVS Christus, Sanctissima ipsius Mater, Sancti Angeli, & beati omnes egerunt ad gloriam tuam.
10. Gaudeo



10. Gaudeo ob amorem intensissimum, quo te Electi tui æternum prosequuntur, & laudes, quas tibi in perpetuum dicent.

11. Gratulor mihi, quod per te solum possim beatus fieri: unde nec placeret mihi beatitudo, nisi per te illam haberem.

*Amo te DEVS meus. Et ideo.*

1. **H**onoro & revereor infinitam Majestatem, Excellentiam, & Sanctitatem tuam profundissimo affectu. Dominus meus es, ego servus tuus & mancipium tuum ex natura. Vita mea & mors in manibus tuis.

2. Honorem & cultum Dulciæ exhibeo Sanctis tuis: Sanctissimæ Genitrici MARIE debitam Hyperdulciæ venerationem & cultum offero.

3. Hactenus te Domine mi non amaui, habere nunc cupio Cor IESV, Cor MARIE, ut his cordibus te amare possim.

4. Habere delidero mille vitas, quas omnes in augmentum gloriæ tuæ impenderem: mille corda & linguas quibus te glorificarem.

5. Habere cupio amorem intensissimum Seraphinorum, ut omnes homines in tuo amore succendere possem.

6. Horas omnes, omnia momenta vitæ meæ, volo honori & gloriæ tuæ dedicare, in omni actione & cogitatione mea volo inclamare: Sanctus, Sanctus, Sanctus Dominus DEVS Sabaoth.

7. Hæreses omnes, & omnia perfidiæ monstra damno & anathematizo, præcipue vero Atheismum, Paganismum, Iudaismum, Arianismum, Luteranismum, Calvinismum, & omnes alias Hæreses ab Ecclesia damnatas,

8. Horas

8. Horas omnes & annos meos malè peractos, item tam omnium hominum, quàm Angelorum, prætorum cupio retrouertere, & peractæ ætatis lpatia amoris tui actibus replere.

9. Honoro & reuereor tuos Vicarios superiores meos, quibus me amore tui subijcio, voluntatemq; meam, imitando eum, qui factus est obediens vîq; ad mortem.

10. Honorem & gloriam tuam mi DEVS, tanti facio, vt eligam potius manere in inferno, & pati omnia tormenta, quàm vt tu vel vnico momento priueris tuo honore,

11. Halitus vltimus quo animam efflubo, vitam halitus amoris fit. Moriar amore tui mi DEVS, & quia vitam ab amore non inchoaui, da mihi vitam amore finire. Vltimus vitæ actus fit amare,

*Amo te DEVS meus. Et ideo.*

1. **I**ESV nomen suauissimum & dulcissimum in persona omnium Cælestium, Terrestrium, & Infernorum supplex adoro, adoratumq; vellem in perpetuum ab omnibus creaturis rationalibus.

2. Ignosco amore tui omnibus, qui me iniurijs affecerunt totâ vitâ meâ, & illos amo propter te, sicut me ipsum, vt & tu Domine dimittas mihi peccata mea,

3. Indulgentias lucrandi gratiam, & industriam peto à te.

4. Immolo tibi mi DEVS Sacrificium laudis pro omnibus, qui te ignorant vel blasphemant,

5. Iuro & statuo custodire iudicia iustitiæ tuæ, & quicquid in oppositum vnquam fecero, puta Domine nolenti irrepsisse.

6. Ieiunia omnia quæcunq; faciam per gratiam tuam



## CHRISTIANVS

199

tuam, vnio cum tuo, & Sanctorum tuorum jejunio.

7. Iuro & protestor me Pretiosissimæ DEI Parentis esse perpetuum seruum, & mancipium.

8. Ignis amoris tui semper ardeat in altari cordis mei, & in tantum crescat incendium, vt non solum Sacrificium, sed & ipsum altare comburat & consumat.

9. Ita te diligo mi DEVS, vt si scirem me fore annihilandum, adhuc tibi omni studio seruirem, non enim tibi seruo propter me, sed propter te.

10. In balneo sanguinis, sudoris, lacrymarum, in vulnere cordis tui IESV mi dulcissime, immergo & depono me totum, omnes actus meos, & alienos, vt in eo detenti atq; sublimati per Te & per Matrem tuam, SS. Trinitati pro me, & pro omni creatura offerantur.

11. Ignis, crux, bestia, fractio ossium, & totius corporis contritio, & cuncta tormenta Diaboli veniant in me, tantum modo IESV amore meo vnico fruor.

## DIE MERCVRII.

*Amo te DEVS meus. Et ideo.*

1. **L**aborabo purè pro gloria tua, constanter & fideliter vsq; ad mortem, nihil aliud intendens, quàm gloriam tuam.

2. Laborem & laboris premium, omnes coronas & merita resigno ac transfero in solam gloriam tuam. Hâc vna in cælo coronâ contentus ero, quod omnibus meis meritis & coronis in te translatis, Te magis gloriosum videbo,

3. Laudes omnes, & tantos honores desidero tibi exhibere, quantos nosti exhiberi posse, & quantos me

ros mereris, Sed quia non est speciosa laus in ore peccatoris, laudet te pro me totum cælum & terra.

4. Laudet te omnes Chori Angelorum, & vniuersæ turmæ Sanctorum: quos tu ab aeterno ad gloriam tuam prælegisti.

5. Laudet te pro me infinita Sanctorum Angelorum castra, quos mittis in ministerium, propter acquisitionis tuæ genus electum.

6. Laudet te viginti quatuor Seniores cum omnibus Patriarchis, & Prophetis, qui deponentes coronas suas procidunt ante thronum tuum.

7. Laudet te amicissimorum Fratrum tuorum Apostolica dignitas, quorum suffragijs Sanctam Ecclesiam tuam mirabiliter sustentas.

8. Laudet te victoriosa Martyrum tuorum turba, quorum stola pretioso sanguine tuo est purpurata.

9. Laudet te Confessorum agmen perfectissimum, quorum Spiritum transtulisti in admirabile lumen tuum.

10. Laudet te & jubilet tibi pro me hoc novum Canticum, quod resonat in ore eorum, dum te sequuntur quocunq; ieris, IESU sponse Virginum.

11. Libenter mi DEVS pro te omnes persecutiones, injurias, afflictiones, morbos, & quæcunq; alia mala vsq; ad mortem si oportuerit me tolerare, volo tolerare.

*Amo te DEVS meus. Et ideo.*

1. **M**ARIAM Matrem tuam, Matrem pulchræ dilectionis amo feruentius & intensius præ omnibus Sanctis, quia hæc est voluntas tua teste Bernardo. Per illam peto à te Spiritum modellæ, mansuetu-



mansuetudinis, mortificationis, misericordiae erga viuos & defunctos, & mortem amoris tui plenam.

2. Malo Domine millies mori, millies damnari, quàm deliberato peccato sadari.

3. Mori millies desidero in tua immensa miserationis profluvio; sicut moritur scintilla ignis in fluminis impetu validissimo.

4. Malo Domine propter te amatum esse in inferno, quàm propter te odio habitum esse in caelo.

5. Momentis singulis vitae meae vellem te amare non meo, sed ipso amore Divino, quo te ipsum amas, amore Theandrico, quo te Christus amat, amore latreutico, quo te iusti amant, amore omnium hominum & Angelorum.

6. Mortificationes omnes, omnia martyria, & omnia mala penosa animae & corporis, quae pro te passi & passuri sunt homines, siue in mundo, siue in inferno, siue in purgatorio, tibi offero: ita ut si tibi placeret in augmentum gloriae tuae, omnia talia libenter vellem perpeti.

7. Mori cupio, quia te amo DEVM meum. Dulcius est mihi mors, quàm vivere & offendere te summum bonum meum.

8. Mori desidero, ut immoler tibi DEVS meus, cui me totum debeo: mori desidero ob gloriam tuam, & in meorum criminum penam.

9. Moriar mi DEVS, ut in te sine fine vivam, in ardentissimo amoris tui igne consumptus.

10. Mundi huius opes & voluptates omnes alijs non invidео, mihi DEVS meus & omnia. Quis enim sic delectat, quàm ille, qui fecit omnia quae delectantur?

11. Magnifico, adoro, laudo, glorifico, omnes & singulas perfectiones tuas Diuinas, affectu tibi gratissimo, mihi possibili, imò affectu beatifico, Seraphico, Mariano, Theandrico, quo dignus es.

*Amo te DEVS meus. Et ideo.*

1. **N**Olo viuere sine vulnere, quia IESVM meum totum video vulneratum.

2. Nomen dulcissimum IESV vellem infigi cordi meo, vt fuit infixum cordi Ignatij Martyris.

3. Nouerim te mi DEVS, nouerim me, nec aliud cupiam nisi te.

4. Noscant te Domine omnes peccatores & timeant. Noscant te Iusti amplius, ac tepidi, vt tibi festiuè seruiant. Noscant te Gentiles ac Hæretici & conuertantur.

5. Negotia omnia quæ à me geri vis, tibi committito, iura me, vt illa amore tui faciam diligenter.

6. Negligentiam omnem à me amoue velut pestem exosam tibi.

7. Non merui te DEVM meum beatificè videre, nec merebor in æternum. Cupio tamen videre, quia tu me mi DEVS ad hunc finem condidisti, & redemisti.

8. Nullam cupio ex vlla creatura habere voluptatem; omnis mea delectatio est & voluptas, vt delectetur DEVS.

9. Nolo ire in cælum mi Domine, si tu non vis, elige potius infernum, si tibi ita complacuit; illum tamen nollem habere in pœnam meorum peccatorum, sed in præmium mei erga te amoris.

10. Nolo vnquam in rebus illicitis delectari, & potius malo mori, quàm talem delectationem deliberato animo admittere.

11. No-



II. Nolo vnquam magnificè aut arroganter de me sentire, illud potiùs delidero, vt obscurius & inglorius delitescam; nec oculis alijs, quàm tuis appaream.

## DIE IOVIS.

*Amo te DEVS meus. Et ideo.*

1. **O**ffero tibi cor dulcissimum & suauissimum IESV, cor purissimum MARIE, & omnium cælitum.

2. Offero vitam, passionem, & sanguinem Domini IESV in horto perfusum, ac puncturis spinarum expressum, & illud pretiosissimum balsamum sanguinem cordis Filij tui.

3. Omnes omnium creaturarum substantias, potentias, actus, affectus, circumstantias bonas mihi proprio atq; assumo; atq; ita mecum omnibus in tuum omnimodum amorem & honorem sacrifico.

4. Opto habere tot corda, quot in aëre atomi volitant; quot arenæ in mari, vt amare te possem cordibus his vniuersis, vel vt ita dicam rectius corde vnico, quod omnibus istis æquivaleret.

5. Offero tibi omnes laudes & adorationes, quibus te Angeli & Sancti omnes adorauerunt, & centum millemor adorationum milliones, quas omnes Sancti & iusti Ecclesiæ militantis faciunt.

6. Offero tibi omnes cultus, deuotiones, & omnia bona opera post vitam meam tibi ad finem mundi impendenda.

7. Offero tibi cor meum in laudem æternam ad perficiendum corpore & animâ omne beneplacitum tuum.

8. Omnia vota & proposita mea in honorem tuum.

O.

um ali-

um aliquando à me facta fideliter exequi curabo.

9. Offero omnia Sanctissimæ Missæ Sacrificia peracta in Ecclesia, & ad finem sæculi peragenda.

10. Offero tibi omnes penas, cruciatus, vulnera, effusiones sanguinis, & omnia martyria: omnem pœnitentiam, jejunia, vigiliæ, & austeritates omnium Confessorum: omnem amorem, continentiam & puritatem Virginum.

11. Odi, auersor, & execror omnes contemptus & irreuerentias quæcunq; fuerunt, sunt, & erunt in toto mundo.

*Ame te DEVS meus. Et ideo.*

1. **P**roijcio & prouoluo me ante te in cælo, Eucharistia ac ubiq; præsentem.

2. Peto vt tuo amore ames te pro supplendo exili amore meo ergate,

3. Pauper esse tui amore volo, exspolians me totius mundi possessione; & si rebus vtor tanquam tuis à te concessis mihi, vtor & non meis.

4. Pauperculam suppellectilem è domo Parentum meorum me concernentem non tantum ejuro, sed totius mundi diuitias, si illas possiderem: Tu mihi Domine sufficis.

5. Peccata mea omnia proijcio in immensum ignem amoris tui, demergo in exuberantium meritum Filij tui pelagus.

6. Peto vt perduto me, omnibusq; creaturis nihil videam, nihil quæram, nisi solum te, vt viuam ego, non ego, sed tu viuas in me.

7. Peto mihi alijsq; concedi ea, quæ vis à te postulari, ea quibus maximè indigeo alijsq; & per quæ obtenta maximè tibi placere possimus.

8. Pro-



8. Protestor coram te, quòd in omnibus actionibus meis, nihil aliud intendere totâ virâ meâ volo, nisi solum purum honorem, gloriam, amorem, & beneplacitum tuum.

9. Propono per gratiam tuam, & eligo millies mori, quàm te vel leuissimè DEVM meum offendere.

10. Protestor quod propter peccata mea deterior sim mortuo cane, sæx hominum & labes, indignus qui suspiciam cælos, dignissimus qui post mortem meam in olido fimeto aut sordium receptaculo defodiar.

11. Patiar quæso pro honore tuo, si vis, pœnam omnium damnatorum, & laudem te, laude omnium Beatorum

*Ame te DEVS meus, Et ideo.*

1. **Q**uotidianas meas actiones, occupationes tibi offero. Da vt in illis quæram te non me, amorem tui, non mei

2. Quicquid est auri, argenti, lapidum pretiosorum atq; gemmarum in mundo: quicquid homines sæculares æstimant & amant, totum illud, vt nihil præter te amem, ego nihili æstimo, & vt lutum despicio.

3. Quinq; talenta tradidisti mihi Domine, itaq; diligenter operari volo, vt alia quinq; valeam super lucrari, non vt me excludas à cælo, sed vt per hoc placeam tibi, tuam Sanctissimam voluntatem, faciendo.

4. Quæso Domine: vt mihi dones cognitionem tui ac mei, denum perseverantiæ finalis, & omnes virtutes statui meo necessarias.

5. Quoties ad me æcrem attraho, toties cupio  
O 3 cordi-

cordiali quodam affectu te Dominum meum IESU  
SVM Christum & Matrem tuam intra me attrahere.

6. Quotiescunq; corde vel ore dixero; DEVS  
DEVS meus! vellem hoc nomen tuum infinite  
reuereri & repetere corde ac ore omnium Angelo-  
rum ac Electorum tuorum.

7. Quia te amo mi DEVS, vellem hinc pasci à  
vulnere, hinc lactari ab ubere, vellem costam mihi  
attolli ad latius amandum te cum S. Philippo Ne-  
rrio: vellem continuo cordialiter dicere cum S. Fran-  
cisco; DEVS meus & omnia!

8. Quærere primum volo regnum DEI & iusti-  
tiam eius, postmodum vitæ huius necessaria.

9. Quoties vnquam respiro: toties in me volo  
trahere corda & affectus electorum tuorum, atq;  
illis toties te amare & laudare.

10. Quæcunq; tibi DEO meo proposui, promi-  
si, iuravi, quæ pretiosissimæ itidem Parenti & omni-  
bus Sanctis Patronis meis, ea omnia promitto, pro-  
pono, voueo, juro ad gustum tuæ Diuinæ vo-  
luntatis.

11. Quia ego & omnia mea nihil sunt & infra,  
te infinites sunt, ideo non meis, sed affectibus tuis Te  
per Te superamo, te per te superæstimo, te per te  
superexalto. Sis per te superbenedictus, superlau-  
dabilis, superexaltatus.

## DIE VENERIS.

*Amo te DEVS meus. Et ideo.*

1. **R**efugio tibi mea omnia Domine IESU. Di-  
spone de me liberè vt de tuo proprio jumento  
in tempore & æternitate, prout tibi placet

2. Refugio me tuæ adorandæ voluntati ad ino-  
piam,



piam, ad contemptus, ad infamiam, ad extremos dolores, ad mortem, imo ad ipsam condemnationem æternam.

3. Restituo me tibi, te super omnia appretio, præeligo, appeto & cupero: paratus cæteris omnibus propter te abrenunciare, quotiescunq; & quomocunq; volueris;

4. Renouo tibi laudabilia animi decreta, itemq; vota mea, piq; desideria omnia erga te, erga Virginem MARIAM, erga Angelos & SS. tuos facta.

5. Ratifico Domine & innouo omnes actus bonos tibi oblatos & offerendos; omnes laudes à quocunq; Sanctorum impensas & impendendas.

6. Retracto & corrigo omnia opera totius vitæ meæ, quanta quanta sunt mala & imperfecta.

7. Rata habeo omnia bona opera mea per gratiam tuam facta, & ea quæ facere debui.

8. Religiosum statum approbo, amplector, & exnunc ingredior, totiusq; mundi res & spes pro tuo amore & seruitio calcô.

9. Retracto & eiuro omnes blasphemias, irreuerentias, contemptus contra te, siue hic, siue in altera vita commissos.

10. Reuereor tua horrenda iudicia, tuam dispositionem & quidem æternam de me duraturam approbo.

11. Regum omnium ac Principum etiam infidelium te non credentium, colla & corda tibi subijcio, licet oppositum volentium, quia tibi Regi sæculorum immortalis & inuisibilis debetur summa laus & gloria ab omnibus.

*Amo te DEVS meus. Et ideo.*

1. **S**ACRAMENTA omnia mihi ad salutem necessaria desidero. Da ut illa sanctè frequenter, accipiam, non tantum SACRAMENTVM, sed etiam rem & virtutem SACRAMENTI.
2. Spem omnem salutis meæ pono in tuo dulcissimo nomine O IESV, quod Saluatorem significat. : igitur O IESV, sis mihi IESVS! dic animæ meæ, salus tua ego sum.
3. Si scirem quod damnandus sim, Tibi DEO meo seruire vellem & volo, tantò etiam magis & intensius, quantò hoc spatium temporis breuius mihi esset.
4. Si de salute mea æterna certus essem, imò si eam jam haberem, & placeret tibi DEO meo, me hic cum incertitudine salutis viuere, aliquid autem insigne ad tuam gloriam & voluntatem perficere, præligo hoc posterius illo priori, purè propter gustum tuum, & adorandæ voluntatis gloriæ; tuæ æstimationem.
5. Si omnia creata corda, omniumq; cordium affectus in meum cor immergere & includere possem, vellem te sic amare dulcis amor meus.
6. Si placet tibi mi DEVS! exire Paradisum, extingue infernum. Non requiro aliam mercedem obsequij à me tibi præstiti, quam illam gloriam, quæ est tibi seruisse.
7. Si nossem velle tuum mi DEVS esse, ut in æternum torquerer in inferno, me ipsum statim sponte in illas flammæ præcipitarem, solummodo ut tuæ Diuinæ satisfacerem voluntati.
8. Si possem mi DEVS! vellem ab omnium cordibus



tibus amorem, qui non est tuus euellere, & tuum inferere, vt amore tuo omnes arderent & languerent.

9. Si mihi in omnibus corporibus replicari liceret, cuperem te in illis millenis adorationum Seraphicarum millionibus adorare

10. Siquidem (teste S. Bernardo,) dum amas mi DEVS animam, amat tua æternitas, tua immensitas, tua Sapientia, & ego vellem te redamare immensè, æternaliter, omnipossibiliter, ita vt tuo amori corresponderet amor meus.

11. Sum ita affectus erga te mi Domine, vt velim res omnes mundi in linguas, odium omnium peccatorum & damnatorum in tui amorem, blasphemias eorum in laudem tui commutare.

*Amo te DEVS meus. Et ideo.*

1. **T**imeo te : non vt feruus emptitijs ob prænam; sed vt filius charissimus, ne tuam Diuinam offensam incurram.

2. Timeo iudicia tua horrenda interrutabilia, quia scire non possum, an amore sim dignus vel odio. Idcirco enitar constanter, vt te nunquam deinceps deliberatè offendam.

3. Timeo te timore reuerentiali & instar Beatorum reuerentor infinitam tuam Majestatem, ex toto corde me tibi subdens, ac me velut nihilum in conspectu tuo agnoscens.

4. Te solum vnice & cordialiter diligo præ omni dulcedine & gustus suauitate. præ omnibus corporis mei commodis, præ omnibus mundi diuitijs, præ omnibus honorum titulis.

5. Totus sum tuus mi DEVS, eroq; in æternum, sicut totus tu meus esse voluisti.

6. Talem

6. Talem voluntatem habeo mi DEVS, & illam tibi offero, si nimirum haberem omnia, quæ tu habes omnibus vellem abdicare, & tam liberaliter omnia tibi dare, vt tu posses dare cuicunq; velles.

7. Tuum beneplacitum in me, de me, per me, & in omnibus semper & ubiq; perfici & impleri in tempore & æternitate, in aduersis & prosperis opto & postulo.

8. Tibi Domine mi hoc corpus meum nutrio, tibi hanc vitam meam conseruo: largire mihi vires, vt soli seruiam tibi.

9. Te æstimare mi DEVS te amare, plusquam possum, plusquam valeo, desidero, sed æstimando nescio quid facturus sum pro te. Si radius essem, tu autem sol, adderem me tibi, & esses lucidior, si essem gutta & tu mare, effunderem me tibi, & esses plenior. Si essem atomus, & tu mundus, apponerem me tibi, & esses maior.

10. Tibi Te ipsam mi DEVS offero, nihil enim est te ipso dignius: offero tuam Excellentiam, tuam pulchritudinem, tuam de te voluptatem.

11. Tibi offero cor meum, vt te solum amet, & nihil aliud nisi te vel propter Te.

## DIE SABBATHI.

*Amo te DEVS meus. Et ideo.*

1. **V**oueo & renouo fidem tibi in baptismo datam.

2. Voueo, sicut me tibi obligauicoram tota curia cælesti, paupertatem, obedientiam, & castitatem perpetuam.

3. Voluntatem meam, tuæ, volo dedicare in victimam holocausti, Vis me Domine, viuere volo, Vis



10. Vis mori, & in ipsum infernum abijcere volo. Volo velle, quicquid velle tu ore vis.

¶ Volo potius quolibet bono privari, & quolibet malum perpeti, quam à tua gratia & amicitia excidere, & tuam indignitatem incurrere.

5. Utinam possem D E V S meus omnium fidelium intellectibus in te credere, omnium cordibus te amare, omnium viribus tibi seruire.

6. Utinam possem efficere, vt nullus te offendat, & nullus pereat, libenter etiam vitam meam impenderem, & sanguinem profunderem.

7. Utinam omnes infideles, Hæretici, Schismatici, Apostatae, & peccatores obstinati conuertantur. Utinam omnes homines te agnoscant, te solum diligant, tibi seruiant.

8. Volo & per te propono, te in omnibus, & ante omnia purè intendere: nullumq; opus internum aut externum aggredi, nisi propter amorem & beneplacitum tuum.

9. Volo & desidero, vt quoduis momentum vite meæ, omnis pulsus & motus cordis mei & arteriarum idem sit, idem significet, quòd hæc verba, Sanctus, Sanctus, Sanctus Dominus DEVS Sabaoth.

10. Vellem te mi D E V S amare amore continuo & infinito, si possem omnibus momentis vite meæ, & desidero, dolore quodam velut infinito ex illius amoris infiniti fonte profecto dolere de meis ac totius mundi peccatis.

11. Vellem oblatas tibi omnes laudes, quæ sunt, fuerunt, & erunt in cælo & in terra, quas possunt & possent conferre illæ creaturæ, quæ id neglexerunt, negligunt, & posthac negligent ob ingratitude suam, millies ac millies, per gratiam tuam, quousque re-  
pitiò & ictu oculi mei multiplicare.

*Amo te DEVS meus. Et ideo IESV.*

1. **X**cifixi meritis conjungo, quidquid ago. Quidquid in posterum cogitaturus, dicturus, vel facturus sum, totum hoc sudore Christi sanguineo rigatum tibi sacrifico.

2. Xcifixi Domini gloriam & honorem desidero per totum mundum etiam cum dispendio vite & anime mee propagari. Imò cupio, ut hoc nomen dignissimum, & dulcissimum IESVS, etiam ipsi dæmones & damnati revereantur, laudent, & nullus omnino non amet IESVM, qui potest amare.

*Amo te DEVS meus. Et ideo.*

3. **Z**elo tue Excellentie, adoro Tuam diuinam Essentiam, Vnitatem, Trinitatem. Tuam Potentiam, Dominium, Magnitudinem, Sanctitatem, Perfectionem, Dignitatem, Tuam Iustitiam, Misericordiam, Gloriam, & Beatitudinem.

4. Zelo tuo, adoro vnionem Hypostaticam, Verbi & Filij DEI Personam, Hominisq; & Filij Virginis naturam.

5. Zelo tue Sanctitatis, æstimo & veneror profundo affectu, Tuam purissimam Matrem Virginem, ex eaq; operante Spiritu Sancto Incarnationem. Tuam Ecclesiam militantem ac triumphantem ex SS. Angelis hominibusq; constitutam.

6. Zelo gloriæ tue desidero millies ac millies extensione ad omnia tempora, & ad omnia omnium temporum instantia, ad omnia quoq; momenta æternitatis, ea tibi omnia exhiberi ab omni creatura rationali, quæ tibi homines Sancti & Angeli, Humanitas Christi & Beatissima Virgo exhibuit & exhibebit.

7, Zelo



## CHRISTIANVS

213

7. Zelo tuæ dignitatis, vellem continuis actibus adorationis, appretiationis, doloris & amoris intensissimi compensare omnes & singulas tam hominum quam Angelorum prauorum malitias, ac injurias tibi illatas, & illis bonis actibus implere omnia instantia, & momenta actionum peccaminosarum.

8. Zelo tui honoris doleo quantum possum de omnibus & singulis peccatis à quocunq; commissis & committendis.

9. Zelo charitatis in proximos, opto anathema esse à Christo, pro Fratribus meis in Christo. Opro me ipso obturari portam inferni, ne quisquam amplius pereat.

10. Zelo tuo & amore tui solius renuntio omnibus hujus mundi bonis, omnibus voluptatibus, honoribus, excellentijs, & vanitatibus.

11. Zelo tuo vellem omnibus diebus vitæ meæ quoad vixero, illud facere, quod tibi summè placet.

### *Finis Alphabeti.*

1. **T**V scis ô IESV plusquam amabilis! quia amo te Amo ex toto corde meo, ex tota anima, ex totis viribus meis.

2. Amo te castissime Sponse supra omnes spumas & brutas carnis voluptates; supra omnem harmoniam & musicorum concentum.

3. Amo te plusquam mundum vniuersum.

4. Amo te plusquam me, plus vitâ & animâ meâ.

5. Amo te plusquam cælum, quod infernus absq; te mihi videretur.

6. Amo te & plus in dies amare volo, quam te oderint & damnati omnes.

7. Quia te amo mi DEVS! ideo omnibus me Sancti tui superent in cælo donis tuis, vellem nemo me superaret amore tui,

8. Pro

8. Pro auersione à te summo Bono & Creatore nostro, & conuersione ad creaturam per peccatum cuiuscunq; peccatoris, nunc tibi restituo honorem, cultumq; tibi & amorem debitum à quocunq; denegatum offero: te super omnia æstimo & appetio.

9. Vellem nunc omnes horas & annos meos, & omnium hominum ac Angelorum prauorum, reuocare, retro uertere, & peractæ ætatis spatia amoris tui actibus replere.

10. Offero tibi omnia corda, quæ tam in cælo, quam in terra te ardentissimè amant, ita quidem, ut ea omnia simul habere, & immensum quoddam purissimi amoris tui incendium ex illis facere vellem, in quo assidue incessanterq; consumar.

11. Non ideo te amo, mi DEVS: quia bonis tuis me cumulas: sed etiam, si his retractis, omnibus malis me subijceres. Te amarem; quia te amo, non tam ob id, quod sum ex munere Tuo, quam ob id, quod Tu es ex natura Tua.

## CAPVT V.

### Solitudo Septemdialis.

Seu quotidiana familiaris cum DEO  
Viatoris conuersatio.

*O anima Sancta sola esto, ut soli omnium  
serues te ipsam. S. Bern.*

Hanc breuem solitudinem & secessum suadent tibi Viator, non tantum mundi hujus miserix, sed ipsius solitudinis delicix. Quid enim potest deesse delici.



deliciarum homini, cum illic adest, ejus deliciae sunt esse cum filiis hominum. Quod per Isaiam Dominus promisit dicens: *Ponet desertum eius quasi delicias: & solitudinem, quasi hortum Domini, gaudium & latius inuenientur in ea.* Vnde in hac solitudine de perenni diuinitatis fonte limpidissimis consolationibus affluens S. Benedictus non semel in *Suo solis radio totum mundum collectum conspexit.* Et S. Ignatius in eadem solitudine interna suauissima caeli gaudia libans erumpebat in hae verba: *Quam sordes mihi terra dum calum conspicio.* Ideo Hieronymus saepius de suo deserto: *Mihi caetera carcer & solitudo Paradisus.* Vt ergo animas his possit vacare delicijs, fugiendo hominum contubernium, & cum solo DEO habens commercium, scire refert ad quem se locum conferet. *Gemina est solitudo, altera exterior corporis, altera interior animi.* Prima, secundum Ascetas, est locus remotus in abdito recessu, vel extra urbem, a familiae strepitu, & isaniam rerum agitatione; vnde ille praecursor Domini S. Ioannes Baptista, inter natos mulierum maximus, ab incunabulis solitudinem adiuit, pluribusque annis coluit. S. Magdalena licet singulari gratia DEI praedita fuerit, tamen totum vitae suae tempus post passionem Christi, videlicet triginta annos in spelunca quadam transigere voluit.

Carolus Imperator, vt solitudine liberius frueretur, Regnum suum in Philippum filium deriuauit, de quo sic testantur Annales: *Carolum Majorem fuisse in sua Eremita, quam in Imperio.* Ejus nepos Philippus morti vicinus in hae verba prorupisse dicitur: *Etenim Corona caput non cinxisset!*  
penitet

pānitet fuisse Regem! melius in aliquo deserti angulo, extra mundanorum negotiorum tumultum vixissem!

Potes tali frui solitudine etiam in populosa ciuitate. Qualem sibi fabricata est Iudith, de qua ita sacri Annales: *In superioribus domus sue fecit sibi secretum cubiculum, in quo cum puellis suis clausa morabatur*: Non est igitur ut sis solus, excusationi locus, quia ubiq; est solitudini locus.

Altera est solitudo non loci, sed animi, non montium sed mentium, non eremi sed cordis. Non te ab hominibus sejungas, sed cum DEO conjungas; non recessus ab vrbibus, sed accessus ad cælum, attemptâ meditatione faciet te solitarium. *In populosa vrbe*, inquit Petrus Damiani, *amor artis, sex solitudinem reperit*. Ideo nullum vitæ genus est adeo negotijs addictum, adeo curis implicitum, in quo solitudo animi, mentisq; secessus nequeat reperiri. Quare in turba itinere, conuiujs, etiam, faciat sibi cogitatio secretum, faciat solitudinem, & familiarem cum DEO conuersationem.

Si ergo secedere non potes ad hebdomadas aliquot, si non potes ad aliquot dies, animum colligendi gratiâ, saltem horam vnam aut alteram concede DEO loquenti in solitudine ad Cor. Benè suavit euidam Hieronymus: *Adhibe tibi in vrbe solitudinem, & remotus ab hominibus iunge te DEO*. Nam talis solitudo, est quidam paradysus cælestis voluptatis, est via recta ad cælum, conscientiæ cathedra, magistra silentij, est nuptialis thalamus, in quo Sancti Spiritus annulus tribuitur, & cælesti Sponsæ felix anima fœderatur,



CHRISTIANVS  
DIE DOMINICO.

217

Meditatio Prima.

*De Beneficio Prædestinationis.*

*Prelud. 1.* Statue te coram DEO, in quantum Prædestinator est, cui soli cognitus est numerus prædestinatorum & præscitorum.

*Prelud. 2.* Pere vt possis cognoscere media ad finem prædestinationis consequendum.

*Punctum 1.* **C**onsidera hoc beneficium non esse commune sed peculiare, eorum duntaxat, qui ab æterno electi sunt à DEO ad vitam æternam, quod est omnium beneficiorum maximum, non solum, quia datur ante omne meritum, sed quia cæterorum est fundamentum.

2 Cogita tecum: Quis scit an nomen meum. Scriptum est in libro vitæ, valne sum in honorem an in contumeliam, hædusne an agnus? Ingressit. olim hanc cogitationem S. Bernardus Fratribus suis diceps: *Quis scit an omnium Gestrura quos hic Sideo nomina scripta sint in libro vitæ? Multi enim Vocati, pauci electi.*

3. Admirare tam sublimem finem creationis tuæ, vt in æternum fruaris DEO, viuas cum DEO.

4. Rumina & expende tam magnam DEI propter te resolutionem ac impensam sanè sumptuosissimam: quam, vt scopum æternæ prædestinationis assequeris, in vita sua contemptissima & morte probrosissima ostendit.

5. Colloquere cum Domino DEO: Homo vanitati similis factus est, & quomodo mi Domine reputas eum, & apponis erga eum Cor tuum, vt

p

inhabi-

inhabitet in domo tua omnibus diebus vitæ suæ, qui es te ipso beatissimus ac felicissimus?

6. Interroga Divinam Clementiam: Quis effecit quia homo gratus factus est in oculis D E I, qui dignus erat æterno odio iræ DEI? unde illi, quia è massa æternæ perditionis ac reprobationis eum, Divina bonitas secrevit, qui merito suo eidem cum reliquis præscitis involvendus erat?

7. Testare cælum & terram, quod majori cum homine Dominus misericordiâ usus sit, quam cum omnibus Angelis Apostatis.

8. Alloquere iterum Dominum IESVM; & dic: Quæ tua mi Domine liberalitas & humanitas! potuisti hominem cum reprobis Angelis supplicio damnare perpetuo, & ecce non tantum pepercisti illi, verum etiam decreuisti pro illo homo fieri, & cum omni opprobrio mori?

9. Interroga te ipsum, quid pro his omnibus Domino DEO retribuisti? Eheu! reddidisti mala pro bonis, quia toties tam graviter, tam impudenter Dominum tuum offendisti.

10. Non fle, sed ejula cum gemitu cordis tui, quia Divinæ vocationi & ordinationi restitisti, & auxilia contempsisti Sanctorum, & Angelorum societate te indignum fecisti. Odium & indignationem SS. Trinitatis incurristi. Fructu vitæ & passionis Domine te privasti.

Pro Colloquio.

*Actus Contritionis.*

**H**eu me miserum! quid cogitavi, quid dixi, quid unquam feci demens! Peccaui contra rationem, contra conscientiam, & in quem, & quis? Egone



Egonè vile & projectum caduer, nihili homin-  
cio re quauis deterior, & nequior auus sum, &  
qua fronte impudens in ipsius numinis & Angeli-  
carum mentium conspectu, scelere meo impetere  
Creatorem meum, qui me ex nihilo fecit. Redem-  
ptorem, qui me sanguine redemit, prædestinatorem,  
qui priusquam me formasset in utero, nouit me, &  
antequam ex illo progrederer recordatus est in sua  
æternitate nominis mei, quasi guttulæ in vasto mari  
& arenulæ in vniuerso hoc!

O me infelicem! ergonè pro momentanea volu-  
ptatula infamis mercator DEO contempto æternos  
mihi ignium inferorum cruciatus comparatum! Ah  
pudet me mei, etsi nemo alius conscius foret, quid  
vero erit, cum toti mundo reuelabuntur scelerates  
ac turpitudines meæ?

Sed quàm immani ingratitude vitio scelus est  
à me perpetratum, in eum, qui me tot beneficijs  
præuenit ac persecutus est! Quid! tot beneficia  
contempsisse me amaro recorder animo? ô me in-  
gratissimum!

O DEVS meus! peccaui! jam non sum dignus  
intueri altitudinem cæli, non sum dignus vocari  
creatura tua. Quid tamen faciam miser, quo fu-  
giam à facie iræ tuæ? cui conquerar ô Domine,  
omnia mala aduersum me, nisi tibi Saluatori &  
Redemptori meo

O bone IESV ne permittas me damnari, quem  
pretioso sanguine redemisti, Manus tuæ Domine  
IESV fecerunt me, manus inquam illæ, quæ cruci  
affixas tenes pro me, ergo opera manuum tuarum  
ne despicias, vulnera manuum tuarum precor vt  
aspicias, ecce in manibus tuis descripsi me, fac

vt nomen meum, hic beatæ prædestinationis liber per totam æternitatem adscriptum retineat.

Fieri etiam potest mi Domine, quod sim damnandus, ergo saltem hic in vita mea volo satiari amore tuo Diuino. Imò si in ipsum fundû inferni descendero, etiam ibi volo, & desidero te amare intensissimè, vt sic euacuato per amorem inferno, vbi solus amoris ignis deinceps arderet, omnibus damnatis te blasphemantibus, opponere me possim, clamando in æternum: Benedictus DEVS! Iustus Dominus.

Spero tamen mi Domine in bonitate & misericordia tua! Quid spero? Te ipsum! Animant me omnes miserationes tuæ, quas mecum ab infantia exercuisti, vt non cessem sperare in te. Appello viscera tua Paterna, appello misericordiam tuam abyssalem, appello illum actum, quo crucifixus pro peccatoribus orabas, quo peccatores ex visceribus diuinæ tuæ misericordiæ saluare decernebas. Et spero in misericordia illa quod ego sim saluandus.

Tantam enim de te mi bone IESU habeo fiduciam, quod licet millies plus peccâsem quàm feci, sciremquæ certò te grauissimè iratam mihi, at tamen licet penes me esset eligere mihi iudicem, nullum tamen alium, quàm te eligerem, certiusquæ à te misericordiam expectarem, quàm ab optimo meo amico.

Etenim si toties tamquæ grauiter contra aliquem amicorum meorum sicut contra te, peccâsem, certissimus essem, quod mihi non ignosceret, licet charissima Mater esset. Si enim ei ita rebellis, ac iniurius fuisset, ac tibi; vel millies me abiecisset, & execrata fuisset. Tu verò post tot graues acceptas injurias, foues me nihilominus ac nutris.



# CHRISTIANVS

221

## *Actus Amoris DEI.*

**O** Bonitas infinita DEVS meus! ecquid est homo, putredo & cinis: vt tu ab æterno ad Salutem & beatitudinem æternam eligeres illum ac prædestinares? vnde inuenit hanc gratiam in oculis tuis, quòd ostendere volueris diuitias misericordiæ tuæ in illo? Cur vnū mi Domine vilem & inutilem homuncionem elegisti & assumpsisti, & innumeros Angelos, qui semel tantum peccauerunt, reliquisti & projecisti?

Tunc mi DEVS super huiusmodi peccatore dignum duxisti aperire oculos tuos? Tibinè mi Saluator ab æterno nos lutea vasa cordi fuimus, vt non veniremus in obliuionem coram te? Tantinè nos æstimasti vilissima mancipia tua, rebelles tuos inimicos, immemor scelerum, ingratiitudinum, ac vilitatum nostrarum? Quid aliud in nobis inuenimus, nisi omnimoda impedimenta, & obstacula æternæ saluationis, tuæ fruitionis, tui suauissimi cõplexus?

Quomodo te non exaltabo DEVM meum dignissimum salutis meæ? quomodo non benedicet tibi anima mea? quomodo tota se non euiscerabit exinani- etq; in dilectionem Bonitatis & charitatis tuæ! O bonitas! ô benignitas! vtinam ab æterno fuisset & te ab æterno amare potuisset! vtinam nunc saltem, amem te, sed amem ex toto corde, ex tota anima, animam millibus cordium, & igne ardentissimo- rum Seraphinorum.

Vtinam semper te dilexisset superoptime DEVS, ex quo sum homo, quia tu me dilexisti ex quo es DEVS! vtinam te magis ac magis diligā, quia eripuisti animam meam de morte, quia respexisti canem mortuum & pulicem vnum.

O mi Domine! utinam saltem ex hoc momento in æternum tot bonis prouocatus à te, non declinem à mandatis tuis, neq; derelinquam te fontem aquæ viuæ! sed eheu! nescio, nescio quid ferus vesp̄er vehat; nam audio: Qui stat, videat ne cadat; & post hæc dona tua omnia horresco, dum cogito, quod ecce Domine mi, nisi tu adiuuares me, etiam hoc momento calcarem te, & rursus crucifigerem te mihi pro tot scilicet donis tuis.

En ergo, Saluator pijsime, minimus seruorum tuorum in timore & tremore supplico tibi, ne me proicias à facie tua, nec à participatione Sacratissimæ Passionis tuæ, sed juxta magnam misericordiam tuam da mihi congrua salutis media, vt in æternum cum Electis tuis misericordias tuas concinam.

*Eodem Die Meditatio Secunda.*

*De Beneficio Creationis.*

*Pralud. 1.* Constitue te coram DEO, & imaginare te ipsum quasi vas quoddam recenter manibus DEI efformatum, Cogita tecum quo fine?

*Pralud. 2.* Pete vt finem ad quem creatus es cognoscere possis, & ad illum peruenire.

*Punctum 1.* **C**onsidera bonitatē DEI! quanta fecit animæ tuæ! nouisti quod ante annos paucos nihil fueris, & nullibi. Ecce elegit te DEVS ex milibus immo infinitis possibilibus, & condidit in hunc mundum, vt thesauris bonitatis suæ te daret in tempore & æternitate.

2. Ad imaginem & similitudinem fecit te, quem ante præuidit vilem & inutilem, indignum & ingratum, inimicum tui & exosum.

3. Creauit DEVS animam tuam eo fine, vt cognoscas eum, illum ames, ei seruias, & tandem saluus



uus sis. Finis Sanctissimus, nobilissimus, celsissimus. Quid enim suauius, quàm amare amabilissimum, quid iucundius, quàm æternum cum & in DEO viuere?

4. Aperi oculos & vniuersum mundum vno quasi obitu comprehende, in illo omnia tibi subiecta reperies. Tibi seruiunt Angeli, tibi bruta viuunt, diffunditur àër, fluit aqua &c. Vide homo, dicit totus mundus, quomodo amauit te, qui propter te fecit me: Seruio tibi quia factus sum propter te, vt seruias illi, qui fecit me & te, si accipis benignitatem, redde humanitatem.

5. Lauda Dominum ob admirabilem potentiam ostensam in Creatione. Quia nimirum ex nihilo propter te tam multa, tam varia, tam solida, tam perfecta creauit.

6. Gratias agas pro beneficio existentiae actualis, quam tibi Diuina bonitas contulit. Item quòd habueris Parentes Christianos, ex quibus natus es non Iudæus, non Paganus, non etiam Hæreticus, sed Christianus. Quod natus sis cum membrorum integritate, complexionis bonitate, non cæcus, non claudus, non monstrum aliquod.

7. Humilia te ante DEVM & dic: O Domine! ego sum verum nihil ante te! & quid recordatus es mei, vt creares me, sciens me grauissimum fore peccatorem, & tuum capitale inimicum?

8. Confunde te coram cælo & terra, & erubescere, quia toties deturpasti imaginem Domini DEI tui: quia toties rebellis factus es Creatori tuo, ita, vt iuste possit de te tactus dolore intrinsecus conqueri. Pœnitet me hunc hominem fecisse.

9. Interroga Diuinam Clementiam, cur propter scelera tua sicut alter Nabuchodonosor non fueris  
toties

toties in bestiam conuersus? nonne merebaris, vt te DEVS in canem, qui factore peccatorum putidus fuisti, aut suem, qui non semel ad volutabrum sordium tuarum redijsti, aut in aliam bestiam, qui iumentis deterior & insipientior factus es, iuste verteret?

IO. Miraberis, quod creaturæ te hucusq; sustinuerint. Confiteberisq; te dignum jam pridem fuisse, quem dehiscens terra subrueret, aqua demergeret, ignis consumeret. Resume postea fiduciam, accurre ad pedes IESV, tene illos nec dimittas, donec misertus fuerit tui. Protestare in posterum de tua fidelitate, & emendatione vsq; ad mortem.

Pro Colloquio.

*Actus Contritionis.*

**P**ater peccaui in cælum & coram te, jam non sum dignus vocari filius tuus, sed nec creatura tua. Me miserum! quid feci ego demens, vbi est præcellens illa imago, quæ similitudinem creatoris mei per omnia gerebam? ob grauissima facinora & factores peccatorum meorum denigrata est super carbones facies eius; non est agnita in plateis cælorum erepta est à consortio Angelorum, deputata est cum perditis inferorum.

Dicarnè ô Domine amplius Creatura tua; non sum dignus Creatura tua esse, etiam in quacunq; pæna constitutus. Si enim ego solus haberem illam partem infernalem, quam omnes Dæmones & damnati habent, non sufficienter secundum peccata mea punirer.

Nemo tibi Domine tam ingratus extitit vt ego. Latrones ipsi & sacrilegi perfectius tibi famularentur, si eos tot, vt me, affecisses beneficijs. Animalia ipsa pro capto suo tibi appropinquant: solus ego infinitâ turpitudine vitæ meæ à te recedo. Ne



Nescio ô Domine ! quomodo hucusq; sustinuerunt Angeli perduellem Creatori ? quomodo perexerunt Sol & atra benignis me aspectibus obseruare : elementa confouere ? quomodo non irruerunt in me volucres cæli, pisces maris & bestix terræ ? Cur non insurgit in me rebellem tibi, & non clamat terra vsq; & vsq; ? Quare tam nequissimum sustineo ? cur non dicit aër : Quare non deficio ? ignis : quare non comburo ? infernus : quare eū non deuoro ? quomodo dignantur homines me societate suâ ? Profectò piissime DEVS, ego deberem in sterquilinio jacere a cæterorum hominum conuictu sequestratus, ne illos peccatorum contagione inquinarem !

Heu me miserum ! quid dicam ô Creator ! Creatura tua sum, en perij ! Creatura tua sum, iam morior ! Dominus & Plasmator meus es tu, & nunquam vidi te ? tu me fecisti & refecisti, & nondum noui, imò jam amisi te : Quid tamen miser faciam, recurram ad te, ô IESV, fontem misericordiæ.

Expande ô Domine expande super hunc nequissimum seruum, pallium immensæ Clementiæ tuæ, cui proprium est misereri semper & parcere. Non pereat in malitia sua, quod operata est bonitas tua. Quæ enim utilitas in creatione tua erit, si descendero in corruptionem & damnationem æternam ? Ipsa te vincat charitas ad saluandum me, quæ te vicit ad creandum me,

Fac iterum Domine IESV lutum ex sputo, & lini oculos meos, vt qui cæcus sum, videre valeam deturpatam in me imaginem tuam. Iterum atq; iterum aperire digneris latus tuum mihi nequissimo peccatori, vt oculi mei, qui deprædati sunt animam meam, in tuo latere inueniant prædam suam.

Reduc

Reduc Domine oculos tuæ Majestatis super opus ineffabilis tuæ pietatis. Ego autem contra me ipsum armabor, & ero præ cæteris crudelior mihi Iudex. Et quia non sufficio me detestari: contra me uniuersum creaturarum cætum congregabo, & à qualibet confundi & puniri desiderabo, quia earum contempni Creatorem.

*Actus Amoris DEI.*

**S**iccine ô Creator meus! ô bonitas infinita! ô Deus plusquam amabilis in Charitate perpetua dilexisti me, & idè ad imaginem & similitudinem tuam creasti me, miserans mei! quomodo ita amantem me redamare potero? Quà in te animum meum, & ingenium nunc occupo, si non excogito mille modos, quibus testificer me diligere te?

O mi sint corda mille, & milles mille, eaq; omnia plena ijs affectibus, ijs ardoribus quibus abundauit Cor IESV, Cor MARIE, cor maximi Sancti tui, vt desiderijs meis, & amoris tuo respondeat amor meus.

O si ego solus omnium Angelorum corda possiderem, quibus te incessanter summum bonum & vnicum animæ meæ centrum diligerem. O si haberem omnium hominum amorem & affectum, quo te mi Deus complecterer.

O si etiam mi Domine tot habere possem corda, quot sunt in vniuerso creaturæ, vt illis omnibus earum nomine te diligerem & glorificarem, quas propter hominem condidisti, reddens tibi debitum, quod illæ nequeunt, & cujus ego illarum causâ debitor sum.

O si possem singulas guttas aquæ, & singula grana arenæ maris, ac singulos atomos in cælos conuerrere, pro gloria & honore tuo: O si



O si incessanter eâ amoris flammâ arderem, quâ ardent Seraphini, quâ ardet totum cælum, quâ ardet tu, vt omnes ad amorem tui succendere possem! O si in omnibus locis, in omnibus mundi partibus replicari possem, & ibi te amarem!

Sed superatundo gaudio Domine, & infinitas tibi gratias ago quod Tu ipsemet meum & omnium creaturarum officium suppleas, in amando Te ipso & dignificando. Summo etiam gaudio afficior, quod quicquid creaturæ omnes præstare conantur tui amore, longè sit impartitur dignitati. Hunc ego ipsum amorem tui ipsius offero tibi in gratiarum actionem pro omnibus thesauris beneficiorum in creaturas omnes effusus.

## FERIA SECUNDA.

## Meditatio Prima.

*De mundi Vanitate.*

*Prelud. 1.* Statue te ante Christum Dominum, & admirare altissimam illius sapientiam respicientem, quæ mundus amat, & præligentem, quæ mundus detestatur. Dic cum S. Bernardo: aut Christus errat, aut mundus, sed Christus errare nequit, quia æterna Sapientia est, ergo errat Mundus.

*Prelud. 2.* Pete, vt gratiâ Diuinâ adutus, siue blandientem, siue terrentem mundum, DEO iniunctum feliciter effugas.

*Punctum 1.* **C**onsidera, quomodo Dominus IESVS inter plagarios, patibularios, sceleratos deputatur, & ambiet Christianus magnus inter homines reputari? Intolerantia superbiæ est, vt ubi majestas humiliatur, vermiculus infletur & intumescat.

2. Aduerte, si quid sensus habes: Mundus clamat, ego deficiam, caro clamat, ego inficiam, diabolus clamat, ego interficiam, Christus dicit ego reficiam: cur tamen decipientem & interficientem, & non reficientem sequeris?

3. Considera quia bona terrena, quibus hic pascimur siliquæ sunt porcorum, quæ appetitum nostrum infiniti boni capacem non explent sed contaminant. Conuenitne ergo tanti parentis filium siliquis porcorum ventrem infarcire? Decetne te Dominum tuorum pedibus sordidis conculcandum subdi?

4. Audi quid de mundo S. Bernardus sentiat, ita ille: *O homo! quid tibi cum mundo, qui cito transit & concupiscentia eius? quid tibi cum terrenis diuitijs? aurum & argentum. Verè terra rubea est & alba, quam solus error hominum, facit aut magis reputat pretiosa? quid tibi cum carne, quâ haud aliud vilius Herquilinum inuenisti.*

5. Interroga damnatos, ubi deliciae vestrae maledictæ? ubi honores? ubi amatus præ DEO mundus? Ah quàm infructuosè miseri in illis inferorum tremeis deplorantes respondebunt, & dicent, quod Ionathas Patri suo Sauli: *Gustans, gustans paululum mellis & ecce morior!* Ita illorum quilibet Eheu! propter illam voluptatulae carnis titillantis, amisi, quo refici poteram, torrentem voluptatis!

6. Alloquere omnes mundi amatores: O miseri! quis ita fascinauit oculos vestros, ut non videant vanitatem hanc, quâ major nequit inueniri sub sole! crumena; quas hic mercator perduellis mundus ostentat, vento magis quàm ære turgent, coronæ nitentes auro sentibus & spinis horrent, torques aureæ ferrearum compedum instar, non honorant sed on-



onerant, quid vestes? bombycum excrementa apud nos, quia rara, ideo chara.

7. Desle quantum potes cæterorum hominum infaniam, qui pro eo, quod debeant diligere Dominum DEVM suum ex toto corde, diligunt mundum, non mundi Conditoem, diligunt dæmonem DEI inimicum, non DEVM super omnia benedictum.

8. Elice contemptum rerum terrenarum, & alloquere omnes illas nugas, quæ te à DEO retrahunt & dic: DEVS meus pendet in patibulo, & ego vanitatibus & voluptatibus operam dabo? absit! non decet sub spinoso capite membrum esse delicatum.

9. Argue & desle tuam dementiam, quia stultus negotiator fuisti, dum pretio bonorum omnium extremum malum mercatus es.

10. Pudore suffundere, quia pro caducis, inanibus, fallacibus, æterna, solida, vera pessumdedisti, pro vna voluptatula animam, pro cæno cælum erogasti.

### Pro Colloquio.

#### *Actus Contritionis.*

**O** Anima mea sceleratissima non vitæ, sed morte perpetuâ, ex tuis actibus digna, quid tibi cum mundo, qui in momento transiit, & ejus concupiscentia? ô perfida anima, quid fecisti? ob vnam sordidam voluptatulâ, de sublimi in profundum, de gratia in peccatum, de cælo in infernum cecidisti!

Quid ergo dicam infelix esca totius inferni, homo miser, proiectus à facie oculorum Domini Creatoris mei! vendidi eheu! animam meam sine pretio. Quid enim sunt hæc vniuersa, quæ Apostolus arbitratur ut stercore, quorum finis est interitus? Heu me de quanto

quanto bono in quantum malum cecidi! quò tendebam, & quò deueni? quæsiui bona, & ecce turbatio. ecce iam morier, & IESVS non est mecum. Certè melius mihi erat non esse, quam cum his omnibus vanitatibus sine IESV esse.

Proh pudor! quem fructum habeo miser, in quibus nunc erubescō! Quid? caduca, vana, & propè nulla infelix & infans præferte non erubui æterni Patris amoris & honori?

Istane est ò bone IESV viux vocistux doctrina in operibus meis expressa? Pompasnè mundi & honores nudus in infami crucis ligno suspensus docuisti? deliciasnè carnis doloribus grauissimis ad mortem compullus prælegisti? Superbiannè Sathanæ in ultimo agone obedientiam Patris fideliter prosequens professus es?

Me miserum! quānam fronte attollam iam oculos ad vultum Patris amantissimi tam malus & peruersus filius? Pudet indigna gessisse genere meo, pudet tanto Parenti vixisse degenerem. Exitus aquarū deducite oculi mei, operiat confusio faciem meam, deficiat in dolore vita mea, & anni mei in gemitibus, quia dereliqui te fontem aquæ viux, quia dilexi vanitatem, & persecutus sum umbras, quæ nos fugiunt.

Et an aliquid ultra, me separare poterit à te ò IESV! ò Vita, ò amabilissima charitas! ò omne bonum DEVS cordis mei & omnia! cur oculos meos conuertam ad vanitatem, & non potiùs ad te ò IESV, vbi solum, purum, & omne bonum meum? Abhinc, quicquid mihi dare vis ò DEVS meus, aufer totum; & te solum mihi da, & sufficiet mihi.

*Añus Amoris.*

**O** Summum & vnicum bonum meum DEVS meus,



# CHRISTIANVS

231

meus ! hoc millies dicam, hoc millies repetam. DEVS meus & omnia ! neq; enim vel majus dicere, vel maius cogitare, vel dignius optare possum quàm hoc ipsum, DEVS meus & omnia ! Alij alia quærant, alia desiderant, vnum ego DEVM quæro, DEVM desidero, DEVS meus & omnia ! Opes & honores, voluptates & gaudia relinquo, montes gemmeos & aureos alijs non inuideo, mihi sit DEVS meus & omnia.

O DEVS meus & omnia ! nihil quæso præter te, requirat anima mea. Tu mihi sufficis Domine, ideo habens & possidens te, omnes mundi spes derelinquo, omnem libertatem, inclinationes connaturales abduco, omnia quæ mundus amat, rejicio.

Sum etenim mi Domine, ita erga te affectus, vt etiam si mihi ad voluptatem, & absolutum dominiũ, tot deliciosissimi mundi darentur, quot sunt possibiles arithmetici numeri, nunquam desererem te, neque præponerem illos tibi. Si omnia mundi bona haberem, hoc momento, ( si ita opus esset, & ad gloriam tuam cederet ) illis amore tui renunciarem. Imò etiam si cum æquali gloria tua & pari merito meo possem esse pauper & diues, vilis & honoratus, infamis & gloriosus, afflictus & deliciosus, eligerem, nihilominus contemptum propter te, quia tu mihi sufficeres DEVS meus & omnia.

Duo sumus ô DEVS ! Tu & ego ! & nihil aliud ! quia minus te amat Domine, qui aliquid tecum amat, quod non propter te amat. Extingue me Domine in corde omnium hominum, & cunctos homines in corde meo occide, vt tu solus in me, & ego solus in te viuam.

O si etiam possem à cordibus omnium, amorem, qui

qui non est tuus auellare & tuum inferere, vt amore tuo omnes arderent & languerent! vtinam sibi subdere possem mi DEVS! omnia colla filiorum Adæ, ut te solum requirerent & amarent.

Vtinam plurimi Sancti sint in mundo, qui omnes mundi illecebras amore tui conculcent, te perfectissimè æstiment, ament, honorent! vtinam omnes peccatores mundo dediti & imersi ad te conuertantur!

Produc Domine auxilium ardentissimæ dilectionis tuæ, qui nos omnes tam valido impetu à mundo impellat in te, vt à nobis ipsis translati, deinceps Spiritum non habeamus extra te.

### Eodem Die Meditatio Secunda.

#### *De Brevitate Temporis.*

*Pralud.* 1. Statue te ante DEVM, cuius oculi semper in te respiciunt, & quære: quot sunt dies serui tui Domine, quoniam numerus mensium eius apud te est?

*Pralud.* 2 Pete, vt totum tempus vitæ tuæ fructuose impendas, & particula boni diei nunquam te prætereat.

*Punctum* 1. **C**ogita quænam occupatio Domini DEI tui? cogitare de te. Cur non reddis vicem Domino tuo?

2. Erubescere de tua ingratitude, qui cum scias DEVM continuo ita super custodiam tuam vigilare, veluti si totius creaturæ oblitus te solum curaret, & haberet, tu ex toto corde tuo, D E I tui obliuisceris.

3. Præsentis diei viginti quatuor horas in computum voca: quot ex his sæpius sibi rapiunt, somnus non necessarius, gula, otium, ludii, confabulationes,



tionem, O vitam miserrimam! hanc tu ratione te DEO satisfacturum arbitraris? ita sanguinem Christi remuneratorum?

4. Interroga te ipsum, quot infernos tibi debet iustitia DEI, qui totum fere vitæ tuæ tempus non DEI obsequio, sed mundi & Dæmonis impendis seruitio.

5. Finge regressum in vitam offerri ijs, quos jam in infernum præcipitavit DEVS, unaq; conijce, quàm sanctè concessos sibi dies agerent, quàm exactam & rigidam agerent penitentiam? & tu dicis: cras, & cras, emendabo vitam. Cur non hodie, cum non hanc horâ finis malorum & turpitudinis tuæ?

6. Apprehende, quanta tibi exhibeatur gratia, dum tibi spatium penitendi conceditur.

7. Interroga Clementiam diuinam, quare tam diu te sustinuit, nec condemnari permisit? Quot jam millia animarum ardent in inferno, quæ minus peccauerunt! quis ligauit manus DEI vindicis tuorum scelerum? quid retribues Domino, quia tantum tibi contulit spatium penitentiae?

8. Elice actum agnitionis, coram omnibus damnatis, quod maiori misericordiâ Dominus tecum usus sit quàm cum omnibus illis, qui minus peccauerunt, & tamen jam ad inferos descenderunt.

9. Ingemisce cum S. Anselmo & dic: O DEVS meus! cur amavi? quare concupiui in omni uita mea quidquam præter te IESVM DEVM meum! cur intermisi illo tempore te! ESU Versare in corde, te totâ mente amplecti? Sibi eram quando tecum non eram? quò defluerunt, quando non te solum habuerunt desideria mea?

10. Obstupece, quomodo tot annis, tot diebus  
Q  
a DEO

à DEO tuo propter peccata tua elongatus & exclusus, esse & viuere potuisti!

Pro Colloquio.

*Actus Contritionis.*

**O** Me miserum! quantum tu mihi Domine temporis dedisti ad te amandum, tibi seruendum! & quid ex eo jam superest? nihil mi IESV! nisi bonorum tantorum amissorum tristis recordatio, & malorum commissorum erubescenda memoria!

Infelix ego homo! quis me liberabit de corpore mortis hujus? ut quid uiuo diutius! ut quid terram occupo ego lignum aridum & infrugiferum, ego semper ingratus in DEVM meum, & non nisi peccata peccatis toto vitæ meæ tempore accumulo, & sic thesauriso mihi iram in die ira & iusti iudicii!

Heu me! iustus scelerum vindex, fortè jam inexorabilem sustulit manum, scribingens contra me amaritudines, consumere me vult peccatis adolescentiæ meæ?

Quis dabit capiti meo aquam, & oculis meis fontem lacrymarum, & plorabo die ac nocte, quia serò te cognoui ô pulchritudo antiqua! serò te amavi, ô bonitas infinita, imo tam exolis peccatis offendi te ô misericordia mea; ô DEVS meus! ô me miserum! cur non amavi te semper, Amor semper amabilissime! semper infinite! Tu es in medio cordis mei, & quomodo ad latus meum, ausus sũ terrenum aliquid congregare?

Omnia corda hominum, qui sunt, fuerunt, & erunt, & omnes voluntates Seraphinorum, & reliquorum spirituum, non sufficiunt, ut occupentur in Deo, cur ego pusillus homuncio, vnicum Cor meum occupabo



cupabo in alijs vanitatibus. & non efficiam; vt tradatur DEO meo?

Serò nimium ad te venio ò IESV Crucifixe! optimam vitæ meæ partem peccatis consecraui! vel nunc tempus est, vt gratiam tuam quæram.

Suscipe ò bonitas infinita DEVS meus in manus ineffabilis pietatis tuæ residuum annorum meorum. Pro his verò, quos viuendo perdidisti, quia perdidisti vixi. Cor contritum & humiliatum DEVS non despicias. Dies mei sicut umbra declinauerunt, & perierunt sine fructu, impossibile est, vt reuocem eos. Placeat ergo, vt recogitem eos in amaritudine animæ meæ.

Volo dignissime DEVS, grandem hanc amoris iacturam nunc & singulis residuæ vitæ meæ momenti pensare. Volo amabilissime DEVS, vt, abhinc totus Spiritus, totum Cor, totum corpus meum, tota vita mea viuat tibi vita mea dulcis. Adde, totus dies, totæ hebdomadæ, toti menses, toti anni mei viuant tibi æternitas mea.

*Actus Amoris.*

**O** Satietas cordis DEVS meus! nunquid non suffi is amanti? quid extra te euager? quid aliud desiderem? Eja quæso vulnera animæ meæ amoris tui jaculo. Imple omnia desideria mea, vt nihil me extra te delectet, nihil afficiat, te solum ardentissime in omni creatura diligam, ad te semper æstuantissimis desiderijs toto vitæ meæ tempore anhelem.

Potesne mi Domine sustinere, vt aliqua creatura non diligat te? quæso hoc in me non sustineas, sed irumpas in cor meum, & vim facias mi potentissime, vt sicut tu à me amando cessare non potes, ita fac, vt & ego feruentius & intensius in singula momenta te amare possim.

Qz

Osito

O si te ab instanti conceptionis meæ cepissem amare & nosse! o si primo rationis impetu mentem animumq; coniecissem obstrinxissemq; tibi mille votis, nulla postmodum culpâ dissoluendis! o si pueritiam iuventutemq; sceleris puram in castissimis & sanctissimis tuis amoribus exegissem! Heu optima vitæ pars non amplius reditura vñquam, vt velociter fugisti, nec vidisti bonum! liceat mi Domine damnum hoc salutem desiderijs compensare.

Desidero abhinc Domine, vt nullum sit deinceps momentum temporis & æternitatis, in quo tibi debitum amoris, laudis, venerationis, ac exaltationis non exhibeam, quod tibi deuotissimè Sancti & Electi tui exhibuerunt, & in æternum exhibebunt. Desidero vt omnis mea actio sit ad te aspiratio. Volo Domine, vt omne momentum vitæ meæ, omnis motus substantiæ meæ, omnis cogitatio & respiratio nihil aliud sit, aliud aspiret nihil & sonet, nisi Sâc<sup>9</sup>, Sâc<sup>2</sup> Domin<sup>9</sup> De<sup>9</sup>.

O amor diuine! vtinam è singulis residuæ vitæ meæ momentis vsq; ad momentum extremum possem facere totidem secula amoris tui! sit in posterum omnis cogitatio mea, omnis respiratio, viuum holocaustum Amori tuo, & honori profundissima humilitate, altissima charitate oblatum.

Et quia omnes dies & momenta annorum meorum non transegi in castissimis tuis amoribus o vita mea dulcis IESV! omnia momenta vitæ tuæ Theandricæ, tum ea quæ ab æterno vixisti cum Patre, tum ea, quæ ex tempore viuere cepisti genitus ex Matre, & quicquid in illis à te gestum toleratumq; est tibi offero. Offero & SS. Matris tuæ merita, ac omnium Electorum tuorum amoris incendia, labores, affectus cum his omnibus veluti nullius momenti



menti obulum, infiniti valoris pretio junctum me ipsum & residuum vitæ meæ tempus, in tuum mi Domine omnimodum amorem & honorem offero & sacrificio.

## FERIA TERTIA.

Meditatio Prima.

*De peccatis.*

*Pralud. 1.* Statue te coram DEO veluti reum aliquem grauissimorum criminum, qui stet ante ludicem catenatus, vinctus manibus, & pedibus arctissimè constructus

*Pralud. 2.* Pete à DEO lumen, quo rectè malitiam peccati mortalis & miseriam agnoscas, & vt illud tibi ignoscat, si fortassis eo animam tuam aliquando contaminaueris.

*Punctum 1.* **C**ogita quid sit peccatum mortale. Est offensa & contemptus DEI summi boni, imo voluntas perdendi DEVM si perdi posset, eumq; perimendi quidam conatus, quo (vt ait S. Bern.) homo peccando vult interimere aut sapientiam DEI, solendo ne suum peccatum scideat, aut iustitiam solendo ne puniat, adeoq; peccatum est quoddam in Deo Deicidium. Est demum sanguinis Christi conculcatio. Est rebellio creaturæ contra supremum Principem, & cum hoste ipsius Diabolo conjuratio.

2. Quædamna operatur in te peccatum. Primo peccatum te turpissimum facit, ac exosum omni creaturæ. Per peccatum mortale committis Sacrilegium, quia violas templum DEI: apostatiam, quia à mandatis DEI ad pedes Diaboli transis, quia datâ fidē in baptismo frangis. Per peccatum amittis gratiam

vniverso orbe pretiosiores. Per peccatum iteratò Christum crucifigis &c. Vnde S. Thomæ Aquinati mirum etiam videbatur posse hominem alicujus peccati mortalis conscium in eo damnationis æternæ periculo ridere vnquam & lætari *Ribud. 7. Mart.*  
 S. Ludouicus Rex Galliarum maluit vitâ exui quàm fædari peccato mortali. *Surius 25. Aug.*

3. Considera quanta fuerit iniquitas, malicia, & audacia tua, qui summæ bonitatis & Majestatis DE-VM peccatis tuis aggredi ausus es, & eo viq; amaritudine compleuisti ipsum incircumscriptæ bonitatis Oceanum, vt dolore cordis, & pænitudine intrinsecus tangeretur, quòd te hominem creasset.

4. Interroga teipsum, quid tibi mali fecit DEVS! quare illum toties tam grauiter offendisti & contristasti? quid tibi dedit dæmon, quia ad ejus pedes transisti?

5. Admirare non esse vltas ipsas creaturas, omniaq; simul elementa contemptum & injuriam Creatoris sui à te per omnia irrogatam.

6. Testare cælum & terram, quòd peccaris super numerum arenæ maris, quod omnibus peccato ribus & ipsis damnatis deterior sis.

7. Cogita te non tantum pejorem esse dæmone, sed ipso, qui fuit pessimus dæmonum princeps: inter homines verò pejorem pessimorem pessimo ipso Iuda, qui Christum quidem vendidit, sed nondum mortuum vidit: pejorem ipso Antichristo, qui non toties vt tu, experietur in se Christi gratiam.

8. Exclama cum filio prodigo: Pater peccaui in cælum & coram te, jam non sum dignus vocari filius tuus, sed nec creatura tua.

9. Opta tibi tot lacrymas, quot sunt guttæ in mari,



mari, aut guttæ Sanguinis tui, quibus defleas miseram & miserabilem conscientiam & vitam tuam.

IO. Projicias te ad pedes IESV, cum lacrymis postula veniam. Quid enim tibi superest misero, ne pereas miserè, quàm vt te conferas ad illum, cui proprium est misereri? Protestare, quòd abhinc eligas millies mori, quàm peccato fœdari.

### Pro Colloquio.

#### *Actus Contritionis.*

**H**Eu me miserum! peccaui tibi ô bonitas! ô misericordia mea! peccaui & super numerum arenæ maris multiplicatæ sunt iniquitates meæ! non est peccatum super peccatum meum! non est iniquus super iniquitatem meam.

O si vastus in lacrymas vertatur Oceanus & exundet ex oculis meis! quis mihi det, vt præ acerbò dolore omnes guttæ sanguinis mei mutantur in lacrymas; aut lacrymæ mutantur in sanguinem, nec vnquam taceat pupilla oculi mei! Quis mihi det, vt sit magna velut mare contritio mea, ex quo semper lacrymarum flumina exeant, & in illud intrent, vt iterum perenniter fluant!

O Pater misericordiarum! esto placabilis super multitudinem malitiæ meæ, quia vox sanguinis Fratris nostri IESV Christi clamat ad te pro nobis de Cruce.

O IESV! ô MARIA! ambo offensi estis, sed ambo estis abyssus misericordiæ & dulcedinis, parce ergo misericordissime IESV, parce sermo Matris tuæ, misericordissima Mater MARIA, parce mancipio Filij tui.

Displicent mihi Domine: displicent singula pec-

cata mea : quia ex se mala & peruersa, quia sum-  
preme tuæ Majestati amabilissimæ bonitati ac vo-  
luntati injuriosa : Odio perfectio, quo tu DEVS  
meus detestaris peccata mea, detestor odiq; & ego,  
odisseq; volo in æternum. Horreo illa, & contre-  
misco totus ad memoriam illorum.

O vtinam nunquam te mi DEVS offendissem !  
non corde, non opere, non omissione, nec vllâ pro-  
fus ratione ! vtinam prius extinctus fuisset !

Spero tamen omnium ac singulorum peccatorum  
meorum plenam perfectionem q; à te misericordissimo  
Patre condonationem. Propter bonitatem tuam,  
propter IESV Christi amarissimam mortem, pro-  
pter pretiosissimæ Filij tui Matris omniumq;  
Electorum tuorum intercessionem & merita,

*Actus Amoris DEI*

**O** Charitas abyssalis ! ô bonitas infinita DEVS  
meus ! quàm triste, quàm durum mihi est, quòd  
vnuquam in te sic & sic peccauerim : cur ô DEVS  
meus vel momento vnico recessi à te ? cur tibi ô  
dulcedo animæ meæ tam amarus & felleus fui ? cur  
inebriavi te absynthio qui mille benedictionibus, dul-  
cedinis præuenisti me ?

O anima mea ? dic mihi : quid tandem illa boni-  
tas illa misericordia fecit tibi, aut in quo vnuquam con-  
tristauit te responde mihi ? Eja distumpere imma-  
ni dolore vel nunc !

O mi IESV ! cur intermisi vllò tempore te versari in  
corde, te totâ mente amplecti & delectari in dulce-  
dine tua ! Ad te nunc ô Amor suspiro, clamo, an-  
helo, Te fringo intimis cordis meis medullis, &  
totis præcordiorum affectibus, O si semper te so-  
lum cogitasset, te dilexisset dignissime perpetuo  
amore



amore DEVS! O si omnia desideria cordis tui ad amissum expleuissem! confidentius nunc irem in tuos amplexus Sanctissimè amor! nunc autem conficius pudor infamem animam confundit reijcitq; ad oscula pedum tuorum nitentem!

Et quid ultra poterit me diuellere & separare à charitate tuâ O DEVS meus! an voluptas brevis! opes caducæ, honor falsus? an umbræ umbrarum, nugæ nugarum & vanitates vanitatum? & istæ & illæ non facient à bonè IESV non facient! In æternum ex hoc momento, tu es mihi carorum omnium carissimus, tu dulcedo, tu vnicum centrum cordis mei, & vita animæ meæ, tu thesaurus, diuitiæ, & deliciæ meæ.

Te solum mi IESV ex hoc momento quærere, te solum ex toto corde diligere constituo. Et non solum corde meo, sed etiam omnium ac singularum, possibiliumq; creaturarum, omnibus genere, specie, numero, possibilitate, distinctis desideriis, cordibus & affectibus vellem te mi DEVS amare: itq; in omni istorum omnium, desideriorum intensione ab ipsa pretiosissima Parente, IESVq; Christi humanitate elici possibilibus; ac etiam in extensione ad omnia loca, & spatia, etiam imaginaria extensione quoq; ad omnia tempora, ad omnia momenta æternitatis tam ante, quam post.

### Eodem Die Meditatio Secunda.

#### *De morte & circumstantijs eius.*

*Prelud. 1.* Imaginare te in extremis constitutum.

Efferri Christi cruci affixi imaginem, accendi cereum, atq; intonari tibi à Sacerdote: Proficiscere anima Christiana: plurimis interim circumstantibus, & animæ excessum præstolantibus. *Pra-*

*Prelud. 2.* Pete vt ante mortem diligentem rationem temporis & occasionis, quæ modo offeruntur habere possis.

*Punctum 1.* **C**onsidera quia in separatione animæ & corporis, anima cuiusq; suam ingrediatur viam. Ah! quam viam tua ingredietur? si tunc à corpore separata foret, quid cum illa fieret! dignanè esset, vt ab Angelo deduceretur? dignanè esset, cui Mater Virgo obuiaret?

2. Reuoca tibi in memoriam, quæ tibi in morte erunt graua. Erit graue quando ponetur ante oculos tuos imago crucifixi! & quomodo in eum quem pupugisti, cuius sanguinem peccatis tuis conculcasti oculos defiges! Erit graue, quando dabitur lucerna in manu index bonorum operum, quæ non thesaurizasti.

3. Considera extremum cum vita agonem & angorem mortis, quando inelamabitur auribus, vt corde saltem, si non ore te DEO commendes. Quo pacto etiam Sanctissimi viri magno metu tunc concuti solent, vt S. Hilarion etiam clamasse dicitur: *Egredere anima mea, septuaginta annis seruinisti DEO, quid times?*

4. Cogita, quomodò tunc totus palleſces, oculi concident & euerſentur, pectus palpirabit, cor supra modum saliet, interius verò cum maligno Spiritu bellum geretur.

5. Concipe insuper affectum maioris timoris, quia in illo iudicio particulari vides iudicem iratum, qui te conturbato vultu respiciens ad tuam confusionem aperit cicatrices & cruenta vulnera, tibiq; tuam ingrati tudinem, malitiam, & impietatem exprobrat.

6. Imaginare quòd audias Angelum tuum Cuiusmodi



Adem contra te instigantem, omniaq; occulta peccata tua coram Iudice recensentem.

7. Puta te videre à sinistris Diabolos terribiles, ut catulos, leonum rugientes & pręparatos ad elcā, tibiq; inclamantes: *Euge euge denorabimus eum.* Qui etiam motus desperationis excitare solent & dicere: *si iustus & iux saluabitur, impius & peccator sibi parebunt?* Et *Qualis Vita, finis ita.*

8. Interroga te ipsum, quid tunc miser facies, quando infra te os inferni apertum, tetrum odorem exhalans aspicias? intra vermem conscientię senties: sursum cælum occlusum & DEVM iratum conspicias, ad tanta quomodo non deficies?

9. Gratiarum age diuinę bonitati, quia tam diu te sustinuit, & concessit tibi spatium pęnitentię, ut pretiosam in conspectu ejus mortem promereri, & à morte peccatorum pessimā liberari possis.

10. Detestare peccata tua, quę te sola perdere possunt, & mortem æternam adferre, & statue firmissimè nunquam deliberare peccare.

### Pro Colloquio.

#### *Actus Contritionis.*

**O** Inscrutabilis abyssus pietatis Domine DEVS meus; quomodo apparebo ante faciem tuam in illa terribili hora exitus animę meę de corpore, portans iniquitatem meam, reatum deperditionis vitę meę, & pondus multę nimis negligentię meę. Talentum temporis mihi creditum non solum expendi in vanum, sed & amisi, deprauavi & peridi totum. Quo ibo, quo me vertam, & quo a facie tua fugiam?

Væ ingratitude, impietati, & cecitati meę, quia peccavi

peccavi Domino, quia te DEVM meum offendi, qui  
vt me exaltares, humiliasti, te vsq; ad mortem, mor-  
tem autem crucis. O lacrymæ vbi vos subtraxi-  
stis, vbi estis fontes lacrymarum!

O aquissima DEI mei Iustitia, quæ nullum pec-  
catum impunitum relinquis! cum omni humilitate  
accepto sententiam mortis meæ egredientem ab ore  
tuo, tanquam dignum supplicium, quod milies &  
millies promerui malo vsu vitæ meæ.

Accepto separationem corporis & animæ  
meæ, fateorq; has geminas partes essentia meæ esse  
hâc pænâ dignissimas, quod toties vnâ conspiraue-  
rint in transgressionem mandatorum tuorum.

Accepto priuationem vsûs omnium sensuum me-  
orum, quia januæ fuerunt, per quas peccatum intra-  
uit in animam meam. Accepto putrefactionem & cor-  
ruptionem carnis meæ in pënam illecebrarum, quas  
prætulisti diuino amori tuo, & consentio, vt sub ter-  
ram abiciatur, quia animam meam, ne se in cælum  
attolleret impediuit.

Accepto mortem, quam dabis mihi tanquam sti-  
pendium quidem peccati, sed etiam tanquam finem  
vitæ quem peccare non potero, & tanquam initi-  
um felicissimæ necessitatis, quâ non potero non a-  
mare te, vt spero beatâ tuâ æternitate receptus.

O mi DEVS! accepto solitudinem tuâ atq;  
sepulchri mei ad reparandam injuriam, quam irroga-  
ui Majestati tuæ, amando & sectando societates,  
conuersationes & amicitias creaturarum, quæ me to-  
ties auerterunt & fortè etiam separarunt à sancto  
amore tuo.

O Diuina iustitia, quàm recta sunt iudicia tua! vt  
per hæc ipsa nos punias, per quæ te offendimus! pu-  
ni ergo



ni ergo me DEVS, puni superbiam, & vanitatem meam per humilitatem mortis meæ. Puni sensu-  
alitates meas per dolores & acerbitates ægritudinis meæ. Vlciscere cupiditates insatiabiles auaritiæ meæ. Et dum iustitia tua exequitur sententiam condemnationis meæ, ego cū Fratribus Iosephi dicam humiliter: En tandem DEVS vlciscitur illas tibi injurias. Et nos iustè hæc patimur, quia peccauimus non tantum in Fratrem, sed in DEVM nostrum.

*Actus Amoris DEI.*

**Q**uid possum mi DEVS facere ad declarandum tibi ardorem amoris mei pro omnibus, quæ tu tribuisti mihi, nisi vt tibi sacrificem & offeram vitam meam!

Quod pignus amabilissime IESV reddam tibi amoris mei, vt aliquantum accedat ad excessum illum incomprehensibilem amoris, quo tu acceptasti mortem crucis amore mei, qui non tantum pati, sed & ignominiosè cōegit te mori pro me in cruce inter duos latrones tanquàm caput omnium sceleratorum scelestissimum & infame!

O Saluator amabilissime, cū te in hæc miserando statu mori videam amore mei, nonne oportet. Cor meum aut saxo durius aut glacie frigidius esse, aut me ardere & mori in flammis amoris tui: O IESV amor meus, cur non habeo mille vitas, quas relinquam amore tui;

O si in mea dispositione & potestate essent omnium hominum vitæ, protestor mi DEVS! quòd darem illas omnes libentissimè pro tuo amore. O possem saltem mori morte per omnia simili illi, quam tu Domine pro me subiisti! O gloriosi Sancti Martyres, quam vestram vobis gloriam inuideo, qui Saluatori

uatori meo vitam pro vita, sanguinem pro san-  
guine reddidistis!

O IESV amore mei crucifixe! siquidem non sum  
dignus mori & effundere sanguinem meum amore  
tui intra manus carnificum, saltem volo totam vi-  
tam meam gloriæ & amoris tuo dedicare. Utinam  
& ultimus halitus, quo animam efflabo, halitus a-  
moris sit. Moriar amore tuo DEVS meus, & quia  
vitam ab amore non inchoavi da mihi vitam amore fi-  
nire, ultimus vitæ meæ actus sit amare.

Hoc etiam insuper de me certum tibi esse ve-  
lim ô dulcis amor DEVS meus, ut cum etiam vir-  
tus loquendi mortis horâ defecerit, & te dulcissi-  
mum meum IESVM amplius proferre non valebo,  
supplex peto, ut saltem nutus oculorum, vel exten-  
sio digiti, vel palpitatio cordis, sit innotatio & con-  
firmatio omnium desiderabilium affectuum, verbo-  
rum, atq; operum præteritorum, ac futurorum, quæ  
vsq; ad extremum iudicii diem amore tui cum de-  
uoto famulatu offerre vellem, si tamdiu vivere possẽ,

## FERIA QUARTA.

### Meditatio Prima.

#### De Iudicio Vniuersali.

*Prælud.* 1. Imaginare quòd videas, quomodo An-  
geli tubis assumptis, omnia horrendo sonitu com-  
plent, mortuosq; e cineribus ad summum Iudi-  
cij tribunal citantes intonant: surgite mortui.

*Prælud.* 2. Pete gratiam, quâ illuminatus præco-  
gnoscas, & animo præsentis horrorem iudicii,  
& discrimina, quæ manent impios, præcipuè ma-  
los Christianos, in futuro DEI iudicio.

*Punctum 1.*



*Punctum I.* **M**ente concipito te videre innumeras hominum myriades à quatuor mundi partibus in vallem Josaphat congregari. Sed ah! quali differentiâ? Plurimi enim comparebunt, in corporibus fædis, deformibus, horridis! quid de tuo speras corpore? an gloriosâ & corruscanti, an tetra & horribili apparebit formâ?

2. Imaginare, quod sub tuum conspectum ex infernali abyſſo, aliqui infelices rapiuntur damnati inqualidis corporibus, ardentibus onerati catenis, pallidi, vermibus scatentes, ulcerosi, verbo velut quædam monſtra horribilia.

3. Imaginare, quod videas plurimas dæmonum cateruas, quorum plurimi contra te fremunt & instigant; item quod audias Angelos, instinctus diuinos & omnia beneficia tibi recensentes, conscientiam propriâ uiscera tua corrodentem & te incusantem.

4. Puta te videre iratum Iudicem assurgere, eundem cruenta vulnera ostendere, quibus veluti tot linguis loquetur damnatis: Ecce hominem, quem crucifixistis, videte vulnera, quæ inflixistis: agnosce latus quod pupugistis, quoniam per vos & propter vos apertum est, nec tamen intrare voluistis. Tunc demum indignabundo vultu dicet: sanguis meus sit vobis in condemnationem. *Ite maledicti in ignem æternum.*

5. Contemplate dæmones reproborum catanices, auditâ Iudicis sententiâ velocissimè ad prædam suam accurrere, viuos ignitis compedibus oneratos, in stagnum sulphure & flammis hortens cum summa rabie pertrahere.

6. Intuere apertam teterrimam abyſſum infernalem fumo denigratam, in illâ conspice fornaces sulphu.

sulphureas, turbidos fumos, vasa toxico & felle plena, ferramenta ignita, quibus cruciantur damnati.

7. Imaginare, quod post feralia Iudicis verba, tanquam e flammeis nubibus excussa tonitrua, audias stridorem dentium, maledictiones, execrationes, horribiles in DEVM blasphemias damnatorum clamantium: Væ! væ nobis miseris! cur nati sumus? cur lucem vidimus! cur non felicitas bestiarum datur nobis!

8. Interroga te ipsum: potestne fieri, vt tam horribilis sententia irati Iudicis ac æterna reproborum confusio & perditio, medullas ossium tuorum non penetret?

9. Inquire ex anima tua: an non millies propter pessimam vitam & malitiam suam audire meruit hanc terribilem sententiam ex ore iusti Iudicis.  
*Ita maledicta in ignem æternum.*

10. Ingemisce & ejula, quia DEVM tuum in circumscriptæ bonitatis Oceanum eorsq; amaritudine toties compleuisti, vt dolore cordis intrinsecus tactus, te opus manuum suarum maledicere, & execrari debeat.

### Pro Colloquio.

#### *Actus Contritionis.*

**O** Anima mea miserabilis! & quid est, quod innumeris coinquinata peccatis infelicissimum tuum statum non consideras? cur non paues Iudicis vultum ipsis quoq; tremendum Angelicis potestatibus; cur non contremiscis ab ira Potentis, à facie furoris eius, à fragore ruentis mundi, à conflagratione elementorum, à tempestate valida, à voce Archangeli, & à verbo aspero?

Cur non



Cur non contremiscis anima mea à dentibus bel-  
liæ infernalis, à ventre inferi, à rugientibus præpa-  
ratis ad escam! cur non hortens vermem rodentem,  
& ignem torrentem, & spiritum procellarum?

Heu me miserum! quid dicam vel quid faciam,  
cum venerit tempus tremendi iudicii: quis eruet  
me de manu potenti & brachio extenso contra me?  
quis præseruabit me à ventura ira, æterna morte, à  
laqueis infernalibus? quid faciam, cum cæli reuelabunt  
iniquitatem meam, & aduersum me terra & omnis  
creatura consurget?

Quid dicam infelix esca totius inferni? incidam-  
ne in foueam quàm feci? nunquid laqueo despera-  
tionis præcurrere contendam sententiam quam me-  
rui æternæ damnationis? Absit! recurram ad pedes  
tuos mi dulcis IESV!

Recordare IESV pie, quòd sim causa tuæ viæ:  
ne me perdas illa die. Die illâ tremendâ, quandò  
cæli mouendi sunt & terra; quandò veneris iudi-  
care, noli me condemnare. Quærens me sedisti las-  
sus, Redemisti crucem passus; tantus labor non sit  
cassus. Sedisti lassus ad fontem: flexisti lassus in  
horro; stetit lassus ad columnam: iuisti lassus ad  
montem. Ah! tantus labor & dolor, sudor & cru-  
or: tantus amor non sit cassus.

Caro tua sumus o Iudex viuorum & mortuorum.  
Sanguis tuus sumus, membra tua sumus, qualia-  
cunq; tandem. Carnem igitur tuam ne despexeris.  
Carnem tuam odio ne habueris. Carnem tuam  
ne condemnaueris.

Non gloriamur de nostris meritis, in hoc soli glo-  
riamur, & confidimus, quòd membra simus illius  
corporis tui, quod pro nobis passum, crucifixum &  
mortuum,

mortuum, abundè pro peccatis totius mundi satisfecit. Quamobrem si merita à nobis quæris, ecce tibi proferimus meritum carnis tuæ. His meritis freti coram Tribunali tuo nos sistimus intrepidi. Noltra sunt, quia nostri sunt corporis, cui per lauacrum, regenerationis in virtute sanguinis tui incorporati sumus.

Tua merita mi IESV ponimus intra nos & iudicium tuum, aliter tecum iudicio, contendere recusamus.

*Actus Deprecationis.*

**O** Bone IESV! plene misericordiâ & pietate; ne me perdat iniquitas mea, quem fecit omnipotens bonitas tua, recognosce, quod tuum est, & absterge quod alienum est. Miserere mei benignissime IESV dum tempus est miserendi ne damnes me in tempore iudicandi. Quæ enim utilitas in sanguine meo, si descendero in æternam corruptionem & damnationem?

Non patiaris benignissime DEVS, vt quem in filium adoptasti, tota æternitate habeas inimicum. Non patiaris, vt cui naturæ tuæ infudisti imaginem, illæ tuorum hostium præda sædissimè dilaceretur. Non patiaris vt cui inter cælites Spiritus lumen gloriæ praparasti, ille ad inferorum tenebras condemnetur. Non patiaris, vt quem cæli sedibus destinasti, ille damnatorum incendijs triste pabulum obijciatur.

Hoc, tuæ bonitatis inclinatio, hoc, naturæ tuæ benignitas suadet, hoc, paterni affectûs suauitas exigit; hoc, viduatæ Angelorum sedes suspirant, hoc, sanguis filij tui postulat, qui clamore valido interpellat pro nobis, vt miserearis mei in tempore iudicandi. Exhibe hoc mundo amænissimum spectaculum; ex quo



ex quo discat, nunquam apud te irritas esse pœnitentium preces; & quoties contrito corde timeris Iudex, toties te Patris affectum exhibere.

Si verò Domine DEVS, placebit tibi damnare & proicere me in æternos cum reprobis gehennæ cruciat⁹, hoc decretum libentissimè accepto, hoc tamè vnicum postulans, vt in illis ardoribus sempiternis maiori amoris tui igne, quàm flammis inferni ardere possim. Et dum tibi omnes dæmones & damnati rabido ore maledicent, ego inter blasphemias eorum, intensissimo affectu & amore clamare possim incessanter: Benedictus DEVS! misericordiam & iudicium cantabo tibi Domine! Quia dignus es Domine, vt in omni loco dominationis tuæ benedicat tibi quæuis anima & laudem tibi dicat, tum quia adhuc citra condignum punies me. Scio enim Domine omnes gehennæ pœnas non sufficere ad vlciscendas & dignè puniendas tot & tantas meas contra te offensas: cum vnica mortalis offensâ gehennæ supplicia mereatur æterna.

### Eodem Die Meditatio Secunda.

#### De pœnis Inferni.

*Prelud.* 1. Interroga te ipsum: Quo discedis peccator cogitationibus tuis! vt tuæ tam perversæ vitæ horrorem concipias, ad tenebrosam, horridam, fœtidam, ac fumo denigratam inferni cauernam te conuerte.

*Prelud.* 2. Humiliter supplica, vt igne diuini amoris emolliatur, & liquefiat peccatis induratum cor tuum, ex quo vberissimæ lacrymæ fiant, ne in locum tormentorum descendas.

*Fundum* 1. **S**tatue te in fundo inferni coram illis

illis igneis & fumosis cathedris damnatorum. Aspi-  
ce in hac terribili fornace refertâ flammis ~~inextin-~~  
~~guibilis ignis, innumera damnatorum ejulantium &~~  
vlulantium millia, & quomodò ex oculis, naribus,  
ore ardentes & sulphureas ignis flammâs, quibus  
aduruntur, spirent.

2. Interroga te ipsum, potesne tu his ardentibus  
prunis vnica tantum manum, vnus duntaxat horæ  
spatio immittere? quomodò in iisdem æternum cru-  
ciari sustinebis?

3. Conuerte te ad aliam partem ad gelidissimum  
illud stagnum glaciæ, cui damnatæ animæ ex arden-  
tissimis ignibus immani cum furia immerguntur. O  
glaciæ! ô gelu horridum! Heu quis frigidissimo hy-  
emis tempore per vnâ horulâ nudus immersus gla-  
ciæ stare posset?

4. Insuper considera, quia continuò damnatorum  
aures puniuntur infelicissimis gemitibus, vlulatibus,  
terribili rugitu. Ah! qualis hæc musica æternum non  
finienda! quàm canina est hæc musica!

5. Aspice, quomodò à venenosis bestiis alij torque-  
antur, cum capillis eorum serpentes, cerebro ranæ,  
visceribus vermes, pectori basilisci, dorso dracones  
adhæreant.

6. Imaginare, quòd audias maledictiones damna-  
torum, maledicentium diem, in qua nati sunt, Pa-  
rentes, complices scelerum. Item execrantium Chri-  
sti Incarnationem, Passionem, mortem, gloriam,  
Christi Matrem, Sanctos omnes, peccata propria non  
ad penitentiam sed rabiem.

7. Imaginare quòd sentias fætorem ex ambustis  
damnatorum cadaueribus. Caro enim verminans &  
putrida prunis imposita quale thus redolebit!

8. Pura



8. Puta te videre damnatos arctè vinctos sicut canes ac porcos fatidos, sicut haleces in canistro, sicut lateres ardentes in fornace, sicut hædos jugulatos in macello, continuò conturbari, gemere, tremere propter dæmones insultantes, & vermem conscientie eorum viscera corrodentem, & illis continuò exprobrantem? En tanquàm bestia, tanquàm canis putridus à DEO in hanc cloacam projectus es! en frustra pro te Christus mortuus est!

9. Inquire nunc ex anima tua: an non millies jam pridem has flammæ infernales, illa horrida, tormenta suis sceleribus debita promeruit? quis continuit vltices Christi manus, ne tua tam exosa puniret scelera? quis obstruxit os inferni patulum, ne exoracatus peccatis, eò præceps cum cæteris descenderes?

10. Elice actum agnitionis coram omnibus te viuente, in infernum detrulsi, quòd majori tecum misericordiâ Dominus vltus sit, quàm cum illis omnibus, neq; cum illis damnati permittit. Demum postula indulgentiam, & spatium penitentiae.

### Pro Colloquio.

#### *Actus Contritionis.*

Q Vis dabit capiti meo aquam, & oculis meis fontem lacrymarum, vt præueniam fletibus fletum, & lridorem dentium, & pedum dura vincula, & pondus catenarum prementium, stringentium, vrentium, nec consumentium? Heu me Mater mea, vt quid me genuisti filium doloris, filium amaritudinis, & plorationis æternæ? cur exceptus genibus, cur lactatus ubris, natus in combustionem, & cinibus ignis?

Heu, melfactus sum sicut Sodoma, combustus sum, sicut Gomorra! Quis miserebitur cineri meo? O quam acerbus est fructus peccati amariore felle, crudelior gladio!

Vae animae meae peccatrici! vae mihi quia tibi Domine soli peccaui nimis in vita mea & malum coram te feci: cui vni soli semper à me, & ab omnibus creaturis summa laus, honor, amor, & gloria debetur: omnibus autem creaturis à te tua benedictio, gratia, & miseratio: sed quia solus ego peccaui tibi idcirco nulla mihi à te debetur venia, gratia, & miseratio, sed potius omnis tuus furor, ira, damnatio, & perditio. Idcirco infernus domus mea est, ego inferni incola & haeres sum.

Idcirco etiam omnes damnatos, reprobos, praescitosq; ex inferno facessere, ac mihi locum meum cedere jubeo: quia praeme omnes illi innoxij sunt, & pra omnibus illis mihi vni & soli infernus debetur: ego solus inferni penas pennis meis exhaurio, & adhuc inferno dignus sum alio atq; alio. Idcirco etiam infra omnes Luciferos, Asmodaeos, Beelzebubos, infra Cainos, Iudas, Pilatos, descendo ac me demergo: omnibus enim ingratis, perfidis, abjectis, malignis, ego magis ingratus, perfidus, malitiosus.

At misericordissime Domine, quamvis ego infelix commisi multa nimis, vnde me iustissime dampnare & abijcere in aeternum debes: quia tamen tu misericordiarum Pater non amissisti, vnde misericordissime saluare potes: propterea ego de profundissimis miserationum mearum abyssis clamo ad te: Tibi soli peccaui & malum coram te feci, miserere mei: Illud in me peccatisq; meis displicet, quia tibi soli peccaui. Amare cordialissime & aestimare te solum super omnia debui, & tibi soli peccaui.

Non



Non ergo Domine deprecor amissionem cæli, aut deprecor supplicium inferni, sed deprecor offensam tuam. Nec ardere metuo, sed peccasse doleo. Nec me contristat damnum meum, sed afficit & affligit injuria tua & iniquitas mea.

*Actus Amoris DEI.*

**O** DEVS meus! quanta mihi felicitas eueniret, si possem ego supplere defectum prauorum Angelorum, prosequendo te actibus illis amoris, quibus ipsi prosequi te deberent, & non solum ipsorum defectum, sed etiam hominum damnatorum, qui pro amore & laudibus execrabili contra te odio iraq; flagrant longè pejùs, quàm flammis inferni.

O si per meam ad inferos relegationem & condemnationem honori & gloriæ tuæ posset aliquid accedere, rogarem te hanc gratiam. Et si mihi in profundissimo inferni loco sedem præparares, in quem ego maximus totius orbis peccator & abominabilissimus recluderetur, & tanquam incus omnium carnicum malleis exposita, tormenta omnia, quæ sunt, fuerunt, & erunt, meo corpore excipere possem, quæ omnibus dæmonibus & damnatis debentur, ego ex cordis mei intimo affectu offero me continuo ad has pænas subeundas, plus inde capiens voluptatis, quod inferno exhausto, nullæ amplius blasphemix in te DEVM meum erumperent, & ex tot animarum redemptione, quæ te DEVM meum æternis laudibus prosequerentur, quàm de mea vnus salute.

Amo te DEVS meus, quàm intensissimè possum, & opto supra id, quod possum, omnes omnium creaturarum affectus & amorem transferre in te.

odium peccatorum omnium & damnatorum in tui amorem, blasphemias eorum in laudem tui commutare, arenas omnes, & guttas, & atomos in ardentissimos Seraphinos?

Et quia te amo mi Domine: mallem ex voluntate tua acerbissimas inferni penas sine fine tolerare, quam sine te gaudijs perfrui sempiternis. Ibi enim locus meus est, ubi est locus majoris gloriæ tuæ, paradysus sine majori gloria tua, infernus mihi esset, infernus autem mihi paradysus erit cum majori gloria tua.

## FERIA QUINTA.

Meditatio Prima.

*De Gloria Cælesti.*

*Præluđ.* 1. Contemplare magnificentiam, altitudinem, & pulchritudinem illius civitatis supernæ, quæ margaritis & auro ornata constat; odores suavissimos spirat, radijsq; splendidissimis undiq; illustratur.

*Præluđ.* 2. Roga ut prægustatis interiori sensu istis paradisi cælestis delicijs, & Ægypti peponibus ac paludibus cænosus, mundi inanes siliquas ac sordes nauseabundus semper despuas.

*Punctum* 1. **F**inge animo te per civitatem cælestem ambulare: in eaq; palatia, vicos, hortos, Reges, Cætates, aliaq; similia intueri. O Patriam desiderabilem!

2. Erige postea oculos ad altissimum hujus cælestis aulae fastigium, ibiq; conspice SS. Trinitatem incoruscanti & splendidissimo throno gloriæ suæ innumeris Angelorum millibus cincto, residentem.

3. Intuere ibidem gloriosam Christi Humanitatem,



tem, ac cicatrices ejus mirificè resplendentes. Ad latus Filij inspicere Reginam cæli stellis coronatam, ac omnes Beatorum cætus velut lucidissimos soles.

4. Expende tecum, quomodo felices illæ cateruæ simul cum Angelis gaudeant, & in continuis cantibus & suauissimis symphonijs vitam jucundissimam viuant. Quàm flagrantia lilia! quàm odoriferæ rosæ videntur esse singuli!

5. Cogita quantâ felicitate delicijsq; Beati in singulis sensibus corporum & animæ potentijs perfruantur. O felicem æternitatem!

6. Gratulare Sanctis omnibus tantam gloriam & beatitudinem, tantam summi boni possessionem & æternam fruitionem.

7. Accendere famelicissimo desiderio adnumerandi & adjungendi te Sanctis, cum illis DEVM videnti, DEVM possidenti, & cum SS. Angelis de illorum felicissima beatitudine participandi.

8. Concupisce quàm plurimos Sanctos, quàm maximos, ut ab ijs DEVS laudetur, honoretur, & exaltetur, & quibus viduata cælestis Hierusalē instauretur.

9. Confunde te coram cælo & terra, quod tantum deuiaueris à via gloriosæ Sanctorum habitationis, & æternæ DEI visionis, quod pro voluptatibus tam fordidis deserueris æternas & infinitas cæli delicias.

10. Arguendo tuam stultitiam exclama: O magna domus DEI! ô Patria desiderabilis, quàm vilis mihi fuisti, & quàm turpiter te pro nihilo toties contempsisti!

### Pro Colloquio.

#### *Actus Contritionis.*

**O** Periat confusio faciem meam Domine DEVS meus, quia tam dissimilis factus sum fratribus meis &c.

is & filijs matris meæ Ecclesiæ ! Heu quomodo apparebo in conspectu tuo Domine, & in concilio iustorum tantâ charitate ardentium ! illi cum timore & tremore operabantur salutem suam, Alij castigabant corpus suum, & in seruitutem redigebant, cæteri non vestiebantur mollibus, sed de pilis camelorum tegebant lumbos suos.

Alij ludibria & verbera experti sunt, lapidati sunt, secti sunt. Ego autem vilis, exosus & ingratus peccator, non tantum crucem propriam tollere & Sanctis tuis assimilari renuo, sed etiam, quod gravius est, te, DEVM meum centrum omnium bonorum gravissimis peccatis offendere non desino.

Quomodo ergo tam exosus peccator dignus erit, aliquando DEO, qui offendit & contemnit DEVM ? quomodo possidebit DEVM, qui eum abiecit ? quomodo videbit intuitivè DEVM, qui totum intellectum avertit à DEO ? quâ fronte gratiam requireret, qui æterno odio est dignus ? & cui pœna debetur, quâ temeritate gloriam deposcet ? Quid mi Pater dicam, merui mortem, & præsumam petere vitam ? nonne dulcem affectum Patris stultus exacerbat Filius, qui post illatas Patri contumelias adhuc contumax hæreditatis sibi usurpat celsitudinem ?

Ergonè mi Domine, & ego deinceps audebo te offendere & nihilominus petere regnum tuum ? Ergonè deinceps audebo delicatus miles molli strato vii, indui splendide & epulari ? si beati qui lugent, cheul quomodo felices erunt, quibus nil placet, nisi jocus, cibus, & ludus ? Itanè me non pudebit sub spinoso capite membrum esse delicatum ? Quomodo potero carni indulgere ac nihilominus petere regnum tuum, qui non habuisti mi IESV ubi caput tuum reclinares ? qui & fame cruciatus fuisti & felle potatus ?



Ergone fortiores ac prudentiores filij huius sæculi, quam serui tui? tollerabunt illi omnia pro supplicio, & ego nihil pro præmio æterno? An ad hoc veni & bone IESV, vt ignauus sim miles in castris tuis?

O DEVS cordis mei! non ultra mihi sapiet mundus aut bona illius, quando gustavi & vidi, quam suavis sis Domine! Imo etiam ignis, crux, beltæ, confectio ossium, membrorum diuisio, & totius corporis contritio, & tota tormenta diaboli in me veniant, tantum te DEO meo fruatur.

*Aspirationes ad caelestem Patriam.*

O Domus DEI magna & spatiosa nimis, quando inhabitabo te! ô terra viuentium, quando viuam in te! ô ingens locus habitationis DEI, quando capies me! ô vbertas domûs DEI, quando inebriabor abs te! ô terra lacte & melle fluens, quando perueniam ad te! ô templum Domini, quando visitabo te! ô cæna magna, quando accumbam ad te! ô torrens voluptatis, quando potabis me! ô fons vitæ, quando sitim extingues in me! ô gaudium super gaudium, vincens omne gaudium, quando intrabo te, vt videam DEVM Deorum in te.

O IESV! ô IESV! quam dilecta tabernacula tua, Domine virtutum! concupiscit & deficit anima mea in atria tua! sitiuit anima mea ad te DEVM fontem viuum. O quando induces me in purum, in excessuum, in absorptiuum, tui amorem? quando demittes me in abyssum amorosissimi cordis tui, vt omnium præter te solum oblitus, etiam me ipsum nunquam inueniam? quando in lumine tuo videbo lumen tuum?

O quando suauissime mi IESV licebit sacros pedes tuos pro me perforatos osculari & lambere? os aperro lateri admoouere? ad pedes tuos in æternum sedere?

O Si

O Si hoc gaudio ! ô si te solo & vnico post aliquot  
miseros dies frui, & vocari possim ad carnem agni &  
DEI mei ! O IESVM DEVM meum ! ô omne deside-  
rium meum ! quem admodum desiderat Cernuus ad fon-  
tes aquarum, ita desiderat anima mea ad te ô IESV.  
Quid enim mihi est in calo, & à te quid volui super  
terram ? defecit Caro mea & Cor meum in salutare  
tuum DEVS cordis mei & pars mea DEVS in æternū !

Infelix ego homo, quis me liberabit de corpore  
mortis huius ! cupio dissolui & esse tecum mi bone  
IESV ! Creasti nos Domine ad te, & inquietum est Cor  
nostrum, donec requiescat in te. Nam vbi Pater meus  
est, ibi spes mea, & patria mea, portio mea in  
terra viventium. Vade vade cor meum, ad DEVM  
tuum, ad amorem tuum IESVM. Ecquid vis agere di-  
utius in huius pectoris mei cloaca ? vade, vade Cor  
meum, vade ad DEVM tuum, tam dulcem, tam pi-  
um, tam amabilem ! nonne anima mea, ibi debet esse,  
Cor tuum, vbi est thesaurus tuus ?

O amor meus ! ô DEVS meus ! ô mellissimum o-  
sculum, & amplexus dulcissimus, ô indissolubilis con-  
junctio, ô pabulum, suauissimum, ô inflammatio in-  
centiuæ, non amplius, non amplius possum viuere si-  
ne te. O conflagrem ! ô liquefam amore DEI mei !  
ô vti nunc nunc possem præ amore Domini mei  
IESV ! ô anime mi quis te adeo beatum efficiet, vt con-  
fessum ex hac ærumnosa vita, aut morte potius euo-  
les in DEVM !

Age bone IESV dulcis amor cordis ! educ vincitum  
amore tuum animam debitum charitatis tuæ triumphū.  
Videant te oculi mei dulcis IESV, videant te, & hic  
moriar, vt te fruor ! Ne patiaris me diutius præ tui  
amore & desiderio languere & diu interire.

Eodem



## Eodem Die Meditatio Secunda:

## De Aeternitate.

*Praefud.* 1. Statue te cum S. Dauide cogitante dies antiquos & annos æternos in mente habente, atq; infige diligenter cordi tuo; quid sit æternitas.

*Praefud.* 2. Pete humiliter, vt felicem & beatam æternitatem promereri possis.

*Punctum* 1. **C**onsidera, quid sit æternitas! an duratio nunquam fluens, semper præsens, perpetuum aliquod hoc, vel an circulus cuius centrum semper & peripheria est nunquam! an rota quæ perpetuò voluitur & quiescit nunquam! an oceanus sine fundo, littore, termino & fine!

2. Cogita, quid sit damnatorum æternitas? an mors semper reuiuiscens, & vita semper moriens? an ignis viuacissimæ flammæ nunquam extinguendæ? an vorago profundissimæ aquarum semper ardentium? an triceps cerberus omni tempore latraturus! an vermis continuò rodens & nunquam moriens! an Basiliscus mortifero oculo! an Draco ignitis vâceribus semper nocens & nunquam interimens,

3. Quære: quid æternitas vtrorumq;? O exoptata Beatorum æternitas! ô exoptata cælum patria! ô detestandum exilium damnatorum! Quam placet ista Chanaan perpetim manans lacte & melie! quam displicet illa Ægyptus repleta absinthio & felle! Eugene fortunata ter & amplius filia Syon! Væ væ ter & amplius filia Babylonis misera.

4. Considera quam diu hi & illi? semper & nunquam! nunquam & semper! durabit ignis in itygio sepulchro semper, torquetur semper, extinguetur nunquam. Hi dilatato corde lætabuntur in cubilibus suis semper.

semper. Illi præ angustia Spiritûs gementes latrabit in antris suis semper. Verbo tam diu durabit æternitas, quàm diu DEVS erit DEVS.

5. Ingemisce & desce maledictam damnatorum æternitatem, quorum vnica erit in tota æternitate occupatio, sine fine, sine termino ejulare, rugire, flere, in igne sulphureo torqueri, dentium stridore concuti, præ desperatione finis malorum suorum, æternum ardere.

6. Obi animo omnes miseras animas, & damnatos omnes, illosq; alloquere: quot secula vobis hic cum alijs contubernalibus restant transigenda? quàm diu erunt velti cruciatus? an non videbitis Dominum in æternum in terra viuentium?

7. Interroga Dominum IESVM, an non sanguine suo has infernales flammâs mitigabit? an non Diuino suo cruore ardorem hunc sempiternum post myriades seculorum extinguet? nunquid in æternum projiciet DEVS: respondebit tibi: In inferno nulla est redemptio. Damnatis jam non possunt prodesse vel integra lacrymarum effusa maria, nec sanguis Martyrum, & ipsius Christi licet infiniti valoris in cruce effusus.

8. Inquire ex anima tua, an non detestabitur vitam suam tam pessimè traductam? an pro momentaneo, quod delectat, eliget æternum quod cruciat? an pro vnica gutta consolationis præeliget mare ærumnarum & æternæ plorationis!

9. Computa vires tuas an poteris habitare in æternum cum igne devorante & ardoribus inferni sempiternis? an poteris exul esse à DEO, æternum exorari cum damnatis DEVM blasphemare Sanctos ejus?

10. Resolue te pro commissis peccatis tuis ad maximam



ximam penitentiam. Dehderavt ex oculis tuis sanguineæ erumpant lacrymæ, vt cor tuum præ immani dolore scintillet, ita vt hic vultum amantissimi Patris toties offensi deprecari possis.

*Actus Contritionis.*

**I**ustissime DEVS, qui fieri potest vt æternitatem mihi mineres, penarum, neq; tamen iustitiæ tuæ metum extorqueas à durissimo corde meo? an nondum apprehendo, tametsi fornacem videam æternum arsuram, quantus peccati sis hostis, & quam enorme sit delictum, te offendere Dominum vniuersorum?

Quis fieri potuit vt tanta insania nidularetur in corde meo, vt vivere auderem, vel momento duntaxat, vnico tibi inimicus? neq; momento tantum, sed & mensibus & annis integris perstiti in hoc miserabili statu, nihil interea immemor veterum mearum deliciarum; & quamuis tot peccatorum grauatus pondere, somnum tamen capio quietissimum.

O insaniam omnium, quæ vnquam occupauere hominis animum, insanissimam! merebar dum plerumque sententiâ, ad emendationem vsq; meam tam diu dilatâ, merebar equidem, fateor, sed tu Clementissime DEVS bonitate tua malitiam meam superâsti; age igitur, ne dedignare, diutius etiam sufferre me. Eū vinctum me, & captiuum Diuinæ misericordiæ tuæ; qui me fugitiuum tanto labore quæsiuisti, ne repellas supplicem à pedibus tuis, ah! ne reijcias animam, tam carâ tibi emptam.

Largire fortitudinem, vt fugiam peccatum, quod ducit ad damnationem, da gratiam, vt timeam infernum qui separat à te, timeam æternos cruciatus, dele sanguine tuo sententiam, quâ toties damnari debui ad infernum. Sic ergo his omnibus liber

ber, velut vitium bonitatis tuæ trophæum, misericordias tuas in æternum cantabo.

*Actus Deprecationis.*

**O** Infinitè misericors DEVS! si tu me efficis, quis me recipiet? si tu me despicias, quis me aspiciet? Et quid proderit mi dulcis IESV, Majestati tuæ pro me tam humiliter exinanitæ, si me in æternum à facie tua projectum & exclusum in abyssum inferni æternis gradibus cruciandum tortoribus?

Cujus utilitatis erit ineffabile pretium tui sanguinis adeo pro me abundè effusæ & quomodo mors tua morte mortua erit, cum tartarus deglutiens imaginem tuam, simul in obliuionem absorbeat infinita merita tuæ durissimæ passionis, & animam igni inextinguibili destinatam à tua beatissima præsentia perpetuò separet.

Quomodo relinques ô Pastor bone ouiculam tuam solam in terra horroris & vastæ solitudinis, inter leones, vrsos, & tygrides infernales? poterisne vocem spernere ballantis hujus miseræ ouiculæ & fugientis ad te?

Nunquid mi IESV cognoscentur in tenebris mirabilia tua, & iustitia tua in terra obliuionis? Nunquid narrabit aliquis in sepulchro misericordiam tuam? nunquid iratus fueris, misericordiæ nunquam recordaberis? nunquid hæreditatem tuam delebis, & claudes ora te cænentium? nunquid facies hominem, quem creasti ad laudem tuam, gaudium sempiternum inimicis tuis?

O Pater misericordiarum! ô DEVS æternæ consolationis! qui non lætaris in perditione peccatorum, sed magis vis ut conuertantur & vivant: en habes ad thronum misericordiæ tuæ prostratum supplicem, cui vnicum hoc pro totius vitæ gemitu relictum est.  
Peccaui!



Peccavi! & heu petulantissime iram tuam. Tibi soli peccavi o Pater benignissime! mereor mille infernos. Non habeo unde solvam: mea satisfactio est tuus sanguis.

Non auertas bone IESV faciem tuam ab hac animâ mortis æternæ affecta doloribus, quam non auertisti ab ijs, qui eam sputis & colaphis malè tractarunt. Noli benignissime IESV filij tui licet prodigi in æternum obliuisci, quia in manibus tuis descripsisti me. Noli in æternum à facie tua creaturam & opus manuum tuarum repellere: utiq; Domine nihil horum odisti quæ fecisti. Hic potius vr̃e, hic castiga, vt in æternum parcas.

## FERIA SEXTA.

### Meditatio Prima.

#### De Passione Domini.

*Pralud.* 1. Statue tibi ob oculos cordis, IESVM totum lividum, sanguinolentum, vulneratum, dilaniatum, de cruce pendulum, & discriptum in toto corpore.

*Pralud.* 2. Roga Dominum IESVM, vt ex ipsius laboribus, sumptibus, & sudoribus, vberes fructus colligas.

*Punctum.* 1. **C**ONsidera, quis & qualis pro te patitur? Dignitate DEVS & homo! Quid mirabilius! quid horribilius! quis vnquam cogitavit simile! potuitnè vitâ mori! DEVS flagellari! potentia DEI funibus ligari! imago æterni Patris conspui! D E V S deniq; nudus inter duos latrones suspendi!

2. Quære: quid & quanta patitur? Tam magnas

tam multa, tam ignominiosa tormenta passus est, in vrbe Orbis principe in oculis innumeræ multitudinis, post tot miracula, in tenerrima corporis constitutione omni genere immanissimo suppliciorum. Fuere tanta, vt Angeli pacis amare planxerint, tanta vt rupes scissæ, cælum, terra, omniaq; elementa trepidarint.

3. Pro quo patitur? Non pro diuinissimis illis Spiritibus Cherubinis aut Seraphinis, sed pro hominibus vilissimis: pro te in particulari luto & cinere: pro suo inimico: pro te abiectissimo & ingratisimo homuncione: te damnationis æternæ reo: te nequam & prodigo filio.

4. Quo tempore incepit Christi passio? Duæ fuerunt Christi cruces, vna spiritualis, quæ à primo instanti conceptionis cepit: altera corporalis, cui principium datum in præsepio. Spiritualis Crux consistebat in continua tristitia interna, quam causabat, viua futurorum vulnere & mortis crudelissimæ apprehensio: priusq; Christus ab amore, quàm ab odio crucifigi voluit.

5. Quare patitur? nulla illi patiendi necessitas, non quòd indigeat nobis, vt potè se ipso felicissimus, non quòd accedat quidquam aut detrahatur, si vitam aut damnationem æternam incurramus. Patitur ergo ex solo amore, pietate, misericordia, vltro, sponte, alacriter.

6. Tunc demum dulce cum IESV tuo institue colloquium: Quid facis bone IESV! nos mori debuimus, & tu soluis! nos peccauimus & tu luis! quæ non rapuisti reddis! Opus sine exemplo, gratia sine merito, charitas sine modo.

7. Deinde admirare effusissimam ipsius in redemptione & passione liberalitatem & dic: Quæ tua mi  
IESV



IESV humanitas & liberalitas? vna guttula non dico cruoris sed sudoris, ad redimentum vniuersum mundum, & mille alios, si extarent, sufficeret: & tu non guttam sed torrentem sanguinis tui effundis?

8. Reuoca tibi in memoriam illa verba amoris plena Christi Domini ad S. Gertrudem prolata: Vide quomodo crucifixus sum amore uestri, quomodo pendeo nudus, despectus, toto corpore vulneratus, per singula membra distentus! & adhuc te ita amo, vt si aliter salutem consequi non posses, vellem iterum mori pro te. Et si fieri posset, vt toties morerer, quot sunt animæ in inferno, ego promptissima voluntate corpus meum traderem, eandemq; passionem pro qualibet anima sustinerem, quam sustinui pro omnib<sup>9</sup>

9. Cogita nunc atq; delibera; Quo ille dignus sit? quid tu illi debeas: quid retribuisti Domino tuo pro omnibus quæ tribuit tibi!

10. Erubescere & confundere, quod tanta tamq; indigna mala pro tantis bonis & donis retribuas: quod tantis ejus arumnis, malitiâ tuâ & perditione causam dederis: quod illi compati & crucem tuam tollere nolis.

### Pro Colloquio.

#### *Actus Contritionis.*

**O** IESV pro me crucifixe! quantorum ego tibi dolorum causa fui! verè languores meos tulisti bone IESV & dolores meos portasti! O IESV! ô amor! vix pro justo quis moritur, tu pro inimicis & pro iniustis mortuus es? O ardentissima charitas! ô quam suauiter vis! quam fortiter trahis in funiculis Adæ & charitatis? vulnerasti Cor meum IESV mi vulnerasti Cor meum: vtinam amore tui mori possem & viuere tibi!

O me ingratus hominē! quid pro his omnibus reddidi tibi? pro tantis beneficijs tanta reddidi mala! pro his omnibus toties tam grauit̃ contra te benignissimum Patrem ego ingratus filius, contra te supremum Principem, ego rebellis seruus: contra te DEVM & Redemptorem meum ego ingratus & vilissimus terræ vermiculus insurrexi: toties sanguinem tuum a peccatis meis conculcaui: iterum atq; iterum te in crucem adegi: tot animas tuis vehementissimis doloribus & pretioso Sanguine emptas occidi!

O Zelosissime & profundissime amator & Pater animæ meæ, induo & superinduo sicut diploide faciem meam, confusione peccatorum meorum, Sto pudore plenus ante te. Et non me mouet ad confusionem & dolorem horrendus infernus, quia offendi te, non me mouent acerba vincula & æterni gehennæ cruciatus! Tu me moues mi DEVS! non me mouet cælum, quod propter peccata mea amisi. Mouet me, quod videam te totum excarnificatum, & in toto corpore discerptum. Mouet me Caput tuum Spinis coronatum. Mouet vultus tuus sputis, alapis, & liuore deformis. Mouent manus & pedes clauis saucij. Mouent me opprobria, & mors tua, & Sanguis tuus, & ita mouent, vt si non esset infernus vllus, & si nullum esset cælum, tamen peccata mea detestari & execrari amore tui vellem.

O si vel nunc tota abyssus ingentium aquarum recipiatur sinu cordis mei, illamq; effundam in signum doloris mei! O si præ acerbulo dolore omnes guttæ sanguinis mei mutantur in lacrymas, aut lacrymæ mutantur, in sanguinem, quia toties ausus sum contemnere O bone IESV pretium sanguinis tui.

O si etiam daretur in me vnicum æterno prius in te amo-



te amore donatum, & in eo confirmatum omnium damnatorum & damnandorum pœnas colligi & acernari, sic vt cæteri omnes qui modò impiè calcant pedibus suis tuum sanguinem, te Saluatorem suum laudarent, & nullus omnino non amaret, qui potest amare! profecto mi IESV non diceres amplius, iustè conqueſtus, quæ utilitas in sanguine meo?

*Actus Compassionis.*

**Q**uis mihi hoc tribuat, vt pro te moriar amantissimè IESV? tuas angustias considerans in me ipso deficio, & præ dolore, exanimis efficior, dum te pro me tanta mala sustinere conspicio. Quid fecisti Domine? quare pro me vilissimo ascendisti crucem? & quid sum ego putredo & vermis, pro quo tu Dominus omnium debeas sic affligi?

Quare talem mi IESV commutationem fecisti, vt, dares vitam pro morte, veritatem pro vanitate, gratiam pro malitiâ, & gloriam pro miseria? Nonnè meliùs erat mi bone IESV, vt non essem, quàm vt factus te occiderem? & cur carnes meas non lacero præ dolore? aut quomodo me omnis Creatura non occidit, qui tui occasio tuæ mortis?

Nonnè mirabile videtur me cogitare, te tam nobilissimum & benignissimum Dominum pro me vilissimo mortuum, & non statim deficere præ nimia tristitia? O Frater dilectissime & primogenite, tristitiâ nimia affecte, quomodo ego frater tuus, si hujus tristitiæ tuæ conicius non contritor! O IESV benignissime, qui pro me angustatus & afflictus es, flagellis laceratus, & terribili morte peremptus, quomodo ego filius tuus, si hæc videns mærore non consumor! O Sponse dulcissime pro me tantâ amaritudine plene, quomodo ego Sponsa, si tuam amaritudinem non participo?

Morior

Morior mi IESV, morior, nisi videro in manibus meis fixuram clauorum tuorum, & in pedibus meis cicatrices & vulnera pedum Sanctorum tuorum. Morior mi IESV nisi videro pectus meum tuâ lanceâ transuerberatum, & Caput meum tuâ spinea Coronâ redditum. Certè mi dulcissime IESV nolo viuere sine vulnere, quia te totum pro me video vulneratum.

O cur crucis illius loco non fui, vt tu Domine mi fuisses manibus meis & pedibus conclauatus! certè illi Ioseph ab Arimathæa dixissem: non auferas IESVM à me, sed mecum illum sepelias, & deponas in sepulchro.

### Eodem Die Meditatio Secunda.

#### De penis Purgatorij.

*Prælud. 1.* Descende viuens in purgatorium, domum flammaram ingentium, lacumq; intuere maximum & ardentissimum, ac ibidem intuere hominum myriades, & inter illos Principes, Prælatos; Sacerdotes, Religiosos, plebeios conspice.

*Prælud. 2.* Pete lumen, vt agnoscas, quàm sit intensus ignis purgatorij.

*Punctum. 1.* **C**onsidera, quia panæ purgatorij tantæ sunt, vt S. Augustinus dicat: *Ignis durior est purgatorij, quàm quidquam in hoc seculo panarum videri, excogitari, aut sentiri potest* Ser. 42. de Sanctis. Et S. Thomas 3. p. q. 46 a. 6. asserit panis Martyrum omnium, imo ipsius Christi Saluatoris cruciatibus esse acerbiores panas purgatorij.

2. Quære ob quam causam, hæ animæ, creaturæ nobilissimæ, genus electum, gens Sancta, tantas & tam atroces patiantur panas? Ideo, quia etiam stipula, etiam sanum in iudicium & panam veniunt: 2. Cor. 3.

*Etiā*



*Etiam de Serbo otioso reddetur ratio in die iudicij Mat. 12, Etiam minutissima cogitatio diuinis oculis discussa non placuit. S. Gregor. 21. Homil.*

3. Tunc demum imaginare, quod videas ignea in flammis purgatorij corpora, lacrymas, quas fundunt ignes esse.

4. Postea adorare sulphureum illum & terribilimum odorem, & gulta quam amarus sit calix punientis  
D E I.

5. Deinde si quam illæ flammæ animam extulerint ad conspectum tuum, percunctare: cur tot annis in igne deuorante & ardorib<sup>9</sup> sæuissimis misera permaneat? certe respondebit tibi, vt ille Paraliticus, qui 48. annis iacuit ad Piscinam Probaticam: *Domine hominem non habeo?* qui me è loco isto moueat.

6. Insuper inspicie mentis oculo, quantus sit in animis illarum dolor & mæror. Vt clamant querulæ: *Quia lumen cæli non video!* quia à DEO meo centro & ultimo bono meo, tam diu arceor & exulo!

7. Gratias age nomine animarum purgatorij, Diuinæ bonitati, quod temporaliter in illas igne & pænis aduerfat, ne in æternum igne gehennæ puniat.

8. Opta tibi tantam felicitatem. O si Diuina misericordia te etiam hoc igne purgatorij dignaretur! O si hic potius vreret, hic secaret, vt in æternum parere possit.

9. Excita in te desiderium, quod velis ex corde animas purgatorij tanquam ardentes stipulas lateri Christi aperire ad mouere, vt ex illo cœu limpidissimo fonte guttæ Sanguinis, aut aquæ stillæ bullientes effluant ad extinguendum, vel saltem mitigandum ardorem purgatorij.

10. Pete gratiam, vt totum vitæ tuæ tempus bene & fructuose impendere possis, & pro peccatis hic satisfacias

facias; ne cogaris ibi soluere usq; ad nouissimum quadrantem.

*Actus pro defunctis.*

**R**espice pie Pater de sede magnitudinis tuæ, ad miserandas animas in purgatorio detentas. Respice pænas & cruciatus, quibus tam miserabiliter torquentur. Considera gemitus & lacrymas quas ad te fundunt: audi preces & supplicationes, quibus misericordiam tuam implorant, & esto propitius peccatis eorum.

Offero tibi Pater Clementissime animam dulcissimi Filij tui IESV cum omnibus ejus actibus, & animas omnium sanctorum & sanctarum, vt è pænis liberentur Electi tui.

Offero tibi pie Pater IESVM flagellatum & crucifixum, & Sanguinem ejus in terra effusum, IESVM morientem & lacrymantem pro omnibus peccatis animarum purgatorii, quæ vnquam perpetrarunt, ac pro illarum negligentijs, offero tibi feruentissima ejus desideria: pro omissionibus bonorum operum, offero tibi ejusdem meritum abundantiam.

Demum pro omnibus pænis quibus obnoxie detinentur, offero tibi omnes pænitentias, jejunia, vigilas, orationes, labores & afflictiones, vulnera, liuores, passionem & mortem, quàm innocentissimè & promptissimè Filius tuus sustinuit.

Insuper offero tibi misericors **D E V S** venerabile **SACRAMENTVM** in omnibus templis per vniuersum mundum, omnia Sacrificia jam peracta, & ad finem seculi peragenda, omnia Martyria, omnia vota & obsequia iustorum, quæ tibi dant gustum, vel quæ tibi placuerunt, & in æternum placebunt, omnem pænitentiam, mortificationem, jejunia, vigilas, & omnia merita totius militantis Ecclesiæ.



Ecclesiæ. Et offero hæc omnia pro peccatis animarum purgatorij, humiliter obsecrans, vt per hæc, libertatem vel saltem leuamen pœnarum consequantur.

## DIE SABBATHI.

## Meditatio Prima.

*De beneficio vocationis.*

*Prelud.* 1. Constitue te coram DEO totaq; cælesti Curia, & cogita quantâ tecum Dominus misericordiâ vsus est, qui te cum paucis, alijs, imò paucissimis respectu multorum ex prædestinatione, vt speras, vocauit ad Religionem Sacram.

*Prelud.* 2. Pete lumen cæleste, quo clarè cognoscas beneficium vocationis tuæ, & ad quem finem vocatus es.

*Punctum* 1. **R**euoca tibi in memoriam in quantis periculis versaberis viuens in seculo, commemorando peccata tua, occasiones, & misérias, in quibus ceu in limo profundo haerebas.

2. Perpende, quanto in periculo versentur ij, qui sceleribus implicati viuunt in seculo, vel qui gratiam similis vocationis acceptam deseruerunt. Quis hoc effecit, vt ab illis auulsus ad portum securitatis peruenires?

3. Considera, quomodo singularem beneuolentiâ, familiaritatem, & intimos amores SS. TRINITAS exhibet castis & à mundo auulsis. Nam tota anima sanctificante gratia nobilitatur, Deiq; filia electa dulcissimis affectibus DEVM semper intra se complectitur. Deinde gaudent Religiosi; quia nomina in eorum scripta sunt in libro vitæ. Imò jam corde in cælo fixa gaudia prægustant. Tanta hæc est exultatio, vt Xaue-  
rios exclamare cogat: *Satis est Domine, satis est.* Et

Antoni

Antonijs, Micarijs, Bernardis, breues dulcesq; reddat  
 votas insomnes noctes cum DEO transactas. Verissi-  
 mè S. Aug. *iustis non subtrahuntur delicia, sed commu-  
 tantur illicitæ in licitas, fluxa in solidas, fæda in puras.*

4. Commemora, quid S. Bernardus dicat de Cella  
 Religiosi ita ille : Cæli & cellæ Religiosi habitatio  
 cognata est : à celando enim cælū & cella, nomen habe-  
 re videntur, & quod geritur in cælis hoc in cellis Quid  
 enim aliud est hoc? vacare DEO & frui DEO? à cel-  
 la sæpè in cælum ascenditur, rarò à cella in infernum  
 descenditur.

5. Adora Dominum in illo loco, in quo tibi pri-  
 mum data gratia efficax ingressus in Religionem. Itē  
 in loco, in quo vestem Religiosam assumpstisti : vota  
 & Professionem fecisti.

6. Gratias age Sancto Religionis Fundatori, quod  
 te inter suos adelegerit, cum tu millies indignus fu-  
 eris hâc veste Religiosa, indignus omni gratiâ, & cæ-  
 lestibus inspirationibus.

7. Inculca & argue te coram cælo & terra : O si hoc  
 medium salutis alij haberent, vocationis scilicet bene-  
 ficium, quàm Sanctè illo vterentur ! Hoc enim cor-  
 di tuo aité imprime, quia dum vinci te à sæcularibus  
 in seruitio DEI permittis, cadit sæpius  
 super te ipsius Christi sententia. Auferetur à  
 vobis regnum DEI, & dabitur genti facienti fructus  
 ejus. Multi venient ab oriente & ab occidente, & re-  
 cumbent cum Abraham, Isaac, & Iacob in regno DEI,  
 Filij autem regni ejicientur in tenebras Sic in die judi-  
 cij dicet multis Christus, qui in nomine ejus multas  
 virtutes fecerunt : Nescio vos, recedite à me operarij  
 iniquitatis.

8. Interoga te ipsum : quoties Religionem Sacram  
 tuâ



tuâ pessimâ vitâ diffamasti? quot à te neglectæ inspirationes Diuinæ? quot occasiones DEO seruiendi præteritæ? quàm exigua talentorum à DEO concessorum, temporis pretiosissimi, consiliorum piorum, & exemplorum bonorum cura?

9. Plange itaq; super te, quia te plangunt Angeli, te plangunt guttæ sanguineæ Christi, plangunt lacrymæ Sancti Patris tui, quia peccasti, & mali illius quod commisisti, penitentiam non egisti, quinimò grauius in Religione deliquisti.

10. Protestare de tua fidelitate & emendatione, quòd velis in posterum sanctius in Religione viuere, & diligentius vota emissâ obseruare, continuo ad perfectionem debitam aspirare.

### Pro Colloquio.

#### *Actus Contritionis.*

**O**bstupesco Domine! quomodò amplius sustineas conspectum meum, cum sim creatura tibi tam ingrata & rebellis. Profectò Domine ego sum vilior peccator omnibus reprobis, & credo neminem tam longè vnquam à te recessisse, quàm ego recessi per mea flagitia. Imò credo si maximi quicq; peccatores mundi habuissent talia auxilia, qualia ego à te accepi, maiore sinceritate cordis & festinatione ad te redituros. Latrones ipsi & sacrilegi perfectius tibi Domine famularentur, si eos, tot vt me affecisses beneficijs & vocasses.

Ideo, prorsus me indignum reputo, mi Domine, vt tibi seruiam, tuq; exaudias orationes meas, indignus sum hac veste Religiosa, indignus omni gratiâ Indignus sum etiam, cum tibi sim inobediens & refractarius, qui habitem inter tuos seruos, à quibus si pro me-

ritis

ritis me tractare vellent, nihil aliud audire me oporteret, quam contumelias & conuitia.

Quin etiam procul amandari me conueniret à confortio tuorum seruorum, ne fortè putredo abominabilem vlcerum, & vitiorum meorum quenquam illorum infeiat.

O IESV mi Clementissime! en grauissimus peccator, seruus tamen tibi mille votis mancipatus, recurro cum fiducia ad pedes tuos, summoq; cum dolore animi meam ingratitude & malitiam acculo, confitendo omnia peccata, præcipue in Religione commissa; quorum me summo opere pænitet.

Nihil inferni, mi dulcis IESV, timor, neq; amittendi cæli metus in detestatione scelum meorum loci habet. Solus ante oculos meos: Tui amor obuersatur. Non aliam doloribus oppressi cordis propter iniquitates meas reperio causam, quam quia te IESV amo.

Largire quæso Domine vt omnia peccata in posterum longè a me fiant: & quamuis ego naturâ non possim esse impeccabilis, saltem ô bonitas infinita, fac mihi hanc gratiam, ne vnquam mortaliter peccem. Deinde fac Domine, vt locovitiarum in me imprimantur omnis generis Sanctæ virtutes, quod totum tibi cedat in gloriâ, gratiarû actione, & salutem animæ meæ.

*Actus Amoris DEI.*

O Fons amoris perpetui bone IESV, quid dicam de te? quomodo potero tui obliuisci, qui mei dignatus es recordari, etiam postquam perij? quis hoc misericordissime Domine effecit, vt cum ego in peccatis mortuus & sepultus jacerem me tua gratia excitaret? Quid feci ego? quid merui? nihil; sed vox sanguinis tui ô IESV: ô IESV! clamauit ad Patrem, & inueni gratiam



gratiam in oculis eius, & venisti, & sustulisti me, ex medijs periculis.

O altitudo iudiciorum & magnitudo miserationum tuarum! quot homines interea in medio peccatorum suorum cursu subita morte sunt abrepti, qui nunc miserè torquentur in inferno! quid factum fuisset de me, si tu me tunc ad strictum euocasses tribunal? quis cum ego dormiebam, pro me deprecatus est?

Quidin me dulcissime IESV inuenisti obsequij, vt tantum rependeres præmij? quid in me vidisti amplius, quàm in alijs quos reprobasti? Toto vitæ meæ tempore te non cognoscebam, te non amabam, abyssus eram iniquitatis & tenebrarum; & tamen tu mi IESV super huiusmodi peccatore dignum duxisti aperire oculos tuos.

Benedictus sis Domine IESV in illo primo intuitu ad peccatricem animam meam, & cum in tota collectione animarum nullam indigniorem haberes, quam respiceres, in eam tamen indignissimam respexisti. Benedictus sis Domine IESV in hoc triumpho bonitatis tuæ de Te ipso, in quo tam magnificè, & gloriose triumphauit de te Bonitas & misericordia tua. Laudent te Domine omnes Sancti tui, quia respexisti super vnum canem mortuum.

Quomodo ergo mi bone IESV non exaltabit te anima mea pro tantis miserationibus tuis, omnibus diebus vitæ meæ? quomodo non tota se euiscerabit exinanietq; in dilectionem bonitatis & charitatis tuæ? O DEVS meus! ô dulcis amor meus! hoc tibi de me certum esse velim, quòd abhinc tam firmâ, tamq; constanti voluntate statuerim te diligere, vt etiam si mihi nihil vnquam, neq; in hac, neq; in altera vita, boni cõferre velles, imò si in hac vita omnibus ærumnis, pæ-

nis & cruciatibus, & in altera vita supplicij æterni me afficeret, nihilominus amare te velim, & ex intimis cordis mei medullis tibi servire.

Eodem die. Meditatio Secunda.

*De Cultu Magna DEI Matris.*

*Pralud.* 1. Statue te in conspectu Pretiosissimæ DEI Parentis Virginis MARIÆ

*Pralud.* 2. Petas vt pretiosissima DEI Parens, tibi sit Domina, tu autem illius sis seruus, & mancipium.

*Punctum* 1. **G**ratulare Beatissimæ, quod sit ætatis vinculis alligata affinitatis & consanguinitatis cum Diuinissima Trinitate. Est enim Filia Patris æterni: est Mater Filij DEI: est Sponsa Spiritus Sancti: est templum SS. Trinitatis.

2. Gratulare ipsi de illo gustu & complacentia, quam habet SS. Trinitas de hoc singulari opere suo.

3. Exulta, quod DEVS amet Beatissimam super omnia opera sua.

4. Gratiage DEO pro electione hujus Virginis in Matrem, pro conjunctione Virginitatis & Maternitatis.

5. Adora in B. Virgine relucens DEI Puritatem, Sanctitatem, Sapientiam, Misericordiam &c.

6. Gratulare, duo dona soli Beatissimæ propria: donum Virgineæ Maternitatis diuinæ, & donum Immaculatæ Conceptionis.

7. Congaude illi, quod sit Domina, & Regina totius vniuersi & omnium creaturarum: creaturas autem omnes & singulas illius esse subditas ejusq; mancipia. Quia enim Filius ejus est verus DEVS, & ideo absolutus rerum Dominus, omniaq; ei subiecta naturaliter fiunt: inde consequenter; Mater hujus DEI



ae Domini omnium, est etiam naturaliter omnium Domina, & omnia ejus mancipia.

8. Cum tota Ecclesia ages gratias DEO pro omnibus donis naturæ, gratiæ, & gloriæ, pro omnibus fauoribus & priuilegijs, super omnes Sanctos Beatissimæ à DEO collatis.

9. Protestare coram DEO quòd gloriæ ipsius integritatem redimere, augmentumq; illius procurare cupias, etiam cum tui ipsius jactura, in quantum id gustui diuino conforme esset.

10. Exulta & gaude, quòd Beatissima (teste S. Anselmo) sit Aduocata, Patrona, & Mater nostra, *tam pia, tam potens, et omnem ad eam conuersum & ab illa respectum impossibile sit perire. Imò nullus est, qui saluus fiat, nisi per hanc Sanctissimam: nemo est qui liberetur a malis, nisi per hanc purissimam: nemo cui caleste donum conferatur, nisi per hanc charissimam*, inquit S. Germanus.

*Affectus varij erga B. Virginem.*

**E**minentissima DEI Mater & Virgo, adoro Te cultu Hyperdulciæ, cum tota Ecclesia, tanquam Matrem DEI & Dominam mundi.

Saluto te in vnione amoris & per Cor dilecti Filij tui, atq; omnium te amantium dicens cum S. Mechtilde: Ave ex Omnipotentia Patris: ex Sapientia Filij, ex Clementia Spiritûs Sancti, dulcissima Virgo M. A. R. I. A. cælum & terram illuminans,

Saluto te eo affectu, quo salutat te Æternus Pater, tanquam Filiam suam: eo affectu quo te salutat Verbum æternum, tanquam suam Matrem: eo affectu, quo te salutat Spiritus Sanctus tanquam suam Sponsam.

Saluto te, eo affectu, quo te salutauerunt Sancti, qui ante nos fuerunt, quo te salutant nunc, & salutabunt

bunt ad tempora Antichristi. Saluto te & omnibus Salutationibus, Sanctorum omnium, tota æternitate duraturis.

Pretiosissima DEI Parens, amo te post DEVM super omnia: quia DEVS super omnem puram creaturam amauit & amat te; quia omnes ciues cæli amauerunt & amant te; quorum amore amo te.

Tantum te diligo, dulcissima DEI Mater, vt si ego solus possiderem omnium Electorum gratissima corda, libenter illa omnia amoris tuo impenderem.

Agnosco te & recipio, dignissima DEI Mater, in Matrem & Dominam meam, meq; Tibi in filium & mancipium perpetuum offero.

Monstra, ô MARIA, te veram esse mihi Matrem, ama me vsq; in finem, & fac vt te redamare totis visceribus cordis mei contendam.

Accipe ô Serenissima Regina, & Domina mea, accipe jam ex hac hora possessionem absolutam & perpetuam mei.

Tibi tuoq; seruitio, omne tempus, quantum possum dedico: & opto momenta singula illius conuersti in æternitates, quibus Tibi inferuiam.

Doleo, quod hætenus non seruierim Tibi vt debui. Pœnitet me, quod tibi aliquando ingratus fuerim ô dulcissima Domina mea, confundor, quod nihil dignum huiusq; honore tuo fecerim.

Vtinam, vtinam omnia momenta uitæ meæ pro maxima gloria tua impendissem, & seruiissem Tibi corde perfecto.

O Mater dilectissima, de filiis tuis semper sollicita, accende nostrum in te affectum, vt te Matrem nostram ex corde veneremur, diligamus, & colamus.



## CAPVT VI.

De pænitiâ, vera salutis semita,  
quâ homo ex regione longinqua ad  
DEVM & salutis viam reuertitur.

**I**n tenere trium dierum Israelitæ ad montem DEI O-  
reb profecti sunt, vt sacrificarent Domino DEO. Vi-  
ator postquam reuertitur ad viam salutis æternæ, &  
vult contritioni operam dare, veluti quodam itinere  
tridui pergat in desertum ex Ægypto, & de Pharaone  
& exercitu ejus triumphabit. Huius tridui, spiritua-  
li intellectu, dies primus est contritio, secundus con-  
fessio, tertius satisfactio.

Motiuâ ad maturam & seriam conuersionem  
Viatoris ad D E V M.

1. *Incertitudo mortis.*

**D**EVS pænitentibus promisit veniam, sed peccan-  
tibus spatium pænitendi non promisit. Quotidie  
efferuntur cadauera ea sunt iuuenes & senes, audis &  
legis, ille hodie occubuit gladio, ille ceruicem fregit,  
ille somnum produxit in mortem, alijs peste, fulmi-  
ne, latrocinio interijt. Quid si & tuam hac nocte, hac  
die, repetent animam à te? Quot millia hominum  
delusit ista spes, aut potius ista præsumptio? an nunc  
in inferno positi sunt, mors depascit eos; præcisa e-  
nim est velut à texente vita eorum, dum adhuc ordiri  
viderentur. Omnem ergo diem crede tibi diluxisse  
supremum, ac vltimum, & cum mane fueris, puta te  
ad vesperum non peruenturum,

Considera diligenter, quia continuò veloci cursu  
pergis

pergis ad æternitatem nullo termino concludendam, & finiendam, & audes vel vno momento manere in statu peccati mortalis? in quo si moriaris, in puncto descensurus es in infernum! cur non recogitas, quia, si in statu peccati decesseris, habitabis infelix in igne deuorante & ardoribus sempiternis? quia totus DEVS vacabit ad pœnas tuas, & vacabit per omnem æternitatem suam, vsq; ad inferni nouissima, vsq; dum compleat inebrierq; sagittas furoris sui iustissimi in te. Computa vires tuas, num poteris sustinere irruentes super te montes vindictæ DEI!

Quod si nunc sub tuum conspectum ex infernali abyssu (DEO ita iubente) infelix ille Christi discipulus, aut alius ob vnicum solum peccatum mortale damnatus raptaretur, catenis oneratus igneis; quem si huiusmodi compellares verbis: Expone Iuda quoniam & quamdiu tui erunt cruciatus? quos secula tibi cum tuis contubernaliis pro diluendo tuo peccato restant ibidem transigenda? cruciatus nostri reddet ille, sunt acerbissimi. Vos in plumis stertitis, nos in flammis æternas vigilias agimus, vos ridetis, nos dentibus stridemus, vos gulæ litatis, nobis pix & sulphur propinatur.

### 2. Passio Christi Domini.

Vide durum & impenitens cor, vide Christum Dominum pro peccatis tuis in cruce erectum, nudum tot scurrarum risui & blasphemijs inimicorum expositum! caput immiti spina ad cerebrum vsq; peroffum, & ad mortis imperium incuruatum, sub quo altra tremunt. Vide pectus diuinorum ignium officinam lethali frigore contractum languere, & manus ac pedes attritis Clauis ligno affixos, totum Virgineum corpus vnum prope vulnus factum.

Intuere



Intuere illum ipsum, qui cum DEVS esset, propter te DEVS homo factus est, & propter eundem te, prope non homo, sed hominis figura, specie & decore amisso. O quale spectaculum porrigit oculis tuis Golora! in medio Palæstinæ.

Inspice vulnera pendentis, sanguinem morientis, pretium redimentis. Caput habet inclinatum ad osculandum, cor apertum ad diligendum, brachia extensa ad amplectendum. Et his non moueris vt peccata deferas? quamdiu ludes & illudes sanguini Christi tui? Christus innocentissimus Saluator, pro te in acerbissimis cladibus ac doloribus suis, in infami ligno medius inter latrones pendet, & tu ingrederis in domum tuam, domum infelicis gaudij, domum improbæ voluptatis, vt comedas & bibas, & dormias, atq; indormias peccatis tuis?

Moueatur te amor boni IESV & ad eum reuertere. Crudelis es, si fructu laboris sui IESVM tuum defraudes, frustra pro te mortuus est. Sanguinem suum serie de manu tua requiret, & tota passio Christi stabit contra te ad maiorem damnationem tuam.

3. *Pœnitentia sera, rarò solet esse vera.*

**T**alis pœnitentia vsq; ad mortem dilata sapius ex parte pœnitentis non est vera; quia talis pœnitentia non est voluntaria, & consequenter non est meritoria. Ratio quia si mors nunquam veniret, aliqui ex pœnitentibus nunquam pœnitentiam facerent. Hinc S. Augustinus ser. 36. Age pœnitentiam dum sanus es, si sic agis, dico tibi quia securus es: quia pœnitentiam eo tempore egisti, quo peccare potuisti: si vis pœnitentiam agere, quando iam peccare non potes: peccata te dimiserunt, non tu illa. Et iterum. Ipsa est res, quæ multos occidit, cum dicunt cras, cras, & subito clauditur

clauditur ostium, Remansit foris cum voce coruina, qui non habuit gemitum columbinum.

Quia licet pœnitentibus venia, non tamen perinde etiam pœnitendi gratia promissa est, vti rectè Hugo de S. Victore cum alijs aduertit dicens: Ego scripturam audio dicentem, quia *in quacunq; hora ingemuerit peccator, saluus erit.* Ezech. 33. Non dicit bi duo, aut biennio ante mortem si ingemuerit, sed in quacunq; hora ingemuerit, saluus erit. At verò paulò post subiungit: Nec tamen sub hac spe securè tibi peccandum est, propterea quod in fine, si conuersus fueris, salus tibi promittitur. Nam quamuis etiam tunc venia tibi, si verè pœnitueris promittatur, non tamen tibi, vt tunc verè pœnitere debeas promittitur, valde difficile est, vt tunc vera sit pœnitentia.

Deinde omnes SS. Patres, & sapientes viri talem procrastinationem disuadent. De quo motiuo sic discurret Dionysius Carth. a. 2. de couer: peccat: In omni materia acquiescendum est prudentibus, & expertis in illa materia. Cum ergo ipsemet Dominus noster IESVS Christus, Sapientia DEI Patris, & magni consilij Angelus, & vniuersi Sancti ipsius Apostoli, & Prophetæ, & Sancti Doctores hanc pœnitentiæ dilationem omninò disuadeant, concorditer reprobent, ac vehementer condemnent, certum est, quòd stultissimum & iniquum sit, pœnitentiam sic differre.

Dionysius Carthusianus, de quo dam defuncto scribit, illum ex diuina dispensatione alteri apparentem, ad nostram eruditionem, in memorabilia hæc prorupisse verba: *O cras, cras! quàm longam mihi restim fecisti, & in barathrum mortis me procrastinando traxisti!*

In vita Thomæ Mori, Regni Anglicani Magni Cancellarij



cellarij, & Martyris; sequens impij cujusdam legitur exemplum, in tom. 1. l. 2. c. 13. operis, quod mortales peccatorum pessimæ, intitulatur, his verbis recensitum: Rogabant amici amicè hominem, vt maturaret ad meliorem mentem redire, sed responsum aliud non tulerunt, quàm plenum illud vanissimâ præsumptione, cùm migrandum hinc fuerit, tribus se verbulis DEVM ad clementiam expugnaturum, & cælum exoraturum. Verùm res aliter cecidit, cùm enim postea equitando transiret in ponte fluuium, & improuidum pedem equus impingeret saxo, vnâ secum festorem Herum in subiectam aquam effudit. Iam miserando casu præcipitabatur eques, cùm subito, vbi periculum animaduertit, sensitq; intra fluctus non sicca se morte occubiturum, contentissimo nisu clamauit tria nouissima verba. Et quæ illa? vtq; quibus salutem, & astra momento vno apud DEVM impetraret, quemadmodum iactauerat non semel, facturum se in vltimo vitæ discrimine? Dixit itaq; cum Regio Vate: Miserere mei DEVS: aut illud, Tibi soli peccaui, vel cum publicano: DEVS propitius esto: sed heu; de sceleribus suis, de cælo, de DEO altum seruauit silentium, illud vnum ingeminauit: Rapiat omnia dæmon. Ita miserum sua memoria destituit, & cum deberet in eo casu tria salutis verba dicere, tria desperationis protulit, tractus inter vortices ad eum, quem vocibus vltimis compellauit.

Insuper sciendum est, quis talis procrastinatio, seu impenitens cor peccatoris numerum peccatorum à DEO ad reprobationem prædefinitum citius implere facit, vt sentit Mansi disc. 19. n. 7. Nam certum est, DEVM vnus cuiusq; omnes enumerasse passus & gressus, quibus à diuinorum præceptorum suorum semi-

ta deuiauit, dicente patientiæ speculo: *Tu quidem gressus meos dinumerasti.* Paulo post clariùs inquit: *Signasti quasi in sacculo delicta mea.* Diuina enim iustitia, certum quendam limitauit peccatorum præfixum numerum, ad quem usque tolerare uult impium, solum uitæ ipsius detruncaturus, mox ut ad illum peccatorum numerum, impius peruenierit. Vnde apud S. Iobum Spiritus Sanctus ait: *Vsq; huc uenies, & non precedes ampliùs, & hic confringes tumentes fluctus tuos:* Cum igitur, ad quem usq; peccatorum numerum, DEVS nos expectare decreuit, ignoremus, meritò de vno quoq; peccato, quod futurum sit ultimum, timendum nobiserit.

4. *Seria cogitatio post uitam penarum.*

**Q**uia paucitas dierum nostrorum finietur breui, ibimus vel cum Electis in uitam æternam, ubi omne bonum: vel cum reprobis in supplicium æternũ, ubi omne malum. Habitatio reproborum paucis describitur à misero ejusdem loci incola diuine Epulone Luc. 16. *Est locus tormentorum.* Est locus cadauerosus, reterrimus, ubi fætor, squalor, illunies, putredo: *Ille dabit ignem, & Vermes in carnem eorum, Et Crantur & sentiant usq; in sempiternum.* Iudith. c. 6. Ibi damnati quærent mortem, & non inuenient eam, & desiderabunt mori, & fugiet mors ab eis. Apoc. c. 9.

Ibi oculi atrâ torquebuntur caligine, continuo videbunt formidabiles dæmones, horribilia spectra, videbunt serpentem illum antiquum, colubrum tortuosum, Asmodæum cruentum, Bæmot illum immanem & Leuiathan, cuius (teste Iob c. 41.) *sternutatio splendor ignis*, de cujus ore procedent lampades, & de naribus fumus.

Quid auris? continuo damnatorum aures punientur



nientur infelicissimis gemitibus, ululatibus, terribili bestiarum rugitu. Nihil aliud ibi audietur præter maestum illud *Væ*. Ah! in quo incondito cantu tanta erit vocum confusio, tantus stridor, tantus quiritatus, in tenebricosa illa cauerna, ac si scissis vndiq; nubibus horribilium tonitruum frangores vndiq; resonarent.

Quid odoratus? Hæc Arabia infelix, quos odores exhalat? quantus tot dæmonum tot damnatorum erit fætor? vel vnus sufficeret inficiendo cuncti vniuerso! quid è tot cadaverum putrescentium aceruo, è sulphuris Oceano, ex obscenissimo illo volutabro, vbi monstra illa putida in stercorebus suis volutantur.

Quid gustus? linguæ sitientissimæ & aridissimæ etiam guttula vnica aquæ negabitur. Cibus & potus eorum erunt vna fellis & botri amarissimi, fel draconum vinum eorum, & venenum aspidum insanabile.

Quid tactus? jacebunt in igne vt vasa sordium fetidissima, vt bufones flammei, monstra turpissima, hædi fetentissimi colligati, continuò cremabuntur corpora. & in proprio adipe frixæ libidines bullient.

Hæc omnia prudentissimè considerans ita completur S. Greg. apud Mansi disc. 22. n. 8. Dum recognosco Iob sedentem in sterquilinio, Ioannem esurientem in eremo, Petrum pendentem in patibulo, Iacobum decollatum Herodis gladio, cogito, qualiter DEVS in futurum cruciabit, quos reprobat, qui ita dure affligit quos amat. Si cum intimis amicis sic agitur tempore gratiæ, quid hostibus fiet tempore vindictæ & iustitiæ?

5. *Momentaneum est quod deletat, æternum, quod cruciat.*

S. Anctus Gregorius interrogatus, quomodo iustum sit, vt culpa, quæ cum fine perpetrata est, sine fine puniatur.

puniatur? Respondet: Hoc rectè diceretur, si districtus Iudex non corda hominum, sed facta pensaret. Iniqui enim idèò cum fine deliquerunt, quia cum fine vixerunt, nam voluissent utiq; si potuissent sine fine vivere, ut potuissent sine fine peccare. Ostendunt enim, quia in peccato semper vivere cupiunt, qui nunquam desinunt peccare, dum viuunt. Ad magnam ergo iustitiam iudicantis pertinet, ut nunquam careant supplicio, qui in hac vita nunquam voluerunt carere peccato.

Similem rationem assignat S. Bernardus ep. 253. cur peccatum in hac vita commissum & præteritum, æterno subijci debeat supplicio; dicit enim: Ob hoc procul dubio inflexibilis & obstinata mentis sumitur æternaliter malum, licet temporaliter perpetratum, quia quod breue fuit tempore, vel opere, longum esse constat in pertinaci voluntate. Illa namq; contumacia, & mentis obstinatio, qua cum peccator in hac vita DEVM offendit, nisi illam in hac vita corrigat, in perpetuas æternitates incorrigibiliter perseverabit.

Qui enim in peccatum mortale propria voluntate labitur, se in eum statum iniustitiæ redigit, ex quo proprijs viribus erui nusquam in æternam poterit: unde ex hoc ipso quod vult peccare, vult consequenter in peccato per totam æternitatem manere. Quare iustè à DEO peccator, non solum ob actionem peccati, sed præsertim & ob voluntatè in peccato permanendi, quæ in æternum protenditur, pænâ interminabili & æternâ plectitur.

At verò non pauci requirent, quâ ratione pænâ æterna dæmonibus & alijs damnatis iustè infligatur, cum illorū peccatum fuerit quasi momentaneum? Respondit S. Thomas in suppl. q. 99. a. 1. Pænâ peccati taxatur



ter secundum dignitatem ejus, in quem peccatur: unde majori pena dignus esset, qui percuteret a lapâ principem ac regem, quam si cuiusq; alteri privato hanc injuriam irrogaret. Atqui siue diabolus, siue homo mortaliter peccans; contra DEVM infinitæ majestatis & excellentiæ peccat, ejusq; honori summam (quantum in ipso est) infert injuriam, dum in creatura per peccatum finem vltimum constituit. Ergo infinita pena dign<sup>9</sup> est. Cum autem creatura, quæ in se finita est penam secundum intensiorem acerbioris infinitæ ferre non possit, pena secundum durationem temporis infinita illi subeunda est, quæ proinde jussu à DEO illi infligitur.

Quædam obseruanda ante Confessionem Sacramentalem.

1. **D**ispertire totum tempus à nouissima Confessione in certa spatia, tum menses, hebdomadas, & dies singulos percurrere, qualibus cogitationibus, verbis, & operibus usus fueris, quibus te peccatis contaminaueris: quibus cum personis, quo loco

2. Postea institue comparationem inter DEVM & te ipsum, inter opera ejus & tua.

Quis peccauit? Ego quoddam phantasma, horror, & factor, & pene nihilum. Ego fons malitiæ, sentina prauæ concupiscentiæ. Ego vermis terræ vilissimus, damnationis æternæ pridem reus, sponsa adultera.

In quem peccaui? In DEVM Creatorem, summum bonum, amorem infinitum. Peccaui filius rebellis in optimum Patrem, seruus infidelis in benignissimum Dominum. Vilis & abjecta creatura in Conditorem vniuersi. Peccaui in eum, cui Angeli seruiunt, cui omnes creaturæ obediunt, illi ego solus fui refractarius.

Quid

Quid peccando feci : Animam meam interemī, & ad infernum detrui : Chirographum meæ fidelitatis conscripsi dæmoni: ex corde meo Angelos exturbavi. Heu ! quis vnquam crederet, ipsum Spiritum Sanctū à me expulsi, & libellum repudiij dedi DEO.

Cur peccaui? Ob res caducas & vilissimas, propter obscenam voluptatem, pro luto & cinere. Sine metu, sine horrore peccati, in præsentia DEI, acsi vnus idoli, quo tempore à DEO. conseruabar, & beneficijs obreuebar.

3. His peractis, imaginare tibi SS Angelos te fūgere, contra te intigare. Ipsam B. Virginem, te vltra pati non posse, SS omnes te abominari.

4. Insuper concipe affectum adhuc maioris timoris, quia ipse DEVS te detestatur, ac iratus præcipit, ne coram eo vltra compareas, ne ipsius ampliùs creatura dicaris.

5. Deinde conuertere ad cor tuum, illudq; de duritia sua increpa, quòd nihil tot considerationibus emolliatur. Inuoca contra illud in testimonium cælum, terram, elementa, & creaturas omnes. Sicq; coram illis conquerere, Cortibi esse lapideum.

6. Post hæc tunde pectus tuum perseverans in oratione & compunctione, brachia in modū crucis componens, imaginem crucifixi intueri.

7. Ad extremum humi prostratus cum gemitu cordis plera clamans: O Domine pietatem, lacrymas, contritionem, misericordiam, & veniam humiliter efflagito, qui veniam publicanis, meretricibus, latronibus, prædonibus non denegasti. Ne patiaris me diutius præ contritionis desiderio languere aut interire.

Premunt cor meum mala, quæ non sum verecundatus facere in facie cæli. Video ah me ! auersum  
tui



tui mi DEVS irati vultū. Heu! heu! quis me liberabit à perditione mala hac? quis placabit vindicem DEVM? Plorans plorabit anima mea, gemens sub pondere peccatorum.

Quid tamen faciam? Pater ego rebellis ac prodig<sup>o</sup> filius, Patri recalcitraui, Domino non seruiui, Creatorem non agnoui, imò offendi, cælo excidi, terra sub ingrato pondere meo gemit, expecto donec me dehiscat infernus.

Ah! damnum, filij ego titulum prorsus deperidi! sed an tu Patris? tu tamen Pater es, qui facis oriri solē super bonos & malos. Aperi igitur piissime Pater, aperi neminem despicientes oculos tuos! vide indignum quidem visū, tamen filium ad te? Pater recurrem, audi confitentem? Peccaui coram cælo & terra & te Pater! Non amplius tamen non amplius, malo millies mori, quam te offendere, hic sit terminus delictorum meorum,

### Ante Confessionem.

#### *Actus Contritionis.*

QVis dabit? ô bone IESV, capiti meo aquam, & oculis meis fontes lacrymarum, vt diebus ac noctibus rigare possim stratum meum rugiens à gemitu cordis mei? Exitus aquarum deducite oculi mei, operiat confusio faciem meam, deficiat in dolore vita mea & anni mei in gemitibus; quia offendi DEVM meum! Patrem meum! ego rebellis seruus.

O anima mea! dic mihi, quid tandem illa bonitas, illa Majestas, illa misericordia fecit tibi? aut in quo vnquam contristauit te, responde mihi? Cur inebriaui te dulcis IESV absinthio, qui mille benedictionibus

dictionibus dulcedinis præuenisti me? Cur me tibi DEO meo ego improbus & rebellis opposui?

Fierinè potuit mi IESV, vt credens ego te ad iracundiam prouocarem, in re vilissima & momentanea & pudenda, & despicerem te, & lacrymas & vulnera & sanguinem tuum? O caput mille dignum inferis! si pro vno delicto infernum, pro tot, quot infernos promerui? Quot scelera tot onera, tot vincula, tot debita sunt, quibus dissoluendis, nec si memetipsum vendam, satis sum.

Cur terra tam diu sceleratum pondus portas tanti patiens flagitij? Cur non aër pro Conditore tuo contra tam insensatum mille pugnas fulminabis? Cur mare non mille concitas tempestates in me Iona multo nocentiorum? Cur non omnis creatura in me armata peccatorem adeo impudentem in Orcum præcipitat.

Væ mihi quia peccaui! Væ mihi quia DEVM, & Sanctos contra me prouocaui, iram tremendi Iudicis in me concitaui! Quis eruet me de manu potenti, & brachio extento contra me?

O quam bonum erat si natus non fuisset, neq; enim vitam mihi dedisti, vt te offenderem DEVS meus: vtinam prius repentina morte extinctus fuisset, quàm te o IESV offendissem! Quàto suauis flammis infernalibus in gratia tua arderem, quàm extra gratiam paradiso gauderem!

Quid tamen grauissimus & ingratisissimus peccator faciam? en ad tuos Sanctissime IESV pedes pronus confugio. Hi sunt afflicti & contriti cordis mei solatium, Abhinc juro & statuo custodire iudicia iustitiæ tuæ. Malo millies mori, quàm te offendere. Vtinam nunc omnia corda, omnium lacrymas haberem! omniū

cor.



cordibus, omnium lacrymis peccata deflerem! cum neq; sic sufficerem, offero tibi Pater dolorem & lacrymas Filij tui. Aspice in Filio, quod condones & propitius seruo.

*Effusio contriti & humiliati cordis.*

**O** Pater amantissime! ejus ego unicum terræ monstrum ob gravissima facinora mea non sum dignus vocari filius, qui Patrem in inferis elegi sceleribus meis, aperio tibi abyssū peccatorum meorum.

Tentarem Domine flumine lacrymarum abluere scelera mea, sed non nisi cruor amantissimi mei IESV lixivium peccatorum est. In inferno nequitiae meae descriptae sunt, ideo non guttam aquae, ut ille dives a Patre Abraham, sed guttam sanguinis Christi postulo, ego dives & locupletissimus, ac plenus omni iniquitate.

Hæc verò mea petitione ô Pater misericordiae nolo fraudare justitiam tuam, sed volo deprecari bonitatem & Majestatem tuam. Non deprecor amissionem cæli, non deprecor supplicium inferni: sed deprecor offensam tuam, nec ardere metuo, sed peccasse doleo.

Quinimò optarem in ipsum infernum descendere vivens, ne amplius vultus tuus horrendis peccatorum meorum spectaculis lædi possit.

Sed quanta arrogare audeo? an in profundo inferni sub pedibus Luciferi aut Iudæ collocabor? an sub pedibus ejus, qui alapam IESV dedit? an expectabo præcipitium Antichristi? an ad januam inferni collocabor, ut omnes introeuntes me dilacerent & pessumdent? nihil horum! cum ego non infernum sed novos millies ac millies infernos commertus sim! Ac proinde indignum me censeo etiam societatem dæmo-

te dæmonum ac damnatorum, quia mihi soli infernus vilior & atrocior præparandus esset, quia ego omnium peccatorum maximus!

Ego sum opprobrium naturæ, pudor generis humani! si in te Creator dignissime verecundia aliqua cadere posset, nullius rei te puderet, nisi quòd tam horrendum & abominabile monstrum conserues in mundo, ut meæ culpæ me fecerunt.

Quin & ipsis dæmonibus dedecori sum, & à sua societate infernali meritò me repellerent. Nam licet illi peccauerunt, non tamen experti erant tantam misericordiam DEI: non peccauerunt contra DEVM, qui pro ipsis crucifixus fuit, qui se ipsum dedit in cibum. At ego peccaui! Ergo indignior & deterior sum Lucifero, indignior Iudà, qui nondum viderat IESVM pro se mortuum! indignior Antichristo, qui non toties experietur gratiam ut ego, indignior omnibus dæmonibus, qui semel peccauerunt.

Quid igitur miser faciam? nunquid cum Cain præcurrere contendam laqueo desperationis sententiam, quam merui æternæ damnationis? Misericordia Domine, Misericordia! Hoc solùm verbum relictum mihi est; in reliquis os meum apud te sine voce, & silentium meum loquitur tibi: Ne proijcias me à facie tua misericors IESV, & propitius sis mihi maximo peccatori. Et cum præ multitudine iniquitatis meæ loqui non audeam, gemitus meos & lacrymas cordis mei intellige misericordissime Domine.

*Breuior Actus Contritionis.*

**H**eu mihi! heu millies dicam! peccaui! super numerum arenæ maris multiplicatæ sunt iniquitates meæ! non est peccatum super peccatum meum



meum! non est iniquus super iniquitatem meam. Indignus sum miserationibus tuis Domine, sed misericordia tua superat malitiam meam.

O IESV Fili DEI viui miserere mei, & propitius esto mihi peccatori, quia tibi nihil impossibile est, quàm miseris nolle misereri.

O Pater misericordiarum! patientiam habe in me, & omnia reddam tibi, non de meo, sed de pretio Sanguinis Filij tui.

O dulcis IESV, quia te amo, detestor omnia peccata mea, supra quidquid detestabile & execrabile est, & si possem de illis infinito dolore, semper dolerem.

O DEVS meus! summa bonitas omnium creaturarum, tuoq; ipsius amore infinite digna, doleo quòd tam impudenter te offenderim; doleo, non quia timeo, sed quia amo. Si sanguine meo fieri posset, ut non sis offensus; ecce me, discerpe me, paratum cor meum. Si tormentis inferorum deleri possit, ecce me: nullum est, quod non merui; nullum, quod amore tui non praeligo peccato quod tantopere odisti.

O si omnes præteritos dies, horas, momenta pro maxima gloria tua impendissem mi DEVS! ô si ex corde perfectò tibi toto vitæ meæ tempore seruiissem, te intensissimè amàssem! ô pretiosum tempus non amplius rediturum!

*Hic peractis omnibus, perge cum omni compunctione ad pedes Confessarij, tanquam ad pedes ipsius Christi Domini. Erubescere & confundere ad tanta facinora; quæ cum summo dolore confiteberis,*

Ad quodcunq; peccatum, quod profers, putate videre venenosissimum bufonem egredi per os, ex visceribus cordis tui,

Postea

Postea persuade tibi, te cernere Angelos imò ipsam Angelorum Reginam, tibi congratulantem & applaudentem.

E contrario aspice aduersariorum tuorum rabiem, qui tanquam maximâ clade affecti, & optimâ prædâ spoliati, præ inuidia, rabie, & furore rumpuntur.

*Actus post Confessionem.*

**O** DEVS meus! ô misericordia mea! quis sum ego homo miser & miserabilis, vt memor sis mei, imò vermis sum ego & non homo, omnium malitiosissimus & ingratusissimus. Et dignum ducis super huiusmodi peccatore aperire oculos tuos; & vel semel respicere de summo calorum? Quis hoc effecit ô Sponse animæ meæ, quia me ingratusissimum hominicionem, me vilissimum terræ vermiculum, tam benigne respexisti, ad penitentiam vocasti, & in gratiam vt spero ac in dilectionem tuam recepisti?

Quoties verò ô inexhausta bonitas in ipsis peccatis morti me in spoliū permittere potuisses, & æternum perdere, & hucusq; tamē conseruasti? Et nunquid millenæ animæ in igne inextinguibili jam ardent, æternūq; ardebunt; & minorum, & pauciorum, quā ego scelerum reæ? & ego nondum ardeo toties læsæ reus Majestatis?

O Domine! quā diu habitus erit in ore meo, misericordias tuas in æternum cantabo. Benedicam te Dominum meum in omni tempore, semper laus tua in ore meo, qui propitiaris omnibus iniquitatibus meis, & sanas omnes infirmitates meas, qui redimis de interitu vitam meam, & coronas me in misericordia & miserationibus.

Quis ergo me ampliùs separabit à te ô bone  
IESV.



IESV ! an diabolus ? an caro ? an mundus ? an tribulatio ? an voluptas ? an mors ? nihil horum cum gratia tua mi DEVS ! O vtinam nunc mi IESV opere monstrare possim, quod abhinc sincerè te ex toto corde, ex tota anima, & ex totis viribus amem ! vtinam meus amor in te adæquet omnium Seraphinorum, omniumq; Electorum in cælo & in terra ardentissimum amorem, Vtinam prius moriar in gratia tua, quam vel vñco iterum peccato te offendam.

Quod verò mi DEVS ! ad dignos pœnitentiæ & satisfactionis fructus faciendos, ex mea parte vel intermissum, vel imperfectè peractum, obsecro mi IESV amantissime, suppleant tua vulnera, suppleat tuus Sanguis, tuæ lacrymæ, tua mors, suppleant merita totius triumphantis & militantis Ecclesiæ.

## CAPVT VII.

### Praxis Sacræ Communionis.

*Ambulauit in fortitudine cibi illius usq; ad montem Dei Oreb. Exod. c. 3.*

Obseruanda ante Sacram Communionem.

1. **E**Rige primò mentis oculos ad cælum, & puta te videre DEVM Patrem innumeris circum Angelorum millibus, & ex ejus latere B Virginem filium infantium in gremio suo gestantem.

2. Prouolu te pedibus Virginis Beatissimæ, & obsecra, vt pro te supplicet, quatenus per manus ejus dulcissimum IESVM accipias. Puta eam primo quidem congressu, repulsam pati propter peccata tua ; at post multas preces tui gratiâ prolatas, cum tandem placare.

3. Audi quomodo DEVS ob amorem Matris Mariæ, & preces illius, tibi polliceatur filium suum.

4. Exulta. & gratias age vtrique, quod Imperator totius vniuersi descensurus sit in pauperulam domum tuam, eamque inhabitaturus.

5. Admirationem tantum DEI erga te amorem, tam effusissimam humanitatem & liberalitatem.

6. Æstima Sacerdotem esse Angelum DEI, qui à manibus B. Virginis suscepturus sit speciosissimum Filium ejus, eumque de cælo susceptum tibi porrecturus.

7. Eo puncto, quo tibi communicandum est, puta tibi ab Angelis referari cælos; Christum à throno suæ beatissimæ Matris suæ plenum Majestate & gloriâ in occursum tuum descendere; his te alloquentem: En adsum anima dilecta! En ego ipse ad te venio! Quid desideras amplius? quid ultra requiris?

8. Eja summâ animi demissione invita Christum Dominum, & pete ut his modis ad te veniat. Veni Domine cum patientia, ut sustineas grauissima facinora mea. Veni cum humilitate, quia homo inops & pauper sum ego. Veni cum liberalitate, ut me donis tuis munificentissimè dites. Veni cum dulcedine, ut eorda nostra in imbres lacrymarum resoluas. Veni cum charitate & amore, ut postotos ad tui amorem accendas, inflammes, & comburas.

9. Dum tibi Sacerdos Angelico adiutus ministerio porrigit verum DEI Filium, imaginare te os applicare lateri Christi, & Sanguinem ejus pretiosum exugere Vel considera te videre puerum speciosissimum radijs splendidissimis circumfusus, vndique Angelis circumdatum Cogita te fieri tunc templum Spiritus Sancti, & tabernaculum totius SS Trinitatis, præcipue verò sacrarium quoddam Filij DEI.



*Actus timoris & humilitatis ante Sacram**Communionem.*

**O** Amor vim patior responde pro me! quid dicam DEO vitæ meæ? ô amor quò tuam inclinas Majestatem? unde mihi vt tu venias de templo sancto gloriæ tuæ? DEVS de DEO? & quo? ad me speluncam latronum, serpentum habitaculum, cloacam fetidam, vas contumeliæ toties sedatum, licet toties in sanguine tuo lotum! ad me leprosam & fornicariam Sponsam, quæ pro dilectione odium, pro beneficijs maleficia reddidit!

O amor quò ducis fontem Sapientiæ? stupet cælum mirantur Angeli, certè vsq; ad abyssum miseræ & malitiæ! Quis credat mi IESV, eo te in amore progressum, vt mihi mortuo cani & prodigo filio ad te reuerso des carnem tuam & sanguinem unde comedam & bibam? ô flos campi! ô lilium conuallium! ô panis Angelorum! quomodo factus es pabulum bestiarum? Ideonè Domine venies ad me, quia te amorem summum toties peccatis meis calcaui, spreui, & crucifixi?

Quæ pars animæ meæ munda est, in qua te potero sepelire? quid os meum nisi sepulchrum patens, de quo nihil præter factores peccatorum meorum procedit? quid cor meum, nisi spelunca & abyssus iniquitatis? An forte Domine vis iterum in stabulo nasci bestiarum? an denuo vis ad inferos descendere?

Non sum dignus Domine IESV, vt intres sub testum meum, cordialiter tibi dico, dico millies: vnde quaq; mi IESV conspectu tuo sum indignissimus, Indignissimus, quia sum vas sordidum, esca vermium, putredo & cinis; Indignissimus sum ob execranda facino-

ra, nequitiam & malitiam meam. Indignissimus sum ob abusum naturæ & gratiæ, Ipretum sanguinem tuum, tuam diuinam Clementiam pessumdaram. Indignissimus sum ob peccata, quæ præuides DEVS meus me in posterum commissurum.

Ergo nec oculos, nec cor audeo leuare Pater Sancte, quia peccaui nimis in cælum & coram te, quia omnibus peccatoribus, ac ipsis damnatis deterior sum. Exi a me Domine quia homo peccator sum. Non expedit hanc pretiosam cæli gemmam ante porcum proijcere, Et non est Domine bonum sumere panem Angelorum & mittere canibus.

Scio tamen mi IESV quia etiam catelli edunt de micis, quæ cadunt de mensa Dominorum suorum. ideo & ego miser & indignus catellus tuus Domine, pedes tuos sacros lambens, corpus tuum esuriens & sanguinem sitiens clamor post te: Da mihi dulcis IESV amor meus micas panis viui, qui de cælo descendit, ut refocilletur anima mea.

*Resolutio.*

**F**lat mihi amor mi IESV secundum verbum tuum. Iam veni Domine IESV, ingredi benedicte Domini, quid foris stas, & perstas. Attollite portas Principes vestras, & eleuamini portæ æternales. portæ cordis mei. Ecce enim introibit Rex gloriæ. Hæc est porta Domini, & Sanctus Sanctorum intrabit per eam. Paratum tibi cor meum IESV, paratum cor meum.

Exurge igitur gloria mea, mi IESV, exurge psalterium & cithara mea, mi IESV. Iam veni mi IESV, & noli tardare. Tibi dicit cor meum, Domine IESV veni, facies mea requirit te & vultum tuum exquirat. Audeo & aueo dulcissime IESV recipere te, habere te, possidere te, vesci te, conjungi tibi, concorporari tibi.

*Tedi.*



*Tadium.*

Vsquequo Domine dulcissime amor mi IESV, tenes animam meam, & non venis ad eam, ecce jam tædet ipsam vitæ suæ. Domine descende, festina, veni, priusquam moriatur vita mea in me, & antequam extinguatur lucerna spiritus mei. Odiosa est mihi omnis quies sine te, omnis dulcedo amara, omnis consolatio insulta est, longa est mihi omnis mora, aut tolle me, aut veni ad me.

Vbi est expectatio mea, vbi est Dominus meus, vbi est qui dicebat: Ecce venio cito? O Domine! quovsq; modicum, modicum expecta, quovsq; istud? Expecto ecce modicum, iamq; transit, & tu non compareres. Ades Domine, ades, desidero te millies, moriatur sine te, ueni, ostende mihi faciem tuam. Ades mi IESV, ades oculus, & tadium cordis mei præsentia tuâ releua, nolo Angelos, nolo quidquam tuum, te volo, tu veni.

*Fames.*

Caligant ecce oculi mei præ inedia dulcissime Amor IESV, & non est tibi curæ, fames oppressit animam, & tu non venis? O vbi es qui dicebas! Caro mea vere est cibus, sanguis meus vere est potus. Quomodo verò est, quando non est? aut si est, cur & non mihi? Fameſco & non cibas me, sitio & non inebrias me.

Ecce ostenduntur mihi cibi, sed quia non tu, non verè cibi. Nolo illos, tuum cibum, te cibum volo, arderunt fauces, substantia mea redacta est in nihilum, & tu o cibus meus non venis, das escam omni carni in tempore opportuno, ego autem cur hic fame pereor? Nunquid sanguinem taurorum, aut hircorum bibam?

Aut si esuriero, cui dicam, si non tibi, cuius est orbis terra? O DEVS! qui pascis me à iuuentute mea, da mihi panem hunc vitæ supersubstantialiæ quotidianæ, vt mortem non gustem in æternum.

*Inuitatio Christi.*

O Sancti DEI omnes, ô S. Angeli, ô diuinissima Mater MARIA, nunc saltem adeste & operam vestram non denegate! Abite ad Sanctissimum hoc Sacramentum, & Dominum vestrum, Amorem meum, quâ scitis, & solentis reuerentiâ, pro me adorare, & ad cordis mei habitaculum inuitate. Adoro te, dulcissime IESV, adorationibus Sanctorum, & adorationibus Sanctorum Angelorum, & adorationibus beatissimæ tuæ Matris, & eas in æternum continuo.

Inuito te ad cordis mei domunculam, tibi desideratam, apertam, & pro paupertate mea paratam, veni igitur ô Sanctissimū Sacramentum, veni amor mi IESV, venite merita, gratiæ, dona, gloria, beatitudo. Veni amor mi IESV ad seruum tuum, ad domum tuam. En cor meum area est, materia est, tu architectus es, omnipotens es Verbum, omnia creans es. Vis palatium, vis mundissimum, vis te dignum, ædifica illud & erit.

Veni mi IESV, veni milles, veni, fuge Dilecte mi, formose mi, veni vnice mi, columbule mi veni, veni similis capræ hinnuloq; ceruorum, Veni saliens in montibus, transiliens colles, veni ascensor cælorum, ascensor Cherubinorum, qui ambulas super ventorum pennas, veni, en te desidero, veni, te concupisco, veni tui amore langueo, veni mi IESV, veni & desiderium meum imple, implendo auge, vt plus te appetat, te habeat, te habere in æternum gaudeat.

*Affectuose*



*Affectuosa aspirationes ad Christum susci-  
piendum.*

**O** Mi suauissime IESV! anima mea ardet, æstuat, flammescit in te, tota se exerit, quanta quanta est, tota ignescit & ebullit in te, deficit in te vsq; ad languorem & deliquium.

O amoris dulcedo! ô vnicum centrum cordis mei! manducet te anima mea, & omnia interiora mea dulcissimo suauitatis tuæ liquore repleantur.

O vita & totum bonum meum! non possum viuere amplius sine te. Desidero te IESV mi intime frui, da vt te comprehendam. Anima mea corpus tuum concupiscit, cor meum tibi vniri desiderat.

Quid dicam? quo vadam? vbi te mi IESV inueniam? quis renunciabit dilecto, quia amore langueo? Ibo & ibo plorans quæram quem diligit anima mea. Vbi es dilecte mi? vbi requiescit cor tuum? vbi latet amor meus?

Vbi es ô speciose IESV præ filiis hominum, odorem tuum haurio, te autem non video? cur faciem tuam abscondis? an ideo quia dicis: non videbit me homo & viuet? Eja Domine moriar vt te videam, videam vt hic moriar!

Pacifica mi bone IESV spiritum meum ad inhærendum tibi iubilosis excessibus anhelantem. In te enim est totum, quod desiderare possum, tu salus mea & redemptio, tu spes & fortitudo, tu decus & gloria, tu diuitiarum thesaurus & possessio.

Cupio te suauissime IESV cum tali affectu, amore & honore suscipere cum tali fide, spe, & puritate, sicut te suscepit Virgo Beatissima.

Desidero ex corde te tractare & suscipere cum tali

deuotione, gratitudine, & amore, quemadmodum multi Sancti & deuotæ personæ te desiderauerunt in communicando, qui tibi vnquam placuerunt.

*Desiderium & inuocatio Christi.*

**O** Pater amantissime! monstra te esse Patrem! ostende mihi Filium tuum & sufficit mihi. Quid enim mihi est in cælo, & præter illū, quid volo in terra? ille DEVS cordis mei, & pars mea DEVS in æternum.

Adjuro te Mater misericordiæ & vos animæ Beata: nuntiate dilecto IESV meo, quia amore langueo, præ magno faciei ejus videndæ desiderio.

O mi IESV suauissime, spes suspirantis animæ, te querunt piæ lacrymæ, & clamor mentis intimæ. Desidero te millies. mi IESV quando venies, me lætum quando facies? Quemadmodum desiderat Cereus ad fontes aquarum, ita desiderat anima mea ad te DEVS. O IESV: ne patiaris me diutius præ tui amore & desiderio languere aut interire.

Alij alia querant, te solum ego mi IESV quero, te solum mi IESV desidero. Hoc millies dicam, hoc millies repetam: DEVS meus & omnia! Quid enim possum extra te desiderare cum in te sint omnia? nimis auarus est, cui tui non sufficis.

Veni obsecro Domine & noli tardare. Veni, descende priusquam moriar ō vitæ meæ vt viuam. Desidero te millies in quem desiderant Angeli prospicere, cujus pulchritudinem sol & luna mirantur.

Veni Domine in domum tuam, templum tuum animam meam, quam tibi millies dedicavi & dedico toto corde meo. Absterbeat me vel nunc immensa & melliflua vis amoris tui: vt amore amoris tui moriar, qui amore mei dignatus es mori

Veni IESV mi dulcissime! IESV suauissime! vt  
quiescas



quiescas & maneat in me, vt videam te. amem te, ardeam, liquefam, consumar, & consummer in te Moriar mi IESV nisi videro te; moriar nisi gustauero, quàm suavis sis Domine.

*Iam iam accessurus dic.*

**O** Anima mea! en Sponsus tuus! en amor tuus! diuertit in pauperculum diuersorium cordis tui! En caelestis medicus accedit ad sanandum te! En amicus millies dilectissimus ditare vult extremam paupertatem tuam! En sol amabilissimus illuminabit densissimas tenebras tuas. O pietas! ô bonitas! ô misericordia mea! O vtinam mi IESV nunquam te offendissem! vtinam te semper & vnicum amassem.

Veni ergo bone IESV! Veni Sponse animæ meæ! Veni ad me & ne spernas pauperculam animam meam, Veni ô vnice amor meus! O IESV dono tibi cor meum, animam meam, corpus meum Paratum cor meum DEVS, paratum cor meum.

*Affectus in sumptione Corporis Christi mente & corde ardentissimo exercendi.*

**D**ominus meus & DEVS meus: Quid mihi & tibi ô IESV Fili MARIE Virginis? O res mirabilis manducat Dominum pauper seruus & humilis! Quis sum ego seruus tuus, quoniam respexisti super canem mortuum similem mei?

Iam quod quæsiui habeo, quod concupini teneo, DEVM meum possi teo, & summo bono gaudeo, cur jam corde non ardeo? Quàm panis hic dulcissimus, & verè suauissimus, plùs millies gratissimus, quàm dicere sufficimus.

O Pater dono tibi cor IESV? ô IESV dono tibi cor

cor MARIÆ, dono tibi cor meum licet indignissimum! O IESV osculor Vulnera tua, osculor pedes tuos! O IESV amo te ex toto corde, utinam non meo, sed amore ardentissimorum Seraphinorum.

Aue dulcissime IESV amor meus! aue dulcedo cordis mei. Aue venerabiles manus pro me cruci affixæ. Aue latus speciosum pro me vulneratum. Aue cor sanctissimum mei IESV. Moriar mi IESV moriar, inter desideratissimos amoris tui amplexus.

O IESV gaudeo de omni bono & gloriâ tuâ. O IESV omnia peccata mea & totius mundi commissa, quantum possum detestor propter te. O IESV esto mihi IESVS & Saluator nunc & in hora mortis meæ. O Domine totus sum tuus eroq; in æternum, sicut tu totus meus esse voluisti.

Observanda post S. Communionem.

1. Imaginare quod videas mentis oculis speciosissimum puerum in medio cordis tui radijs splendidissimis circumfolum.

2. Admirare tanti Hospitis apud te præsentiam! Ergone purandum est, quod vere DEVS habitet super terram? Quid! Ergone corculum meum (ô amor meus) locus est tuus, tuum templum, tua sedes, tuum tribunal?

3. Gratias age, quas potes maximas, quia ad vnum stabulum, ad vnum grauissimum peccatorem Filius DEI descendit. Inuita omnes creaturas, ad gratias ei tecum referendas?

4. Considera postea, quæ fuerint loca minus digna, quæ tamen Christus, sponte ingressus est, eaq; glorificauit. Itaq; his eum alloquere,

Æstimo Domine te hodie intrasse stabulum Bethleemiticum, in quo sunt bettiæ in domitæ & effrenatæ passionum.



passionum mearum, conuerte obsecro illud in Sacrum  
tibi palatium. Persuadeo mihi te accubuisse in præse-  
pi pleno stramine & paleis sensualitatis: conuerte il-  
lud quæso in thronum gloriæ. Agnosco te DEVM  
meum intrasse infernum totæ demonibus plenum, quot  
anima mea inquinata est sceleribus, conuerte illud  
obsecro in paradisum Angelorum,

Præterea exerce omnes actus, quos cogitatione  
concipere potes exercuisse S. Paulum raptum ad ter-  
tium cælum. Et S. Magdalenam, quando post tot  
annos pænitentiae inter Angelorum melodias Sacrum  
hoc Viaticum de manibus S. Maximi Aquensis Episco-  
pi suscepit.

6. Considera attentè, quid fecerit & dixerit B. Virgo,  
quanto cum feruore & ardore gratias DEO retulerit,  
quando sensit se grauidam DEI Filio.

7. Imaginare quod videas SS. Angelos ante SS.  
Hostiam prostratos, & eam in corde tuo adorantes.

*Actus Salutationis CHRISTI.*

**S**alue mundi salutare, Salue, Salue IESV Chare, cor-  
di tuo me aptare. vellem verè, tu scis quare. Ore  
meo te contingo, & ardenter ad me stringo, in te me-  
um ear intingo. O quàm dulcis panis iste, qui te gu-  
stat IESV Christe, tuo victus à dulcore, mori posset  
præ amore.

Salue sacer Christi vultus, cæsus, consputus, incul-  
tus, qui mutasti toum florem, pro me versus in pallo-  
rem. Salue caput venerandum, totis votis amplexan-  
dum, quod dixæ spinæ prefferunt, & vndiq; confixe-  
runt.

Aue caro delicata, flagris scissa fatigata, quæ pro  
me pergens ad lethum gustasti fel & acetum, Aue  
latus fons dulcoris, in quo patet vis amoris, te saluto  
cor amænum, cor omnibus bonis plenum, Ma-

Manus, pedes perforatos, & cruore purpuratos, corde veneror ac ore, interno ductus amore; Tuas mi IESV sacratas, & mirè vernantes plagas, nunc inscribere meo cordi, vt sim gratus tuo cordi.

Ave dulcissime & gratissime IESV, desideratissime & expectatissime, dignissime & honorabilissime. Hôspes, amorq; mi IESV, ô quàm te libenter in hac paupercula domo mea degentem video.

Benedictus sis infinites IESV dulcissime Amor meus, benedicta sit caro tua, sanguis tuus, anima tua, Diuinitas tua, quod venire dignatus es ad me. Benedicta sint omnia membra corporis tui, omnes guttulæ Sanguinis tui. Benedicta sit vnio hypostatica. Benedicta sit sacratissima Diuinitas, & omnes Diuinitatis personæ, quæ cum carne & sanguine tuo concomitantur ad me hodie venire dignatæ sunt.

*Actus Adorationis.*

**S**aluto & adoro te Augustissimum Sacramentum, adorationibus omnium hominum & Angelorum vsq; ad diem iudicij duraturis.

Agnosco te ô diuinissimum Sacramentum in pectoris mei sacrario, inibi; te totâ cordis mei præparatione adoro ac glorifico. Adoro te Corpus & Sanguis dulcissimi amoris mei Iesu Christi.

Adoro te adorationibus omnium animarum purgatorij, & omnium Sanctorum iam in cælo triumphantium & omnium creaturarum, quæcunq; fuerunt, sunt, & erunt.

Saluto te Domine illâ præcipuè salutatione, quâ te SS. Mater Incarnatum, genitum, rediuium, in Eucharistia ad se venientem solita fuit salutare. Illâ quâ te Sancti cum primû in cælum veniunt salutare solent. Illâ quâ tu Patrem Cælestem, & quâ te Pater



ter Cælestis vnaq; omnes Angeli cælum ascendentem salutauere.

Laudo & adoro te SS. Sacramentum tot laudibus, quot ore proferri, quot corde omnium hominum excogitari vnquam potuere vel possunt.

Laudo & adoro te SS. Sacramentum tot laudibus, quot Sanctissima Trinitas suâ potentiâ depromere, Sapienciâ concipere, bonitate optare potest.

O adorande & diuinis tantummodo amoribus sat digne redamande amor meus, inassumo, etiam omnium creaturarum possibilitium adorationes, & amorosos affectus, omnesq; illos ante te amor meus Iesu dulcissime, plenâ hilaritate effundo, eosq; omnes tibi impendo, & affectum hunc in omne momentum & æternitatem continuare cupio, ac quantum possum continuo.

*Actus Gratiarum actionis.*

**Q**uid retribuam tibi Domine IESV pro omnibus quæ tu tribuisti mihi? quomodo te non amabo dulcissime Hospes, amorq; mi IESV, aut potius quomodo amabo te?

Non est quidquam in omnium rerum vniuersitate, pretiosius temet ipso mi IESV. Itaq; te ipsum, cum tua diuinitate, humanitate, gratia, donis, meritis, gloria, omnibusq; diuitijs tibi offero. Offero & omnium iustorum ab origine mundi, vsq; ad ejus consummationem virtutes & merita, ac pios affectus erga te dulcissime IESV in Venerabili SACRAMENTO existentem.

O quis etiam mihi det omnium Sanctorum triumphantium & militantium corda ad te mi IESV diligendum? O vtinam haberem latitudinem cordis sicut arena maris, sicut totus mundus, vt amare te possim

possim latissimè mi IESV! Vtinam cor omnium hominum, cor omnium Angelorum, atq; vtinam cer tuum & MARIE meum esset, vt ardere succensus Seraphico & diuino igne inextinguibilis charitatis tuæ ardeam, & totum me consumat, totum rapiat. Ignita vis amoris tui, ac me tecum vnum efficiat.

Quàm libenter te mi IESV excipio! ô quàm cupio digne tractare te! ô vtinam ab initio semper fuisset secundum cor tuum! vtinam nunquam te offendissem! confidentius irem in tuos amplexus sanctissime Amor. Nunc autem conscius pudor rejicit animam meam ad pedes tuos hærentem.

*Actus Petitionis post S. Communionem.*

**O** Diues Domine in misericordia & miserationibus, cujus sapientiæ & bonitatis infinitus est thesaurus, miserere tam magni mendici, cujus hodie pauperulam domum visitasti,

Benedic mi IESV hospes amantissime toti corpori, animæ, sanguini, visceribus, vitæ, membris, in quibus receptus, & hodie moraris. Benedic lingvæ meæ, labijs, pectori, palatui, atq; illi horæ, momento, quo ad me venisti. Benedic omnibus, cogitationibus, concilijs, operibus, sermonibus, officijs, muneribus, motibus meis.

Extingue in me omnia terrena desideria, & succende me ignitâ vi amoris tui, vt sim tecum consummatus in vnum, omninò abstractus à me ipso, & ab omni creatura. Dirige me in viâ tuâ & doce me facere voluntatem tuam. Auge in me fidem, spem, charitatem, & reliquas virtutes statui meo necessarias. Da mihi veniam peccatorum meorum, quæ multiplicata sunt super numerum arenæ maris. Da vsum salutarem



tarem huius SACRAMENTI, & concede, ne vnquam te in mortali peccato suscipiam, & ne sine hoc viatico decedam ex hac vita.

Miserere omnium pro quibus orare debeo, præcipue consanguineorum, affinium, amicorum & N. Respice Domine omnes ægrotos, afflictos, tentatos, agonizantes, & in quacunq; necessitate vel periculo constitutos. Respice misericors DEVS, omnes Reges, Principes, & gentes Catholicas. Respice omnes Hæreticos, Schismaticos, Iudæos, & totum Ethnicismum, omnes gentes à fide alienas, & omnes in peccato mortali existentes ac obstinatos peccatores, da illis grâtiâ vt resipiscant, & ad te conuertantur. Miserere Domine omnium inimicorum meorum. Succurre omnibus, qui se meis precibus commendauerunt, & pro quibus orare debeo. Da omnibus viuus grâtiâ & veniâ, animabus fidelium defunctorum lucem & requiem sempiternâ.

*Deprecatio pro felici morte.*

**O** Corpus Domini mei IESV crucifixi custodi animam meam migrantem in vitam æternam. O IESV esto mihi IESVS in vita & in morte. O sanguis pretiose Domini mei, fac ne tuus infinitus valor & pretium pereat in me.

O mi dulcis IESV pro suprema illa necessitate, supremam misericordiam tuam imploro, illam grâtiâ peto, per MARIÆ & omnium Electorum tuorum merita, cum qua vides gratum me fore tibi in æternum. Suggere Domine mi ijs, qui circa me tunc erunt, suggere illa, quæ maximè vis fieri à me.

Anticipa: ò benedic mihi misericors Domine, benedic mihi morituro. Et dum spiritus vitales deficient, mortuâq; lingua non poterit hoc tuum suauissimum

num nomen eloqui. Agnosce tamen tunc creaturam tuam non à dijs alienis creatam, sed à te solo DEO viuo & vero. Non pereat in malitia sua, quod operata est bonitas tua.

Pulsant ad ostium tuum ô IESV crucifixe desideria rugientium prae cordiorum meorum, ut in aeternum non auellat a te. Noli me ô DEVS! in aeternitatem plenam ærumnarum condemnare, qui pro me ad crucem damnatus es. Non expedit ut hæc lingua mea, quæ tunc pretioso sanguine rubescit, in aeternum cum demonibus blasphemet te.

Ne patiaris mi IESV! Sanguinem tuum pretiosum perire in me, suoque fructu priuari, quem pro salute nostra effudisti. Ne patiaris Saluator Clementissime tantos labores tuos, quos nostri causa pertulisti fieri irritos, tantum pretium ne lustine inquantum fuisse expensum: sed compleatur in nobis fructus Passionis tuæ, labor tuus in nobis proficiat, mors tua in nobis vitam operetur.

*Ad B. Virginem & Sanctos.*

**R**espice in me gloriosissima Virgo MARIA, quia nunc habeo in corde meo amantissimum Filium tuum IESVM, illum ipsum hodie mihi dono datum tibi represento, & offero tuis brachijs constringendum, tuo ore exosculandam, tuo corde amandum, & vnâ mecum adorandum.

Sancti Angeli, Sancti Archangeli, Cherubim & Seraphim aspice primogenitum Patris æterni, quem introeuntem in orbem terrarum iussu Patris adoratis, adorate nunc eundem in corde meo cantate illi pro me Sanctus, Sanctus.

Omnes Sancti & Sanctæ DEI, vos præsertim Patroni mei amate in corde meo, laudate & magnificate mecum



mecum hunc Dominum meum, quia esurientem impleuit bonis, & respexit super canem mortuum similem mei.

*Conclude.*

**A** Nima IESV sanctifica me. Sanguis IESV laua me. Passio IESV conforta me. Vulnere IESV sanate me. Cor Iesu recipe me. Spiritus Iesu anima me. Bonitas Iesu reconcilia me. Pulchritudo Iesu attrahe me. Humilitas deprime me. Mansuetudo IESV mitiga me. Pax IESV pacifica me. Amor IESV inflamma me. Gratia IESV reple me. Misericordia IESV salua me. Sanctitas IESV consecra me. Puritas IESV, emunda me. Crux IESV sustenta me. Clavi IESV configite me. Spinæ IESV coronate me. Fel IESV inebria me. Os IESV benedic me, in vita & in morte, in tempore & in æternitate. Amen.

*Praxis alia.*

*Deuotissimè CHRISTO in S. Eucharistia sumpto, DEVM colendi.*

**A** Ccedo supplex & repo ad te mi DEVS! cum sim pulvis & cinis, atomus & minuscule creatura tua, imò nihil sum & nihil est te dignum, quod ego ex me, cum omnibus puris creaturis, in illo genere tibi offerre possim. Sed habeo tamen ex dono tuo unde me iuuenem, vt dignè. & vt diuinam Majestatem tuam decet, glorificem, te adorem, laudem, amem, gratias agam.

Habeo enim intra me Christum IESVM, DEVM hominem, hominem DEVM, qui ita se mihi communiæuit, imò commiscuit, vt ego in illo & illè sit in me. Vsurpare igitur nunc Domine commodissimè apertissimèq; possum verba Prophetæ tui: Benedic

anima mea Domino, & omnia quæ intra me sunt nomini Sancto ejus.

Omni DEVS, quod nunc intra me est, est vt dixi, homo-DEVS, Filius tuus, ille igitur qui nunc totus meus est, & intra me positus, vices meas obbeat ille dignè pro me benedicat nomini Sancto tuo, ille intra me, & in me amet te, glorificet, adoret, gratias agat, deferatq; tibi (nam potest) non modò infinitum, sed dignum te honorem, ad infinitam complacentiam & gustum tuum.

Per illum Majestatem tuam laudant Angeli, adorant Dominationes, quidni & ego per illum id faciam? cum sit intra me; imò verò, quia factus sum illi concorporeus, consanguineus, adeoq; ita in illum transmutatus, vt non tam ille sit vnum mecum, quam ego vnum cum illo, amo te sic vnum cum illo factus corde, & amore illius infinito, jam & corde meo, ad infinitum gustum tuum.

Detestor omne peccatum, & quidquid tibi displicet, odio & detestatione illius: adoro te, glorifico, magnifico, benedico, adoratione, glorificatione, magnificatione, laude, benedictione, obsequijs infiniti, valoris, & theandricis, ac te dignis.

Gratias tibi ago pro omnibus beneficijs, Sanctissimæ illius humanitati, Beatissimæ Virgini Matri ejus, omnibus Sanctis, atq; omnibus creaturis, & inter illas mihi postremò concessis, gratitudine & affectu illius, vniuersosq; ejus affectus internos & externos, vitæ mortalis ac immortalis, seu æternæ; quos & secum mihi donauit, & sicut me vnum secum, ita illos meos fecit, tibi velot thymiana suauissimi odoris ad infinitam oblectationem diuini cordis tui tibi offero.



## CAPVT VIII.

Praxis deuotè & reuerenter celebrandi Sac-  
crificium Missæ.

*Ante celebrationem, considerandum, quanta  
sit Sacerdotum dignitas, & quanta de-  
beat esse Sanctitas.*

**D**ignitas Sacerdotum, omnium Principum, omni-  
um Regum & Cæsarum fulgorem & potestatem  
superat ac excedit. Ita de illa S. August. in Psal.  
37. O veneranda Sacerdotum dignitas, in quo-  
rum manibus DEI Filius, velut in vtero Virginis  
incarnatur, O felices Sacerdotes, si sacerdotaliter vi-  
xeritis. O magnum mysterium, quod per vos San-  
ctissima TRINITAS operatur. Cælum miratur: hor-  
rescit infernus: contremiscit diabolus: reueretur  
quàm plurimum Angelica celsitudo. Ille enim, qui  
creauit me sine me ( si fas est dicere ) creatur medi-  
ante me. Et ille, qui ex nihilo cuncta creauit sine  
me, dedit mihi creare te. O Sacerdotes attendite!  
major est vobis dignitas collata, quàm Angelis, qui  
adorant, quod vos conficitis.

Considerate ergo ( monet aurea Chrysosthomi lin-  
gua ) quo non oporteat esse puriores atq; feruenti-  
ores tali & fruenter & ministrantes sacrificio? quo so-  
lari radio non splendidiore manus Christi carnè diui-  
dentes? Os quod igne spiritali repletur, & lingua  
quæ tremendo nimis Sanguine rubescit? Cogitate,  
quali sitis insigniti honore, quali mensa fruimini,  
quod Angeli horrescunt, neq; liberè audent intueri  
propter enicantem inde splendorem, hoc vos tra-

etatis, hoc diuiditis, hoc pascimini, & facti estis vnum Christi corpus & vna caro. Nullus itaq; Iudas assultat.

Idem in alio loco: Sacerdotem Christi sic necesse est esse purum, ac si in cælis ipsis collocatus inter cælestes illas virtutes medius staret: Illi enim qui non mundâ animâ Corpus Christi accipiunt, idem supplicium perferunt cum illis, qui eum clavis cruci affixerunt. Immo magis exaggerat S. August. qui dicit: Grauius peccant indignè offerentes Christum regnantem in cælis, quàm qui eum crucifixerunt in terris.

At verò multi sunt ministri seu Sacerdotes Abissimi, qui contra eminentissimam Angelici Apostolici in ò summi atq; diuini statûs dignitatem in grauissimorum facinorum cæno volutantur. Vnde vt talib<sup>9</sup> ad emendationem, probis autem ad cautelam, Detrimere incutiam, adduco terrificam S. Gregorij Magni de off. past. sententiam: Nullum puto ab alijs majus præjudicium, quàm à Sacerdotibus tolerat DEVS, quando eos quos ad aliorum correctionem posuit, dare de se exempla prauitatis cernit. Et S. Petri Dam. op. contra Initit. Cler. Deterius nemo peccat, quàm Sacerdos indignè sacrificans Aliter in quocunq; modo peccantes, quasi Dominum in rebus ejus offendimus: indignè verò sacrificantes, velut in personam ejus manus iniicere non timeamus.

Nec immeritò in Sacerdotem indignum inuehitur purpuratus Ecclesiæ Doctor S. Hieron. *Vx tibi Sacerdos! qui eodem ore oscularis filiam Veneris; quo paulò ante sumpsisse Filium Virginis. O impie Iuda! osculo filium hominis tradis?* Tales multo dignius multoq; rectius ad carcerem vel catastram pœnalem, quàm ad Sacerdotium protracti fuissent. Ita



In Revelationibus S. Birgittæ sæpissimè DEVS conqueritur super iniquitate Sacerdotum, exaggerans grauitatem, &c: vocans eos, peiores Iudæis & Paganis, & omnibus alijs delinquentibus, asserens maiora tormenta inferni esse illis reseruata, & maiori supplicio puniendos, quam Iudam. Et in quodam capite replet eos mille horrendis maledictionibus, & in fine maledicit IESVS, quidquid edunt, bibunt, tangunt elementa quæ eos sustentant. & illæ Revelationes sæpius ab Ecclesia approbatæ fuerunt.

D. Dion. Cart. ait. Angelum reuelasse seruo DEI, ferè nullos in Purgatorio Sacerdotes inueniri, eò quia, qui sanctè viuunt, illico cælum intrant, vel parum in igne morantur, cæteri, qui impurè viuunt, damnantur, non permittens DEVS ob grauem injuriam illatam ordini, & Sacramento, vt verè pœniteant, cui concordant D. Io. Chrysostomi verba, *Non temerè dico, sed et affectu sum, ac sentio, non arboror inter Sacerdotes multos esse, qui salui fiant, sed multo plures qui pereant, in causa est, quia res excelsum requirit animum, & innumeris oculis illis opus est. Undique.*


Quapropter ô Sacerdotes ô Religiosi ad tantum dignitatis fastigium euecti! recogitate (per salutem vestrâ) recogitate, quia membra Christi, ac templum estis Spiritus Sancti. Si beatus est venter qui nouem mensibus Christum portauit, & beata debent esse corda eorum, in quibus quotidie elegit hospitium. Filius DEI. Si beata sunt vbera, quæ paruulus sorxit, beatum debet esse os quod carnem tuam sumit, & sanguinem sugit. *Nescitis* inquit S. Paulus, *quia templum DEI estis, si quis autem templum DEI violauerit disperdet illum DEVS.* Si Laicus est templum DEI, quanto magis Sacerdos?

Et ideo Fratres charissimi (verba sunt Sancti Augustini ser. 152 de temp) vnusquisq; consideret conscientiam suam, & quando se aliquo crimine vulneratum esse cognouerit, prius confessionis lauacro, orationibus, jejunijs, & eleemosinis studeat emundare, conscientiam suam, & sic Eucharistiam præsumat suscipere.

*Præcognitio futuri Operis.*

**Q**uid facere aggredior? negotium omnium negotiorum maximum! introibo in Sancta Sanctorum, hominum ad DEVM mediatorem agam! In conspectu Curiae cælestis coram SS. Trinitate publicam totius mundi causam perorabo! Parum est, sed etiam quod non est concessum Angelis, quod omnis creaturæ merita excedit, corpus & sanguinem IESV Christi veri DEI verbis producam, & cum SS. Trinitate operabor hoc magnum Sacramentum: insuper etiam manibus tractabo! intuebor oculis! ore contingam! in viscera recondam!

O negotium omnium negotiorum maximum! Facilitate quævis alia negotia, omnes alio auocantes cogitationes abite. Ruat mundus, pereant amici, quidquid pretiosissimum est vnius horæ inuoluatur damno. Majus præ omnibus negotium est. Ad hoc solum anima mea omnes potentiarum sensuumq; vires intende, hoc tracta. Cum illo jam inde occupari elige, cum quo beatissime æternum occupabere. Melior omnibus creaturis DEVS, huic omnia creata postpone.





*Ante Missam dicenti hanc Orationem concessit 50. annorum indulgentiam Gregorius*

## XIII.

**E**GO volo celebrare Missam & conficere corpus & Sanguinem Domini nostri IESV Christi, juxta ritum Sanctæ Romanæ Ecclesiæ, ad laudem omnipotentis DEI, totiusq; Curix triumphantis : ad utilitatem quoq; meam, totiusq; curix militantis, pro omnibus qui se commendauerunt orationibus meis, in genere & in specie, & pro felici statu Sanctæ Romanæ Ecclesiæ,

Gaudium cum pace, emendationem vitæ, spatium veræ pœnitentiæ, gratiam & consolationem Sancti Spiritûs, perseverantiam in bonis operibus, tribuat nobis omnipotens & misericors Dominus Amen.

Deinde illa potest dici Oratio ex l. 2. Mach. 1, Iohannæ Sacerdotis, Domine DEVS omnium Creator, terribilis & fortis, iustus & misericors, qui solus es bonus Rex, solus præstans, solus iustus, & omnipotens, & æternus, qui liberas Israël ab omni malo. qui fecisti Patres electos & sanctificasti eos : Accipe Sacrificium pro vniuerso populo tuo, & custodi partem tuam & sanctifica, vt sciant gentes, quia tu es DEVS noster.

*Oblatio Sacrificij in quantum est Latreuticum seu Adoratorium.*

**O** Ter magne Deus, in vnione primi & summi sacrificij & Sacerdotis Christi: in vnione testamenti, & sacrificatorum vsq; ad diem iudicij, Toto corde & corpore prostratus ego puluis & cinis, hodie offerre tibi intendo Sacrificium corporis & sanguinis

**I**ESV CHRISTI Domini, nostri. Et imprimis.

In recognitionem Tuæ admirabilis in vnitæte TRI-  
NITATIS; Tuarum Personalitatum, DEI Patris,  
DEI Filij, DEI Spiritus Sancti

In adorationem infinitarum Perfectionum, Attri-  
butorum, & Proprietatum tuarum, Tuæ nimirum  
Sapientiæ, quâ comprehendis te ipsum, & omnia  
possibilia, præsentia, præterita & futura. Tuæ im-  
mensitatis, quâ cælum & terram imples. Tuæ æter-  
nitatis & immortalitatis, quâ semper idem es, & an-  
ni tui non deficient. Tuæ Omnipotentiz, Tuæ volun-  
tatis, Pulchritudinis, Beatitudinis.

In adorationem tuorum actuum liberorum, Tuæ  
Misericordiæ, quâ grauissimos quosq; toleras pecca-  
tores vt conuertantur. Tuæ Iustitiæ, quâ nullum pec-  
catum impunitum relinquis. Tuæ Prædestinationis  
Electorum, ac reprobationis præscitorum. Tuæ Pro-  
videntiæ & dispositionis, æternam de nobis duraturæ.  
Tuæ liberalitatis in omnes creaturas diffusivæ.

In cultum latræ tibi soli debitum, ac in protesta-  
tionem supremi tui domini in omnes creaturas, &  
nostræ subjectionis, ac omnimodæ dependentiæ a te.

In recompensationem laudis & gloriæ tibi ab An-  
gelis Apostatis & damnatis, item ab omnibus infideli-  
bus & peccatoribus, denegatæ & non persoluendæ. In  
supplementum omnium blasphemiarum, quæ fiunt  
in terra & inferno contra Eucharistiam. In suppletio-  
nem omnium superstitionum & adorationum impen-  
sarum, creaturis inanimatis & falsis Numinibus, &  
subtraharum Tibi DEO vivo & vero.

*In quantum est Gratiarum actuum.*

**I**N vniene gratiarum actionis, quam agit & egit ab  
Initio creationis suæ Sanctissima anima Christi B,  
Virgo.



Virgo MARIA & omnes Sancti & beati. Gratias tibi Domine hoc Sacrificio ago, pro immenso gratiarum, donorum & gloriæ thesauro, quem contulisti Humanitati Christi Domini in via & in Patria.

Gratias tibi pro beneficijs concessis Beatissimæ Virgini, præcipuè verò dono Virgineæ Maternitatis diuinæ, & Immaculatæ Conceptionis, ac pro ipsius exaltatione in cælesti gloria super omnes Angelos & Sanctos.

Gratias tibi pro beneficio creationis, conseruationis, cooperationis, concursus exhibito & exhibendo omnibus & singulis creaturis. Pro Incarnatione Verbi diuini, Pro vita, Passione IESV Christi, Pro doctrina ejus, consilijs, præceptis, exemplis, miraculis, Pro redemptione nostra, pro vltimo & institutione Sacramentorum. Pro dilatatione per totum mundum Christianæ fidei, fundatione Religionum, extirpatione hæresum.

Pro creatione omnium Angelorum ad gloriam tuam, & nostram custodiam, Pro prædestinatione, Vocatione, iustificatione, Glorificatione omnium Electorum Pro conuersione omnium peccatorum.

Pro beneficijs collatis omnibus comprehensoribus & viatoribus prædestinatis & reprobis peccatoribus, ingratis & infidelibus, dæmonibus & damnatis: imò etiam pro beneficijs, omnibus creaturis irrationalibus, quæcumq; fuerunt, sunt & erunt præstitis.

Gratias tibi Domine & pro beneficijs mihi indignissimo collatis. Præcipuè quia me creasti ad imaginem & similitudinem tuam. dono tuæ gratiæ per baptismum ditasti. Angelum ad mei custodiam deputasti, me pretioso Sanguine Filij tui redemisti, è sæculo nequam eripuisti, Sacerdotem fecisti, donis tuis naturalibus ditasti, tot media ad salutem æternam & alia necessaria

cessaria ad decentiam statûs, copiosè præbuiti: ac pro beneficijs omnibus notis & incognitis, præteritis, præsentibus, & futuris mihi præstitis & præstandis.

*In quantum est Impetratorium.*

**O** Pater inſericordiarum & DEVS totius conſolationis! quia me ſamulum tuum, licet grauiſſimâ flagitiorum meorum onuſtum ſarcinâ, legatione ſungi apud te voluiſti pro omnibus hominibus viuus & defunctis. Offero tibi Sacrificium hoc.

Inprimis pro Summo Pontifice Papa noſtro. N. Cardinalibus, Patriarchis, Episcopis, Abbatibus, Parochis, Sacerdotibus, & vniuerſo Clero, & omnibus alijs curam animarum gerentibus: vt omnes quæ ſibi commiſſas verbo & exemplo fideliter pascant.

Pro ſtatu Religionum omnium, & cunctis Religionis, præcipuè N. vt reducantur ad ſeruorem & perfectionem in qua fuerunt inſtitutæ,

Pro Auguſtiſſimo Chriſtianorum Imperatore, & cunctis Regibus & Principibus Catholicis, pro omnibus Magnatibus & Magiſtratibus, vt Eccleſiam venerentur, mandata tua cultodiant, & de hoſtibus fidei triumphent.

Pro omnibus Benefactoribus, conſanguineis, amicis, & inimicis, Pro omni ſtatu Eccleſiæ, Pro Virginitatibus, conjugatis, viduis, & orphanis, pauperibus, peregrinantibus, captiuis ægrotis, nauigantibus, incarceratis, afflictis, in quacunq; neceſſitate & periculo conſtitutis: vt illis dones auxilium, remedium & conſolationem, prout expedit ad gloriam tuam, & ſalutem illorum

Pro omnibus Infidelibus, Turcis, Mauris, Idololatriſ, Iudeis, Hæreticis, Schiſmaticis, & alijs diſſidentibus ac omnibus obſtinatis peccatoribus, vt ad te conuertantur & reſipiſcant.

Pro



Pro me ipſo tandem infeliciffimo peccatore: ſuppli-  
co tibi DEO meo, vt præſentiam tuæ æterni Remune-  
ratoris ſemper viuacem ubiq; in omnibus circumferā;  
ac omnes annos meos, meſes, dies, & noctes, horas,  
& momenta, cogitata, dicta, & facta impendam ſolæ  
gloriæ tuæ

Da mihi Domine veniam & remiſſionem  
omnium peccatorum. Confirma me in gratia tua, ne  
vnquam mortaliter peccem. Da vitam plenam meritis  
& tuo amore ſeruentem. Da mihi gratiam ſemper  
dignè celebrandi, communicandi, & Viaticum in ex-  
tremo agone ſumendi. Largire præſeruationem à ma-  
lis animæ & corporis, perfeuerantiam in bono ſinalem.  
Inſuper tribue gratiam, vt in his totâ vitâ mihi caris-  
ſimis immoriar nominibus: IEVS & MARIA. In  
particulari autem fructum quem poſſum & debeo illi  
N. principaliter applico, pro quo celebrare intendo.

*In quantum eſt Propitiatorium*

Q Vis ſum ego indigniſſimus terræ vermiculus, vt  
gaudeam faciem meam leuare ad te, & aſpice-  
re altitudinem cæli? Chriſti igitur Filij tui  
clementiſſime Pater, pretioſiſſimo Sanguine & me-  
ritis onuſtus, offero tibi infinitam hanc propitiationem  
diuiniſſimi huius Sacrificij, pro omnibus peccatis,  
quibus offenſus es à creatione mundi, & offenderis  
vſq; ad diem iudicij.

Offero pro omnibus peccatis meis commiſſis, cor-  
de, ore, & opere. Accipe tremenda iuſtitia DEI cor-  
pus & ſanguinem Domini mei, & delicta mea, ac i-  
gnorantias meas ne memineris.

Offero tibi Sacrificium hoc & pro omnibus, cum  
maiori Majestatis Tux indignatione perpetratis pec-  
catis: Præcipue per hæreſes, ſuperſtitioſa, idolola-  
trias

trias, dæmonum inuocationes, errores, & magicas artes. Per Christicidium & Antichristi peccata.

Offero & pro animabus omnium fidelium defunctorum præcipuè N. implorans Clementiam tuam, cui proprium est misereri semper & parcere, vt extinguas earum ardorem oratione misericordiae tuae, & cito purgatas in conspectum tuum admittas.

### Actus diuersarum Virtutum.

#### Actus Fidei.

**P**ersuadeo mihi firmiter, mi dulcis abscondite IESU me sub candido specierum sacramentalium velamine, millies deliteratissimum & speciosissimum vultum tuum latentem agnoscere.

Persuadeo mihi, videre mentis oculis roseum corpus tuum, ex quo fontes saluberrimi quinq; vulnerum tuorum, fontes aquarum viuentium scaturiunt.

Et si non videam nunc in manibus tuis fixuram clauorum, & si non mittam manum meam in latus tuum, credo tamen, quia tu es Dominus meus & DEVS meus.

Et quia te DEVM meum in SS. SACRAMENTO hic latentem firmiter confiteor, ideo nomine omnium infidelium te non credentium & scire uolentium, nomine omnium Hæreticorum & Schismaticorum te blasphemantium, nomine omnium dæmonum & damnatorum te non adorantium, ego credo, adoro, ante te procido, tibi nomine terrestrium & infernorum inclamo: centies millies laudetur SS. SACRAMENTVM.

#### Actus Spei.

**S**cio mi Domine! quia propter peccata mea indignus sum aëre, quem respiro, indignus cælo quod aspicio, dignus mille inferis. Et quomodo præsumā accedere



accedere ad te sub his Eucharisticis speciebus verè præsentem? Ibi enim adest corpus tuum sole splendidius electum ex millibus. Ibi est Sanguis pro nostra salute effusus. Ibi deniq; latet diuinitas tua.

Abyssus tamen malitiæ, nequitia, & nihili mei, abyssum inuocat misericordiæ & bonitatis tuæ Domine. Nam licet plures sint arenæ maris iniquitates meæ, spero tamen quia non repelles me à te, spero in pretio Sanguinis tui, utiq; Domine nihil horum odisti quæ fecisti. Vtiq; & catelli edunt de micis Dominorum suorum.

#### *Actus Charitatis.*

Quid retribuam tibi Domine IESV, quia transiturus de hoc mundo ad Patrem, reliquisti nobis pignus amoris immensum, donans nobis pretiosissimi corporis & Sanguinis tui Sacramentum?

Cur non mille habeo corda mi IESV, quæ ad tantam tui viui incendij flammam resoluantur in cineres dilectionis tui? quomodo anima mea tota se non euiscerabit exanimetq; in charitatem bonitatis & misericordiæ tuæ?

O si quantus quantus sum, totus nunc consumar totus liquecam, totus suspensus de te deficiam à me, & transeam in te, totus vitali amoris tui more moriar.

#### *Actus Humilitatis.*

Q Vis sum ego eminentissime DEVS, ut tantum opus aggredi audeam? quis ego sum & quis tu es? Tu DEVS magnus & grandis nimis! DEVS Majestatis! DEVS cui cogitatio nulla par! DEVS nihil horum omnium, quæ cogitantur aut sunt, sed super illa omnia!

Ego autem quis sum? ego conceptus & educatus totus in peccatis! ego peccator major & vilior, quam autem, & quam cogitare possim! ego labijs & toto corpore pollutus! ego mille titulis debitum inferno caput! ego terræ exotum pondus, & cæli odium! ego tanto vilior, quanto plurium peccatorum constringor reatu! ego vilissimorum omnium vilissimus!

Tantusne DEVS tantillo homini incorporabitur? O Sacramentum! ô Mysterium! ô arcanum abditum? quis vnquam id beneficij genus ausus est optare? nunquam in cor hominis descendit dignatio tanta.

ODomine! si tu ob immensitatem non agnoscis te, sine saltem, vt mea vilitas cognoscat se, & quidem meritò formidet conjungi tibi.

O cor meum, quàm audax & temerarium es, quod vel cogitare audes accedere ad hoc Sacramentum. Estne tibi Seraphica illa crystallo nitidior puritas? Instar miraculi Ecclesia prædicat, quod Filius DEI non horroerit Virginis vterum, qui tamen à Spiritu Sancto pulcherrimo gratiarum donorum ac virtutum omnium apparatu fuerat instructus. Quomodo igitur te cubile draconum, te prostibulum, immundities, te sentina scelerum non exhorreseat? &c.

*Actus Contritionis.*

**O** Quantâ contritione ac lacrymarum fonte, quantâ reuerentiâ, & tremore, quantâ corporis & animæ puritate hoc diuinum ac cæleste Sacrificium est celebrandum mi Domine; vbi caro tua in veritate sumitur, vbi Sanguis tuus in veritate bibitur, vbi in aësummis, terrena diuinis junguntur, vbi adest Sanctorum Angelorum præsentia, vbi tu es sacrificium & Sacerdos mirabiliter & ineffabiliter constitutus,

O vt.ñm & millies vtinam, nunc totum mare versum



versum in sanguinem, vel potius lacrymas ducere possem per caput meum, vt vel sic mundaretur sentina extremæ vilitatis & peccatorum meorum, quam tu inexcogitabilis dignitatis Domine mi IESV inhabitare elegisti.

O vtinam & millies vtinam cor meum extractum à corpore daretur mihi candentibus carbonibus frustatim ad eò examinandũ, vt decoctũ ad purum scoriã ejus, saltem & si non dignam, non tamen tam nimis indignã tibi præbere possem mansionem.

O vtinam mi IESV nunquam te offendissem! o vtinam te solum & vnicum semper amassem! Pœniteat me peccasse, idẽ solum quia amo te, semperq; pœnitebit: & si possem infinito dolore nunc dolere, quod offenderim te. Non amplius tamen mi IESV non amplius. Hic sit terminus delictorum meorum. Prius à dæmone obsidear, aut pœnas inferni patiar, quàm peccem; & te amorem meum offendam.

#### Commemoratio Dominicæ Passionis.

**O**Mnes Sancti Patres, Commemorationem Dominicæ Passionis, Sacrificium celebranti, super omnia necessariam esse affirmant, præcipiente Apostolo: *Quotiescunq; manducabitis panem hunc & calicem bibetis, mortem Domini annuntiabitis donec veniat* Quæ verba expendens Seraphicus Doctor dicit: Timeo nequaquam sine remotu conscientia ac præjudicio ad sacrificium posse accedere, nisi præmemorata ipsius instituentis charitate, ac ejus passione & morte, in cuius memoriam perpetuò recolendam, illud Sacramentum debere confici & percipi ipsẽ præclare asseruit & injunxit.

**S**alvete. delicata membra Domini mei IESV Christi, pro salute nostra diversis pœnis in passione cruciata. Salve reuerendum caput pro nobis spinis coronatum, arundine percussum. Salve pretiosissima facies pro nobis consputa & alapis cæsa. Salvete benignissimi Saluatoris nostri oculi pro nobis lacrymis perfusi. Salve sacrum os, gutturq; suauissimum pro nobis felle & aceto potatum. Salvete aures nobilissimæ pro nobis opprobrijs & contumelijs afflictæ.

Salve collum regium pro nobis colaphizatum, dorsumq; Sanctissimum pro nobis flagellatum. Salvete venerabiles manus & brachia pro nobis in cruce ex-tensa. Salve pectus diuinissimum pro nobis in passione conturbatum & contusum. Salvete pedes adorandi pro nobis clavis confixi. Salve latus gloriosum pro nobis lanceâ militis perforatum. Salve corpus IESV totum pro nobis in cruce suspensum, vulneratum, mortuum, ac sepultum.

Salve cor mellifluum summæ Trinitatis gazophylacium pro nobis in cruce disruptum. Salve ter Sanctissima IESV Christi anima ad mortem usq; contrita. Salve Sanguis pretiosissime è vulneribus Christi copiose effusus. Salvete adoranda Saluatoris nostri vulnera, monimenta charitatis & pretia Redemptionis humanæ. Per hæc vulnera tua mi bone IESV, sana animam meam, & esto propitius mihi indignissimo peccatori.

*Pia desideria & affectus immediate ante  
Sacrum eliciendi.*

**O** IESV millies desideratissime! ecce jam appropinquat hora, hora inquam felicissima, quâ te  
DEVM



DEVM meum in animam meam suscepturus sum, Ex-  
tende igitur Sacratissimas manus tuas mi dulcis IESV  
ad amplexandam animam meam, & ne projicias me à  
facie tua, licet id peccatis meis meruerim.

O vtinam nunc talem ac tantam deuotionem, talem  
ac tantum amorem, talem ac tantam munditiem, quã  
vllum vnquam humanum cor ornatum fuit, in me  
haberem :

Vtinam & millies vtinam, omni virtute, omni  
desiderio repletus essem ?

O vtinam & millies vtinam omnium Angelorum  
puritatem, omnium Apostolorum charitatem, omni-  
um Martyrum merita, omnium Confessorum sancti-  
tatem, omnium Virginum haberem puritatem &  
munditiem.

Vtinam tali reuerentiã, deuotione & amore te pos-  
sem suscipere, sicut Beatissima Mater tua in tua Incar-  
natione & postmodum in Sacramento suscepit.

O quã ego illo tempore, quo Sanctissimam ho-  
stiam sumam, cuperem esse Cherubin & Seraphin, non  
propter meam sensualitatem, sed propter tuam digni-  
tatem mi DEVS !

O vtinam & millies vtinam tuum sacratissimum &  
diuinissimum Cor haberem mi IESV ! vt Te in illud  
ipsum, tali quo dignus es modo suscipere possem.

Vtinam me dulcis IESV totaliter ex tua præsentia  
accendas, comburas, & in te transmutes, vt vnus te-  
cum efficiar Spiritus per gratiam intimæ vnionis, &  
liquefactionem ardentis amoris.

O si vel ad vnicum momentum transferar in te,  
absorbearq; à te, vt te Deo meo, quantus quantus es in  
te, fruar & satier, poter & inebrier, hauriar & obrui-  
ar, tenendo atq; fruendo, amando atq; innatando.

O Virgo Beatissima Mater misericordiæ! ô SS, Angeli, Sancti DEI omnes præcipuè Patroni mei N. N. ad vos clamo pauper, nudus, & humilis me euntem ad altare, ad immolandum corpus & sanguinem IESV Christi, ornatæ vestris virtutibus, fulcite meritis vestris

O Pater da mihi filium tuum IESVM! ô I E S V! da mihi te ipsum! O diuinissime Spiritus da mihi corpus & sanguinem Domini mei, O IESV sis mihi IESVS.

De proxima dispositione ad Missam.

*Antequam Sacras Vestes induas* breuiter tacita mente institue colloquium. Et imprimis.

**I**nterroga te ipsum: Quid facere aggredieris peccator & vilis homuncio? tunè hodie apud SS. Trinitatem in conspectu Curix cælestis habebis audientiam? tunè introibis in Sancta Sanctorum?

Postea alloquere DEVM Patrem: O Pater! egone mancipium tuum indignum, repræsentabo hodie Filium tuum in ara crucis tibi immolatum? Egone labijs sordidioribus ipsius inferni faucibus, & manibus Luciferi, manibus quodammodo inquinatioribus præsumam attrectare dilectum filium tuum? Egone linguâ meâ fædis contaminatâ sceleribus, è sinu tuo in terram sub species Sacramentales vnigenicum tuum, euocabo?

Interroga Clementiam diuinam, quâ fieri poterit, vt pro tanto ausu & temeritate ipsi dæmones tuorum scelerum conscij, te è vestigio altaris abreptum in oculis hominum non strangulent?

*Dum Sacras Vestes induis*, velut lupum te in vestimentis ouium esse æstima: & dæmones tuorum scelerum conscios videaris audire per irrisum exprobrantes: En Saul inter Prophetas!

*Postea singula sacri cultus ornamenta cum contumeliosa*



*Hos Christi amictu compara.* Porro Amictus velamen illud significat, quo facies Christi velata est, cum percutiebant eum, illudentes. Alba, vestem albam denotat, quā ab Herode velut stultus indutus fuit. Cingulum funes, quibus in horto vinxerunt eum, siue flagella quibus columnæ alligatum crudelissimè ceciderunt. Manipulus vincula, stola funes collo ejus injectos, siue crucis patibulum humeris ejus impositum. Planeta vestem purpuream.

*Ad altare procedens,* mente intueberis Christum, quasi cruce onustum ante oculos tuos ad montem Caluarie incedentem.

*Cum perveneris ad Altare,* cælum tibi desuper velut apertum contemplare, & estusam innumerabilem Angelorum & Sanctorum omnium multitudinem te intuituri, cogita. Admirare tunc, esse tibi hominioni indignissimo, & exuli cantanda cantica Domini in terra aliena, & cantica Angelorum.

*Epistolam & Evangelium lecturus* dic intra te: Egonè in Ecclesia DEI depromam oracula, qui tamen sedi in Cathedra pestilentie? Egonè Evangelium promulgabo, qui factis & exemplis Evangelium impugnaui?

*Ante tempus oblationis* erubescere & confundere, tecum serio versans; quidnam animi gerere velis, qui unicum & percarum Patri Filium, quem non semel peccatis tuis enecasti, præsumas offerre?

*Quando patenā cum hostia accipis,* reponere simul in eacorum tuum, cor omnium circumstantium & fidelium. Dum vinum Calici infundis, gratias ages DEO, quod sub his speciebus se occultare voluerit, vel elicies desiderium te totum immergendi in abyssum meritorem CHRISTI.

*Dum manus lauas, desidera vt erumpant sanguinea lacrymæ ex oculis tuis, vel pretiosissimæ guttæ aquæ & sanguinis ex latere Christi ad diluenda peccata tua.*

*Cum dicis ante consecrationem, memento Domine famulorum famularumq; tuarum: statue tibi ob oculos cordis IESVM recenter cruci affixum, totum sanguinolentum, dilaniatum, & discerptum in toto corpore, cumq; cum lacrymis pro omnibus nobis Patri supplicantem.*

*Memento igitur Seniorum junges cum memento Christi in cruce pendentis, ac in ipsius vulneribus depones omnes ac immerges, pro quibus orabis.*

*Ante Consecrationem cum summo timore & horrore Christi verba tibi ad aurem dici existima: Ecce appropinquat hora, & filius hominis tradetur in manus peccatoris. Dum accipis panem, puta te videre splendidissimos & lucidissimos reserari celos, Angelos omnes effundi, ipsum Filium DEI in diuinis splendoribus supra panem consecrandum descendere.*

*Verba consecrationis prolaturus, considera te ipsius Christi personam gerere, & verba enuntiativè in persona ipsius proferre. Proinde tunc vel maximè mentaliter intentionem actualem breuiter formare poteris. Volo in persona Christi & Ecclesiæ conficere corpus & Sanguinem Christi, vel sicut ego conuerto mi DEVS substantiam panis in substantiam corporis tui, & vini substantiam in Sanguinem tuum, ita desidero conuertere cor meum in amorem tui perpetuum.*

*Cogita & illud Augustini sub actu consecrationis, quod tunc quasi incarnatur & nascitur Filius DEI in manibus Sacerdotis. Proinde desidera, vt gustu huius Sacrificij aboleantur omnes offensæ (& vt ita dicam) disgustus diuini ob mundi peccata. Deinde desidera*

*renouare*



renouare gustum diuinum ex Sacrificio cruento Christi & ex omnibus Sacrificijs à primo ad vltimum ante diem iudicij,

*Insuper tunc elice desiderium* concentrandi omnes actus sanctissimos cujusuis creaturæ intellectualis & possibilis, omnia merita, affectus, deuotiones, præparaciones ab vllis elicitas & eliciendas, cujusuis loci & temporis. cum omni circumstantia, intensiōe, multiplicatione, extensione, perfectissimè

*Prolati Serbis consecrationis* cum summa admiratiōe, amore, & timore. puta te videre aut infantulum IESVM, eumq; speciosissimum formā præ filijs hominum, ad quem adorandum eumq; custodiendum innumerabiles Angeli de cælo lapsi sunt: aut IESVM in manibus tuis quasi in cruce recens extensum. Proinde tunc cordialissimos mente affectus elice.

Dominus me<sup>9</sup> & Deus meus. vel Iesu Fili David miserere mei, vel: ô Pater! dono tibi Iesum Vel; Non dimittam te Domine Iesu donec benedixeris mihi & toti mundo, vel; voces cælestium, terrestrium & infernorum dicite eleuato Domino: Laudetur SS Sacramentum. vel Amo te DEVS meus pro omnibus & in omnibus & in æternum amare volo. vel: O IESV crucifixe parce mihi & omnibus peccatoribus: vel OPater dilectissime respice in me, quia in manibus meis habeo dilectissimum Filium tuum: vel O si exultationem illam sentire nunc possem, quæ te Dominum, dum crux attolleretur, totum ex cruciavit! vel O MARIA! en dilectus Filius tuus: Vel: Hæc genuflexione in persona omnium creaturarum adoro te, ac demum pro omnibus qui te non adorant, sed blasphemant, siue in terra siue in inferno

*Dum Calicem eses* ad dic in corde: O Pretiose Sanguis

gnis Domini mei ablue me: Vel: O IESV in sanguine tuo depono & demergo peccata mea & totius mundi. Vel: Quis mihi det vt moriar etiam pro te mi IESV o si meum scitentem in venis cruorem pro te effundere possem! Vel: O Pater! en sanguis Filij tui clamat ad te pro nobis non vindictam sed misericordiam.

*In memento Defunctorum.* primo commendabis animam, pro qua specialiter offers Sacrificium. Postea sine præiudicio illius commendabis animas consanguineorum, benefactorum, Religiosorum, deuotorum ad Beatissimam, fame, peste, bello sublatorum, animas quæ suis carent suffragijs. Animas, quarum corpora in hac Ecclesia & in omnibus alijs per totum mundum requiescent, &c.

*Ante Communionem* post verba: Domine non sum dignus. Imaginare Sanctos Angelos cum summa alacritate aperire penetralia cordis tui, & illuc introducere optatissimum Hospitem tuum dulcem IESVM.

Admirandus ad tanti hospitis præsentiam clamar-  
ardentissimo corde: vnde mihi vt veniat Dominus meus ad me? Exi à me Domine, quia peccator sum, & ipsis damnatis deterior. Cur tantum te mi IESV humilias? Credo, spero, diligo, O IESV dono tibi cor meum. Paratum cor meum DEVS, paratum cor meum Doleo mi IESV, quod vnquam offenderim te, Misericordias tuas in æternum cantabo. Non dimittam te Domine, donec benedixeris mihi.

*Ante Euangelium* daturus benedictionem populo, elevatis in Christum crucifixum oculis dic: O mi IESV tu ipse auulsis à cruce manibus benedic mihi, benedic circumstantibus, benedic Patriæ nostræ, & omnibus Fidelibus.



GRATIAUNAGRO

post Missam ad Deum Patrem  
quā ex cogitari utilior n̄ potest ut dicit

P. Molina.

Dñe Deus Pater Sōme, qui per abundantia  
Charitatis tuæ dedisti nobis Unigenitum  
Filium, ut omnis qui credit in eum non pe-  
reat, sed habeat vitam æternam: et ut the-  
sauro Meritorum ipsius nostri suppleant  
defectus: ego miserimus peccator, sed tuā  
misericordiā fidelis Christianus, et servus Dñi  
Jesu Christi, velut Ecclesie membrum, eum  
recepī, et meo illum in pectore nunc comple-  
ctor tanq̃m rem meam, et intīmē mihi con-  
iunctam. Atq̃ ut talem in unione charitat-  
tis, quā se ipsum largitus est, et obtulit pro  
nobis in Cruce, et se dat modō, et communi-  
cat in hoc Sēto tibi eum offero cum omnibus  
meritis atq̃ virtutibus, in æternam gloriam et  
laudem ac infinitam gratiam et beneplacitū  
tuum, ut in illo tibi perfectē complaceas et ut  
nos qui tibi placere de actibus nostris non va-  
lemus, Dilectissimi Filij tui meritis et patro-  
ciniō perfectē placeamus. Offero tibi Pater  
Sōme, omnem ejus Charitatem, religionem,  
Obedientiam, humilitatem, paupertatem, man-

svetudinem, patientiam, cum alijs virtutibus  
omnibus, quibũs präditus fuit; ut illis totũ,  
quod mihi deficit, suppleatur. Cumq; ego  
tibi debitas nequeam gratias agere pro Be-  
neficijs in me collatis: offero tibi omnes  
laudes, quas ipse dedit, cum visibilis nobis  
scum versaretur in terra, et quas tibi nunc  
offert in gloria. Cumq; parũ satisfacere  
queam pro peccatis meis: offero tibi omnes ejus  
labores, jejunia, vigilijs, fatigaciones, Oraones,  
quidquid deniq; fecit aut pertulit à primo in-  
stanti conceptionis, donec expiravit in Cruce:  
omnes dolores ac tormenta Passionis, omnem  
Sanguinem pro me effusum, omnia Vulnera pro  
me suscepta, ac mortem pro me toleratam.  
Hic est thesaurus Pater Clementissime in quo  
totam spem reposui; hæ sunt divitiæ, quas of-  
fero in satisfactionem omnium debitorum.  
Respice Dñe in faciem Christi tui, et cum sit  
hic Filius tuus dilectus, in quo tibi semper  
benè complacuit, qui nunc mihi est intimè  
conjunctus: supplex rogo, ut me quoq; respicias  
oculis misericordie tue. Sub ejus protectione  
ac tutela, sub umbra Meritorum ipsius compa-  
reo coram te, ut illum aspiciens, me quoq; cle-  
menter ac benignè intuearis tanqm mancipi-  
um ejus et servum perpetuum; ne permittas ob-  
secro ut pereat illa Anima, qua toties in se rece-  
pit Filium tuum, qui à te missus, venit in Mundum  
quaerere et salvũ facere, qd perierat. Hoc præsta  
mihi per infinitam Misericordiam tuam Amen.



*Actus post Missam.*

**C**redo quia tu es Christus Filius DEI viui, qui ad me descendisti. Viuo ego jam non ego, viuit verò in me Christus. Quid sunt plagæ istæ in medio manuum tuarum mi IESV? Cor meum & caro mea exultauerunt in DEO meo. Sanctus, Sanctus, Sanctus Dominus DEVS Sabaoth. Pleni sunt cæli & terra gloriâ tuâ. Per viscera misericordiæ DEI nostri visitauit nos oriens ex alto Gloria in excelsis DEO Quid mihi jam est in cælo & à te quid volui super terram? defecit caro mea & cor meum DEVS cordis mei, & pars mea DEVS in æternum. Nunc dimittis seruum tuum Domine secundum verbum tuum in pace, quia viderunt oculi mei salutare tuum. quòd parasti ante faciem omnium populorum. Domine IESV nouerim me, nouerim te, nec aliud cupiam nisi Te. Magnificat anima mea Dominum, & exultauit Spiritus meus in DEO salutari meo. Misericordias Domini in æternum cantabo.

*Actus Admirationis & gaudi de DEO.*

**E**N coram te suauissime IESV, se sinit anima mea, miserijs plena! vt quid permisisti à me indignissimo peccatore te hodie tractari; & in latrinam corporis mei sceleribus multis labefactatam deponi? Quomodo tulisti vt hanc tibi execrandam injuriam irrogarem? Anni lacrymarum & pœnitentiæ mille non sufficerent ad Sacramentum tam excellens semel dignè suscipiendum, quantò minùs ego indignus aptus esse possum, qui peccare quotidie non cesso, incorrigibilis perseuero, & imparatus accedo?

Pro admirando habetur, quòd ad imperium Iosue Sol in cælo steterit, sed nunquid non magis est stupendum,

pendum, quod ad vocem Sacerdotis, velut vocem meam hominis nequissimi & malitiosissimi, Deus cum tota sua immensa ac infinita Deitate sub species Sacramentales descendit, & ibi non raro indignissime tractatur?

Quid est hoc mi dulcis IESV? Quid inquam est hoc? Tu qui adeo immensus es, ut cuncta creata te capere non valeant, à paruula contentus Hostia in mea intrasti viscera fæda? unde mihi Domine ut tu venias ad publicanum & peccatorem? An nescis quis sum ego? pulvis utiq; & cinis, vas sordidum, esca verminum, & ad hunc tu de celo venis? O DEVS & Dominus noster, quàm admirabile est nomen tuum! Quid retribuam tibi Domine pro omnibus his, quæ retribuisti mihi?

O si te nunc non meo indignissimo, sed Seraphico, sed Mariano, sed tuo corde, mi IESV intensissime amare possem! O si omnia creata corda omniumq; cordium affectus & amores in meum cor imergere & includere possem, quàm vellem te amare dulcis amor meus!

Tibi laudes concinant, tibi mecum gratias agant, te pro me mi IESV ignitissime ament Beatissima Virgo MATER, SS. Angeli, ac omnes Beati, vniuersi populi, tribus & linguæ. subilent tibi pro me omnes creaturæ, & misericordias tuas in æternum concinant.

*Actus Adorationis.*

**A**ve augustissimum SACRAMENTVM. Ave, dulcissime & gratissime hospes amorq; mi IESV. Saluto te satisfactionibus omnium creaturarum, quæcunq; fuerint, sunt, & erunt.

Aue mi bone IESV, delitiosissimum cordis mei centrum, recipe me in suauissimos amoris tui amplexus. Transfer me in te,



Osculor mi IESV venerabiles manus tuas pro me cruci affixas; Osculor pedes tuos pro me clavis confixos. Osculor latus gloriosum pro me vulneratum.

Aue tremendum Saluatoris mei caput coronâ spinâ redimitum. Aue frons sole serenior cruentata & in lapsu percussa. Auete oculi pro me velati, contusi, liuore pleni. Auete aures contumelijs sauciatae. Aue dulce os pro me sili & aceto cruciatum.

*Petitiones post Missam.*

**O** Domine! cuius viscera misericordiâ patent omnibus, qui neminem vis perire, ideoq; pro omnibus hominibus mortem subiisti, & hoc Sacramentum instituisti. Respice in me oculis misericordiâ tuâ, succende me ignitâ vi amoris tui. Dirige me, & da finalem in gratia tua perseverantiam.

Obsecro etiam Domine, ne ob respectum seditatis meae & peccatorum meorum illos negligas vel non exaudias, qui se per me tibi in hoc Sacrificio commendauerunt. Succurre itaq; & esto propitius benefactoribus, consanguineis, &c. &c.

Effunde miserationes tuas Domine Princeps Regum terræ, in omnes Reges & Catholicos Principes, & in omnes gentes, quæ te non nquerunt, Turcas, Idololâtras, Hæreticos, &c.

Defende omnes fideles tuos à fame, peste, & bello, à cunctis aduersitatibus & periculis. Memento tot miserabilium peccatorum in peccatis mortalibus existentiam. Ne finas eos labi, qui in periculo & occasione peccandi versantur.

Succurre Summo Pontifici nostro, cunctisq; Prælati & Presbyteris. Dissipa consilia impiorum ne quidquam Ecclesiæ tuæ, Regno huic & propagationi gloriæ tuæ efficiant. Da huic congregationi ad quam me  
vocare

vocare dignatus es bona spiritualia & temporalia. Da Superioribus omnibus zelum disciplinæ, subditis, obedientiam,

Succurre omnibus afflictis, pauperibus, ægrotis, agonizantibus, tentatis, incarceratis, & vniuerso omnium statuum populo tuo. Succurre animabus purgatorij, vt refrigerium, quietem, & lucem æternam obtineant.

Actus alij superius videantur post Communionem fol. 307.

*Ad Beatam Virginem & Sanctos.*


**R**espice me ô Domina quoniam vnitus sum Filio tuo IESV, & cum vnitus sim Filio tuo, ego quoq; Filius tuus sum.

O Domina mea! ô Mater mea! doce me Filium tuum amare, vt tu illum amasti, doce me cum illo deliciari.

Omnes Sancti Angeli & Patroni mei, vos amate, vos adorete, vos laudate meum dulcissimum IESVM, quia ego nescio, quid dicam DEO vitæ meæ.

*Conclude post Missam.*

**A**nima Christi sanctifica me: Corpus Christi salua me: Aqua lateris Christi laua me: Passio Christi conforta me: O bone IESV exaudi me: Intra vulnera tua absconde me: ne permittas me separari à te: Ab hoste maligno defende me: In hora mortis meæ voca me: & jube me venire ad te: vt cum Sanctis tuis laudem te, in sæcula sæculorum.





## CAPVT IX.

Proponuntur quædam Praxes seu Exercitia colendi per Annum Festi Christi Domini.

## VIATOR DEVS

*In Aduentu Domini.*

**O** Quando factus Viator DEVS cæli exultabit  
ut Gigas ad currendam Viam? o quando procedet tanquam Sponsus de thalamo suo?

2. O Pater misericordiarum! num in perpetuum obliuisceris nostri? derelinques nos in longitudinem dierum? operi manuum tuarum non porriges dexteram? Excita Domine potentiam tuam & veni, vt saluos facias nos

3. Quid lactor spe magna dilecte mi, & spe detineor sola? quousq; promissis diues, pauper, & inops jaceo? quoties discitis oculorum nubibus, flumina effudi melior delphinus, nec tot aquis prodigè sparsis, attraxi dilectum meum?

4. Quousq; nostrum æmuli cæli, tot promissum seculis tanquam ære circumfessum dilectum meum cingitis? tot seculis vester est, vt exsatiari fames sitisq; potuerit Quid negatis: promissum pignus mundo ad vos rediturum?

5. Vtiq; tot seculis expectatus, tot signis adumbratus, tot vaticinijs prædictus, tot votis expetitus, tot suspirijs exoptatus, tot deniq; lacrymis quæsitus es mi Domine! quid moraris? ô longa mora! ô cædiosa dilatio!

6. Quemadmodum, desiderat ceruus ad fontes aquarum, ita desiderat anima mea, vt te videre possit, in ergastulo carnis, natum sine contagio carnis.

7. Onos felices! quid audio? propter miseriam, inopum & gemitum pauperum nunc exurgam dicit Dominus. Lasus est peccato DEVS; satisfaciat DAVS, factus est homo reus, fiat homo DEVS, vt liberetur reus. Peccauit caro, mundet caro.

8. O ingenium amoris diuini! vt redimeretur homo, factus est DEVS homo.

9. Ecce jam Rex noster aduenit de cælis, latentur cæli & exultet terra ante faciem Domini quia venit: quoniam venit saluate nos & dare se nobis.

10. Salue dies tot ætatibus exoptata, quæ DEVS pro nobis factus est homo. Salue Gabriel Archangelus tantum nobis anuntians gaudium. Salue Virgo gloriosa in cuius utero castissimo carnem assumpsit DEVS!

11. O quàm potens est amor, qui ad tam infima abijcis DEVM! ô quàm diuino est dissimilis amor meus.

12. O bonitas infinita! ô admiranda dignatio tua, Domine, vt seruum redimeres; Filium tradidisti!

13. Atra, amplectere Virgo Beatissima pro me dulcissimum Filium tuum in claustro uteri tui Virginalis latentem.

14. O Sancti Angeli adorate pro me primogenitum Patris æterni, quem ad nos traxit amor, rapuit charitas, reclinavit in utero Virginis misericordia, amate illum pro me, cantate illi Sanctus

15. Tu qui in Sancto habitas excita potentiam tuam, & veni ex utero; tædet animam meam vitæ meæ, quia non videbo te DEVM Deorum in Syon.

16. O vtinam mi Domine citius disrumperes cælum uteri Virginalis, & ad nos descenderes! ô longa mora! ô tædiofa dilatio!

17. Tibi dicit Domine IESV cor meum, exquirite



te facies mea, faciem tuam ardentissimè videre concupisco; sonet vox tua diuine Puffio in auribus meis, vox enim tua dulcis, & facies tua decora.

Eodem tempore.

*Actus ante S. Communionem.*

**D**ilexisti nos ô bonitas & tantopere, tanta cum amoris vehementia dilexisti, vt dares non creaturam sed Filium, eumq; non è pluribus vnum, sed v-nigenitum atq; vnicum, donasti nobis vilissimis, indignissimis, ingratis, perditissimis.

Etenim ille propter nos, homines & propter nostram salutem descendit de cælis, & Incarnatus est de Spiritu Sancto, qui Amor est, & Homo factus.

Mi DEVS amabilissime! eonè te adduxit amor, vt in vnâ rem compaginâres res dissimillimas, infinitèq; distantes, DEVM & hominem, vt DEVS fieret homo, quæ maior potest esse exinanitio? vt homo fieret DEVS, quæ maior potest exaltatio? qui excogitari potest arctior cum creatura nexus, imo vnitas? Nempe hoc amoris est, amantem cum amato reddere quàm potest maximè vnum.

O Ingeniose amor quid non ampliùs excogitasti, quod nec cogitari quidem videbatur posse, en non tantùm homo fieri propter me voluisti, sed etiam in SS. Sacramento te ipso tuo corpore & sanguine nos cibare constituisti?

Obstupescite cæli super hoc! sed & laudate cæli & exultet terra, jubilate montes laudem, simulq; vniuersa cantate Domino canticum nouum, quia mirabilia fecit Dominus, verè mirabilia. An non hoc nouum, non hoc mirum, quod creauit Dominus super terram? hominem peccatorem cum DEO, DEVM cum homine vnum facit amor!

Veni

Veni ergo o Amor etiā ad pauperculā animā meam,  
& qui fecisti vt vnum sint DEVS & homo vnitate per-  
sonæ, effice, vt vnus tecum efficiar sub speciebus Eu-  
charisticis te sumendo, amore inseparabili.

O panis vitæ descende de cælo vteri Virginalis, re-  
fice esurientem animam meam, non amplius non am-  
plius possum viuere sine te. Quid me dilecte diutius  
mortem inter vitamq; suspensum tenes? mors mihi  
certa sine te, vita nulla sine te est. Quid vitam mori-  
turo negas? tu vita mea & vita solus es. Viuam, si in  
me viuas, mihi moriar si moreris mihi. Quovsq; Vir-  
ginis pasceris vtero & fraudor aspectu tuo?

Quid te tenet in conclauī castitatis abditum? tot-  
jam annos expectaui ante secula conditum. Redde pi-  
gnus, quod tulisti Virgo manens integra, satis venire  
nutriisti Matris dones vbera. Scimus Matrem, sci-  
mus natum nasciturum seculo, tumor prodit cælo da-  
tum, quem fovebas clanculo.

Quovsq; Virgo Mater dilecto gaudes solo? imple-  
amur omnes voti notantum in hunc diem gaudio gra-  
uidi, Tuus est fateor, sed & meus est. Matris iure tu-  
us, adoptionis meus. Quid diutius recondis Mater &  
publicare metuis cælo concessum natum? Si non eru-  
buiisti ad conceptionem, quid erubescis ad partum?  
concepisti Virgo, fouisti Virgo, paries Virgo, lacta-  
bis Virgo.

Ne verere, solo Virgineo lacte pascetur dilectus  
tuus, virgineo ludet ille sinu tuo, collo pendebit tuo,  
vbere lactabitur tuo. Videamus te Matrem? an eru-  
bescis ad nomen Matris? Vterus natum prodit, An-  
gelus totq; jam ante Vates cælo pleni. Largire proinde  
mundo natum vt propriè jam dicaris Virgo Mater.

O veni & expectatione lassam refice mentem mi  
dulcis



dulcis hospes, hæc vota mea de penetrali cordis mei deprompta, inter suspiria lacrymis natantia, inter instuantes amorum flammæ oculorum fluminibus temperatas, inter calentes melioribus ignibus preces denso oculorum imbre rigatas, offero tibi & effundo.

Quo affectu te suscepit Virgo Beatissima dulcis IESV, eodem affectu sub his speciebus tibi manenti cor meum inscribo, exhibeo & offero, Tu homo factus es in utero. Ecce anima mea ancilla tua, fiat ei, fiat mihi secundum verbum tuum Veni Domine Homo. DEVS. Vtiq; apud te non est impossibile omnino verbum, non est difficile in conspectu Domini dari pauperem.

Impetra mihi Virgo Mater, vt Verbum Caro tuum factum habitat in nobis per Sacramentalem præsentiam, & videamus gloriam ejus, gloriam quasi vnigeniti à Patre pleni gratiæ & veritatis.

O S. Gabriel Archangele impetra mihi vt gratiâ plenus sim, & Dominus sit mecum in SS. Sacramento præsens, vtinam idem regnet in domo mea in æternum, & regni ejus non sit finis.

Gaude & exulta anima mea, ecce Rex tuus venit tibi. En ipse stat post parietem, en pullat ad Cor tuum, vt ipsi aperias, O quanta mea felicitas! Regem cæli & terræ meo suscipiam hospitio, illum completar, quem castissimis suis visceribus, ac in vlnis suis Virgo Mater gestauit.

*Actus post S. Communionem.*

**A**nima mea liquefacta est vt dilectus locutus est, quæsiui & inueni quem diligit anima mea Verè viderunt omnes fines terræ salutare DEI nostri.

Nolite mirari SS Angeli & Archangeli, quod DEVS homo ad hominem peccatorem diuertit, Spiritus

rius enim Sanctus superuenit in me, & virtus altissimi obumbravit mihi, ideoq; & quod per verba consecrationis natum est, sanctum vocatur, DEVS homo vocatur, latens & immolatus DEVS.

Salue itaq; ô dilecte, salue ô ex millibus electe, salue candide & rubicunde fili MARIE Virginis, salue totus desiderabilis, totus delectabilis Salue vnicę vötorum meorum, spes mea ab vberibus.

Salue Puella maximè, salue infans Verbum DEVS-homo, te adorant omnia viscera animæ meæ, te agnoscit, te amat, te æstimat ignitissimè anima mea.

Tu Virgo Mater dignissimo hospiti meo, Filio tuo, canta in corde meo illud tuum Magnificat, quo SS. Trinitatem delectasti, Tu mihi concede illos tuos affectus amoris, quibus eundem, siue in vtero, siue in vlnis tuis profecuta es.

Benedicant etiam te ô tenelle IESV genereose Virginis Matris sanguis, omnes Sancti & Electi tui, qui propter nos homines & propter nostram salutem descendens de cælis incarnatus es, nec horruisti purissimæ Virginis vterum, sed de pretioso ejus sanguine carnem assumens, Homo factus es.

Agnosco & amplector misericordiam tuam æternam erga me hospes amantissime, atq; infinitas tibi pro omnibus quæ tribuisti nobis gratias ago: teq; simplex omnium creaturarum possibilium possibili affectu adoro, laudo, glorifico, te amo & amabo super omnia in æternum.

Accedo etiam ad te acclinis Virgo Mater, ago tibi gratias, quòd hunc filium DEI Dominum meum, quem ego nunc in Sacramento suscepì, in vterum tuum suscepisti. quòd ei sanguinem tuum purissimum ad formandum hoc corpus suppeditasti, quòd



quod illum pro hoc vsu meo nutriuisti & educaſti  
Beata viscera tua, quæ portauerunt hunc æterni Pa-  
tris Filium, & beata vbera, quæ lactauerunt Christum  
Dominum.

*In vigilia Natiuitatis Domini.*

1. **N**ascere tandem aliquando post tot seculorum  
luctum atq; squallorem ô parue DEVS! ô  
magne puer! tam impatienter expectate, quàm vehem-  
enter expetite.

2. Nascere Domine expectat te Mater tua vt te  
osculetur osculo oris sui, ac pannis inuoluat: expe-  
ctat te Iosephus, vt te DEVM in carne adoret: ex-  
pectat bos, vt cognoscat te possessorem suum, asinus,  
vt cognoscat præsepe Domini sui.

3. Natiuitas tua infans diuine, gaudium annun-  
tiabit vniuerso mundo, tu enim es sol iustitiæ, & gau-  
dium vniuersæ terræ.

4. Egredere Domine de terra tua, euocat te mi-  
liria cælestis, vt euangelizet gaudium magnum; Pa-  
stores, vt te salutent: Magi vt munera offerant, Sy-  
meon vt te excipiat in vlnas suas.

5. Veni Domine propter miseriam inopum &  
gemitum pauperum: expectant te cæci vt videant,  
claudi vt ambulent, leprosi vt mundentur, mortui  
vt resurgant.

6. Age, perge Rex magne, ab ætheris palatio  
ad pauperrimam casam, à stellis ad paleas, ab Ange-  
lis ad iumenta, à diuina Numinis tui forma ad hu-  
manam Christi speciem delabere.

7. Dic mihi Virgo Mater vbi nascetur Filius tu-  
us? num in stabulo? ô inaudita amoris prodigia!  
dilecti mei cubile, stabulum est, lectus Sponsi mei  
fœnum, puluillus stramen, aula vilis spelunca

8. O Puella diuine! Amor magne & parue! Tu es qui Seraphinos tuis dulcissimis ignibus inflammas, cur non stipulam & fenum, in quibus iacebis infantulus accendes?

9. O diuinitas tremenda! ô Humanitas amanda! ô DEVS! ô HOMO! ibi magnus in cælis es! & hic paruus in terris! ibi regis sydera, hic suges vbera! ibi sedes inter Angelos, hic iacebis inter bestias! ibi diues in throno, hic pauper in feno.

10. Heu me! quàm votis meis contraria ego video? noluerunt te mi DEVS homines, hominem DEVM habere inter se non te admiſerunt, sed ad bestias & stabulum amandârunt, quasi de te dictum fuisset, quod de superbo Rege dictum erat: *Ab hominibus eieciet te, & cum bestiis ferisq; erit habitatio tua.*

11. Utinam mi IESV tuæ natiuitati præſens addeſſe poſſem, dignusq; habitus, qui te halitu meo, pro brutis animalibus calefacerem!

12. At miſerebuntur tui ipſa iumenta, tui ſatellites, boſculus & aſellus, hi rigens immati brumâ & frigore tenerrimum corpusculum & delicatula membra anhelitu ſuo vtrunq; fouebunt & calefacient.

13. Veni ergo Domine & noli tardare. veni IESV pulcherrime, clariffima gemma nata in mari diuinitatis paternæ, cuius originem nullus intellectus creatus poteſt indagare

14. O Puer! ô DEVS! ô hominum & Angelorum amor! ô Rex cordis mei! ô Imperator animæ meæ, te videre concupiſco, te deſidero amplecti, osculari, tuos pedes, quia catellus tuus lambere volo.

15. Felicem diem, quâ amplectar dilectum meum, quâ inſigam caſti pudoris oscula, quâ teneras plantas,



plantas dissuauabor basijs, quâ manus illius tornatiles aureas, digitosq; ebore candidiores purpureis figam labris: quâ membra à virgineo Matris utero recentia, virgineo ante purpureoq; rore pasta, sinu manibusq; fouebo meis.

16. Cur non hodie hâc felicitate beari possum, vt conuiente Matre, plaudentibus Angelis, arridente Nutritio, stupente cælo, mille dilecto meo figam basia? inuoluam cordi cunarum vice, pro fascijs stringam brachijs, pro culcitra subternam pectus, propuluis illo genas? O si hodie staret dulce pondus genibus meis! ô si suauis penderet collo sarcina!

Eodem die.

*Actus ante S. Communionem.*

**H**Eu mihi quia incolatus meus prolongatus est, cum dicitur mihi quotidie vbi est DEVS tuus? IESVS tuus? Quando veniet Dominator, quem tu anima mea quæris & Angelus testamenti, quem tu vis & desideras? Quis mihi der vt inueniam te mi dulcis IESV foris, & deosculer te?

Quid igitur dicam aut quid respondebo dum dicitur mihi: Vbi est Rex tuus & DEVS tuus? vbi Rex gloriæ & Dominus virtutum?

Si Rex est, & quidem Regum Rex; an in eo sedet quem demonstravit Daniel chronò; vbi millia millium ministrant ei & decies centena millia ei assunt? An ibi est, vbi eum vidit Isaias sedentem super solium excelsum & eleuatum, vbi Seraphim velant faciem & pedes ejus alis, clamantq; alter ad alterum Sanctus, Sanctus, Sanctus Dominus DEVS exercituum?

An ascendit super Cherubim & volat super pennas ventorum, & è tenebrosa aqua in nubibus aëris

tonat, ac mittit sagittas suas fulguraq; multiplicat, ut commoueatur & contremiscat terra & fundamenta montium conturbentur?

At frustra in angusta atq; horrida specie quæro Amorem meum! Non bene conueniunt nec in vna sede morantur maiestas & amor. Non etiam ego te quæro dilecte mi prout intus es in sinu Patris, quia sic lucem habitas inaccessibilem, te potius quæro in gremio Virginis Matris,

O Virgo inclita ut potè partui proxima speciosa facta es & suavis in delicijs tuis, ex quo gaudium Angelorum & delicias humani generis possidere incipisti, quam gloriosa dicta sunt de te ciuitas Dei, ex quo homo DEVS, homo victus & homo captiuus receptus est in te.

Scio Domine, quia in cælo parasti sedem tuam & in sole vteri Virginalis posuisti tabernaculum tuum, & ego non sum dignus videre altitudinem cæli præ multitudinem iniquitatum mearum; dixisti tamen Domine deliciae meae sunt esse cum filijs hominum Et alibi; Ponam tabernaculum in medio vestri. Ergo veni Domine & noli tardare. Visita nos in salutari tuo, Excita potentiam tuam & veni.

Iam enim venit mi DEVS plenitudo temporis, & Matri impletum est tempus pariendi, quo debet apparere benignitas & humanitas tua, ut vires nos, qui nouem mensibus, diebus ducentis septuaginta sex inhabitasti Virginis uterum, similis per omnia infantibus reliquis effectus.

O dulcissima Mater dulcissimum mihi portans pondus, descende ad me, et tibi cor meum, Scio quia non es habitura locum in diuersorio, diuertere ad cor meum, ibi tuum & totius mundi thesaurum deponere, volo



volo illum halitu meo, imò amore intensissimo calefacere.

Veni Domine IESV veni, adest jam dies vt ad-  
sis, veni patet tibi potta cordis mei. Veni amor mi,  
jam tandem iuueniam te fons fraterculum meum. Ve-  
ni amplectar te, exosculer te, introducam te in cubi-  
culum cordis mei. In vnione amoris illius quo tu su-  
scepisti carnem nostram. In vnione puritatis, amoris,  
affectuum & meritorum, cum quibus te suscepit Vir-  
go Mater in incarnatione, desidero te hodie suscipere,  
te tractare, illos ætus amoris concentrare in cor  
meum, quibus cor Virginis Matris ardebat in tuo  
aduentu.

*Actus post S. Communionem.*

**S**alue mi dulcissime ac potentissime hospes Domi-  
ne mi IESV diu desiderate, anxie qua sive, sollicitè  
adamate, saluto te ex intimis animæ meæ visceribus,  
ac quâ possum veneratione, te excipio.

Adoro & amo te *Infans* diuinissime, quo Verbum  
assumpsit corpus & animam inter se vnita ad com-  
ponendam indiuiduam naturam humanam.

Iubilare etiam omnes Angeli & Sancti in conspe-  
ctu Regis Domini: conspiciendum enim se, huma-  
nitate indutus præbuit Rex & Dominus noster, vi-  
sus in terris est, & cum hominibus conuersatus Mo-  
ueatur mare & plenitudo ejus, flumina plaudant ma-  
nu; montes exultent ab hoc conspectu Domini quo  
nam uenit.

Laudem dicite DEO nostro pusilli & magni, ve-  
nit enim ad me desideratus cunctis gentibus, & qui  
in sole posuerat tabernaculum suum, nunc ad homi-  
nem peccatorem diuertit. Verè viderunt omnes fines  
terræ salutare DEI nostri Benedictus qui venit. De-  
us Do-

vs Dominus & illuxit nobis, Dominus venit: Occurrite illi omnes animæ meæ potentia dicentes: Magnum principium & regni ejus non erit finis, DEVS princeps pacis

Dignus es ô agne mi! ô Verbum incarnatum, ô mi dulcis IESV, accipere honorem & gloriam & benedictionem ab omni creatura, quæ in calo est & super terram, & sub terra, vt omnes iunctis vocibus sine cessatione dicant tibi: Benedictio & honor, & gloria, & potestas, Agno & DEO nostro humana carne induto, & ad nos venienti in secula seculorum.

*Media Nocte Natiuitatis Domini.*

1. **N**Vr quem diligit anima mea vidistis, vobis loquor Angeli Sancti: dicite mihi de IESV meo, qui nunc cecinistis? indicate mihi quem diligit anima mea.

2. Pijissima IESV Mater aperi mihi ostium dilecti mei: vadam & videbo hunc Puerum natum antequam moriar.

3. IESV Fili DEI, ostende quæso te animæ querenti, & vultum tuum cernere cupienti: quare enim dignatus es nasci, nisi velles etiam agnosci?

4. Omnes Reges terræ desiderabant videre faciem Salomonis, & audire Sapientiam ejus, & ecce plus, quam Salomon hic: finite ergo Pastores me introire ad Regem natum, vt osculer scabellum pedum ejus, & stabulum ejus.

5. Iam quod quæsiui habeo, IESVM meum inuenio, & summo bono gaudeo, cur jam corde non ardeo?

6. Gaudens hodie gaudebo in Domino, & exultabit anima mea in DEO IESV meo: inueni quem diligit anima mea, tenebo pedes ejus, nec dimittam, donec benedixerit mihi.



7. Salve milles desideratissime hospes, salve dulcis puelle IESV, ô IESV Nazarene, Rex seculorum, Rex cordium, deliciarum omnium, primæ ac summæ deliciæ, felicissima beati amoris æternitas. Salve viuificans gemma diuinæ nobilitatis, Salve immarcescibilis flos humanæ dignitatis IESV. amantissime.

8. Salve IESV, dominator omnium, spaciosus forma præ filiis hominum, te agnoscimus & veneramur nostrum clementissimum Dominum.

9. OMater! ecce Filius tuus. En pallent illius label-  
la corallina! marcet roseæ genæ, vbertim stillat gemina ocellorum gemmulæ; crebrò gemit os formosulum; alternis singultit pectusculum lacteum, miserè tremunt frigidulæ manus; vndiq; titubat mollicela caro; tenere palpitant paruula cum corculo viscera; toti trepidant infantiles artus.

10. O verè beatissima nox clarior omnibus seculi noctibus, quæ scire meruit tempus & horam, quando de virginali vtero egressus est Dei Filius nostræ fragilitatis corpore indutus.

11. Obenedicta nox, & laudent eam omnes Filij lucis, quia natus es in ea Christus Filius DEI lux æternæ lucis.

12. Sed quomodo mi DEVS! pusillus vagis in duro præsepio, & iaces mutus inter animalia?

13. O prodigium! en Viator IEVS cæli terrarumq; amor, procumbit inter bestias, quia non est, ubi reclinet caput suum in diuersorio, & fessus est ab itineribus æternitatis!

14. Angelus dicit: Euangelizo vobis gaudium magnum, natus est Saluator, at quale mihi gaudium, dum plorat contemptus nec diuersorio receptus Amor?

15. O prodigium gaudij simul & doloris! Salve, inquit Despara, Fili mi, & osculabatur eum, sed lacrymando, quia prælagiebat illud: Ave Rabbi: Ecce DEVS, & canitur: Gloria in altissimis! sed quid illud? Ecce homo, & clamabitur: Crucifige eum. O quam diuersa fors, hic in stramine, ibi cum arundine: hic in fascijs, ibi in vinculis: hic tenero vagitu vitam inchoat, ibi clamore valido & lacrymis vitam finiet.

16. O Virgo beatissima, præbe lambenti IESU-LO mamillam, vt ipse pro te præbeat percutienti maxillam. Lacta pia Mater Christum tuum & Dominum in gratiam nostram. Lacta eum quem concepisti sine pudore, peperisti sine dolore.

17. O mi IESU humillime & altissime plantulisti tuus pronus accido, osculor pedes tuos intra præsepis angustias arctatos, osculor pro me clauis perforandos. Adoro in paruo corpusculo tuo tuam immensitatem, in paupertate tuas diuitias, in muta infantia tuam sapientiam, in tenella ætate tuam æternitatem, in carne mortali tuam immortalitatem.

*Die Natiuitatis Domini.*

1. O Felix: ð ter beata hora! quâ hodie secus viam cecidit Verbum caro factum.

2. Cur non ardet cor meum tenerrimo tui amore infans, formosissime, qui salutem meam in ipso tui ortu operari capisti? quomodo non amabo te mi Domine ita amantem me?

3. O homo, quantum magnificatus es, & quantum DEVS benignissimus apposuit cor suum erga te? an non clamabis vsq; & vsq;? Quid retribuam Domino pro omnibus quæ tribuit mihi?

4. Non misit DEVS Angelum, non Archangelum,



gelum, non Patriarcham, non Prophetam, sed ipse, venit Rex Angelorum, & Dominus Prophetarum ad liberandum me.

5. O Deus bonitatis! nunquam magis te reddidisti amabilem, quam cum te exhibuisti miserabilem. Nunquam clarius resplenduit bonitas tua, quam cum annihilata videbatur maiestas tua.

6. Vulnerasti cor meum tuo aduentu mi IESV, vulnerasti cor meum, utinam exnunc mori possem & vivere tibi.

7. Quis te adduxit mi IESV nisi amor? & quis de celo te traxit, & ad me inclinavit nisi amor? O amor & amor, quam dulcis & fortis est hic amor! O etiam in me tam vehemens nascatur ardor, cui nihil sapiat, nisi IESVS æternus amor.

8. O quando in amplexibus vestris beatæ cunæ colliquescam totus? quando pro feno subternar tibi dilecte votorum meorum? quando pro fascijs stringam, involuam pro pannis? quando infigam dilecto meo casti pudoris oscula? occupavit ora Mater? infigam pedibus cum Euangelica amatrice, amoris lauando fontibus, tergendo crinibus. Spargite oculi amici lacrymarum balnea, quibus innatent pedes ab vberibus Matris pendentes.

9. Meis affectibus paruule IESV careo; offero tibi affectus Angelorum psallentium, & pastorum te adorantium. Offero tibi affectus Virginis Matris. Quam enim grata & suauia Matris oscula tuis teneris impressa labris? quam mollia tui ipsius basia Virginis Matris suauitiam genas? quam dulcia Matris vera Virgineo rore granida?

10. Represento tibi terra puerum natum, tibi datus, ubi natus, ex intacta Virgine.

11. Non audebam ob peccata mea accedere ad te mi IESV, nunc accedam, quia victus es & ligatus. Quis enim posset timere hunc paruulum? quem non succendent amore calientes IESV LI lacrymæ?

12. O dulcissime Fili MARIE! ô dilecte mi IESV candide & rubicunde! en pauperulus seruus accedo ad te. Veni intra brachia mea. Requiesce supra cor meum. Irriga me lacrymis tuis. Inflamma me amore tuo. Benedic mihi paruulis manibus tuis. Osculare me suauissimis labellis tuis.

13. Tu es mi IESV Pater pauperum, dator munerum, da mihi obsecro strenam, strenam gratiæ & amoris tui. Quid enim nobis denégare poteris, qui te ipsum nobis dedisti?

14. Quam verò etiam ego tibi mi Domine hodie strenam offeram? dono tibi mi IESV cor meum, dono me totum, dispone de me, sicut de jumento tuo in tempore & æternitate. O Domine ego seruus tuus, & mancipium perpetuum Matris tuæ MARIE.

### Eodem Die

#### *Actus ante S. Communionem.*

**V**bi quæso est natus Filius tuus? ô mi DEVS amantissime æterne Pater! cum introduxisti primogenitum tuum in orbem terrarum dicito mihi, vbi posuisti eum? & ego eum tollam. Si enim mihi natus, mihi datus est, quidni eum mihi tollam? vbi est qui natus est Rex Iudæorum? imò & Rex gentium

Quis mihi det, vt eum inueniam fratrem meum, fugentem vbera Matris meæ, eumq; deiculer, &  
iam



iam nemo me despiciat summâ votorum potitum.  
Surgamne & circuibo ciuitatem, per vicos & plateas  
Bethleem quæram quem diligit anima mea?

Dicitis Sancti Angeli: Inuenietis infantem, vbi?  
ô vbi! Anima enim mea desiderauit illum in nocte,  
sed & spiritu meo in præcordijs meis de mane  
vigilabo ad eum, nec cessabo die ac nocte, neq; dabo  
somnum oculis meis, nec requiem temporibus  
meis, donec inueniam tabernaculum Dei Iacob

Quid vero audio? non est ei locus in diuersorio.  
Vbi igitur pascit vbi cubat in calentissimi amoris æstu  
& meridie amor meus? Ergone vulpes foueas  
habent & volucres cæli nidos, ille vbi caput reclinat  
non habebit?

Tu potius Virgo Mater conseruas omnia conferens  
in corde suo, dicito mihi, vbi puer natus est nobis,  
Saluator mundi, qui est Christus Dominus in ciuitate  
Dauid? Vbi est Rex meus & DEVS meus? si cuncta prospera sunt erga tuum natum?  
Vbi posuisti eum? & ego eum tollam. O spectaculum  
admirabile mundo, Angelis & hominibus! positus  
est in præsepio! positus inter bestias, qui natus  
est Rex noster & DEVS noster. Eone ex splendoribus  
Sanctorum in tetrum tenebrosumq; antrum ac spelæum  
se demisit candor lucis æternæ? in hoc nê throno,  
hoc folio, se visendum præbet Rex gloriæ,  
Dominus virtutum, DEVS, maiestatis, Princeps Regum  
terræ?

O dolor! en vagit coram oculis Matris ac sui Nutritij  
inter paleas candidus & rubicundus Pusio, ille electus  
ex millibus, fouet pauper culis pannis rgentia  
membra Regina Mater, occupant cœlestes ephēbi  
obsequia, quæ homo ingratus contempserat.

Quid

Quid igitur ages amor meus? **DEVS** meus! **DE** dilecte votorum meorum quid ages? quorsum te ab amore abduci abripig; fines? dum te homines cognata similitudine, habitu, specie, carne, sanguine, corpore, humanitate indutum, ad eos aduenientem ne recipiant quidem, hospitij jure excludunt, locum ubi diuerferis, quin & quò diuertas negant, ergone te ad iumenta relegabunt?

Tu verò etiam, quid agis anima mea, aut quid ages? excludesne ex tuguriolo cordis exulē infantem recens natum? **DE** mi **IESV** quò me vertam, aut quid prius, quid posterius agam? Vndiq; vrit me amor, tuns & liquefacit **DE** Amor! anima enim mea liquefacta est ad id quod de te audio, & in te video dilecte mi. O liquefam & diffuam penitus mihi, tibi verò artissime vniar, & in vnum tecum instar, ceræ collescentis coalescam.

Hinc discindit me dolor, cum cerno te tam amabilem, & tam amantem Dominum, non modò non redamari, sed tam indignè & injuriosè tractari, excludi, negligi, contemni. Annon hic dolor adigit me, vt non tantum eo discindar, sed in atomos discerpam? Hinc admiratio tantæ dignationis & charitatis tuæ leuat me super me, & sustollit super altitudinem cæli in sublime mirabilium tuorum.

Quid tamen miser faciam? scio quia humilitas & cognitio vilitatis meæ arctat me & constringit me, ne præsumam te Dominum meum primogenitum. Patris in orbem terrarum ab Angelis inductum ad pauperculum cordis mei diuersorium inuitare, sine tamen quæso, sine Domine, vt quò te charitas adigit, venias & mansionem apud me facias. Vtq; **Domine frater noster** es, os nostrum, caro nostra factus



factus es, cur nos tibi socios habere detractabis?

Vtquid Dñe diutius hærebis inter bestias? transfer te in stabulum cordis mei: an felicius tu es ò stramen in quo iacuit Christus quam cor meum? Intelligis tu paruule infans & superintelligis omnia, intellige super me egenum & pauperem qui cordialiter clamat ad te: Veni Domine IESV & lassam expectatione refice mentem.

Veni dilecte mi. Ne patere tot lacrymis frustrari terram. Ego te semel mihi concessum, reddam dilectæ Genitrici tuæ, quid dico? ignosce Mater, mihi natus mihi datus est puer. Non reddam. Quamdiu enim ludes inter basia nunquam satianda, nunquam fariganda amico pondere? meus est. Osculetur me osculo oris sui. Quid acutas temeritatem peccatricis animæ meæ? Non pro peccatoribus vtero clauditur, collo & vberibus pender, sæno decumbit, inuoluitur pannis, stringitur fascijs? Ignosce. Multis nominibus meus est.

O paruule ac pro me de virgine nasci dignatus IESV, quo te cum affectu Parens dulcissima ex senatum pannis infantæ inuoluit, ac in præsepio reclinauit, hoc eodem affectu ego indignus te subhiscere speciebus sacramentalibus inuoluo ac depono in corde meo.

*Actus post S. Communionem.*

**I**am quod quasiui habeo, quod concupiui teneo, dulcem IESVM inuenio, cur jam corde non ardeo?

Venite audite omnes, qui timetis, imò qui amatis DEVM, quanta fecit Dominus animæ meæ? en hodie puer natus ex MARIA, & Filius Virginis datus est nobis! En hodie dilectus meus mihi, & ego illi inter vbera mea in corde meo commoratur, & qui creauit me, requiescit in tabernaculo meo.

Credo mi dulcis IESV, quia tu venisti ad me. Rex meus & DEVS meus. Tu Rex gloriæ Christi. Tu ad liberandum suscepturus hominem non horruisti Virginis uterum. Tu gaudium meum, lumen oculorum meorum, tu amor meus, lux incomprehensibilis.

Et vnde hoc mihi o Creator cæli & terræ quia iterum e stabulo ad hoc sterquilinum cordis mei descendisti? vnde mihi ingratisimo seruulo tuo tantâ dignatio tantæ Majestatis, vt me oculis misericordiæ tuæ tam benignè respicere, tam amanter visitare, tam misericorditer reficere dignatus es? & dignum ducis super huiusmodi peccatore aperire oculos tuos, & esurientem implere pane (videlicet te ipso) qui de cælo descendit? O mi dulcis hospes! o mi Creator! o mi Redemptor quantum tibi debeo! & quomodo non amabimus te Domine ita amantem nos?

Fuerunt mihi sapius lacrymæ meæ panes die ac nocte, dum dicebatur mihi quotidie: vbi est DEVS tuus? IESVS tuus? Sitiuit anima mea ad te DEVM meum fontem viuum, sitiebam Domine corpus & sanguinem tuum, sicut infans vbera Matris, sicut Samaritana aquas viuentes, & sitim explentes, ac salientes in vitam æternam.

Exulta & lauda habitatio Syon, habitatio cordis mei, quia magnus in medio tui Sanctus Israël. Vixit ego iam non ego, sed viuit in me Christus. Iam in Domino meo gaudebo & exultabo in DEO IESV meo. Verè videt omnis caro salutare DEI.

Saluto te hospes amantissimè meo & totius mundi nomine, effundo tibi mare illud affectuum quos Mater Sanctissima erga te recens natum elicit in  
nouo



nouo tibi affectus Angelorum obsequioso cantu te laudantium, ac pastorum te adorantium.

Tibi Pater amantissime offero incendia amoris, quibus ardebat corculum Filij tui recens nati, offero pias lacrymas, quæ intuitu mundi de ipsius gominis erumpebant ocellis.

Et quia vinctus es mi Pusio, neq; repelles me à te, accedo ad te, osculor tibi pedes, manus, & vaticinor tibi de plagis hinc infligendis. Osculor tibi cor, ex quo hauriemus aquas in gaudio de fontibus tuis Saluator amantissime, dum lancea latus tuum aperietur, & continuo exibat sanguis & aqua.

Noli mi dulcis IESV è visceribus pauperculi peccatoris properare, non jam amplius dimittam te. Iam captiuus es, jam vinctus in corde meo, si mihi dederis totius mundi pro te substantiam, quasi nihil despiciam eam, te in æternum constringam. Felicia erunt vincula mea, quibus innectetur amor meus, & tanquam nexibus stringetur dilectus amote meo omni fasciâ potentius.

Vulnerasti cor meum dilecte mi, sponse mi, quem desponsaui mihi primis cunarum lacrymis. Vulnerasti cor meum pannis & fascijs infantie tuæ, cum penderes leue gratumq; pondus è collo Genitricis tuæ, Vulnerasti cor meum amoris tui telo, cum, tanquam fulmine ossium medullas intimaq; depasceret celo jaculatus ignis tuus. Vulnerasti cor meum tuo hodierno infæda licet viscera mea aduentu.

Ne verò fugiat dilectus meus à me assimilatus caprea hinnuloq; ceruorum, tu Virgo Marer Vni-  
genito tuo in domo mea commoranti dulcia pro me cantica, vt dilectus meus purissimis tuis agitat  
tus manibus, dulciq; virgineo cantico somni pre-  
uoca.

uocatorio in placidam depresso quietem, indormiat cordi meo, vt inter tuas modulationes diutius dilecto frui, osculisq; teneras fatigare plantas valeam.

Vos etiam Sancti Angeli custodite dilectum meum quiescentem in corde meo, ne qua inimica manus inter somni delicias furtim abripiat, quem diligit anima mea.

*In Circumcisione Domini*

1. **D**EVS eras paruule IESV, & eras innocens Filius Virginis innocentis; vnde ergo opus tibi circumcisione?

2. O lapsus Adæ, quàm amarus es Dño meo! ego peccaui, & tu Domine pñam exoluisti? ego in concupiscentia conceptus & natus sum, & tu suscipis in te vltionem? Agnosce ô homo, quàm graua sint tua vulnera, pro quibus! necesse est hunc diuinum infantulum vulnerari!

3. Sponsus sanguinum tu mihi es, qui cum voce nondum possis, ipso cruore tuo clamas ad Patrem, & infantulus, quem vix dum habes, sanguinem profundis.

4. Propter primitias sanguinis IESV, ô Pater! benedic mihi, benedic Ecclesiæ, huic Regno, Religioni, benedic coronæ anni, & toti mundo.

5. O verbum incarnatum! ô Fili Virginis Matris æterniq; Patris! gaudeo & exulto, quia vocatum est nomen tuum IESVS.

6. O IESV! adoro te, vt nomen Maiestatis. Amo te, vt Nomen suauitatis, Inuoco te, vt nomen potestatis. Opto sanguinem profundere, vt saluus fiam; quoniam & tu sanguinem tuum dedisti, vt Saluator esses.

7. Nomen tuum sanctum & terribile mi IESV!



in persona omnium cælestium, terrestrium, & infernorum adoro, adoratumque volo ab omnibus, super omnia, in æternum.

8. O IESV nomen dulcissimum, esto mihi salus, & redemptio: non enim est aliud nomen hominibus datum, in quo oporteat nos saluos fieri. Esto mihi IESV, id quod diceris: Esto mihi turis fortitudinis à facie inimici.

9. O IESV: pone te vt signaculum super cor meum, vt signaculum super os meum, vt signaculum super brachium meum; vt non cogitem nisi de te, vt non loquar nisi de te, vt non laborem nisi propter te.

10. Impetra mi S Bernarde, vt hoc nomen suauissimum & dulcissimum IESVS, semper dulcescat in corde & ore meo. Sit IESVS mel in ore meo, in aure melos, in corde júbilus.

11. Hoc sit mi Domine tecum in æternum pactum: siue quidpiam vnquam scripsero, non sapiet mihi, nisi legero ibi IESVM. Siue vnquam disputauero, non sapiet mihi, nisi sonuerit ibi IESVS.

12. O vtinam hoc suauissimum nomen IESVS, vel saltem in extremo mortis meæ articulo, corde ardentissimo & deuotissimo pronuntiare possim! O IESV sis mihi IESVS in morte, si quid commisi, vnde damnari possim, tu non perdidisti, vnde saluare possis.

13. Nihil habeo quod offeram tibi, paruule IESV! præter lacrymas contriti & amantis cordis, suscipe eas & misce Sanguini tuo.

14. Quia dignus es Domine semper accipere laudem, gloriam, & honorem; ideo desidero singulis hujus anni momentis, quolibet ictu oculi, respiro,

millies ac millies Seraphicè, Marianè, Theandricè, te adorare, te diligere, te appetiare, tibi gratias agere, gaudere, & congratulari de bonis tuis, & de gloria tua.

15. Omnes actus meritorios, omnes cultus, omnia Sacrificia tibi impendenda, anticipatò tibi offero, approbo, ratifico. Omnia instantia & momenta actionum peccaminosarum, quæcunq; erunt, desidero implere actibus Christi Domini, Beatissimæ Virginis, & Sanctorum omnium. Omnes cruces, morbos, afflictiones à me tolerandas libenter accepto. Omnia, quæcunq; cogitaturus, dicturus, & factururus sum, aspergo sanguine Domini IESV, unio meritis IESV, MARIE & omnium Sanctorum.

16. Si vides Domine me aliquando hoc anno delibetate contra te graviter peccaturum, fac ut pro illo momento à dæmone obsidear, antequam peccem, & tamdiu patiar, donec pertranseat momentum, quo peccaturus eram.

### Eodem die

#### *Actus ante S. Communionem.*

**A**Mo te domus gentilitia, Amoris Bethleem, in qua IESVS Amor triumphat! amænior millies illà cisternà Bethleem; cujus vndis levare sitim, Davidis votum fuit. Ah in te! ô specus patria DEI mei! ah in te origo fontis est! cujus aquæ salunt in vitam æternam, & ex quo qui bibit non sitiet in æternum.

O Bethleem! ô natale solum Amoris! ô horreum & domus panis, unde Angeli fiunt immortales! ô quale in te frumentum constitutum est! frumentum electorum O quale granum ex aridis aristis tuis eminet!



Tu etiam dixisti Domine: Panisquem ego dabo  
caro mea est pro mundi vita. Ita est mi DEVS! Cre-  
do quidquid tu dixisti DEI Filius: nihil hoc verbo  
veritatis verius.

O mirum tui mi IESV amorem, qui à primo  
incarnationis instanti, in tenello corde tuo cepit incen-  
di! verè apparuisti mi Domine in flamma ignis de  
medio rubi

O cibus potusq; noster, accende, inflamma, & ex-  
ture me igne desiderij tui, tu qui Pater desideriorum  
es, fiat mihi secundum verbum tuum, fiat mihi se-  
cundum ignitissimum votum tuum. Quemadmodum  
enim desiderat ceruus ad fontes aquarum, ita desiderat  
anima mea satiari ab vbertate domus tuæ. Sitio Domi-  
ne lassatus in via iniquitatis, sicut te D E V M meum,  
venam aquarum viventium, sitio sanguinem tuum,  
quem mihi in potum mirabiliter contulisti.

Pater meus es tu Domine, & ego Filius tuus licet  
prodigus, da mihi portionem substantiæ, quæ me  
contingit, sed portio mea tu es DEVS meus: aliam  
non quero, nec admitto, illabere cordi meo, & omni-  
bus potentijs meis DEVS vita mea & amor meus, vt  
intimè sim tibi vnus. Vni me tecum indissolubili e-  
oq; strictissimo vnionis vinculo, ad eum si possibile  
est modum, quo tuæ humanitati vnita fuit diuinitas.

O Mater circumcisi puelli gemitibus ingemiscens,  
& nomen IESV imponens, atq; illud cum summa  
veneratione pronuntians, da mihi filium tuum IE-  
SVM. Vtiq; caro filij, tua est caro, sanguis ejus verè  
est tuus, is enim ex tuo Virgineo lacte, aut potius  
lac fuit, vtiq; IESVS propter salutem nostram de-  
scendit de cælis & incarnatus est de Spiritu Sancto in  
vtero tuo, adeoq; nobis datus, nobis natus,

Veni dilecte mi in hortum tuum animam meam, perfla eam Auster celestis, vt fluant aromata illius, purga illam stillicidio tui pretiosissimi sanguinis, riga fluentis gratia. Desidero te milles mi IESV quando venies, vt me te ipso saties, quando erit hæc fa-  
lix hora, quando te videbo facie ad faciem Milles  
mi I E S V moriar, dummodo te amorem  
meum videam.

Exulta & gaude anima mea, Ecce Rex tuus, diui-  
nus Pusio è sinu Matris properat ad te. En ipse stat  
post parietem & velamen istorum accidentium panis,  
Veni dilecte mi candide & rubicunde electe ex milli-  
bus. An verò ingressum oris, cordis & viscerum me-  
orum horres? utiq; postquam completi sunt dies oc-  
cto, circumcissus es puer, ac sanguinem tuum, quem  
vix habes, effudisti, purifica ergo mi IESV sangui-  
ne tuo, tuis calentibus lacrymis, fæda viscera mea, vt  
commodum tibi euadant hospitium,

*Actus post S. Communionem.*

**O** IESV sis mihi IESVS in vita & in morte & sal-  
ua me. IESV fili David miserere mei In nomi-  
ne IESV omne genu flectatur celestium terrestrium  
& infernorum. Misericordias tuas Domine IESV in  
æternum cantabo.

Vox sanguinis filij tui ô Pater clamat ad te deter-  
ra. Audi sanguinem filij tui altius pro nobis pecca-  
toribus clamantem, quam sanguinem Abel, non vin-  
dictam sed misericordiam, non vt irascaris sed misere-  
aris.

En Pater amantissime! hic est IESVS filius tuus  
dilectissimus, qui se mihi communicauit, & me in  
se conuertit! Amo te itaq; amore ipsius, corde ipsius  
lacrymas præsenso & sanguinem illius.

○ dul-



O dulcissime IESV bibam cum hoc Sanguine tuo  
suauissimo amorem tuum. In te solo ab hoc momen-  
to viuam ac spirem, magisq; anima mea in te  
viuat quem amat, quàm in corpore, quod animat.  
Transforma me in te, vt omnis substantia mea pereat  
in te, nec me inueniam amplius nisi in te.

In tuo dulcissimo nomine ô IESV, quod Saluato-  
rem significat, firmam spem salutis meæ pono, igitur  
ô IESV! sis mihi IESVS, dic animæ meæ salus tua  
ego sum. Applica precor vim nominis tui animæ  
meæ, & innocens ero, munda me hoc recenti sangui-  
ne tuo, & super niuem dealbabor.

Sanguine tuo mi Domine à peccatis omnibus lava  
me & concede, vt anima mea cum à corpore migraue-  
rit ante tribunal tuum appareat munda. O bone  
IESV ne deferas me in omnibus angustijs, ac præci-  
puè in suprema mortis lucta, à qua tota pendet æter-  
nitas.

O Pater per amorem sanguinis tui filij. O fili per  
amorem sanguinis tui proprij hodie effusi O SS. Spi-  
ritus per amorem corporis & Sanguinis à te in visce-  
ribus Virginis Matris efformati O DEVS vnitas & DEVS  
Trinitas, benedic mihi, benedic Patriæ pro hoc nouo  
anno, benedic toti mundo, effunde miserationes tuas  
in omnia regna. Da mihi & toti mundo amorem tu-  
um perfectum, & obseruantiam mandatorum tuorum.  
Indulge veniam peccatoribus, da tui cognitionem  
infidelibus, da gratiam amicis meis & inimicis, da  
Religiosis omnibus progressum in virtutibus &  
gratiam finalem.

Age holpes amantissime mi dulcis IESV! in cor-  
pore meo & anima mea (vt domum tuam ingressus)  
quidquid vis, dispone in me, de me, de oculis meis,

de corde ac omnibus occupationibus meis, prout vis, illas ego tuæ gloriæ & amoris dedico vniuersas, ac tuo sanguine imbutas, volo omnes pendere è tui amoris directione atq; imperio.

*In Epiphania Domini.*

1. Quid facitis ô Magi, quid facitis? infantulum pauperem adoratis in tugurio vili, in vilibus pannis? Ergone DEVS est iste?

2. Quid facitis ô Reges quod & aurum offertis? Ergo Rex ipse? vbi aula Regia, vbi thronus? nunquid aula est stabulum, thronus præsepium, curiæ frequentia IOSEPH & MARIA, serui, bos & asinus?

3. O IESV Rex meus & DEVS meus, hoc Theophaniæ tuæ die, à sapientibus tribus Regibus adorate, à Ioanne baptizate, à Patre laudate; cum Matre ad nuptias inuitate: ac ibi ejus rogatu, aquâ in bonum vinum conversâ, primo miraculo gloriose, cum summa humilitate plantis tuis accido, & cum tribus Regibus procido ante te.

4. O Diuine Puer! turbetur licet Herodes, & omnis Hierosolyma cum illo, meus eris Rex, isq; vnicus.

5. Condoleor tibi mi IESV, quia in propria venisti, & tui te non receperunt, quinimo vix es natus, & statim morti destinatus.

6. Crudelis Herodes expecta paulisper, quod nato Domino facere cupis, hoc lancea feri militis faciet.

7. Gratias tibi mi DEVS, pro primitijs Gentium, & earum illuminatione admirabili.

8. Grâtulor oculis vestris ô Magi: quibus vidistis Regem natum.

9. Apertis thesauris suis Reges obtulerunt tibi mi Domine munera. Aperi tibi thesaurum meum optimum, cor meum, tu habes clavem, claude illud alijs, tibi pateat soli.

10. Ore.



10. Orere super tenebras cordis mei ô gloria Domini, ô Iesu gloria Patris & Matris, Expergesce illud, dic animæ meæ: surge illuminare Ierusalem; quia venit lumen tuum.

11. Da mihi Domine vt cum Abele, & cum his Regibus, optima optimè dem tibi optimo DEO meo. Accipe si quid boni habeo, vt illud amore tuo perficias, imò accipe etiam quicquid habui vel habeo mali; vt illud amore tuo exuras, & è pessimo facias optimum, vt vbi abundauit delictum, superabundet gratia.

12. Amor tuus mi Domine, præparet penitentia myrrham primam in munus gratum tibi, ille me faciat thus tuum dolore contritum: ille me faciat aurum tuum, aurum ignitum: vt omnia opera mea sint è puro amoris tui metallo; & oratio mea ascendant vt virgulâ ex aromatibus mirrhæ & thuris, tibi Regi opera mea dedicans.

13. O Iesu stella splendida & matutina in Mariæ sinu, tanquam in firmamento Splendens fac, vt cum his Regibus, in splendore ortûs tui, ambulet cor meum; ac singulæ cogitationes & actiones meæ, sicut stellæ manentes in ordine suo, sint discipulæ tuæ.

14. O mi DEVus! vtinam omnes gentes, omnes tribus & populi, omnes Reges terræ, & Principes cum his tribus Magis venirent, teq; adorarent, ante te Deum prociderent, te solum mi Iesu fide uiua cognoscerent, te solum amarent, tibi fideliter seruirent, tunc videndo efflueret & dilataretur cor nostrum cum gaudio magno valde.

15. Quia tibi Regi sæculorum ac Domino dominantium debetur summa laus, honor, & gloria, ideo omnium Regum, omnium Principum, tam Catholicorum, quam infidelium, etiam oppositum volentium

colla & corda tibi subijcio, in persona illorum ante te procido, te adoro, adoratumq; volo & desidero ab omnibus, quicumq; futuri sunt.

Eodem die.

*Ante S. Communionem.*

**P**Utasne Domine, quia abscondes Te à me? ergone non videbo te Dominum meum in terra viuentium? Scio Domine! quia tu es DEVS absconditus, & posuisti tenebras latibulum tuum: surgam tamen & circuibo ciuitatem, per vicos & plateas Bethleem, quæram quem diligit anima mea.

Vt verò ocius inueniam dilectum meum, sequar vos ô Magi, tam fortunata stella duce, errare non potest, qui è cælo ducatum præbet. Amo te mea stella, quæ me ducis ad Regem meum.

O si possem velocissimè totam terram peragrarè & inuenire te mi IESV: tu enim es desideratus cunctis gentibus, tu desiderium collium æternorum, tu sponsus, tu Rex cordium, tu amor meus, & omne bonum, qui trahis nos ad te, & inquietum est cor nostrum, donec requiescat in te.

Ducito me ô stella ad amorem meum, volo velocibus te sequi passibus. Nam quis negabit alas amanti? Quid si in Virginis Matris sinu Virgineo passus lacte virgineoq; uertice ludat amor meus? quid si inter amica cati IOSEPHI basia! quid si in fæno & præsepi inter bouem asinumq; medius? quis scit an non admittent commutationem præsepia, ut cum redierit à sinu castæ Matris, ubere jam plenus virgineo amor meus, nouo præsepi, canisq; pro veteribus indormiat nouis? O si ludere fallereq; amico dolo possem Matrem, ut pro falsijs & pannis animâ hac, cordeq;



cordeq; meo inuoluam dilectum meum ?

Quid verò immoror nec satior his nudis votis? vale jam mea stella, cælos pete. Non sequor. Miraris? inueni quem diligit anima mea. Audio quid loquitur in me Dominus DEVS. Venite inquit, ad me omnes qui laboratis & ego reficiam vos. Verbum in auribus meis dulcissimum! ô cæleste conuiuium, ô suauissimam refectionem, & amoris excessum! O magneticum sancti amoris illicium, paruule IESU! en vix es in stabulo paupere natus, & in sinu Matris exaltatus, omnia trahis ad te ipsum.

Venam etiam me indignum rapiat ignita vis amoris tui, quæ me transformet, & in te absorbeat, ac me tecum vnum efficiat.

Ad te venio mi Domine! & clamo post te liberator meus, esuriens & sitiens, miserere mei fili David & da mihi hodie panem tuum, da vinum quod misisti, vt refocilletur anima mea.

O Pater amantissime! qui sic dilexisti mundum, vt Vnigenitum filium tuum dares, da mihi hunc eundem. Fili vnigenite DEI, qui de sinu Patris ad terram descendisti, descende Domine ad cor meum. Spiritus Sancte qui beatam Virginem dignum habitaculum fecisti filio DEI, effice quoq; in me hospitium filio DEI.

O beatissimi tres Reges, degustem illam spiritus vestri dulcedinem in huius contactu SACRAMENTI, quâ diffuebatis, cum cor vestrum & caro vestra exultauerunt in DEVM Vinum.

*Actus post S. Communidnem.*

O Sculor paruule IESU infans Verbum pedes tuos ore Magorum te adorantium, sacrifico tibi præcordia mea. Noto Rex speciose formâ præ filijs homi-

hominum aliam hæreditatem nisi te. Viue potentissime Imperator in medio cordis mei, & dominare sicut decet te. Confiteor coram cælo & terra, quia tu solus Dominus, tu solus Altissimus, tu Rex regum & Dominus dominantium,

O magne Amor, paruum numen! cum his tribus Regibus procidens ante te, tuis me subijcio plantulis! en me totum submitto ditioni tuæ! en ego me dedo imperio tuo! en ego me consecro arbitrio tuo! en ego inclino collum seruituti tuæ!

Ah! quid stant iumenta duo? an forsân à te jugum expectant? En ego! ô diuine puer, ceruicem meam vinculis tuis præbeo! ne præferas me bestijs qui me creasti, vt dominaret bestijs terræ, ah! me innoda & illiga iugo tuo. En corpus & anima mea facta sunt, vt duo iumenta ante te. Conscende currum præsepj tui, inside sæno tuo: ego jungam iumenta mea, & te toto orbe circumueham, atq; elata voce clamabo: Sic triumphat amor!

Quidquid mi Domine habeo, quidquid sum, quidquid possum, tibi penitus trado, vt me totum tibi vendices. Imò in simplicitate cordis mei lætus offero tibi vniuersa. Dispone de me DEVS meus, de bonis fortunæ, corporis & animæ, dispone de me toto in tempore & æternitate.

Vtere me velut re tua, meis omnibus famâ, vitâ, fortunis, corpore, animâ, ad arbitrium tuum. Offero corpus in victimam, cor in templum, vitam in holocaustum, vires omnes & facultates in beneplaciti tui obsequium. Et sicut tu totum te mihi tradidisti in nutrimentum animæ meæ, ita ego totum me tibi in æternum dono ac consecro.



*Die Cinerum.*

1. **V**Is Domine me flere, jubes me flere, peccata mea & meorum? Ad sacros pedes tuos velut ad aſylum reus accurro, & ante illos toto corde proſtratus clamo: Eheu! peccaui Domino. Tibi ſoli peccaui, quem ſolum amare debui.

2. Tu dixiſti Domine: nolo mortem peccatoris, ſed magis vt conuertatur & viuat; ideo adrepa cinere, aſperſus ad te, cum ſim puluis & cinis, qui tuum altare olim cinere mundari iuſſiſti: Iobum tuum cinere coopertum amaſti; Dauidi cinerem, tanquam panem manducanti peperciſti.

3. Ne remiſcaris Domine delicta noſtra vel Patrum, Fratrum &c: neq; vindictam ſumas de peccatis noſtris.

4. Ne remiſcaris iniquitatum noſtrarum antiquarum, mi Domine, cito anticipent nos miſericordiæ tuæ, quia pauperes facti ſumus nimis.

5. Adiuua nos DEVS ſalutaris noſter, & propter gloriam nominis tui Domine libera nos: & propitius eſto peccatis noſtris propter nomen tuum.

6. Nonne dixiſti Domine: gaudium eſſe in cælo ſuper vno peccatore pænitentiam agente? exple igitur hoc gaudium in cælis de me. Pænitet me peccaſſe, ſemperq; pænitebit: & ſi poſſem infinito dolore dolerem, quod offenderim te.

7. Detector & execror omnia peccata mea, ſupra quidquid deteſtabile & execrabile eſt, & propono me nunquam ampliùs te offenſurum.

8. O IESV! ò MARIA! ambo quidem offendiſtis, ſed ambo eſtis abyſſus miſericordiæ & dulcedinis, parce ergo miſericordiſſime IESV, parce ſeruo Matris tuæ, miſericordiſſima Mater MARIA, parce mancipio filij tui.

9. Et

9. Et quia mi Domine amore tui solius detestor omnia peccata mea, en etiam omnia & singula mea jejunia offero & dedico tibi in sacrificium amoris tui, cujus imperio volo tibi, ea per Ecclesiam imperanti, obedire, quæ conjungo cum omnibus tuis, MARIE ac omnium electorum jejunijs, & meritis omnibus, vt tibi placeant.

10. Eo item sine mi DEVS hoc jejunium instituo. Vt nimirum subtraham materiam vitiorum. Vt tuear castitatem, meo statui conuenientem. Vt seruem sanitatem virtuti impendendam, Vt animum aptem inspirationibus tuis, Vt imiter jejunium tuum & Sanctorum, Vt me comparem ad orationem & venerabilem Eucharistiam. Vt satisfaciam pro excessu in cibo & potu.

*Tempore Passionis.*

1. Si inquam aliàs, nunc certè tempus est exhibendi te mihi DEVM misericordiae ac benignitatis, IESV mi amantissime, Conditor ac Redemptor! atq; omne bonum meum. Ecce! monstrum ingratitudinis ac perfidiae sistit se diuino conspectui tuo.

2. Quid facere poteras amplius in gratiam mei, quàm mori in cruce? poterasne maiori pretio regnum tuum ac potestatem mercari, quàm quo salutem meam redemisti?

3. Quid dixerint Seraphini, cum DEVM viderent inter quos latrones cruci affixum? mori DEVM & mori quidem inter tormenta tam immania, inter opprobria tam nefanda, fluctibus doloris obrutum decumanis? nunquid par erat, vt excelsae illae mentes attonitae obstupescerent tam inexpectato caritatis excessu, cujus capax non erat cor aliud, quàm diuinum?

4. Sed eni noua admirandi materies len prodigium in-



tum ingratitudinis, supra bonitatis excessum nouum, atq; insolens! post tot perpeſſiones, post tantum sanguinis prodigè effusum, quos fructus refers mi DEVS? nondum expugnare potuisti ingratum hoc cor meum?

5. O dedecus abominandum! post mortem mei causâ exantlatam, potui contemnere te, potui renouare vulnera tua, nouisq; sceleribus tuum conculcare sanguinem?

6. Ah! vt nunc saltem parem ingratitudini meæ sentirem dolorem, vt pænitentiam saltem pro amore, pro sanguine lacrymas redderem! sed & istic deficio miser, neq; aliud mihi restat, quàm vt ad te confugiam mi DEVS! & desiderem hunc dolorem & ex toto corde flagitem.

7. Vis Domine & scis me dolorem non mereri, sed & scis, consequi me eum non posse absq; te; ex me cadere possum, at non resurgere, auerti à te, sed non redire ad te, peccare sed non pænitere.

8. Tu amator animæ huius fidelissime, reliquis miserationibus tuis etiam hanc adde, vt operi manuum tuarum porrigas dexteram, meq; miserum subleues atq; sustentes; ego amoris tuo victas dominus, ætimo te & amo super omne bonum, & propter hunc solum amorem tui abominor peccatum super omne malum, detestor illud & execror, velut causam perpeſſionum tuarum, tuæq; mortis vnicam originem.

9. Patrocinentur ergo mihi mi IESV vulnera tua, pro mea salute clament ad Patrem, impetrent mihi misericordiam, gratiam q; abundantem, vt moriar prius, quàm te rursus offendam.

Eodem tempore.

*Actus ante S. Communionem.*

**O** Dolor! ut quid auctus es dolenti & amanti cordi meo? an parum fuit malis tuis, quia tu mi IESV candidus & rubicundus, electus ex millibus, gloriosus totus, pro me factus es Rex dolorum, Rex despectuum, saturatus opprobrijs, vermis & non homo, quomodo iterum permittes ad fœda viscera mea declinare, à me tanquam scelera- tissimo iterum crucifigi?

○ mi IESV tuanè sapientiæ atq; maiestati venire hoc in mentem potuit, ut nobis te in cibum potumq; dares? An non erat satis bonitari tuæ carnem nostram assumere, & tuæ diuinitati associare? innocentissimam carnem tuam pro nobis lethalibus tormentis excruciare? animam sanctissimam pro nobis in mortem dare? nonnè inquam erant hæc satis?

Ut quid insuper opus erat adinventionibus istis magnis? ut quid opus erat manducari te à nobis inuiscerari? Parum erat ablui sanguine tuo, etiam oportebat inebriari nos illo? Parum erat corpore tuo redimi etiam oportebat nos eodem saginari? Quomodo demirabor stupendam adeo bonitatem tuam mi dulcis IESV?

○ bonitas: ô charitas, ô misericordia! quid tibi protantis tuis erga nos miserationum tuarum profusionibus non dico retribuam, sed respondebo? Maiores sunt miserationes istæ super nos, quam ut sufficiamus omnes pro ijs dignas Majestati tuæ gratias agere.

Quia ergo mi dulcis IESV cum famescente avaritia manducari te vis à nobis, fiat itaq; mihi secundum



cundum verbum tuum. Ardet tibi amor meus, si parum, amplius succende illum, vt ardeat ardore tuo, amore tui, tantum quantum tu vis, quantum tu das, quantum tu dignus es.

Veni Domine I E S V ecce patet porta cordis mei, ecce patet ostium animæ meæ, ingredi & benedicte Domine. Paratum tibi, paratum cor meum IESV, si parum, tu amplius para illud.

*Actus post S. Communionem.*

**Q**uid dignum in conspectu tuo egi, quod pro me seruulo tuo redimendo incarnari, nasci, laborare, pati, ac mori voluisti mi Domine, me toties non laude vt Mater filium! sed corpore & sanguine tuo reficis, & nunc etiam refecisti?

O abyssus bonitatis, tantanè res erat salus peccatricis animæ meæ, vt ei expiandæ tantum sacrificium, ab æterno destinaret? esurienti tantum Conuiuium præparares?

O corpus sacratissimum quinque vulneribus sauciatum, millies ac millies te exosculor, tui solius amore semper languere desidero, illud semper esurire eiusq; dulcedine semper pasci. Amplector pedes tuos cum Magdalena pro me in cruce transfixos.

Saluto te frons sole serenior Saluatoris mei spinis cruentata in lapsu percussa. Auerte oculi cæli sydera, pro me velati, contusi, liuore pleni. Aue vultus Angelis desiderabilis consputus. Aue dulce os pro me felle & siri cruciatum. Auerte humeri crucem sustinentes & flagellis cæsi

Sauicia Domine cor meum vulneribus tuis, mentem meam inebria sanguine tuo, vt quocunq; in posterum me vertam, semper te videam crucifixum, & quidquid aspexero tuo sanguine tinctum appareat mihi,

Respi.

Respice in me Pater æterne, quia vnigénitus Filius intra viscera tua clamat ad te. Attende in filio, quod te moueat misereri serui tui, & dum dilecti Filij patent vulnera, mea quæso tegantur scelera, & quia caro mea te laceßiuit ad iram, caro filij tui te flectat ad misericordiam.

Aspice pie Pater in faciem Christi tui, & cum sit hic Filius tuus dilectus, in quo tibi semper benè complacuit, qui mihi nunc intimè conjunctus est, supplex rogo, vt me quoq; respicias oculis misericordiæ tuæ, sub eius protectione ac tutela, sub vmbra meritum ipsius compareo coram te; vt illum præcipuè intuens, me quoq; clementer ac benigne respicias, tanquam mancipium eius & seruum perpetuum. Ne permittas obsecro, vt pereat illa anima, quæ toties in se recepit Filium tuum, qui à te missus venit in mundum, quærere & saluum facere quod perierat.

*Die Cene Domini.*

1. **O** MI ES V! dum te video ad pedes Iudæ hodie prostratum, timor & tremor veniunt super me! & dum considero opera tua expauesco!

2. Amabilissimam hanc charitatem tuam ô mi DEVS, admiror & veneror, æstimo & laudo, magnifico & benedico, quantum possum: neq; possum quantum volo: neq; velle valeo, quantum debeo.

3. Exosculor mi IES V illas tuas diuinas manus, quibus lauisti pedes discipulorum, & ipsius proditoris tui.

4. O si & ego hodie in toto mundo omnium è genorum, omnium pauperum pedes in terra prostratus lauare possem! quia id præstare non valeo, offero tibi Domine lotiones pedum vbiq; factas, a deo tuis faciendas vsq; ad finem iudicij.



5. Exosculor mi IESV tuas sacras manus, quibus sub speciebus panis & vini, hodie pretiosissimū corporis & sanguinis tui Sacramentum discipulis tuis tradidisti.

6. O anima Christiana, vide & considera, quomodo memoriam fecit mirabilium suorum misericors & miserator Dominus, & fecit carnem magnam.

7. O prodigium! ecce homo quidam fecit carnem magnam. Magnam, quia à magno Deo, magnā charitate propositam. Magnam, quia magno prodigio elaboratam. Magnam, quia magnis ferculis instructam corpore Christi, animā Christi, Diuinitate Christi.

8. O mi IESV! si me totum debeo pro me facto, quid dabo pro refecto hoc modo?

9. Vicisti Domine vicisti misericordiā & bonitate tua omnia exempla, omnia ingenia, omnes amores, omnium amorum gradus, & omnem expectationem omnium creaturarum superasti.

10. O si possem mi DEVS! reparare omnes irreuerentias, profanationes, impietates, contra tuam Majestatem in hoc Sacramento verē contentam, præcipue hodie à Iudeis, hæreticis, & sagis commissas & committendas.

11. O si possem nunc tantum tibi exhibere honorem, quantum tibi dedissent, darentq; omnes simul, Athei, infideles, hæretici, Turcæ, idololatræ, & omnes blasphemi, si essent vel fuissent fideles, teq; totā vitā suā, debito cultu & recognitione honorassent.

12. Pro omnibus contemptibus & irreuerentijs, quas aliquando mi Domine tulisti & seres vsq; ad tempora Antichristi, innouo tibi & offero primum sacrum à te, & primam communionem à Beatissima,

Bb

Apolto.

ms

Apostolis, & omnibus alijs factam, cum illa adoratione & honore, qualem Spiritus Sanctus illis inspirauit.

Eodem Die.

*Actus ante S. Communionem.*

**O** Quanta vis amoris cor tuum succendit amantissime IESU. Cum transiturus de hoc mundo ad Patrem, mensam parasti nobis habentem omne delectamentum & omnis saporis suauitatem.

Grande quidem fuit & admirabile opus amoris tui, quod naturam nostram assumere dignatus sis, sed longe præstantius & mirabilius est, quod corpus tuum in cibum & sanguinem in potum reliqueris, in illo siquidem nostram suscepisti humanitatem, in hoc tuam largiris diuinitatem.

O cœnam admirandam! ô gratiam ineffabilem! idem Dominus conuiuia est & conuiuium, cibans & cibis, offerens & oblatio. Manducat homo panem Angelorum, qui iumentis insipientibus comparatus fœnum ut hos comedere dignus erat. Cibum percipit vitæ, qui de cælo descendit, cibum omnis suauitatis, Sanctorum delicias, ferculum immortalitatis.

O quanta felicitas, homuncio bibit vinum cæleste, vinum germinans Virgines & aridas sitibundæ animæ fauces potu saliente in vitam æternam refocillat: in loco pascuæ, in loco vberi collocatus, flumina mellis, fontes lactis, liquorem balsami fugit, torrente voluptatis potatur, & ab vberissimis cælestis ambrosiæ inundationibus inebriatur.

Sic totum mi Domine thesaurum gratiæ tuæ in nos effudisti, ut immensa hac dilectione præuenti amoris, vicem tibi rependere totis viribus sagamur.

Amo



Amo itaq; te vnicum meum solatium in hoc exilio, vnica spes languentis animæ, vnica mea felicitas & summum bonum, quo in terris frui licet. Amo te toto corde, tota virtute, atq; vtinam omni momento te feruentius semper amarem!

Hoc est ardens desiderium meum, huc feruntur gemitus mei, & suspiria cordis mei. Ad te enim trahis omnes vires animæ meæ, dum te ipsum transfundis in me, dum quantum fieri potest, me simile tui facis, dum esurientem animam meam non cibo aliquo terreno, sed pretioso corpore, & sanguine nutris, satias & saginas.

O ignis iugiter ardens & nunquam deficiens, vre cor meum vt ardeat amore tui. Ignem venisti mittere in terram, accende illum & euentila, vt sepe crescat.

Atq; vtinam possem omnium Sanctorum affectus & inflammata desideria habere, teq; semper firre fontem vitæ, fontem sapientiæ, fontem æterni luminis, torrentem voluptatis! Vtinam te semper esuriam cor meum, panem Angelorum, refectionem animarum Sanctorum, & dulcedine saporis tui, replerentur viscera animæ meæ.

Renuit consolari anima mea donec suscipiam te. omne bonum meum Domine IESV, quem solum ardentissime concupisco, cum omni affectu & deuotione omnium electorum tuorum, tecum epulanti-um in mensa tua.

*Actus post S. Communionem.*

**C**redo dulcissime Amor mi IESV! te in Sanctissimo SACRAMENTO, quod recepi, esse cum diuinitate, animâ, corpore, sanguine, meritis, virtutibus, gratijs, viuam totum, ac omnipotentem, & credo te cum Patre Spirituq; Sancto esse in anima mea,

Credo autem, quia tibi credo, quia tu veritas es & quia tu dixisti illud: Hoc est corpus meum. Tu es qui venisti ad me Domine IESU DEVS meus, Dominus meus, Redemptor meus, salus mea, vita animæ meæ, tu ipse & non alius, quem sub hoc panis velamento suscepi.

O admirabile mysterium, ô dulcissimum SACRAMENTUM, ô adorande & diuinis tantummodo sat, digne redamande amoribus Amor meus, quomodo ita me amantem redamabo? O si millena corda haberem eaq; omnia plena ijs affectibus, quibus abundauit vnquam cor MARIE, cor omnium electorum, vt desiderio meis respondeat amor meus!

Nunquam te amabo, quantum amabilis es, & quantum te amare vellem. Vellem si fieri posset me tibi ita vniri, vt in permissione hujus tam amabilis vnionis me ipsum perderem, neq; amplius essem, nisi in te.

In æternum volo amare te mi dulcis Iesu verus DEVS & verus homo, qui ex voluntate Patris cooperante Spiritu Sancto te mihi nascent in socium, conuolens in edulium, moriens in pretium, regnans in præmium dare dignatus es.

Assumo omnium creaturarum etiam possibilium adorationes, & amorosos affectus, omnesq; illos in Te amor mi, quem hodie recepi plena hilaritate effundo, eosq; tibi omnes impendi, & affectum hunc in omne momentum & æternitatem continuari cupio & continuo.

O Sanctissime Amor, exosculor millies venerabiles manus, in quas acceptus est panis & benedictus, fractus, datusq; discipulis! Exosculor pedes speciosos pro me clauis confixos Exosculor latus diuinum pro me lancæ vulneratum, Exosculor



## CHRISTIANVS

322

mitissimum cor amore mei indignissimi peccatoris  
saucium. Exosculor totum sacrum corpus.

Compatior tibi **DEVS** meus, quia pro tantis  
miserationib<sup>9</sup> tuis tanta reddimus mala. En non tantum  
à Iudæis olim ô mitissime Domine passus es oppro-  
brium & contemptum, sed etiam hodie ab Ethni-  
cis, hæreticis, sagis, & quod majus est à nobis perdi-  
tis ac impijs Christianis, & Catholicis, quid non in-  
juriz pateris? Vellem mi **DEVS** euiscerare me ad  
abolendos omnes defectus & irreuerentias, quas a-  
liquando tulisti & feres Domine, præcipue hodie à  
Sagis, Iudæis, hæreticis, in sua cæna, paganis, ido-  
latriis.

In supplementum harum omnium blasphemiarum  
despectuum, contemptuum, derisionum, innouo tibi  
D<sup>ns</sup> meus & effundo mare illud affectuum, quos ex-  
ga Eucharistiam elicuerunt Angeli Sancti, dum pri-  
mum consecrata est, item Apostoli, Beatissima, ipse  
quoq, Christus corpus suum, primum in cænaculo  
sub speciebus panis ponens, & vt putatur, sumens.

Insuper desidero tot actus adorationis, salutatio-  
nis, & recognitionis tibi mi Saluator amantissime fa-  
cere, quot in vniuerso mundo consecratæ sunt, &  
consecrabuntur hostiz, & quoties possunt fieri parti-  
bilitates hostiarum, ita vt cuius correspondeat amor  
& recognitio mea.

### Die Parasceues

1. **O** Anima Christiana! respice in faciem Christi  
tui, & intuere speciosum formam præ filijs ho-  
minum opprobrijs, injurijs, verberibus, liuoribus,  
contusionibus pro te ita deformatum, vt non sit ei  
species neq; decor,

2. Vide caput nobilissimum spinarum punctio-  
nis

nibus transfossus & percussionebus attritus. Vide genes modestissimas sputis fædatus, alapis cæsas, sanguine cruentatus. Vide oculos benignissimos lacrymis perfusos, & ad ignominiam velatos. Vide os suauissimum siti ardentissima cruciatum; & felle atq; aceto poratum.

3. Vide dorsum, supra quod fabricauerunt peccatores verberibus dilaniatum, & humeros crucis pondere oppressos. Vide brachia amabilissima funibus deuincta, & in cruce crudeliter extensa. Vide manus innocentissimas durissimis clauis perforatas. Vide pedes delicatos tot itineribus defatigatos, ac cruci tandem affixos.

4. Vide corpus venerabile pro nobis in cruce suspensum, vulneratum, mortuum, & sepultum. Vide sanguinem pretiosissimum, vsq; ad minimam guttam, pro nostra salute misericorditer effusum.

5. O Pater! quàm stupendâ, quàm inauditâ charitate dilexisti me! vt seruum redimeres, Filium tradidisti.

6. O mi IESV suauissime! abyssus bonitatis, tantanè res erat salus peccatricis anima mea, vt ei expiandæ tantum sacrificium ab æterno destinares? adeonè non taurorum aut vitulorum sanguine non corruptibilibus auro vel argento redemptus sum, sed tui ipsius pretioso sanguine quasi Agni immaculati?

7. Quid retribuam tibi Domine mi IESV pro omnibus his quæ tu tribuisti mihi? quomodo amabo te, vel potius quomodo redamabo te ita amantem me?

8. O si incessanter tot millenis vicibus te adorare, & benedicere, te salutare & amare possem, quot suspiria mi IESV emisisti, lacrymas fudisti, quot dolores sustinuiti, quot lapsibus cecidisti, quot pænoxis gressibus ambulasti?



9. O si incessanter eâ flammâ amoris arderem, amando te, quâ ardes Tu, quâ ardet Mater tua, quâ ardent Seraphini! quâ ardent omnes Sancti tui!

10. O si tot millenis vicibus amore tui sanguinem meum effundere possem, quot vulneribus in flagellatione concissus, quot spinis in coronatione vulneratus, quot sistentibus sputis es maculatus, quot funibus ligatus, quot inquis iudicij es condemnatus!

*In Solennitate Sancti Sepulchri.*

1. **O** Angeli! ô cæli! ô elementa! ô creature omnes! adeste! En iam Dominus IESVS mortuus est!

2. Venite omnes ad sacrum hoc depositum iam sepulchro conditum, & mecum flete, nam pupilli facti sumus absq; Patre. Cecidit corona capitis nostri.

3. O anima Christiana! Ecce quomodo bonus IESVS amavit te! Dedit pro te genas vellentibus, faciem conspuentibus, capillos extrahentibus, corpus percutientibus, caput coronantibus, manus pedesq; perforantibus.

4. Ecce quomodo amavit te! Quando unica guttâ sudoris, unicâ lacrymula, gressu, gemitu, ictu oculi, voluntatis actu te redimere potuisset: ah! quot guttas sanguinis, quot lacrymas, gressus, gemitus, horas, dies, annos impendit!

5. O dulcedo mea, quot amaritudinibus, ô gaudium meum, quot lacrymis! ô sanitas mea quot vulneribus! ô vita mea, quot mortibus pro me obruta es!

6. O mi Creator, ô mi Redemptor, quantum tibi deo? quomodo tam exilis amor tuus respondebit divino affectui & amoris tuo?

7. **O**

7. O si cor meum esset Salamandra, & continuo ardens viueret in flamma amoris diuini o si audiente toto cælo & terra semper & ubiq; clamare possem: Millies ac centies millies dignus est Agnus qui occisus est, accipere virtutem, & Diuinitatem, & sapientiam, & fortitudinem & honorem & gloriam, & benedictionem.

8. O si incessanter mi dulcis IESV: tuum reuerendum caput pro nobis spinis coronatum, tuam faciem pro nobis consputam, tuos oculos lacrymis perfusos, tuas manus & pedes clauis confixos, cum gemitu & lacrymis osculari possem!

*In Resurrectione Domini.*

1. **E**Xurge Domine! exurge de tenebris, & umbra mortis, non decet Sanctum Domini videre corruptionem,

2. O anima mea! en dilectus tuus candidus & rubicundus loquitur tibi, surge propera amica mea & veni: iam enim hyems transijt doloris, imber abijt sanguinis, flores renascuntur lætitiæ.

3. O Pater! annuntio tibi gaudium magnum. IESVS Filius tuus viuit! quem fera pestima deuorare voluit, & ipse dominabitur in cælo & in terra.

4. Consurge, consurge MARIA, induere vestimentis gloriæ tuæ Virgo gloriosa. Surge & illuminare, quia uenit lumen tuum, & gloria Domini IESV, gloria Filij tui resurgentis, super te orta est.

5. O Angeli pacis! gaudete in Domino, itorum dico gaudet, en ille nuper despectus Rex vester, iterum speciosus formâ præ filijs hominum factus est.

6. Quam magna multitudo dulcedinis vestræ o SS. Apostoli! quam habuistis videndo & amplectendo Dominum vestrum è mortuis rediuium.

7. O si pos-



7. O spoliem velocissime totam peragrarere terram, & clamore valido ubiq; vociferari: Viuit IESVS! Viuit IESVS!

8. Latere & exulta anima mea! en cui nuper non erat aspectus neq; decor, nunc resplenduit facies ejus sicut sol, vestimenta autem illius facta sunt alba sicut nix.

9. Infelix Synagoga, vidisti nuper Regem tuum & fecisti tanquam leprosum, & nouissimum virorum, en cernit pulchritudinem illius sol & luna mirantur.

10. Ostende etiam mihi mi dulcis IESV faciem tuam gloriosam! sufficit mihi illam videre antequam moriar, O si citius venirem & apparerem ante te! tunc cum lætitia exclamarem: Dominus meus & DEVS meus.

11. Sancte IESV per sanctam Resurrectionem tuam te rogo fac me sanctum: resuscita me cum sanctis illis de quibus dicitur: Multa corpora Sanctorum, qui dormierant, surrexerunt. Duc me in Sanctam ciuitatem tuam, in qua tu es: fac me ita vivere, sicut Sancti illi, a te resuscitati vixerunt tecum.

12. O vere Agne, qui abstulisti peccata mundi! aufer & mea qui mortem nostram moriendo destruxisti, destrue & meam; qui vitam resurgendo reparasti, repara & meam.

13. Quid vero sunt plagæ istæ in medio manuum tuarum? in medio pedum tuorum, in medio cordis tui? O vere sunt æterni testes amoris, diuinæ monumenta pietatis, cruentæ trophæa victoriæ, nimis symbola charitatis, verè sunt ianuæ cælorum, sunt claustra inferorum, sunt fodinæ gratiarum, sunt deliciae hominum & Angelorum.

14. Exosculor mi IESV hæc rosea vulnera, ac cicatr.

cicatrices tuas splendidiore sole, exosculor tuum defecatum cor, quod in morte tua tam vehemens rupit amor & dolor.

no

15. O vtinam mergar & absorbear pelago pietatis istius abyſſo miſerationum iſtarum; vtinam inter vulnera illa, intra viſcera illa abſcondar ibiq; perpetuo ſtupore defixus, exclamem æternitate tota: **DEVS** meus & Amor meus!

15. Imprime mihi, mi dulcis **I E S V**! cicatrices iſtas, & lancient cor meum altiſſimo vulnere, & vulnere ſempiterno; vt tui vnius deſiderio langueat cor meum, tui vnius amore moriatur, & moriens reſurgat, & te diligat in æternum.

### Eodem Die

*Actus ante S. Communionem.*

**A** Djuro vos Filie Ierusalem. animæ beatæ, ſi inueneritis dilectum meum, vt nuntietis ei quia amore langueo. Quæro dilectum meum candidum & rubicundum & non inuenio.

O vita! per quam viuo, ſine qua morior. vbi quaſo es, vbi te inueniam? vbi es dilecte ex millibus vbi es? longa mora amanti! quouſq; ludis amantem amor? ſonet vox tua in auribus meis, vox enim tua dulcis & facies tua decora,

Quid dicam? quid faciam? quo vadam? vbi eum quaeram? vel quando inueniam? quem ro-gabo, quis renuntiabit dilecto quia amore langueo? Defecit gaudium cordis mei, verſa eſt in luctum læ-titia mea: defecit caro mea & cor meum. **D E V S** cordis mei & pars mea **D E V S** in æ-ternum, Renuit conſolari anima mea niſi de te dul-cedo mea. Quid enim mihi eſt in cælo, & à te quid volui



volui super terram? Te volo, te spero, te quero, tibi dixit cor meum: Quæsiui vultum tuum, vultum tuum Domine requiram, non auertas faciem tuam à me.

At verò non ampliùs plorans plorabo, quia consolatus est Dominus populum suum, & pauperum suorum miserebitur. En Angelus Domini euangelizat nobis gaudium magnum: Surrexit Dominus, non est hic, ecce locus vbi posuerunt eum. Dicite omnes Sancti in nationibus, & annuntiate hoc in vniuersa terra, quia surrexit Dominus, viuìt Iesus!

Verè surrexit, quia Dominus est, quia potestatem habet ponendi animam suam, & iterum sumendi eam. An non licet ei facere quod vult? an non Dominus est vitæ & mortis, habens clauem in manu sua & quis resistet illi? Quis similis tui in fortibus Domine, magnificus in sanctitate, terribilis atq; laudabilis & faciens mirabilia?

Benedictus sit Dominus DEVS noster, in multitudine virtutis tuæ, in magnitudine brachij tui, in splendore fulgurantis hastæ tuæ, in altitudine consilij tui, & profundis abyssis cogitationum tuarum, verè Domine tu es Rex potens ad saluandum, redemisti, saluasti, viuificasti, eduxisti nos, confregisti sceptrum exactoris, & triumphasti aduersarios tuos oppressores nostros.

Gratulamur tibi Domine Majestatis gloriosam & magnificam resurrectionem tuam, gratulamur tibi, quia eduxisti in fortitudine tua victos de lacu in quo non erat aqua. Gratulamur tibi, quia non dedisti Sanctum tuum videre corruptionem in sepulchro, sed stolâ immortalitatis, & communicatione gloriæ illud induisti, simulq; etiam nobis seruis  
tuis

tuis spem, & expectationem resurrectionis per nostram futuram exhibuisti.

Exultamus cum Sanctorum Patriarcharum, Prophetarum, Patrum ceteribus vniuersis, quos Tu Rex gloriæ & desideratus eorum, eduxisti victos de lacu, in quo sedebant te expectantes liberatorem suum. Exultamus cum vniuersis caelis, & celestibus choris, quos hodie lætificauit resurrectio tua. Exultamus & cum vniuersis creaturis, quas splendor resurrectionis tuæ viuificauit & recreauit.

Consolari etiam digneris hodie animam meam mi Domine! vt cognoscam te in fractione panis, qui de cælo descendit. Appare mi IESU gloriosus & formosus animæ meæ, Cupio te eo affectu intensissimo non tantum apparentem mihi, sed etiam te inuiserantem in hoc Sanctissimo SACRAMENTO exoptare, sumere, manducare, quo affectu te resurgentem, & gloriosum salutauit, excepit, adorauit dulcissima Mater, ac omnes discipuli tui.

*Actus post S. Communionem.*

**C**redo quod Redemptor meus viuit. Vinit in me Christus. Exultat Spiritus meus in DEO salutari meo. Gratias tibi ago, quia tu venisti ad me, Dominus meus & DEVS meus. Osculor Domine sacrosancta vulnera tua.

Viuat in me Iesus, regnet, triumphet Iesus, Dei viui & Mariæ filius, qui ex Patre genitus ante omnia secula eidem consubstantialis, pro me nati & mori voluit, qui denique a mortuis rediuiuus hodie victor exijt.

Amate & recreate Dominum in me contentum omnes Sancti Angeli, cantate illi pro me Sanctus vestrum. Desinam Domine esse si non debeo amare te. Sa.



te. Saluto te hospes amantissime, cum tua Sanctissima Genitrice, Matreque omnium nostrum MARIA, quæ te viuum & triumphantem de morte recepit. salutauit, complexa est; Cujus animam sicut in tua morte gladius doloris pertransiuit, sic in resurrectione tua triumphus exultationis inundauit.

Salutat te etiam cum omnibus creaturis tuis anima mea, quæcunque sunt in cælo & in terra, sanguine tuo redempta, morte tua viuificata, resurrectione tua resuscitata, insuper etiam corpore & Sanguine tuo pasta, resecta, & saginata.

In persona omnium hominum in toto mundo existentium, ac præcipuè nomine vniuersæ sanctæ Ecclesiæ tuæ Catholicæ, solennitatem Resurrectionis tuæ cum lætitia & exultatione recolentis saluto & adoro te immortalis VICTOR mortis & inferni, Domine IESV Redemptor humani generis, Pater futuri seculi, primitiæ resurgentium, te Dominum vniuersorum agnosco, de tuo triumpho & denicta morte ac inferno, cum toto mundo gaudeo & exulto.

Nomen tuum & memoriale tuum Domine mi in desiderio animæ nostræ; quia cum dilexisses nos seruulos tuos usque in finem dilexisti, & posuisti animam tuam dilectam pro nobis, rursumque assumpsisti eam, & reduxisti victor à sepulchro inter mortuos liber.

*In Ascensione Domini.*

1. **A** Bisti Domine in cælum, quia malè tibi in terra à nobis peccatoribus fuit.

2. O Domine ideonè tot annis quæsitus, tot seculis expectatus, tot lacrymis quæsitus fuisti, tot votis expetitus, tot suspirijs exoptatus, vt breuè nobiscum conuersatus redires? quid displicuit tibi in nobis?

3. Quo.

3. Quomodo mi Domine potes dicere : deliciae meae sunt esse cum filiis hominum, cum in altissimis habites, nos autem relinquo in infimis ?

4. O Pater ! quid facis nobis sic ? omnes dolentes amittimus Salvatorem nostrum, & non est tibi cura, quod nos desolatos relinquas ?

5. Utinam mi Domine ! disrumperes terram huius corporis mei, & irem ad te. Quid enim mihi est in caelo, & praeter te quid volo in terra ?

6. O si citius de custodia corporis mei educeretur anima mea, quod videndo DEO meo officit ! O si darentur mihi pennae sicut columbae, volarem & requiescerem sub umbra illius quem desiderat anima mea !

7. Super flumina tantisper Babylonis huius sedabo & flebo, quamdiu recordabor tui Syon, non quidem propter te, sed propter eum, qui habet solium suum in te.

8. Dic ergo jam anime mi ultimum vale Salvatori tuo. Vale mi Redemptor, vale mi dulcis Amor, sed memento mei, dum veneris in regnum tuum. Vale Frater amabilis nimis ! vale Sponse animarum nostrarum ! sed prius ante discessum da IESU benedictionem, da Frater amplexum, da Sponse dilecte amoris suavium.

9. Intelligis tu Domine & superintelligis omnia ! Intellige super me egenum & pauperem, ac me desolatum redde Matri tuae : ne derelinquo me orphanum, da mihi dulcissimam hanc Matrem, qui dona das hominibus

10. O qui ascendens in altum captivam duxisti captivitatem : gratulor tuae magnificentiae, super caelos eleuatae ! Fac me magnificum in sanctitate. Tu scis quid me captivum teneat, ne liberamem te, hanc meam



meam captiuitatem captiuam ducas in triumpho tuos.

11. Omnis pulchritudo tua eleuata est super sidera: da vt omnis amor meus habiter ibi tecum, in amore veræ pulchritudinis occupatus. Vtinam semper ibi sit cor meum, vbi est thesaurus meus!

12. O IESV, qui es plusquam Elias curru igneo hinc abreptus: fiat super me Spiritus tuus duplex, timoris quo timeam DEVM tuum & DEVM nostrum, amoris, quo amplectar Patrem tuum & Patrem nostrum ad quem ascendis.

13. Dixisti Domine: Ego si exaltatus fuero à terra omnia traham ad me ipsum. Trahe me obsecro post te, & educ in altum; vt mihi quotidie ascensiones in corde disponentis; hæc infima, minora semper & minora videantur.

14. O gloriose triumphator, qui hodie super omnes cælos ascendisti, & iam venisti in regnum tuum, obsecro, memento nostri, memento quod sis os de ossibus nostris, & caro de carne nostra. Vtiq; & in manibus tuis descripsisti nos, lege scripturam istam & salua nos.

15. Iam non possum tristari, quia Christum Aduocatum habemus in cælis; ille pro nobis exhibebit Patri latus & vulnera, Mater Filio pectus & vbera, certè non poterit esse repulsa, vbi tot concurrent charitatis testimonia.

*Eodem die.*

*Actus ante S. Communionem.*

**H**eu mihi Domine! heu animæ meæ! recessisti consolator animæ meæ nec vale dixisti. Ingressi vias tuas benedixisti tuis, nec affui! Eleuatis manibus à nube susceptus es in cælum nec vidi.

di. Angeli promiserunt te rediturum nec audire.

Cur ego indignus & infelix ascendentem Regem Regum Dominumq; gloriæ videre non potui, mirari non potui, comitari non potui? credere vix per gratiam ejus mereor. Ah me! quare non adfui cum ille formosus in stola sua juvenis Homo. DEVS in superna cælorum conscendit?

Quare non excepi ejus vltima verba? quare vltimò benedicienti suos caput non reuerenter inclinaui? cur non sum diuinam illam amplexatus osculatusq; dexteram? cur ad pedes non sem prostratus diuinos? O si ego tunc potuissem fuisse illa particula terræ, in qua vltimo steterunt pedes ejus, & in qua vestigia impressa reliquit pedum suorum.

O quam felix & beatus fuisset, si vidissem te mi IESV cum ad cælos te tua virtute subuehebas, quando omnis pulchritudo tua exaltabatur super sydera? Tunc ego totus me ipsius non tantum oblitus, sed etiam exutus, atq; totus vox exultationis factus, dedissem vocem meam in orbem, clamans & jubilans: Omnes gentes plaudite manibus, jubilate DEO in voce exultationis, facite vocem jucunditatis, magnificetur coram omnibus gentibus nouum Alleluja, quia ascendit DEVS in jubilatione, & Dominus in voce tubæ.

O quàm beati illorum oculi, qui obeuntem in cælos DEVM hominem contemplati, atq; fixis obtutibus comitati sunt. Quibus gratuler vobis vocibus o animæ Sanctæ, Sanctissimi gregis Christi, beatum illud spectaculum, ipsis etiam Angelicis mentibus admirandum! Gratulor vobis o animæ Sanctæ, quia interfuisistis vidistis ascensorem cæli Deum & Patrem vestrum. Multi enim Reges & Prophetæ desiderauerunt videre  
tanta



tanta myſteria, quæ vidiftis, nec viderunt.

O tu cor Virgineum, ô cor Maternum, ô cor MA-  
RIÆ ecquid tibi & Filio abeunti interceſſit?   
Hoc utiq; nec humana mens nec ipſi Angelorum  
chori comprehendere ſufficiunt.

Quid ergo nunc dicam, aut quid respondebo, dum  
dicitur mihi hodie: vbi eſt DEVS tuus? vbi  
es tu mi IESV amor dulcis noſter? Con-  
uerte parumper oculos tuos vt intuear te, nec faci-  
ant a me auolare aſpectum tuum: ſonet adhuc vox tua,  
vel vltimo in auribus meis, vox enim tua dulcis &  
facies tua decora.

Tibi amator hominum benigniſſime, dereliſtus  
eſt pauper, orphano tu eris adiutor, ergo miſerere  
mei orphani dereliſti, pupillus factus ſum abſq; Pa-  
tre, anima mea qualiſi vidua. Exhibe te adhuc ori  
animæ meæ, & faucibus cordis mei in cibum atq; po-  
tum ſalutis, vt guſtem te, & explear te.

Quis enim ſcit, quando replebimur ab vbertate  
domus tuæ? & torrente voluptatis tuæ potabimur?  
& quando perueniet ſpiritus meus vſq; ad locum  
habitationis gloriæ tuæ. vt ibi ſuper menſam reſe-  
ctionis ciuium ſupernorum paſcatur de micis tuis  
in loco paſcunæ tuæ iuxta fluentia pleniffima?

Interea dum tedia vitæ toleranda ſunt? in loco  
hoc peregrinationis meæ & exilij, paſcar euchi-  
ſtico manna, pane Angelorum, delicijs cæli, donec  
aſpiret dies æternitatis, & inclinentur vmbre hujus  
vitæ, donec videam facie ad faciem illum, qui modo  
abſconditus hîc me reſpicit per cancellos.

Illo te mi dulcis IESV cordis mei affectu, tam  
dulciter expanſis animæ meæ brachijs, tam affectuo-  
ſo mentis gaudlo excipere deſidero, quo te Pater

æternus tuus venientem ad se in cælum excepit, atq; ad dexteram suam collocavit. Tam hilariter pates tibi anima mea vniuersa, quàm effusè patuit tibi ingredienti tota cælorum Regia. O cordis porta dilatare vt sis vastior cælo. cæliq; Dominum capere possis.

*Actus post S. Communionem.*

**V**Nde inueni hanc gratiam in oculis tuis mi IESU, quia me vilissimum peccatorem admittere dignatus es, ad viuificum tuæ mensæ conuiuium?

Et quis sum ego pulvis & cinis, vt apponeres erga me cor tuum inclinans cælos & descendens, vt deficientem præ fame animam meam non manna de cælo, sed carne tua immaculata, reficeres & satiaret?

Si cæli cælorum te capere non possunt, & Angeli non sunt mundi in conspectu tuo, quis ego sum & quæ domus mea, vt ad me venire & in me commorari volueris? Quid in me inuenisti Rex tremendæ maiestatis, quòd à templo gloriæ tuæ traheret te, & iterum descendere faceret in abyssum miseriarum?

Vos Angeli Sancti, vos omnes Electi DEI, venite, audite, & narrabo vobis quanta fecit DEVS animæ meæ. Cum essem pauper & abominabilis, nec auderem oculos meos leuare ad cælum præ multitudine iniquitatum mearum, ille me de puluere suscitauit, vt de mensa ejus comederem omnibus diebus vitæ meæ.

Quid ergo retribuam Domino pro omnibus quæ tribuit mihi? Ego nescio loqui quia puer ego sum, non annis, sed sensu. Quis enim amor infinitæ charitati ejus à me reddi potest, qui frigus & gelu dici, non autem amor mereatur? Quæ laus adoratio,



tio, quale obsequium meum erit, quod nullum non reddat infinita ejus perfectio & dignitas, & imae summa indignitas mea? Tu nosti Domine numentū meum.

Tibi ergo laudes concinant, tibi mecum gratias agant vniuersi populi, tribus, & linguae, omnes Angeli & Sancti tui, quoniam misericordia tua magnificata est super me, & miserationes tuae super omnia opera tua. Iubilent tibi omnes creaturae, quaecunq; caeli, terrae, & abyssi ambitu continentur, & laudem tibi perpetuam dicant.

O si etiam cor meum illā amoris flammā, illo æternæ charitatis igne succensum in æternum ardere posset, quo ardent Seraphini, quo tuo in cælum aduentu ardebat Mater tua, & omnes electi tui, tua illa in triumpho ducta beata captiuitas.

*Die Pentecostes.*

1. **Q**uod munus pro Salvatore nostro dabis cælum nobis? emitte obsecro Spiritum tuum, & renouabis faciem terræ.

2. Utinam Diuinissime Spiritus disrumperes cælum, & ad me descenderes, quia anima mea, velut terra sine aqua tibi.

3. Quemadmodum desiderat ceruus ad fontes aquarum, ita anima mea Te desiderat, desiderijs Virginis Matris, & Apostolorum.

4. Veni Creator Spiritus & emitte cælitus lucis tuæ radium; Veni Pater pauperum, veni dator munerum, veni lumen cordium. Consolator optime dulcis hospes animæ, dulce refrigerium, In labore requies, in æstu temperies, in fletu solatium.

5. O lux beatissima, reple cordis intima, tuorum fidelium Sine tuo numine nihil est in homine, nihil est innoxium, Lava quod est sordidum, sana quod est laedi-

est faucium, flecte quod est rigidum, fove quod est frigidum, rege quod est deuium.

6. Da tuis fidelibus in te confidentibus sacrum septenarium Da Virtutis merium, da salutis exitum, da perenne gaudium.

7. Recipe me (ô Sponse) inter suauissimos amoris tui amplexus, quibus constrictus spiritus meus totus ardeat & comburatur.

8. Accende cor meum frigidissimum igne tuo DEVS meus; tu enim ignis comburens es, & facis ministros tuos ignem vrentem.

9. Produc diuiniissime Hospes austrum ardentissimæ dilectionis tuæ, qui me tam valido impetu à mundo impellat in te, vt à me ipso translatus deinceps spiritum non habeam extra te.

10. Osi vulnerares mi DEVS hanc animam meam peccatricem igneo & potentissimo telo tuæ nimix charitatis, vt ex ipso vulnere amoris tui yberrime fluant lacrymæ die ac nocte.

11. Meis affectibus careo optatissime ac desideratissime Hospes? ideo offero tibi affectus & amoris æstus, quibus ardebat cor Virginis Matris & Apostolorum in tuo aduentu.

12. O si linguis omnium hominum & Angelorum loqui possem, irem per vniuersum mundum, & annuntiarem hoc gaudium magnum: Spiritus Domini repleuit orbem terrarum.

13. O Patria ô Filij amor æterne SS. Spiritus! gratulor quod sis DEVS! Gratulor quod infinita illa pulchritudo & bonitas ametur à se ipsa tantum, quantum est ipsa.

14. Quicquid boni accepit vllus à te, gratias ago tibi: Quicquid boni fecit vllus gratulor tibi & illi!



& illi: Opto vt ameris tot Seraphicorum chororum  
cordibus, quot tu mente tua infinita potes concipere. Opto vt omnes homines tuo amore semper  
ardeant, & nullus non amet, qui potest amare;

15. Displicet mihi, quidquid mali fit, aut vnquam factum est contra te. Vtinam prohibere possem  
mala omnia, & bona quæ fiunt augere omnia, ac  
omnium cordibus amare te, singulisq; momentis  
vitæ meæ tantum facere boni, quantum factum est  
ab omnibus vnquam!

16. Vtinam mea & omnia omnium peccata,  
possem in pretiosissimos tibi; gratissimos excelsæ  
& ardentissimæ erga te charitatis actus, adeoq; i-  
pfas inferni flammæ ( si id tibi placeret ) in æ-  
ternum tui amoris ignem conuertere, ac omnia  
corda frigida, linguis igneis tibi accendere!

Eodem die.

*Actus ante S. Communionem.*

**E**N puluis & cinis procido ante te! adoro te,  
confiteor & agnosco diuinissime Spiritus Pa-  
raclete, Spiritus veritatis, DEVS de Patre DEO,  
de filio DEO, procedens DEVS. Tu enim es Patris  
& Filij consubstantialis & coæternus ac coequalis  
amor.

O quis mihi dedisset tunc immistum stare turbæ  
illi sanctæ, pusillo gregi Christi, nouellæ Ecclesiæ,  
in quam tu sacro Pentecostes die in linguis igneis  
dispertitis descendisti & sedisti: tunc illa purissimâ  
flammâ illo insatiabilæstu desiderij, amoris, gaudij, ar-  
deret cor meum, tunc dilataretur & delicijs afflue-  
ret ab omnimoda gloria tua.

O ardor salutaris! ô ignis diuine, ignis sancte,  
ignis

ignis desiderabilis, ignis viuificans, ignis accendens & purificans, ignis transformans, Spiritus Sancte Patreacle! te nunc appello, te obtestor, qui felicissimo incendio hodie orbem terrarum succendisti, accende me, purifica me, ad amorem tui inflamma me,

O Lux beatissima cordium quibus te desiderabo votis, quibus anhelabo tãdijs, quibus ad te suspirabo cordibus? ecce quantus quantus sum totus desidero te, totus suspiro ad te, tota substantia mea tibi ostium patet.

Complaceat tibi ô DEVS donum, & DEVS Spiritus, ô DEVS amoris, complaceat inquam tibi in anima mea ancilla tua. Respice ad illam & descende in eam. Complaceat quãso tibi hoc etiam exiguum cor meum, vt desectas ad illud, & accendas illud, & sanctifices, & inhabites.

O dulcis hospes animarum, & quid est quod impedit te, ne possit requiescere pes tuus in me? non quidem loquar quasi me iustum sciam, cum contra me testimonium meum dicant peccata mea multa & magna nimis, sed quia ipsa peccata mea ac miseriæ meæ, faciunt locum misericordiæ tuæ, prouocantq; bonitatem tuam, vt sanet infirmitatem meam & auferat iniquitatem meam. Veni itaq; ô Sancte Spiritus, veni ad animam meam. Planè Domine incusarem te, si nolles venire ad me. En. desidero recipere te, & desidero cordialiter.

Hæc sunt vota mea ad te ô Pater votorum meorum. Hæc sunt suspiria mea quibus clamo post te currentem ad animas iustas abs te tibi præparatas, vt venias quoq; ad animam meam, neq; pertranscas eam, alioqui quæ mihi utilitas in aduentu tuo, aut quis mihi fructus donorum tuorum. Si ego vacuus



te sum & sic nec de te, nec de bonis tuis, gustar & gaudet anima mea?

Noli expectare, vt animam præparem tibi, quia illa ipsa expectat vt pares eam tu ipse tibi. Vnq; in hunc finem nobis creaturis tuis orphanis tuis, misit te Vnigenitus DEI ad corda nostra, vt mundares ea, & faceres templum tibi, atq; illi, & Patri æterno. Veni ergo Pater pauperum, veni dator munerum, veni lumen cordium.

Veni cum illa carne cum illo sanguine, cum illa anima, cum illa humanitate, cum illo DEI Patris Virginisq; Mariæ Vnigenito, cum illo Homine DEO de te concepto, ate sanctificato, cui de purissimo Virginis MARIÆ sanguine corpus & sanguinem adaptasti in vtero Virginali.

O amor cordis qui semper ardes & nunquam extingueris, ô vita animæ meæ, ô dulcedo! dilata angustias cordis mei vt capiam te, & degustem interiori mentis ore, quam suavis sit Dæuine spiritus tuus.

*Actus post S. Communionem.*

**Q**uid retribuam tibi Domine pro omnibus quæ tu tribuisti mihi: quid retribuet tibi anima mea, insignita tua imagine, redempta tuo sanguine, desponsata fide, dotata Spiritu Sancto, & ab eodem sanctificata, insuper corpore & sanguine tuo refecta?

Vnde mihi indignissimo terræ vermiculo, peccatori miserrimo, tanta dignatio, tanta miseratio, tam stupenda tantæ maiestatis dilectio, vt tu sic venias ad me, vt corpus & sanguinem tuum, id est te ipsum, modo prorsus admirabili, in hoc SACRAMENTO largiaris? O charitas! ô pietas, ô nouum & admirabile beneficium!

❶ Divinissime Spiritus! si venisti ignem mittere in terram, cur non accendis hoc frigidissimum cor meum, ut succentum comburatur & in cineres abeat dilectionis tui? cur flammis tuæ immensæ charitatis transflammatum te solo & te solum non ardet? cur ego totus non consumor, non liquefco? cur non totus defusio à me & transeo in te? quomodo non tota se anima mea eviscerabit in charitatem bonitatis & misericordiæ tuæ?

O Domine pro omnibus quæ tu tribuisti mihi misericordias tuas in æternum cantabo. Magnificet anima mea Dominum tot tantisque affecta ejus beneficijs & exultet Spiritus meus in DEO salutari meo, quia respexit humilitatem serui sui, & fecit mihi magna qui potens est, & esurientem implevit bonis.

*ms* O si omnium electorum tuorum corda Spiritus sancte DEVS amore tui inflammatisima, si ora in laudem tuam eloquentissima nunc haberem, omnibus illorum cordibus te amarem, omnibus illorum vocibus te laudarem, cum Patre & Filio in corde meo commorantem, atque per communionem sanctissimi corporis Christi IESV, præsentiam tuam mihi indulgentem,

Benedicat te mi DEVS tota substantia animæ meæ & corporis mei. Glorificent te omnia interiora mea. Benedicant & laudent te pro me omnia mirabilia opera tua. Benedicant te magnæ miserationes & misericordiæ tuæ, infinita beneficia tua mihi à te O DEVS cordis mei impensa, & universæ creaturæ. Iubilent tibi omnia præteritis & bonitatis tuæ viscera.

*In Festo SS. Trinitatis.*

❶ **C**redo te DEVM Patrem ingenitum, Filium unigenitum, Spiritum Sanctum ab utroque proce-



procedentem. O credam & fruar semper, quia tu DEVS meus es principium meum & finis vitimus, & mea æterna beatitudo!

2. O DEVS immensæ majestatis! in omni loco cæli, æris, terræ, aquæ, purgatorij, inferni, in omni loco dominationis tuæ ante te procido, tibi genu flecto, te ubiq; præsentem adoro.

3. O Pater, principium absq; principio! gaudeo, quod intra te verbum æternum concipias, Filiumq; generes, adeo tibi similem, vt sit vnum & idem tecum in essentia.

4. O DEVS infinite, qui es trinus in personis, sed vnus in essentia; & ita diuinitatem communicas, vt vnitas non lædatur, communica mihi copiosam gratiam, vt sim vnus tecum charitate perfecta.

5. O DEVS vnus! ô DEVS Trinitas! Credo, adoro, & laudo te, pro omnibus, qui te ignorant, vel blasphemant, siue in terris, siue in inferno.

6. O si fidem annuntiare possem in vniuerso mundo, & omnes infideles ad te DEVM conuertere! quam libenter id facerem, etsi propterea omnia tormenta omnes cruciatus sustinere deberem.

7. Utinam possem DEVS meus omnium infidelium intellectibus in te credere, omnium affectibus te amare, omnium viribus tibi seruire! utinam possem blasphemias omnium damnatorum in laudem tuam commutare.

8. Detestor mi DEVS contra te trinum & vnum omnes errores, & irreuerentias ubicunq; in toto mundo factas, ac omnes blasphemias, anathematizo.

9. Pro omnibus & in omnibus creaturis, quæcunq; fuerunt, sunt, & erunt, siue rationales illæ, siue non, te adoro, te laudo, tibi gratias ago, tibi in-  
clamo;

clamo: Benedicite omnia opera Domini Domino: Sanctus Sanctus Dominus DEVS Sabaoth, Gloria Patri &c.

10. Desidero vt quouis creatura rationalis tibi seruiat, te laudet, te amet, propter solam & maximam gloriam tuam, ob amorem & beneplacitum tuum, ob tuam voluntatis impletionem, ac in adorationem & latriam tibi debitam.

11. Desidero per quamlibet creaturæ rationalis actionem, exhiberi tibi, quicquid vnquam te dignum cogitari & exhiberi tibi debet, potestq; & quocunq; & omnibus in toto mundo.

12. Opto per quamlibet actionem meam reproduci, approbari, & ratificari omnes actus sanctissimos, siue in cælo, siue in terra elicitos & elicientes ad gloriam tuam.

13. Quidquid boni de te scriptum habent bibliothecæ omnes; quicquid boni de te scripsit, vel cogitauit vllus; quicquid in thesauro scientiæ tuæ est, quod tibi offerri à me possit, id omne tibi offero.

14. Quicquid vnquam per totam vitam meam cogitauero, dixero, fecero, id totum offero tibi & consecro, in gratulationem de bonis tuis, in satisfactionem pro malis meis, in impetrationem amoris, quo te magis ac magis amare velim semper.

15. Quotiescunq; ad te sustulero animum meum, atq; de te cogitauero, audiero; toties cordialiter cupio dissolui & videre te in cælo: toties omnes & singulos omnium actus peccaminosos, desidero per intensissimos ac elici possibiles, amoris, doloris, & appretiationis affectus compensare; toties cupio in persona omnium peccatorum restituere honorem Excellentiæ, dignitatis & immentis tati diuinæ.

Eodem.



Eodem Die

*Actus ante S. Communionem.*

**I**N misericordia sempiterna misertus sum tui, dicis Redemptor meus Domine Sed quantā vel quali? tanta quæ seculis respondeat infinitis.

Præ cæteris dilexisti me & diuitias bonitatis tuæ copiosius in me effudisti, dum ex tot millibus, quos obliuioni dedisti, elegisti me vt essem in tempore, adhuc terram non feceras, & me creaturam tuam fore præuidisti, de nihilo me facere decreuisti, priusquam me formasses in vtero nouisti me, & antequam exirem de illo, quidquid tibi placuit præordinasti de me

Quid quæso inuenisti in me quod præ cæteris ante mundi constitutionem sic diligeres me? Quid enim egeram qui non eram? Siccine obonitas infinita in charitate perpetua dilexisti me, & ideo eduxisti me de nihilo miserans mei? Vtinam fuisset ab æterno & ab æterno te amassem amore Seraphico!

Necdum hic stetit amor tuus. Insuper mi Domine, eò te in amore video progressum, vt mihi mortuo cani, & vilissimæ Creaturæ tuæ, dones & offeras carnem tuam, & sanguinem, vnde comedam & bibam, & inebrier amore tui, & viuam & moriar in te vita mea DEVS meus & omnia!

O prodigium amoris! ergonē pauper & humilis pascor & satiabor pane hoc suauissimo de cælo præstito, quo tuam in filios dulcedinem demonstras, quo esurientes replebis bonis, & fastidiosos dimittis inanes?

Quid est homo, quod memor es ejus mi Domine, aut filius hominis quia reputas eum? Vtiq; sicut cadauer putridum, esca vermium, vas fætidum, cinibus igni-

bus ignis. Vtiq; homo vanitati similis factus, comparatus iumentis insipientibus, & sæpius similis effectus Mis.

O mi Creator, ô mi Redemptor, quantum tibi debeo ! opus vtriusq; mirabile & amabile. In primo enim opere me mihi dedisti, in secundo te, Loquar ergo ad te Domine meum, cum simpulois & cinis. Memento verbi tui seruo tuo Domine, in quo mihi spem dedisti, tu enim promissisti. Ad eum veniemus & mansionem apud eum faciemus.

Domine ante te desiderium meum, & gemitus meus à te non est absconditus, paratum cor meum. DEVS paratum cor meum, quod totum tibi offero. Desiderium pauperis exaudi ô Domine, præparationem cordis eius audiat auris tua.

Ecce in siti desideriorum feruenti hodie venio ad te & tibi cor meum in habitaculum humiliter offero, tuam exorans clementiam vt dignanter aduenias in animam meam & in medio cordis mei sedem tibi colles vt delicias tuas etiam in me habere digneris.

Desidero Pater æterne cum eo affectu, eaq; donorum cælestium copia Christum sub his speciebus suscipere, quo illum pretiosissimæ Virgini Parenti & per illam vniuerso generi humano in Incarnatione dedisti.

Desidero Fili Redemptor mundi DEVS cum eo affectu te suscipere, quo tu ipse te in vitima cæna consecisti & sumpsisti, in ara crucis obtulisti.

Desidero Spiritus sancte DEVS tam mundum cor & corpus habere, propter diuinissimum Sacramentum recipiendum, quam mundum, parum, atq; dignum effecisti in Parente pretiosissima Virgine MARIA, quando verbum æternum exceptum erat.



*Actus post S. Communionem.*

**O** Taceo! nec habeo ultra spiritum. sed & anima mea liquefacta est à vultu decoris tui mi Hospes amantissime, Verè implesti quod promissisti, credo enim quia venisti ad me ô Pater ô Fili ô Spiritus sancte, & mansionem apud me fecisti.

Ideo cum Angelis & Archangelis, cum Thronis & Dominationibus, cum Cherubim & Seraphinis, & cum omni militia cælestis exercitus hymnum gloriæ tuæ concino; ô DEVS vnitas, ô DEVS Trinitas: Sanctus Sanctus Sanctus Dominus D E V S Sabaoth. Pleni sunt cæli & terra gloriâ tuâ.

Benedicimus te DEVM cæli & coram omnibus viuentibus confitebimur tibi, quia fecisti nobiscum misericordiam tuam. Tibi laus, tibi gloria, tibi gratiarum actio in secula sempiterna ô beata Trinitas.

Pronus ac supplex procido ante te, ô superaugusta ac ineffabilis Trinitas DEVS meus, sub his sacramentalibus speciebus existentem. Nam tu ô Pater æterne isthic æterno genitum filium tuum generas, & tu ô Fili ex Patre hic nascens, ibidem Spiritum sanctum vnâ cum ipso Patre spiras. Et tu ô Spiritus sancte à Patre Filioq; hic spiratus.

Adoro te deuotè hic latens Deitas, quæ sub his figuris verè latitas. Adoro & laudare cupio tot laudibus, quot tu ô Sanctissima Trinitas tuâ sapientiâ concipere, bonitate optare potes, quot omnes Sancti Angeli & electi tui elicerunt & elicient.

Sis ô IESV cum Patre & Spiritu Sancto infinite benedictus ab omnibus Sanctis tuis & omnibus etiam possibilibus creaturis, in omnibus perfectionibus operibus & beneficijs tuis, super omnia gratias propter te in æternum & ultra.

Amen

Assumo omnes omnium creaturarum affectus, ijsq; te hic præsentem & latentem adoro, colo, veneror, hancq; adorationem in æternum continuo. Imò etiam in persona omnium de te mi DEVS nescientium aut scire nolentium, vti sunt idololatæ, pagani, athei, blasphemæ, firmissimè profiteor Te trinum esse & vnum. nomine illorum ac totius mundi Tibi Regi seculorum immortalì & inuisibili reddo gloriam & honorem.

*In Feste Corporis Christi.*

1. **V**enite omnes audite, & narrabo vobis, qui timetis DEVM, qui amatis Dominum IESVM, quanta fecit animæ nostræ! En DEVS & homo fecit nobis cænam magnam! fecit conuiuium magnum

2. O res mirabilis manducat Dominum pauper, seruus & humilis! ô prodigium! en catelli non tantum de micis edunt, quæ cadunt de mensa Domini, sed panem Angelorum manducat homo catellus Domini.

3. O quàm suavis est Domine Spiritus tuus, qui ut dulcedinem tuam in filios demonstrares, panis suauissimo de cælo præstato esurientes reples, & diuites dimittis inanes.

4. Vicisti Domine vicisti misericordiâ & bonitate tua, omnia exempla, omnia ingenia, omnes amores, & omnem expectationem omnium creaturarum superasti.

5. Vtinam hodie replicari possem, & in omnibus Ecclesijs quæ sunt in toto mundo tibi mi DEVS Eucharisticè exienti offerrem & innouarem omnes actus adorationis; salutationis, recognitionis, impensos & impendendos.

6. Vtinam cor meum extractum corpore in-



Tot minutissimas diuidi posset particulas, quot pulueris pirij grana in cineres hodie redigentur, vt totum redactum in cineres in cultum Eucharistiæ consumeretur!

7. Vtinam in omnibus Ecclesijs, in omnibus plateis, processionibus, loco lampadum & candelarum ante Eucharistiam suspendere possem in venis cor meum, vt arderet continuò. & totum combureretur, totum consumeretur, totum abiret in cineres amoris diuini!

8. Gaudeo & exulto mi IESV! quòd tibi in Sacramento latenti publicus per totum mundum honor deferatur in templis; processionibus. Quòd omnes Reges & Principes tibi Regi potentissimo cum summa humilitate & reuerentia genu flectant, ante te procidant; te agnoscant, & venerentur.

9. Desidero in locum idolorum & falforum Numinum, quæ sunt inter Ethnicismum, & infideles omnes, introduci SS Eucharistiam, ipsiusq; cultum ubiq; promoueri & celebrari.

10. Doleo mi DEVS, doleo cordialissimè ob infinitam Majestatis & bonitatis tuæ excellentiam de omnibus sacrilegijs, hæresibus, blasphemijs, irreuerentijs: abusu Eucharistiæ, contemptibus, quibus vnam à sagis, hæreticis, malis Catholicis, in hoc SACRAMENTO verè præsens; offensus es & offenderis.

11. Desidero vt ab omnibus creaturis rationalibus adoreris, & glorificeris in hoc SACRAMENTO, & dignè suscipiaris.

12. Effundo tibi mi Domine in hoc SACRAMENTO præsentem illud affectuum, adorationum, & salutationum, quas Virgo Beatissima, quas Angeli,

Angeli, quas omnes deuotissimi serui tui elicuerunt, eliciunt, & elicient ad tempora Antichristi.

13. Desidero mi IESV exhibere tibi tantum honoris, laudis & benedictionis, quantum damnati tibi exhibent contumeliarum tota tempore suppliciorum suorum, & quoniam ipsi te adorare & benedicere nolunt, ego nomine ipsorum te adoro, laudo & benedico.

14. Gratias tibi Domine pro omnibus Communionibus sumptis & sumendis à me & à quocunq; in toto mundo, itemq; à me accipiendâ (vt spero in gratia tua) communione viatici,

15. Desidero potius mi IESV millies mori, quam te vnquam indignè, in Eucharistia præsentem suscipere, te tractare.

16. O si semper mi DEVS: Communionem sumendo, illos omnes amoris æstus concentrare possem in cor meum, quibus ardebat cor Virginis Matris, cor maximi Sancti tui!

Eodem die.

*Actus ante S. Communionem.*

**O** Quanta mi DEVS! creaturas omnes ob excessum amoris tui admiratione stuporeq; defigis. Nihil deinceps admirari volo, quam tua inuenta amoris, nisi fortè cogar obstupescere frigus meum, & modicum illud amoris, quo in te feror.

Audio ex hoc Sanctissimo SACRAMENTO illam suauissimam vocem tuam: Panis quem ego dabo caro mea est pro mundi vita, Accipite & comedite hoc est corpus meum, quod pro vobis tradetur. Qui manducat meam carnem, & bibit meum sanguinem, in me manet & ego in eo.

O SA-



O SACRAMENTVM! ô mysterium! ô arcanum abditum! ô sacrum conuiuium in quo Christus sumitur! Quis vnquam id beneficij genus ausus est optare? nunquam in cor hominis descendit dignatio tanta.

Quid de hoc loqui præsumam beneficio ineffabili? fecit Dominus exercituum omnibus populis in monte hoc conuiuium pinguium, conuiuium vindemiæ pinguium medullatorum (Isai 25.) vindemiæ defecatæ. Verè epulum omnium deliciosissimum, & suprema (teste Bernardo) omnium felicitas, gustus cælestium voluptatum, fructio amplexûs Christi.

Quis enim dat hunc cibum? DEVS. Quem dat tibi anima mea cibum, DEVS? DEVM, Cui dat hunc cibum? homini DEVS, Tu dixisti Domine ore S. Augustini: Cibus sum grandium, cresce & manducabis me, nec tu me mutabis in te, licet cibum carnis tuæ, sed tu mutaberis in me.

O Prodigium amoris cum videretur non conuenire vt diuina persona singulis vniretur, quàm admirabile amor diuinus excogitauit inuentum! quod nunquam in Angelorum mentem venire potuisset, vt se videlicet sub cibi potusq; specie occultatum hominum corporibus & mentibus immitteret.

O quantum nos DEVS amat. Vocat nos ad eandem secum eamq; æternam beatitatem. Parum hoc est! sit in gratiam nostri homo; humanitatem assumptam tormentis & cruciatibus dilacerari discerpiq; pro nobis finit, vitam & sanguinem propter nos profudit Parum est!

Insuper seipsum in nos visceraq; nostra ob nimum nostri amorem ponit ac locat, factus nobis esca & potus, nec contentus se quasi transmutasse

in nos per Incarnationem, & vnum se nobiscum effecisse, nos quoq; per Eucharistiam in se transmutat, & vnum secum efficit. Et sicut cera liquefacta alteri ceræ infusa cum ea efficitur eadem. sic anima dum carnem & sanguinem Christi recipis, cum ipso ita coniungeris, vt Christus in te, & tu in Christo inueniaris.

Accende ergo ô DEVS meus viuam flammam beati amoris tui in medio cordis mei. Da mihi continuum charitatis tuæ incendium, fac me castissimo ardentissimoq; tui amore igniri, in te rapi ac absorberi. Peream mi Domine! in tui viui amoris diluuium, sicut perit stilla maris in suæ plenitudinis profundo.

O amor diuine! inflamma voluntatem meam, accende omnes affectus, vt sicut ferrum igni, ita ego vniam tibi IESV amanti meo.

*Actus post S. Communionem.*

**E**Rgonè credibile est, quod DEVS habitet super terram? Quid mihi est in cælo & præter te quid volo in terra? DEVS cordis mei & pars mea DEVS in æternum, O quàm bonus Israel DEVS his qui recto sunt corde! Cantabo Domino qui bona tribuit mihi hodie, & psallam nomini Domini altissimi.

O charitas, ô pietas, ô misericordia mea! Ergonè mi DEVS tu qui cibus es Angelorum, factus es cibus viatorum? Paraisti in dulcedine tua pauperi DEVS. Panem de cælo præstitisti nobis omne delectamentum in se habentem. Panem Angelorum manducauit homo.

Non fecisti taliter omni nationi vt mihi, & cur mihi? quia amabas me! Amabas me? & ego vltio memento.



momento vitæ meæ, te non redamabo? O amor meus  
 ô DEVS meus! amo, & amo milles, amo co-  
 ram celo & terra & omni creatura, & amare de-  
 sidero plus quam possum, plus quam valeo, Dili-  
 gam te Domine quoniam tu prior dilexisti me. V-  
 tinam amem te & ferar in te non meo sed corde  
 ardentissimorum Seraphinorum omnibus affectibus  
 omnium & singularum creaturarum etiam possibilium  
 omnibus genere, specie, numero, distinctis desiderijs.

In æternum gaudens gaudebo in te Domine; &  
 exultabo in te IESV DEO meo, quia hodie li-  
 cuit mihi vesci pane Angelorum, & non tantum  
 vt catello de micis sumere, quæ cadunt de mensa  
 Dominorum suorum, sed ad ipsam mensam accu-  
 bare, propterea narrabo nomen tuum fratribus me-  
 is ô IESV, & in medio Ecclesiæ laudabo te. Di-  
 ligam te ô suavis amator, diligam te ô vnica sa-  
 lus animæ meæ.

Tu te totum in SACRAMENTO mihi das cum  
 corpore, anima, & diuinitate, Da vt ego vicissim to-  
 tum cor, totum corpus, & animam meam, & quid-  
 quid sum reddam tibi, qui alius tuus sum, vt omnes  
 facultates corporis & animæ meæ nihil agant aliud,  
 quam quod tu vis.

## CAPVT X.

Breues Meditationes de Passione  
 Domini.

Siue peregrinatio Viatoris cum Chri-  
 sto patiente.

O vos omnes qui transitis per viam, attendite & videte, si est dolor similis, sicut dolor meus. Thr. 1.

**P**erge Viator plorans, quò trahent funes, quò raptabunt catenæ, quò crudelis feritas incitabit. Perge quò rapit dolor & amor. Sequere IESVM, qui dolorum passibus immensum nostrorum scelerum & infinitæ suæ bonitatis campum dimititur. Defluit ex vulneribus Christi Sanguis pro te ô Viator, sed non in te, nisi tu facias eum per gratitudinem recurrere ad principium suum.

Amor SS. TRINITATIS totus consistit in passione & vulneribus Christi, illa enim mouent DEVM ad fundenda liberaliter in nos beneficia, vt doceant Doctores qui ajunt, omnia dona gratiæ effectus esse & præmia meritorum ac vulnerum Christi. Si cupis à DEO diligi, ama vulnera CHRISTI, commorare in illis sacris cauernis, Tota tua occupatio sit cum S. Comite Elsecario in vulneribus Domini. Sic ille ad conjugem suam scribit: Si me videre cupis, quære me in vulnere lateris Christi: ibi enim habito, & ibi me poteris inuenire.

Vnde exclamat S. Bonau. O cecitas filiorum Adæ, qui per hæc Vulnera in CHRISTVM nesciunt intrare. Ecce apertus est thesaurus diuinæ sapientiæ & charitatis æternæ. Intra per Vulnerum aperturam & delicias obtinebis, Certa enim & secunda expectatio promissa beatitudinis (inquit S. Leo) Vbi est participatio Dominica Passionis.

Christus S. Gertrudi dixit: Filia qui amanter crucifixum in vita intuetur, eum amanter Crucifixus in hora mortis respicere dignabitur,



Virgo quædam Crucifixum fixè intuens, amore æstuans, exclamabat: O DEVS! ô amor! ô excessus amoris da mihi tantam vocem, quæ audiat ab Oriente ad occidentem, à cælo vsq; ad infernum, vt te Amorem meum omnibus inlclamem, vt ab omnibus agnoscaris & ameris.

S. Edmundus Episc. Cant. Dæmonem in virtute sanguinis CHRISTI adigit ad significandum. sibi quo potissimum modo superari potest. Adjuro te, inquit, per asperisionem sanguinis CHRISTI, in quo facilius te vincere possum. Respondit dæmon: DEO sic ordinante, in eo quod nominasti, illius sanguinis virtute facile vincor.

Simplex recordatio Passionis CHRISTI (teste B. Alberto magno) multò plùs valet, quàm si quis integrum annum in pane & aqua jejunaret; vel si quotidie virgis & flagellis caderetur vsq; ad effusionem sanguinis; vel si quotidie legeret integrum Psalterium. Apud Discipul. Ser. I. in die Parasceues.

Cuidam viro eximie Sanctitatis inter precandum, medium efficacissimum pro excitando in se amore diuino flagitanti, respondit CHRISTVS: exerce te in humanitate mea passionata & vulnerata, nam in ea maximè lucet mea charitas non aliter, quàm sol in suo splendore, rosa rutilans in suo odore, ignis vehemens in suo æstu & ardore.

*Christus in horto sudat.*

1. **E**grede Viator ac plorans comitare IESVM euntem in hortum Oliuarum, vel potius in montem myrrhæ & collem thuris. Primus Viatori DEO ad hortum erit passus, non vt flos campi transplantetur in amariorem locum, sed vt lilium collocetur inter spinas acerbissimorum cruciatuum.

2. Cogita dum jam egreditur CHRISTVS ad montem Oliuarum, cum quanto dolore vniuersæ Matri suæ, quæ sibi in passione euentura erant, prædicit: quia omnino oportet Filium hominis conspui, flagellari, crucifigi.

3. Vide quomodo mæsta Mater ad tantum nuntium exanimata in brachia Filij sui procidit, O dolorem cruentum Matris!

4. Penetra hic viscera Filij & Matris! & quomodo vberimæ ex oculis vtriusq; erumpunt lacrymæ!

5. Aspice, quàm triste spectaculum sit hoc, Matrem DEI & Filium lacrymis diffuere! Eheu! quò vadit dilectus tuus ô Noëmi, ô pulcherrima mulierum, quò vadit? ad hortum vbi sudabit sanguinem; ad Annam vbi asapis cruentabitur; ad Herodem vbi illudetur vt demens; ad prætorium vbi cædetur vt reus; ad montem vbi suspendetur vt latro.

6. Cogita quem putas cum dolore sensisse in egressu portæ ciuitatis, dum intra se diceret: Non sum vltra transiturus per portam hanc, nisi vinculis & catenis constrictus.

7. Cum lacrymis inspicere, quantis angustijs prematur bonus IESVS in hortum veniens. O triste spectaculum? en protinus DEI Filius geniorum celestium voluptas expallescit, submittit genua, procumbit humi, diuinum os solo adæternit, cum morte luctatur.

8. Imaginare, quòd videas per poros & venas sanguineas erumpere guttas. Heu qualis hortus hic est Gethsemani! in hortis alijs sunt deliciæ, in hoc maror & dolor.

9. Interroga Dominum IESVM: cur tam præ-

matuse



matūrè ex illius corpore erumpit sanguis, sudant pori, stillant venæ, ora lacrymis rigant oculi, pluuunt cuneta membra?

10. Cogita, si primo in passu Viator sanguinem sudat, quis sperandus est tam atrocis transitus ac itineris progressus?

*Affectus.*

**O** Mi bone IESV: quò tua demum in nos abit liberalitas? paulo ante sub extremæ cænæ finem, tuum nobis in calice sanguinem propinasti, jam illum iterum in tuo corpore, in veste, in horti pauimento propinas.

Cur ita ô amor meus, ipse tormenta præcipitast, nondum adsunt carnifices, nondum te flagella lacerant, nondum aculeatæ spinæ diuinum verticem perfodiunt, nondum prægrandes clauî manus pedesq; configunt. & tamen jam nunc, tam vberes cruoris fonticuli fluunt? Quid cras tecum fiet, cùm totum corpus vnus erit liuor, vulnus vnum?

O nimium amorem istum, cui explendo mors vna satis non fuit, sed ante mortem vitam hanc nostram mori coegit! ita vt nostri amantissimus Dominus membratim interire, guttatim contrahescere, & per lenta sanguinis stillicidia, diuersis vijs animam abire voluerit.

O felicem te terram! quæ Domini tui cruorem combibisti, nunquam tam pretioso rore irrigata. Quis mihi det, vt texcentis osculis fatigem & amplectar locum, quem Saluatoris mei presserunt vestigia, genua contigerunt.

Quid verò purpureum hunc & tam copiosum sudorem è corpore IESV eliquauit? Eheu? peccata & scelera mea, Hoc prælum fuit, hoc torcular,

quo hortus succo plenus fuit expressus ! sub isto  
culparum mearum onere bonus IESVS ingemiscit,  
maeret, plorat, fatiscit, sudat largiter.

Tantane res erat salus nostra mi Domine ! ut e-  
am tanti aestimares, & praeditam tantis impendijs sarcir-  
es ? Tam pretiosae in oculis tuis erant animae no-  
strae, ut eis redimendis tantum & tam copiosum  
destinares pretium ? Adeone diligens me, tradidisti te-  
metipsum pro me, ne perennibus traderer flammis ? Er-  
go non diligam te sed tradam me concupiscentijs me-  
is, tradam me iuratis hostibus tuis ?

Meliora DEVS meus meliora ! Potius trado me  
tibi, vel nunc, ut disponas de me in tempore &  
aeternitate, ut canem miserationes tuas stupendas,  
& magnas in aeternum & ultra.

*Christus in horto comprehenditur.*

1. **P**Enetra cor Saluatoris : vide cum qua prom-  
ptitudine & charitate morti se se offerat, cum  
qua alacritate obuiam procedat proditori Iudae &  
Carnificibus.

Iuda quid agis ? amoris signo vulnus infligis ? mel-  
lis oblatione venenum propinas ? charitatis officio  
sanguinem fundis ? instrumento pacis mortem  
irrogas ?

2. Vide, quomodo vnico verbo omnes satellites  
strauerit in terram, ne prosterneret in inferno.

3. Considera duritiam satellitum, qui nec horrore  
mortis perterriti, nec blandimento charitatis com-  
moti, quem noluerunt propitium habere Saluato-  
rem, sibi elegerunt Iudicem severissimum.

4. Obtusescere, quomodo viles & barbari nebu-  
lones in Agnum innocentem cum ingenti clamore  
irruunt : alij caput benedictum pugnis, alij fustibus  
credunt



cadunt: brachia cæteri funibus tam arctè stringunt, ut sanguis profilire debeat è venis.

5. Intuere, quàm immanem catenam ferream (vt multi volunt) Carnifex injiciat collo ejus. O miserabile spectaculum, onustum videre catenis & funibus Creatorem cæli & terræ! Quis vnquam publicus latro, quis prædo tanta cum rabie tractatus?

6. Comitare vltcrius CHRISTVM, quem ad impiam pertrahunt ciuitatem. O quor antcrius hastis & calcibus te propellunt mi IESV! quor à tergo te lapidibus, luto, & puluere impellunt! Eheu! nulla fera tam malè fuit habita à canibus venaticis.

7. Interea mente concipe CHRISTVM appropinquare torrenti Cedron. Intuere illos gradientes per pontem, Christum verò, tanquam indomitam bestiam raptari per gelidas aquas.

8. Inspice cum lacrymis, quomodo lapides præacuti illius torrentis calcaneos Domini vulnerant, & ita cruentant vt per totam viam sanguinis vestigia relinquat.

9. Insuper comitare CHRISTVM raptatum ad Tribunal Annæ, capite discooperto, facie livida, manibus post tergum vinctis pedibus sanguinolentis.

O prodigium! en innocentissimus sol justitiæ ad iniquitatis Tribunalia consistit. Stat sine Aduocato Innocentia, sine Patrono veritas, sine voce Verbum. Quid enim loqueretur, cû jam nuper ferale Herodis imperium, ad saltatriculæ votum, ipsam vocem eripuerat?

10. Considera, quàm toruis & ardentibus oculis Basiliscus ille aspiciat Salvatorem! quàm superbiè interroget & sollicitetur ab eo de doctrina & discipulis.

Eheu!

Eheu ! obstupescere, ut mox ad primam æternæ sapientiæ vocem, à quopiam ministrorum armatâ manu, tam crudelissima alapa ei infligitur, ut dentes excusserit, & ex labijs sanguinem elicuerit.

Exhorrescat Cælum ad tam inauditum facinus ! contremiscat terra ! alapâ DEVS percuti potuit : ô Angeli, quomodo manus continere potestis ? an attonitos vos tenet facti insolentia ?

Loquitur interim ad focum Petrus, eliquatis ad prunas verbis, cui antea panis ora congelauerat. Loquitur sed mendacium, quia veritas post crudelem idum conticuerat. Loquitur sed insipienter, quia Sapientia obmutuerat.

*Affectus.*

**Q**uid retribuam tibi Domine IESV pro omnibus ludibrijs, percussionibus, vilipendijs, derisionibus, & pro innumeris opprobrijs, quibus pro me saturatus fuisti ?

Heu mæstissime, heu dulcissime IESV ! Cur adeo ferreum ac lapideum cor habeo, quod compassione ac dolore non scinditur ? cur præ dolore non tabescit anima mea, quandoquidem tam immanium dolorum & cruciatuum causa est pessima vita mea ?

Potuitne fieri, ut prome vilissimo vermiculo talia Deus pateretur ? Eheu patitur ! quia pro me conculcatur, pro me DEVS ligatur, irridetur, à satellitibus nefarijs, nunc pugnis, nunc calcibus tunditur.

O amor infinire ! quid retribuam tibi, qui pro me seruo nequam tantum, & innocentissimus, & amabilissimus luis ? Fundam sanguinem : sed nocentissimus est, dignissimus, quem canes lingant & porci spurcissimi conculcent. Fundam lacrymas, sed peccatrice sunt, immunda sunt.



O æterna Sapientia dulcis IESV ! pro hisce contumelijs, injurijs, irrisionibus, insanisq; clamoribus, te honorent, te glorificent, & extolant omnium Beatorum mentium agmina, Vel in solo tuo nomine, benedicte IESV, omne genu flectatur, cælestium, terrestrium, & infernorum.

*Christus apud Caipham.*

**C**Ogita qualiter Dominus noster, Rex Regum, & Dominus dominantium, sub vilissima specie pessimi serui, ab Anna ductus fuit ad Caipham Pontificem illius anni.

2. Considera, quomodo crudelissimi satellites, magis dæmoniorum inferni naturam gerentes, quam hominum, non sinentes illum pedibus incedere, vi (catenâ collo circumligatâ) raptabant per terram, conculcantes & percutientes illum.

3. Attende, quia ibi juramento Christus, adstrictus, apertè se dixit esse Filium DEI, Caiphas scidit vestimenta sua, dicens coram omnibus eum blasphemasse.

4. Vide nunc, quomodo eadem omnes, quâ scelestus ille Pontifex rabie in satellites in IESVM insiliunt ! Vnus te Domine pugnis cædit, alter conuellit capillos, hic te impellit calcibus, ille calcari- bus vulnerat.

5. Insuper obstupesce. En expuunt in faciem Domini ! & nouum & inauditum in terris spectaculum ! ô faciem Domini alapis liuidam ! ô faciem fædis sputis maculatam !

6. Considera homines spere volentes ad sordidos domus angulos se conuertere. Scilicet impij illi sordidius nihil æstimârunt facie Saluatoris, inquam, desiderant Angeli prospicere,

O Pater respice in faciem Christi tui, & misere-  
rere nostri, pro quibus sic factatur. O si vel modo  
incipiant oculi mei vbertim flere, ut vel ita eluant  
faciem Salvatoris mei!

O Mater! nunc soluis cum usura, quod in par-  
tu non habuisti à natura, Filium pariendo, dolo-  
rem non sensisti, quem millies replicatum, Filio sic  
pariente, passa fuisti.

7. Vltcrius obstupesce immanium bestiarum, non  
hominum truculentiam, quomodo hæc non con-  
tenti carnificinâ, in profundissimum carcerem, præ-  
ter tenebras densissimas, plenum fátore & horro-  
re protrudunt Dominum ferreis constrictum com-  
pédibus.

8. Ingredere cum Domino tuo carcerem, quid  
ibi non tentet Carnificum rabies? en tota nox in  
crudelissima paupertatis CHRISTI, & innocentiz  
supplicia extenditur.

9. Considera anima mea celsitudinem Domini  
DEI tui adeo profundè exinanitam, ut verè nunc  
non homo, sed vermis, & opprobrium hominum  
ac abjectio plebis nunc dici debeat.

*Affectus.*

O Nox, quam meus IESVS habuit ultimam in  
carne mortali, quale tu spectaculum exhibui-  
sti mundo & Angelis, & hominibus! Ecce dum  
medium silentium tenent omnia, en D E V S & ho-  
mo! ab homine & pro homine à gehennæ circum-  
datur doloribus! en lamentabiles Domini preces au-  
diuntur ad Patrem!

O horror celi! ô scelus mundi! ô dolor & a-  
mor D E I mei! ô luna, quæ tam luctuoso specta-  
culo testis sola assitis, quando tu demum obicu-  
raberis.



haberis, si lucas? quando conuerteris in sanguinem,  
si serena es.

Quid tibi mi IESV cum terra? quid tibi cum  
homine? quis audiuit vnquam tale? vt redimeres  
seruum Te ipsum seruo illudendum tradidisti?

O quàm indebita miseratio, quàm gratuita & pro-  
bata dilectio, quàm inopinata dignatio, quàm stu-  
penda dulcedo! Regem gloriæ pro vilissimis man-  
cipijs, ijsq; suis inimicis assumere formam serui,  
tot suscipere labores & dolores!

Quis vnquam parens simile quid fecit pro libe-  
rando filio, aut filius pro parente, aut amicus pro  
amico, quale fecit DEVS pro homine, Creator  
pro creatura, suprema Majestas pro vermiculo?

O Cor meum plusquam lapideum, cur non accen-  
deris amore tui IESV? lapis calore solutus  
in cinerem vertitur, & tu ad tantum calorem immu-  
tabilis perseueras? O vtinam mi dulcis IESV! mil-  
le amoribus amem te! mille obsequijs seruiam tibi,  
mille millenis laudibus prosequar te, omnibus di-  
ebus ac noctibus vitæ meæ; ac deinde totâ quâ  
patet, æternitate.

*Christus apud Pilatum & Herodem.*

1. Vide, quòd necdum dies illuxerit, & jam ru-  
mor captiuitatis Dominicæ per totam ciuita-  
tem increbuerat: itaq; omnes certatim currunt ad  
palatium iustitiæ: vbi à senioribus populus aduer-  
sus Christum concitatur.

2. Obserua quomodo Christum decernunt offer-  
re Pilato præfidi morti condemnandum. O bone  
DEVS! quantis cum ludibrijs improprijs per me-  
diam ciuitatem rapitur!

1. Inspice præfidem Pontium prodire ad solium  
plenum.

planum arrogantia; Christum verò plenum confusione, carenis ligatum coram eo consistere.

4. Audi, quomodo reprobi illi satellites adversus Dominum, tanquam canes effraenes latrant, falso IESVM infimulantes, quòd se DEVM faceret, & Regem, & subuerteret populum.

5. Considera, quòd cùm in multis IESVS accusaretur, nec in eo præses causam mortis inueniret, remisit Christum ad Herodem, sub cuius erat potestate.

Eheu miserandum spectaculum! vix se Christus commouere poterat, & tamen barbari milites per mediam urbem IESVM trahunt, multis probris & fannis efficiunt.

6. Cogita quod cùm videret eum Herodes, putans eum mente captum, spreuerit cum exercitu suo; ac illudens remisit iterum ad Pilatum.

O bone IESV! quàm ignominiosè ex conspectu Herodis abstractus sis! quantis ludibrijs à tanto militum numero exceptus! quot sordibus petitus! nec enim stulti aliter tractari solent.

7. Contemplantur hinc cum deuotione & compassione, quartam Domini raptationem ad Pilatum. Quousque tandem o Domine hæc barbara mancipia te procedent, celaphis cadent, comas euellent?

8. Obserua, quòd Pilatus volens illum liberare dederit sortem ejus cum Barrabba homicida scelestissimo, & concesserit populo, vt peteret ex his duobus, quem vellet dimitti.

9. Obstupesce incredibilem Christi patientiam: qui cum esset DEVS verus de DEO vero, passus est non modò se cum Barabba, infami nebulone comparari, sed etiam, quod indignissimum est illi poni.

*Affectus*



*Affectus.*

**O** Admiranda mi dulcis IESV, tuæ circa nos pietatis dilectio! Quomodo tu, qui tribus digitis appendis terræ molem, qui sedes super Cherubim & intueris abyssos, tam crudeliter, tam immaniter torqueri à reprobis permisisti?

Quid commisisti Domine, vt sic iudicareris? quid fecisti mi dulcis IESV, vt adeo crudeliter tractaretis? quod scelus tuum? quæ noxa tua?

O glacies non cor! cur non liquefcis ad calorem hunc? nullum prope fingi potest, quod auribus non percepit conuitium, nullum quod corpore pro te IESVS non excepit supplicium. Vincit vt fur, consputus vt blasphemator, derisus vt sacrilegus in DEVM.

O mirabilis mysterij dispositio! peccat iniquus & punitur iustus, offendit impius & damnatur pius, quod perpetrat seruus, exoluit Dominus, quod commisit homo, sustinet DEVS.

Quid ad hæc ô anima mea? vtinam nunc saltem amem te mi DEVS! sed amem ex toto corde, amem ex tota anima, amem ex omnibus viribus meis.

Vtinam obuerseris semper menti meæ ô vita mea! ô amor meus: vtinam ad te semper suspirem ô desiderium; ad te semper confugiam ô asyllum meum; semper aduoluam pedibus tuis ô mi DEVS; semper exosculer manus tuas ô mi Domine, semper inuolem in amplexus tuos ô mi Sponsè!

*Christus flagellatur.*

**I. V**ide, vt agnum mansuetum impius Præses ad sedandum populi furorem, prædæ Tigrium & Pantherarum tradit, vt eum flagellis cædant.

Ah

Ah quantâ cum rabie te mi IESV adoriuntur? vestibus violenter spoliant, & eas projiciunt humi! Quis auit te denudare ô Rex Regum? Ah quanto cum rubore nudus consistis coram illa maledicta multitudine, Virgo Virginum Sponse.

O execrandum fera posteritati facinus! nudatur DEVS, & Virginea illa candidissimi corporis membra deteguntur! Quo vno scelere, tot mortes DEO inferri crediderim, quot sunt oculi spectatorum.

2. Inspice cum qua ferocitate CHRISTVS alligatur columnæ, alijs manus vincientibus, alijs brachia contorquentibus. Et ne multis ita Dominum stringunt, vt carnes disrumpi, & foras sanguinem proflire compulerint.

3. Admirare nunc cum lacrymis, IESVM feriri crudelissimè, cutem dilaniari, viscera denudari, partes carnis in aëra exilire.

4. Vide in tenerrima carne Domini sulcos, vide sanguinem defluentem in terram instar riuulorum.

5. Respice humeros, brachia, pectus, uentrem, & totum corpus tui Saluatoris dilaniatum, totum corpus discerptum.

O quantum prodigium! amor cruciat, fundit sanguinem, dilacerat, & nisi ipse sibi obstitisset, intermisisset.

6. Interroga Dominum IESVM, qui sit, vt post tot flagellationes, quæ ad numerum peruenerunt, sex millium sexcentarum sexaginta sex, etiamnum vitam frui possit, cum decem tam immanium percussionum suffecissent ad te occidendum?

7. Meditare hic, quomodo lictores percutiendo lassifunt & CHRISTVS necdum fatigatus est pro te feriri. Quare cum amplius non possent crudelitatem suam



suam in ipsum exercere, illum à columba soluant.

8. Vide, vt agnus innocens volutatur in tuo sanguine propter nimiam debilitatem, & animi deliquium non valens ultra pedibus insistere. Ah! vs truculentæ illæ bestiae calcibus eum protrudant clamantes: surge seductor: surge Rex Israel.

9. Inspice, quòd doloribus plenus, totus dilaceratus præ frigore tremat, nudus, dilaniatus, & sanguine madidus, vbicunq; firmat pedes, vestigia sanguinis relinquat.

*Affectus.*

**O**bstupescite cæli super hoc, & portæ ejus desolamini vehementer. IESVS DEI Filius in flagella nudatus est. IESVS meus Dominus in flagella paratus est. Nudatus, qui etiam omnia lilia agri sic vestit. Nudatus est, qui sub vmbra alarum suarum nos protegit. Vides hoc sol, nec obscuraris? Aspicitis Angeli, nec mortalium omnium oculos percutitis caritate?

Si hoc corpus templum Domini est, vbi nebula? si sanctum Sanctorum, vbi velum? si tuus est Filius Virgo Mater, vbi tunica inconsutis? si hic Filius tuus dilectus Pater æternæ, vbi nubes lucida est?

O mæstissima Virgo, quos fontes lacrymarum dicam erupisse de pudicissimis oculis tuis, cum cereres Filium tuum coram te ligari, flagellari, & carnem de carne tua tam crudeliter & immaniter disseccari.

O Virgo dolorosa, quomodo viuere poteras, quando in tuo conspectu, tot rabidi canes in teneram damulam: tot sanguinarij lupi in innocentissimum agnum, tot carniuori accipitres in simplicem columbam

columbarum ungues ac dentes exacuebant.

Quo obsecro Nate DEI, quò tua descendit humilitas? quo processit pietas? quò tua flagrauit charitas? Ego crimen edidi, tu torturæ subijceris; ego fruor delicijs; tu ad columnam in sanguine natus; ego pomi dulcedinem, tu fellis gustabis amaritudinem? Quid est hoc? quid fecisti Rex meus & DEVS meus? quid retribuam tibi pro omnibus, quæ tu tribuisti mihi?

Benedicant te Domine millia millium, & decies centena millia Angelorum. Non hoc satis. Benedicat te benignissime IESU, multitudo miserationum tuarum, & amoris tui mellisui suauissimi viscera, in quibus visitasti nos oriens ex alto, in quibus redemisti nos, & lauiti nos à peccatis nostris in sanguine tuo, & vulneribus tuis,

*Christus spinis coronatur.*

1. **V**ide nouam truculentiam & immanitatem nefariorum satellitum, qui horridam coronam de spinis, & acutissimis juncis marinis capiti jam satis cruentato infigunt & imponunt.

2. Considera (vt dicit S. Bernardus) illas spinas, non solum carnes & nervos perforasse, verum etiam ipsa ossa, necnon ipsum cerebrum penetrasse.

3. Imaginare, quòd videas sanguinem cerebri humore mistum ex omni parte per capillos & faciem defluere.

4. Dic ex corde: O Pater! jam istud caput non semel sadauit sanguinem! cur spinis eundem elicit iustitia tua?

O sacratæ spinæ parcite, parcite sacro illi & innocuo capiti, venite potius & venite aculeum contra me, pungite cor meum puncturis penitentiae,



ut si non sanguinem, saltem vel lacrymam possitis  
 è corde duro elicere. Dilatare corona, ut inter istas  
 spinas caput quoq; meum inferam.

5. Vtius mente progredere, & vide quomodo  
 velant faciem Domini turpissimâ vittâ, & percuti-  
 entes faciem & caput ejus alapis, illudunt ei.

6. Cogita, cur velat faciem Domini hæc barbara  
 Tenebrionum turba? An quia oculis diuinis sua  
 videri scelera pertimescebant? an quia, qui vno e-  
 jus aspectu emollitam in lacrymas petram conspe-  
 xerant, suam quoq; mitigandam crudelitatem me-  
 tuebant?

7. Consiste hic parumper & accuratè perspicere  
 factam Pilati, qui rabiem infernalis turbæ volens  
 sedare, Christum totum deformatum, deturpatum,  
 & tam crudeliter dilaniatum ad propyleum jussit  
 duci.

8. Ausculta verba Pilati Christum plebi mon-  
 strantis: Ecce homo: Ac si diceret: veniat vobis  
 in mentem hunc esse hominem non bestiam; satis  
 immaniter in eum sæuitum, immanius quolibet la-  
 trone.

9. Conuerte tu hæc verba Pilati ad Patrem: O  
 Pater! Ecce homo! ecce Filius tuus dilectus, tam  
 crudeliter dilaniatus! ecce Homo plusquam barbarâ,  
 plusquam belluinâ Iudæorum sæuitiâ tractatus.

O Mater! ecce Homo! vide an hæc non tunica,  
 sed caro Filij tui sit? verè fera pessima deuorauit  
 eum. O Angeli pacis! ô anima Christiana! ecce  
 Homo! sed eheu! jam verè exclamare poteris, quia  
 non noui hominem, nam non est ei species neq;  
 decor.

O peccator! Ecce Homo! ecce caput pro te  
 spinis

spinis coronatum! ecce facies pro te spatis & alapis livida! ecce oculi in lacrymis & morte nantes! ecce os & labia mox felle replenda!

*Affectus.*

**O** Anima mea, non diffuis lacrymis! amore non conflagras! Ecce tuus Homo! en vide novum crudelitatis inuentum dolorosissimum! en furore quanto! nisu quanto! dolore quanto! scississimi laniens immanis ministri, coronam spinis, sentibus hispidam, visu horrendam, solo capiti Salvatoris imponunt, & ipsi penetrant cranium!

Ah dolorosissime IESV! vivis! natura non succumbit adeo laesa? miraculis opus est, ut graviora pro me patiaris.

Egredere nunc filia Syon, egredere o Virgo Mater, & vide Filium tuum IESVM in diadema e quo coronavit eum Mater sua. Mater improba Synagoga. O Rex mundi! o gloria cæli! hoc cene est regnum tuum, in quo natus es?

O innocentissimi, & divini corporis benedicta terra, rigata non jam rore tantum, sed sanguine, quomodo spinarum & tribulorum communi maledicto obnoxia facta es?

Ergone, qui me gloriam & honore coronavit, dolore ipsemet & dedecore coronatur? Qui dedit ornamenta aurea capiti meo, servavit tegumenta spine capiti suo? qui coronat me in misericordia & miserationibus, spinis ipse & sentibus non renuit coronari? qui mihi repositam habet coronam iustitiæ, solam sibi coronam patientiæ reservavit.

O patientissime IESV! quis tibi animus? quem summa humilitate jussu Patris adorant omnes Angeli, hunc coronatum summo ludibrio adorant cæculæ



culæ vilissimi? O quale amantissime IESV opprobrium! irrident, insultant, blasphemant, alapas ingeminant, & sputa fatentissima agglomerant vsq; & vsq;.

O mi Creator, ô mi Redemptor, quantum tibi debeo! ô si mille corda & linguas haberem, quibus misericordias tuas in æternum concinexem! ô si nunquam & memoria mea excideret amor tuus! ô si die noctuq; clamare possem cum omni creatura, quæ in cælo est & in terra: Sanctus, Sanctus, Dominus DEVS.

*Christus Crucem baiulat.*

1. Inspice cum lacrymis, quomodo humeris mitissimi Agni enervatis & contractis imponunt ponderosam illam crucis molem, cæteris omnibus hoc lignum ferre recusantibus. Eheu! eheu! quid facies bone IESV, quia viribus es destitutus?

2. Cogita tecum, quis vnquam vidit reum, ferre crucem suam & patibulum, cui affigendus? contra commune jus gentium est; portare tamen innocentissimus IESVS cogitur.

3. Contemplare Dominum vnâ manu ligatâ alterâ crucem bajulantem. Heu quam illa inhumaniter. ô IESV corrodit, & conquassat humeros tuos, quàm profundè carni vsq; ad ossa infigitur. Quid ultra facies mi IESV?

Perge tamen, perge mi Redemptor, constanter progredere, erige te mi IESV, novas assume vires, deducat te Pater tuus cælestis & confortet, stipent latus tuum Angelici Spiritus & solentur.

Proficiscere mi bone Viator, proficiscere, vt nos redimas, peccata nostra te ligarunt, & in misérias has adduxerunt,

4. Considera, quoties ob nimiam lassitudinem & Carnificum furiam, sub crucis pondere in medio plateæ CHRISTVS corruit; quoties nefarii satellites è vestigio in eum insiliunt, capillis trahunt, calcibus protrudunt, à tergo luto & lapidibus impetunt.

O prodigium! en cadit Verbum DEI secus viam, & conculcatur ab hominibus. En cadit, per quem cuncti stant, infirmatur, per quem omnes roborantur, in terra DEVS jacet, per quem homines eriguntur in cælum.

5. Intuere, vt occurrit & mæsta Mater in montem Caluarie eunti Filio. Quo pergis & Virgo Mater inter militum armatorum cateruas? Ergone dilectum filium tuum extremo supplicio affici conspicias?

6. Vide quomodo subsistit Dominus fatigatus saxo curdam insidens, ultimo Matri inter amplexus valedicens.

7. Meditare nunc, quo cum ardore, quibus lacrymis inuicem se se complexi sunt. Quoties ingemuisse putas nunc mæstam Matrem lugendo Filium & dixisse: Fili mi IESV, IESV Fili mi! quis mihi det, vt tecum & pro te moriar, Fili mi dulcis IESV?

8. Contemplant, cum qua rabie, canes illi, inhumano quodam impulsu impropereantes ei, Matrem à Filio repellunt, & eam semimortuum protrudunt.

9. Vide ô homo! quomodo patiuntur & lacrymis diffuunt pro te IESVS & MARIA! cur ergo tu ferreum cor non commoueris? cur non fles pro te ipso?



*Affectus.*

**T**VUS. ô Domine ingressus in mundum, & egressus e mundo, quàm dispar est! cantantibus Angelis ingressus es, Angelis pacis amare flentibus egressus es. Ingradientem te Virgo Mater vtero brachij; q̃; portauit, egredienti tibi grauis crux, ingens illud & infame tormentum, portanda imponitur.

O potentia æteni Patris, quàm imbecillis facta es! ô virtus mundi, quàm infirma effecta es! ô sustentator vniuersæ terræ, quàm infra omnia abjectus es!

Tu æthera firmasti sursum, & nemo te confirmat, tu appendisti fundamenta terræ & nemo te sustentat, tu cum ceciderit è nobis aliquis supponis manum tuam; tibi postquam tam dire collapsus, imò collisus es, nemo ex omnibus adhibet in auxilium vltimum manum suam?

O manus irâ victæ! quid mali patraastis? numquem fortè occidistis aut vulnerastis? nunquid fortè rapuistis, quod furum & prædonum instar, confidas funibus vos intueor? absit! illæ, illæ manus sunt, quæ omnibus benefecerunt.

Quis ergo mihi nunc dabit aquas, imò, quis omnes venas, arterias, neruos, ossa, & vniuersa membra corporis me vertet in Oceanum lacrymarum, vt plangam in amaritudine animæ meæ. IESVM meum sanguine decoloratum, sputis sædatum, post sanguinem sudorem, post dura vincula, post crudelem flagellationem, post horridam coronationem crucifigendum!

O Angelis! & creaturæ omnes lugentes lamentemini, currite, abundatè currite quia ecce Filius dei in extremis est. Ecce mundi salus extinguatur Ecce Saluator no-

ster ad atrocita tormenta, ad vestium spoliatiōem; ad vulnerum innouationem; ad fellis potum; ad acerbissimam fossis manibus pedibusq; lanienam; ad infame suspendium; ad nouos gemitus, ad clamorem validum & lacrymas, & amarissimam mortem pergit.

*Christus Crucifigitur.*

1. **S**ubfiste jam cum **CHRISTO** in monte Caluariz, & diligenter inspicere, quomodo Carnifices detrahant cum immani violentia vestes **CHRISTI**, vulneribus ob sanguinem concretum adhærentes.

2. Audi cum lacrymis, quomodo mæstissimæ Matris illas vestes ostendant, horribili cum blasphemia dicentes: Aspice ô improba mulier, num hæc sint vestimenta secleratissimi Filij tui?

3. Intuere **CHRISTVM** præ summo frigore, toto corpore trementem, cum nudus vento & æri asperimæ hyemis tempore exponatur.

4. Cogita quā ingens confusio ejus fuit, cū videret se nudatum in præsentia tantæ multitudinis consistere

5. Vide cum lacrymis quomodo ministri illi infernalibus furijs agitati, instar pantherarum rabie percitarum adoriuntur **CHRISTVM**, calcibus impetunt, & primo ictu atrocissimè in terram subternūt, horribili clamore vociferantes: Ades dum ô seductor populi; ocyus super hoc lignum te extende, expande brachia, & manus porrige.

6. Dein eps finge animo te coram intueri vnum Carnificum, **CHRISTVM** capillis tenere, ne se commoueat, alterum pedibus, tertium infigere clauos, & manus extendere.



7. Penetra hic, si potes, cor benedictæ Matris, quod exanimabatur ex auditu ad tam diros ictus. Ah! cur vnus horum ictuum non dirumpit & emolliat pectus meum adamantinum? Eheu! dimittite clauistas innocentissimas manus, configite cor meum, illudq; compassione vulnerate.

Vtius inſpice quâ immanitate Carnifices funes pedes conſtringunt, & tantâ cum rabie trahunt, vt ossa omnia laxent ac loco moueant, & omnia vulnera dilatent, propter manuum & pedum extensionem.

9. Obſtupeſce, quam largi ſanguinis riuſ per brachia, corpus, & crucem diſſiunt; lacuſq; roſeos efficiunt humi! Ô DEVS! quam lacrymabile & inauditum tormentum, & necdum CHRISTVS moritur!

10. Vide, quot machinis, quot funibus ſatellites illi vtantur, qui CHRISTVM in cruce pendentem nunc in hanc, nunc in aliam partem impellunt: demum crucem erigunt, & in excaueatum ſcrobem immanſo cum ſonitu cadere permittunt.

O quanta cum anguſtia ad terribilem hanc concuſſionem diſiuncta ſunt Chriſti membra, conturbata interiora ejus, & cuncta ossa, cum incredibili dolore loco mota

Quæſiſti ſæpè Ô anima Chriſtiana à Domino tuo IESV, & dixiſti: Indica mihi quem diligit anima mea, vbi paſcas, vbi cubes in meridie? Ecce cubat in monte Caluarie, medius inter latrones, nudus, linnudus, cruentatus, illic jacet exporrectus in duro lecto crucis.

**O** Spectaculum ab orbe confuto luctuosissimum! DEVS suspenditur! DEVS occiditur! laxentur in gemitus ora, mergantur oculi nostri lacrymarum pelago.

Veni, accurre. Oriens, Occidens, Septentrio, Meridies. Ecce panditur terra Sancta, beati pedes, venerandæ manus, benigna brachia, amabile pectus.

Aspice nunc ô Pater caput Filij tui propter tot canales sanguineos defecisse! intuerè cervicem, olim instar nivis candidissimam, nunc inclinatam & exsanguem.

Desige oculos ô mæsta Mater in faciem dilecti Filij tui, & in membra conquassata CHRISTI tui! vide quàm obscurata sit pulchritudo oculorum! quantum palleat color regij vultus!

O DEVS! ô IESV mi! adoro te in hoc throno doloris & ignominie, O si mihi liceret per te, vt sacram tuorum pedum aram millies exosculer, manantemq; inde cruorem lacrymarum imbre diluam.

O si submitteres tantisper verendum cælo & terris caput, voltum miserabilem, sanguine innatantem suo, ora illa plumbeo mortis calore pallentia, amoris roseo igne purpurascantia.

O anima mea! dic saltem à longè vltimum vale Saluatori tuo, Vale ergo mi Redemptor! Vale ô Frater amabilis nimis! vale ô Sponse animarum nostrarum. Sed prius ante discessum da benedictionem, da Frater amplexum, da crucifixoribus tuis orationis affectum, latroni Paradisum, Matri Filium, Filio Matrem, mortuis vitam, toti mundo sanguinem tuum,

✠(†)✠



*Christus clamans voce magnâ ex-  
spirat.*

1. **I**ntuere anima mea, quia jam tandem exacto tormentorum itinere, se se durissimum in lectum fessus Viator quieturus reponit: & audi quid loquatur ad te de lectulo crucis.

2. Audio, clamat IESVS: PATER dimitte illis. Quid est hoc? IESVS flagellis cæsus est, spinis coronatus, affixus patibulo, omnium tamen dolorum immemor ait ignosce illis. Cygnea verba! is, qui hactenus in propria causa tacuit, nunc causâ inimicorum disertus est.

3. DEVS DEVS meus vt quid dereliquisti me. Derelictus es mi IESV, sed propter me, quia ego sapius dereliqui DEVM meum, fontem aquæ viæ & recessi à DEO salutari meo.

4. Sitio clamas mi IESV! Attendite animæ, quantum diligit vos, tot dolores perpeßus IESVS propter vos, adhuc tamen dolores propter vos sinit, sinit sanguinem effundere, quem adhuc celauit in corde.

5. Domine memento mei. Hiccinè nudus ô latro, sanguine perfusus socius ac particeps patibuli tui Dominus est? hæccinæ spinæ sunt diadema Regis? Beatus es latro, quia caro & sanguis non reuelauit tibi, sed Pater qui in cælo est Memento & nostri Domine, dum veneris in regnum tuum.

6. Ecce Mater tua. Breue testamentum, paruum peculium facîle dispensatur. Nihil sibi ex suo restabat præter Matrem, & hanc tradidit discipulo.

7. Ecce Filius tuus. O voces miras, mortaliumq; cordibus optatissimas. Filium effici Virginis, quid dulci-

dulcius? Matrem habere M A R I A M, quid securius? O Mater non dedignare nos filios, quoniam DEVS non est dedignatus te Matrem.

8. Consummatum est. Quod consummatum est Domine IESV? dolores tui, passio tua, charitas tua? ita sanè omnia transierunt, consummata sunt, perfecta sunt; præcipue autem charitas tua, quâ cum dilexisses nos, vsq; in finem dilexisti.

9. In manus tuas Domine commendo Spiritum meum. O si & meum mi. dulcis IESV in agone egredientem de corpore Spiritum in manus tuas susceperes! ô si me reciperes & omnes mecum agonizanturos in lateris tui aperti patentem aulam miserrum arcem, pænitentiam triclinium!

10. Et inclinato capite emisit Spiritum, Ergone meus IESVS clamans voce magna, inclinato capite, vt mihi amplexum, mihi det osculum reconciliationis, inclinato capite, vt mihi dicat ad aurem cordis mei: morior, & libenter morior amore tui; inclinato capite, vt inspiret in faciem meam spiraculum vitæ; inclinato capite tradidit Spiritum?

*Affectus.*

**O** Anima mea! tradidit pro me IESVS Spiritum & ego spiro? verbum æternum pro me siluit & ego loquor? DEVS meus pro me mortuus est, & pulcherrimus ille nexus purissimæ carnis cum Sanctissima anima dissolutus est, & ego vivo!

Cur non venies ô hora, vt & ego moriar, si & Dominus meus IESVS mortuus est? cur non saltè compassione morior ego, cum iam expirauerit in cruce vita mea?

Eti non habeam mi IESV puritatem & sanctitatem tuæ Mariæ, vt dignè tibi compatiar, Iaironis tamen prauitatem habeo, vt ad latus tuum crucifigi de-



debeam. Etsi non sum tanquam velum nobilissimum templi, vt in morte tua scindar, sum tamen monumentum fatidissimum, vt ad apertionem tui lateris aperiri debeam.

Quid in me quæris dulcissime IESV? si in morte tua petra scissæ sunt, & ego durior sum petra. Si terra mora est, & ego terrenissimus sum. Ipsum etiam ferrum voluisti tuum corpus vulnerando intrare, & me intrare per facta jam vulnera non permittes? Nunquid cor meum est durius omni ferro?

Etsi cælestis non sim in compariendo tibi, nequeam cum sole obscurari; tamen infernalis conuersationis sum, vt saltem in triduo mortis tuæ a te debeam visitari.

Cur enim me fecisti Domine, si non debeo esse tibi coniunctus? aut si tibi sum coniunctus, quare pariter tecum non sum vulneratus? Nolo mi IESV viuere sine vulnere, quia te pro me video vulneratum

## CAPVT XI.

Proponuntur Præces colendi Deiparam Virginem, & quosdam Sanctos in Festis ipsorum.

*In Festo Conceptionis Beatissimæ.*

1. **Q**uæ est ista, quæ progreditur quasi aurora, confurgens, palchra vt luna, electa vt sol, terribilis vt castrorum acies ordinata?

2. Aue ex omnipotentia Patris; aue ex sapientia Filij, aue ex dulcissima bonitate Spiritus sancti MARIA cælum & terram illuminans,

3. Aue candidum liliū fulgidæ semperq; tranquillæ

quillæ Trinitatis, rosæq; præfulgida calicæ amantissimæ, de qua nasci & de cujus lacte pasci Rex cælorum voluit.

4. Salve sacratum Regis palatium. Salve thalamus, in quo humanitas Christi desponsabitur. Salve electa DEO antequam nata fueris. Salve diuina cum hominibus reconciliatio.

5. Saluto & veneror Animam tuam gratiâ plenam; Tuum intellectum tam scientiâ instanti Conceptionis infusâ, quàm lumine gloriæ & visione DEI illuminatissimum. Tuam voluntatem impeccabilem, omnibus habitibus & actibus virtutum ab ipsa Conceptione tua ornatissimam.

6. Saluto & veneror tuum corpus sacratissimum DEO Homini in primo gradu consanguineum. Tuum cor semper immaculatum, semper amore DEI ardentissimum, Tua omnia sanctissima & purissima membra.

7. Gaudeo de omnibus virtutibus tuis, quod eas habueris origine Maternitatis altissimas, in gradu perfectissimas, in instanti tuæ Conceptionis infusas, singulis vitæ mortalis momentis crescentes, heroicas, Angelicas.

8. Gaudeo de tua puritate, quod sis præseruata ex meritis Christi; non solum à peccato originali; sed etiam à debito proximo illud contrahendi; quod sis semper libera ab omni peccato actuali etiam veniali.

9. Gratias tibi æterne DEVS, quia elegisti MARIAM, velut rosam de spinis, velut stellam de tenebris, velut gemmam de luto facis. Et quia sola cum filio suo de massa generis Adæ primogeniæ innocentie, originali; iustitiæ hæreditatem retinuit, sola in gratia obedientie constitit.



10. Gratulor tibi ô pretiosissima creatura! ô Mater admira bilis illam omnem (quam DEVS solus dare voluit tu sola capere potuisti) abyssum gratiarum, quâ pro omni existentia tuâ puncto impleta es, vt dignum maiestati diuinæ fieres habitaculum.

11. O felicissima & beatissima mulierum jam præuenio omnium generationum benedictiones & loco earum omnium milles te & infinities beatam, prædico & esse gaudeo.

12. O puella sine macula concepta, tu sola eris gloria serula em, tu honorificentia populi nostri. Vellem nunc capacitatem cordis mei milles millesq; amplius dilarari, vt possim aliquid quantum dignè DEO congaudere & gratulari tibi illud instans ortus tui superadmirabilis in mundum.

13. O Augustissima Mater DEI! fiat cor meum immaculatum; vt pius amet te, honoret te, apud omnes extol'at te, plus quàm vlla vquam creatura possit inhonoratâ vitâ suâ offendere te!

14. Tu inchoasti Virgo, ora vt ego finiam vitam sine macula. Impetra cordi meo illam, quæ ad benè videndum DEVM requiritur munditiem. Habeam cor, quod cordis tui sancti amores omnes offerat pro te Filio tuo, DEO IESV! doceat me cor tuum amores immaculatos æternos!

15. Vtinam possim esse totus Virgineus, totus diuinus, vt cor meum totum, sit amor Virgineus, sit amor diuinus.

16. O sancta Mater DEI! vtinam Filius tuus in morte mea intuens animam meam dicere possit: Tota pulchra es amica mea & macula non est in te.

**I**N Sole posuisse diceris tabernaculum tuum mihi  
opprime IESV, & ipse tanquam Sponsus procedens  
de thalamo tuo, nimirum clauetro purissimo vteri vir-  
ginalis. Imò verò mi Domine! *MARIÆ* Matris tuæ  
pulchritudinem à primo ipsius ortus instanti & in  
æternum immaculatæ sol & luna mirantur.

Vnde ergo mihi ô Amor diuinissimè! vt tu venias de  
templo gloriæ tuæ, de purissimo tabernaculo tuo ad  
me speluncam latronum, vas contumeliæ toties fæ-  
datum, licet toties in sanguine tuo lotum?

Quid mihi & tibi ô IESV Fili *MARIÆ* Virgi-  
nis, vt inuites me ad te Rex Regum & Dominus  
dominantium! Tu fons sanctitatis, coram quo An-  
geli non sunt puri! tu sol claritatis æternæ, qui lu-  
cem habitas inaccessibilem, ego verò animal immun-  
dum, filius iræ & tenebrarum? Quâ fiduciâ compa-  
reo coram te iustissime Iudex, ante cuius conspe-  
ctum columnæ cæli contremiscunt!

Pro admirando habetur, quod tu mi IESV fili-  
us DEI viui non horrueris Virginis vterum, nouemq;  
mensibus eundem inhabitaueris, qui tamen à Spiri-  
tu sancto multiplici gratiarum ac donorum appa-  
tatu fuit instructus, quomodo ergo nunc descendes  
in mea viscera fæda?

Ergo ne mi Domine patieris cum seruulo tuo e-  
pulari, qui nosti me in peccatis ac iniquitatibus con-  
ceptū ac etiam iisdem demum immeritum, quia man-  
datorum tuorum præuicatore? O quantus amor!  
tu in me vilissimo peccatore, & ego in te DEVS  
meus, cuius maiestas incomprehensibilis est!

Quomodo



Quomodo ergo sine te augustissima Mater & Virgo, sine tuis auxilijs ego pauper seruus tuus dulcissimum amorem cordis tui IESVM meum recipere praesumam? Absit à me tantum audaciae scelus. Si igitur Filium tuum à me recipi vis, exorna me meritis ac virtutibus tuis, gratijs & gloria tua, & me sic comptum Filio tuo aduenienti siste, sic me exorna o dignissima Mater Filio tuo, quemadmodum te Spiritus Sanctus exornauit eidem Filio ad te venturo, & in visceribus tuis incarnando.

Veni ergo mi dulcis amor ad pauperculam animam meam. Veni misericordissime & amabilissime DEVS cum MARIA Matre tua, praeparet illa tibi cor meum (vt sit sine macula) in purum habitaculum tuum, in arcam tuam, tabernaculum, thronum, templum & lectulum tuum, vt quiescas & mancas in me, vt videam te, amem te, ardeam, liquefam, consummar, & consummer in te.

*Actus post S. Communionem.*

Quibus te o amorosissimum SACRAMENTVM excipiam & tractabo modis? quomodo te dulcissime Hospes amorq; miles vredamabo? Nihil habeo carius, & pretiosius corde Mariae, hoc tibi dono & offero.

Per te Virgo Immaculatissime concepta DEVM meum in corde meo latentem, quem ego indignus peccator sub his Eucharisticis speciebus praesentem suscepi, amo, laudo, agnosco, veneror, glorifico, exalto, deprecor & praedico, inuoco, & possiteo.

Tuo corde o pura & deificata pretiosa & super omnes benedicta Virgo Mater, pro me amplectere filium tuum mihi hodie datum.

Concede mihi o piissima Genitrix huius ipsius corporis, quod ego sumpsi, illos tuos affectus, illas con-

siderationes, omnemq; gratiarum, donorum ac virtutum tuarum apparatus, vt tam decenter & sanctè, tam reuerenter & deuotè Filium tuum tractem, sicut tu illum tractasti.

Tu enim sola Virgo Sanctissima placuisti Altissimo, tu felicissimè concepta primo tuæ conuersionis ad DEVM actu maximum eidem gultum exhibuisti, deinde filium DEI quem cæli cælorum capere non poterant, tuo gremio contulisti, de purissimo sanguine tuo & de Spiritu Sancto concepisti, de castissimis visceribus tuis genuisti, genitum vbere de cælo pleno lactasti.

Quia verò mi Domine ego indignus peccator nihil habeo, quod possit tuam maiestatem & dignitatem condecere, hanc saltem voluntatem habeo & offero tibi; quâ affectus plenitudine totam se tibi Virgo mi DEVS in omnem vsum obsequiumq; primo sui exortus instanti consecrauit ac deuonit, eodem ego affectu offero me ipsum totum tibi, atq; trado in hæreditatem & possessionem æternam Tuus sum ego in æternum;

Exuo affectum omnem ad omnia, & ad te vnum, tanquam centrum meum toto impetu tendo, festino, ruo. Sufficiat mihi Amor mi dulcissime, quod te habeam; quod te in SACRAMENTO susceperim. Nihil in hac vita mea amplius & melius desidero, te vnico summo Bono meo amoreq; contentus sum. Amorem hunc & affectum, quo ad te feror, in omne momentum & æternitatem continuare cupio, ac quantum possum continuo.

*In Purificatione.*

1. **O** Mater Domini mei monstra te esse Matrem, depone Filium tuum in manibus meis, suscit



sicet mihi, vt videam & exosculer, quem diligit anima mea, antequam moriar.

2. O bone IESV! apud te os meum sine voce, & silentium meum loquitur tibi, vsquequo tardat, venire Dominus meus ad me? quando videbunt oculi mei ô Pater salutare tuum, quod parasti ante faciem omnium populorum?

3. Diuine paruule in sinum meum licet angustissimum, amore tamen tuo, & tui diuini cordis dilatandū aduola, requiesce in sinu meo, vt sic amore tui moriens in amplexibus tuis cantem: nunc dimittis Domine seruum tuum in pace.

4. Suscipio hodie in medio templi misericordiam, & amorem meum, gaudium & vitam meam, IESVM & DEVM meum. O delictum sine deliquio! ô exultationem sine supplicio! ô latitiam sine fastidio!

5. Intelligis tu paruule IESV superintelligis omnia: intellige super egenum me & pauperem maxime in occasu meo.

6. O purissima Domina mea, dulcissimum amarissimi agonis solatium! da mihi IESVM morientis, & dimitte cum Symeone me seruum tuum in æterna pace.

7. Festina ô Mater misericordię, & monstra te esse mihi Matrem in hora mortis meę, veni & fac, vt in occasu meo oriatur mihi sol non tam iustitię, quàm misericordię.

8. Non recuso horrendos ignes, longum illum diem purificationis meę. Malem tamen illos DEI amore, quàm pro pœna culparum pati.

9. Sim ego ô IESV ô MARIA, sicut candidus vester cereus, consumar, absumar amore vestri

lucens & ardens, vsq; dum hic felici vos amantium morte extinctus, immortaliter apud vos ardeam igne illo cuius flammæ, sunt linguæ amoris Dei.

10. Respice paruule mi IESV respice in templo, & accende me ac mea omnia illis tuis oculis, quos tanquam flammam ignis vidit postea Ioannes tuus. Illi tui ignei oculi faciant me alis flammeis auolare illuc, vbi est templum amoris æterni, ad quod euocare soles dilectos Virginis Matris tuæ.

11. O mi IESV! rogo te per Patrem tuum, cui hodie oblatus es, per te ipsum, qui oblatus es, per Spiritum Sanctum, cuius instinctu oblatus es, per Virginem Matrem tuam & S. IOSEPHVM à quib<sup>9</sup> oblatus es, fac vt ego & omnes tuo diuino ac Matris tuæ amoris addicti, simus candelæ tuæ, quas tu (quod hodie petit Ecclesia) lumine supernæ benedictionis accendere digneris, vt corda nostra inuisibili igne, id est S. Spiritûs illustrata, omni vitiorum cæcitate careant.

12. Tibi me hodie sisto paruule IESV, quem Patri hodie in templo sistit Mater; vt cum ante te mihi ad vltimam sententiam percipiendam sistendum erit, ad dexteram Electorum me sistere velis.

13. O MARIA dulcissima Mater mea amantissima! quid obsecro dabis nobis in hoc festo? Purifica me Virgo Sancta, purifica totum mundum, Benedic Filio tuo mihi, quem gestas in manibus, & toti mundo, Accende me igne tuo, vt cor meum flammis amoris diuini semper ardeat,

Eodem Die

*Actus ante S. Communionem.*

**V**squequo Domine dulcissime amor mi tollis animam



nam meam & non venis ad eam? Ecce iam tædet ipsam vitæ suæ. Quid dicam? quò vadam, quis renuntiabit tibi dilecto meo, quia amore tui langueo? Quis mihi det te ô amantissime IESV fugentem vbera Matris meæ, vt amplectar te & deosculer & introducam in domum meam, tuguriolum cordis mei?

O desideratissime hospes animæ meæ, decore nimis & amabilis super amorem hominum & Angelorum, sicut Mater amat vnicum filium suum, ita ego te diligo ac tuo suauissimo conspectu satiari volo.

Quemadmodum desiderat ceruus ad fontes aquarum, ita desiderat anima mea ad te Saluator meus Domine IESV, desiderat inquam anima mea satiari pane tuo, quem de cælo præstitisti nobis omne delectamentum in se habentem. Sitio te Deum meum venam aquarum viuentium, sitio sanguinem tuum quem mihi in potum mirabiliter tribuisti.

An verò vis animam meam reijcere & pertransire, quia homo peccator sum? scis enim Domine quibus te malis offenderim! quibus peccatis iram tuam irritauerim? quomodo Spiritum Sanctum tuum contristauerim?

Ita est Domine IESV, agnosco & profiteor coram cælo & terra, quia multiplicatæ sunt iniquitates meæ super arenam maris, adeoq; non est bonum hunc panem filiorum mihi cani putrido dare: non expedit hanc redemptionis nostræ gemmam pretiosissimam ante porcum proijcere.

Scio tamen Domine, quia etiam debiles & claudos ad cænam tuam inuitasti, quia cum publicanis & peccatoribus manducaſti, quia filium prodigum ad te reducem vitulo seginato tractasti. Ad mensam ergo conuiuij tui cum timore & tremore ac-

cedere præsumo, quem ego credo firmâ fide sub  
accidentibus Eucharisticis esse verè & realiter præ-  
sentem vna cum diuinitate, anima, corpore, & sangui-  
ne tuo pretioso.

Veni ergo Domine & noli tardare, veni dulce-  
do mea, veni salus animæ meæ, vita mea, DEVS  
meus & omnia! Ecce pando tibi dulcis IESV panis  
viventium sinum cordis mei, & paratum offero to-  
tum animæ meæ habitaculum, dignare ad me ve-  
nire, & mecum usq; ad finem vitæ meæ manere.  
Non sum quidem iustus & timoratus, quia grauis-  
simus peccator, expecto tamen redemptionem Israel,  
expecto donec veniat qui mittendus est.

Ad te etiam supplex accedo pijsima Mater, de-  
pone ex vinis tuis Virgineis hunc filium tuum in  
sinu cordis mei. Quid enim negabis pauperi quod  
hodie concessisti Symeoni? fac me vnum de mer-  
cenarijs tuis, quia hic fame pereco, amore languéo,  
non est qui consoletur me ex omnibus caris meis.

Quàm beatus es magne Symeon bajulus factus  
Amoris mei, quàm beati oculi tui quibus desidera-  
tum cunctis gentibus Redemptorem mundi aspe-  
xisti! quàm beatæ manus quibus Authorem vitæ  
contrectasti! o quàm suauiter casta ludit inter bra-  
chia tua dulcis IESVS amor meus, pendet amica  
collo sarcina purpuratq; genas basijs purpuraturq;  
tuis. Ignosce. Invideo tibi magne senex. Satis ah  
satis exultauit spiritus tuus in D E O salutari tuo.  
Concede etiam mihi hoc amicum pondus, Mori-  
er si denegas, paululum concede hanc sarcinam  
vicariam gestandam dexterâ.

*Actus post S. Communionem.*

**O** Pater æternæ ac amantissime! ô Mater dul-  
cissima.



cissima MARIA! en jam induxistis Puerum IESUM parentes ejus in cor meum, jam filium vestrum accepi in vlnas meas, en quod concupiui teneo, cur jam corde non ardeo?

Intuemini Sancti Angeli quantus sit iste qui ingreditur, & ipse est Rex justitiæ. Præcursor ingreditur secundum ordinem Melchisedech Pontifex factus in æternum.

Suscipio Domine IESV misericordiam tuam, quia te ipsum in medio templi tui, cordis mei, cur, non clamabo cum tuo Symeone, qui dum te in vlnas suas. necdum vnius vlnæ infantem suscepit tanquam cygnus lætus ante letum cecinit, & petijt dimitti.

Clamabo & ego & dicam cum eodem: Nunc dimittis seruum tuum Domine secundum verbum tuum in pace. Vidi enim te, & vidi, & gustavi toties in Eucharistia. Viderunt oculi mei salutare tuum, quod parasti ante faciem omnium populorum. Lumen ad reuelationem gentium, & gloriam plebis tuæ Israel.

O Virgo sacratissima, quo tu affectu pignus tuum dulcissimum ac diuinissimum hodie templo illatum, altariq; impositum diuinis oculis præsentasti & amplexa es, simili cordis deuotione & affectu ego modo Filium tuum in corde meo depositum amplecti desidero.

IESV mi dulcis hospes animæ meæ hodie à Symeone gestate, benedicte, & eleuate super altare, te ego quoq; seruulus tuus in corde meo eleuare gestiens, totâ capacitata mea confirmari, finaliterq; in gratiæ tuæ amicitiaq; pace dimitti in æternum postulo.

O si moriatur anima mea morte iusti istius, & fiant nouissima mea hujus similia. O sanctissima Mater ad sis & mihi in hora mortis meae. O IESV benignissime, dum in extremo vitae meae dignaberis è templo sancto tuo venire ad me, & sacro viatico munire me, ne permittas me separari à te, in hora mortis meae voca me, vt amem te.

Quis mihi det, vt in vltimo vitae meae puncto ardere possim immensis ignibus amoris tui, vt qui aliquando remissus fui in amore tuo, nunc æstuem & accendar amore tui Seraphico. O si in puncto resolutionis meae tantum conciperem tui amorem, qui solus sufficeret separare animam meam à corpore meo?

Obsecro te mi IESV! per illum ipsum amorem, quo te mihi in cibum communicas, & per istud amoris SACRAMENTVM, istam mihi ex hoc gratiarum fonte præsta gratiam, vt hoc corporis tui Sacratissimi cibo confortatus, viam ingrediar vniuersæ carnis, gloriæ; iudicio tuo non damnandus ad mortem, sed saluandus ad vitam, in qua te summo Bonο meo fruar in æternum.

*In Festo S. Benedicti.*

1. **B**enedictus sis Domine DEVS in firmamento cæli, quia Benedictum tuum Patrem multarum Religionum constituisti, filijs ejus benedixisti, & multiplicasti eos sicut stellas cæli.

2. O dilecte Domini Benedicte! cuius hodie solenne festum omnes filij tui (quorum numerus vni DEO cognitus est) sub Sanctissimis legibus tuis militantes corcelebrant. Iuua me precibus ac meritis tuis; vt ego nunc & æternum sim dilectus & benedictus à Domino, ac diligens ac benedicens Dominum.

3. Sera-



3. Seraphine terrestres! qui in materno utero exultare & psallere es auditus. Non potui DEVM amare & illū benedicere ante, quā nascerer, fac ut saltem nunc, & in æternum totus dulcedine diuini amoris plenus, totus flammā diuinæ charitatis incensus diligam DEVM ex toto corde totisq; medullis præcordiorum meorum misericordias eius concinam.

4. Cælestis inter homines Angele! qui è visæ à te olim fæminæ recordatione, immundum Spiritum fædis tibi cogitationibus importunum inter vrticas & spinas volutatus repulisti, & tamdiu corpus tuum senticeti aculeis lacerauisti, donec nesciret insidiator, lilij an rosīs irasceretur; cum innoxia inter spinas lilia efflorescere frendens conspiceret; impetra mihi cor totum candidum, totum lilium, impetra mihi victoriam de mundo, carne, & diabolo.

5. O felicissimi & flammæ cordis Vir! qui discipulorum quendam orationis tempore, mente sponte vagum, per fimbriam vestis è templo foras à nigro puero trahi vidisti, eidemq; orationis Spiritum impetrasti, impetra ne me vnquam irretire possit daemon; ut deniq; non tradat bestiis meam hanc animam consistentem sibi DEVS meus.

6. O Thaumaturge! cujus imperio aquas pede sicco calcavit tuus discipulus Maurus. Qui bibiturus, factus pro more, super vasculum Crucis signo, illud vi diuina fractum, ne venenum biberes vidisti. Qui rogatu cuiusdam parentis filium ejus mortuum resuscitasti: Roga obsecro IESVM, ut lætitiā Angelis DEI creet mea mors, non verò demonibus: ut in templo Sancto gloriæ DEVM meam vna tecum benedicam, æternū benedictus.

7. Sancte

7. Sancte mi! & in altissimo gloriæ throno à Deo collocare Vir! qui Sanctæ Scholasticæ Sororis tuæ, & postea S. Germani Episcopi animam in cælum abeuntem aspexisti; assume animam meam, vt in morte à corde meo abeat ad te, itinere sancto!

8. Martyr amoris DEI: qui scriptis diuinâ sapientiâ plenissimis legibus, miraculorum gloriâ celeberrimus, vaticinio spiritu multa præfagens, sumpto Viatico, præmortua corporis per austeritates exhausti membra, in parato tumultu inter manus & lacrymas discipulorum placidissimè composuisti. Veris penitentia ac amoris lacrymis cor meum imbue, vt sanctâ verè amantium morte moriar. Impetra mihi Spiritum veri amoris DEI, qui corpus meum mortificatione assiduâ, & animam oratione perpetuâ DEO sacrificet.

9. O dilecte Domini Benedicte! cuius anima fulgentibus circum lampadibus, pretiosissimo pallio velut Sponsa ornata visa est abire in cælum; & vox audita est. Hæc est via, quâ dilectus Domini Benedictus ascendit. Qui hoc tuo die, Sanctæ tuæ filia Gertrudi apparuisti, totus efflorescentibus ex terolis vndiq; corpore toto vernans. Ora pro pigro hoc, & ad dura pro æternitate sustinenda, delicato nimis corpore meo: Patiatur nunc, ne patiatur in æternum. Currat quò anima, quò DEVS vult, vt cælum non infernum comprehendat.

10. Idem etiam nunc oro, quod hodie in solenni oratione ad te clamant alumni tui: vt excites in me Spiritum illum excellentissimum, quo tu calcare mundum, mortificare carnem, subiugare infernum didicisti ac docuisti: vt eodem repletus, Sanctissimam Regulam tuam fideliter obseruem, virtutes tuas



tuas imitari studeam, dæmonum insidijs viriliter resistam, & te iuuante feliciter moriar.

Eodem Die.

*Actus ante S. Communionem.*

**I**Tane ab æterno cogitasti de me, & singulis eternorum momentis cogitas de me & in æternum cogitabis ô amabilissima bonitas DEVS. meus? Et ego tam diu fui obliuiscus tui, etiam modo vix memor tui, & in posterum tui potero obliuisci ô amabilissima bonitas?

Quàm tædet, quàm pudet me mei! ô magnum prodigium, quod ab æterno amaueris me! sed nunquid non maius prodigium, quod in æternum diliges me? O nimia charitas, quid faciam tibi?

Et quid obsecro vnquam oculis maiestatis tuæ placuit in me? quid boni ego feci? quid merui? elegisti me ante mundi constitutionem, vt sim sanctus & immaculatus in conspectu tuo, & cum in peccatis iacerem, vocasti me ex seculo nequam in admirabile lumen tuum, in locum sanctificationis, dissimulans peccata mea propter pœnitentiam.

Quid in me dulcissime IESV inuenisti obsequij, quia liberaisti corpus à perditione, liberaisti me secundum multitudinem misericordiæ nominis tui à rugientibus præparatis ad escam, de manibus quærentium animam meam, à pressura flammæ quæ circumdedit me, & in medio ignis non sum æstuatus?

Toties ob scelera mea tradendus eram inferno, cum alijs, quos in ipso feruore peccatorum oppressit mors, qui nunc in flammis infernalibus cruciantur, & tamen mihi, cur autem mihi! misericordissimè pepercisti?

Sis

Sis millies mi Domine benedictus, qui me ex innumeris mundi periculis liberaſti, & ad ſanctam religionem mirabiliter euocaſti. Benediſta ſit illa hora, quâ me eduxiſti de tabernaculis peccatorum, quâ eduxiſti animam meam ex inferno inferiori, & ſaluſtaſti à deſcendentibus in lacum. Benediſta ſit hora, quâ me in Filium tuum adoptaſti & in templum tuum conſecraſti. Verè locus iſte ſanctus eſt, verè DEVS in loco iſto, vbi Panem Angelorum manducamus.

O Panis Angelorum, factus cibus ſeruulorum, reple etiam me hodie mendicum tuum ſuauitate tua, vt totus dulcedine amoris tui plenus, totus flammâ tuæ charitatis ſuccenſus, ad te ſolum aſtuantiſſimis anhelem deſiderijs.

Absorbeat quæſo mentem meam ab omnibus quæ ſub cælo ſunt ignita & melliflua viſ amoris tui, vt tibi ſoli inhæream, ſolâq; tuæ ſuauitatis memoriâ paſcar, te ſolum in omnibus & ſuper omnia caſtiſſimo amore, omni momento diligam & amplectar.

Veni ergo ô Amator ardentiffime ad pauperculam animam meam, hic habites quoniam elegiſti eam. Ne pertranſeas ſeruum tuum ô dilecte votoꝝ meoꝝ, ô dulcedo cordis mei, ô requies ſpiritus mei, ô vita animæ meæ, DEVS meus & omnia.

*Actus poſt Sacram. Communionem.*

**O** DEVS immenſæ Maieſtatis & infinitæ bonitatis! quid retribuam tibi pro omnibus quæ tu tribuiſti mihi? en non tantum ab æterno, & antequam eſſem, gratis adamaſti me, & ex nihilo ad gloriam tuam æternamq; felicitatem meam condidiſti, feciſti Angelos tuos ſpiritus etiam propter me, quibus mandaſti, vt cuſtodiant me in omnibus vijs meis, pro



is, pro me seruo peccati & dæmonis redimendo sanguinem & vitam dedisti, e tenebris peccati in quibus diutissime hæsi, extraxisti; tot gratijs habitabilibus ornasti, & actualibus præuenisti & adiuuisti: verum etiam me toties non lacte vt Mater filium, sed corpore & sanguine tuo reficis & nunc etiam refecisti.

Agnosco mi Domine & amplector viscera pietatis tuæ, quibus me dilexisti ac diligis, agnosco misericordes oculos, quib' respexisti super mortuū canem similem mihi. Pro his omnibus benedicam te Dominum meum DEVM salutis meæ in omni tempore. Misericordias tuas in æternum cantabo.

Quia verò homo peccator sum, laudet te & benedicat pro me gloriosissimæ Virginis huius sancti instituti Patronæ dignissimum cor & anima. Laudent te & benedicant infinita Sanctorum Angelorum castra ac præcipuè laudet te & pro me benedicat, nomini tuo laudabilis Confessorum numerus cum suo diuinissimo Benedicto, sancta & immaculata huius sacri Ordinis Virginum turba, & omnis electorum tuorum exercitus.

Clamo ad te potentissime protector salutis meæ Sanctissime Pater, & dux noster Benedicte, tu de tua salute jam securus es, de me obsecro sis sollicitus, & quem in vita Patronum elegi, in morte patrocinantem experiar, victurus deinceps tecum beatè, patrociniij tui memor æternū. Subueni mihi misero peccatori, sedenti in tenebris & vmbra mortis & solue vincula captiuitatis meæ. Eleua me ab hac sordida terra, vt mihi mundus crucifixus sit, & ego mundo.

*In Annuntiatione.*

1. **E**Cce Angelus Domini nuntiat tibi Virgo beata, quia tu gratiâ plena, concipies & paries Filium, DEVM videlicet & Hominem.

2. Audisti Virgo, quod concipies & paries filium, expectat Angelus responsum; tempus est, vt reuer-  
tatur ad DEVM, qui misit illum. Expectamus & nos ô Domina verbum miserationis, quos miserabili-  
ter premit sententia damnationis.

3. Responde Domina per Angelum Domino verbum, & suscipe Verbum, profer tuum & concipe diuinum, emitte transitorium & amplectere diu-  
num. Da Virgo responsum, quod terra, quod inferi,  
quod expectant & superi.

4. O Archangele Dei, qui legatione fungeris pro verbo increato, fortiter & suauiter age pro Dño tuo,

5. DEO gratias. Iam vtrinq; consensus datus est; iam Verbum caro factum est, & habitat in ta-  
cro Virginis vtero; iam puer IESVS vocatur.

6. O Mater DEI mei, quibus tibi affectibus gra-  
tulabor Maternitatem tuam diuinam? ô si omnium  
mihi corda essent! ô si cor ipse totus essem, quan-  
tum est totum vniuersum, vellem Te toto me,  
gratulari æterno DEO! toto me Tibi gratulari Fi-  
lium DEVM.

7. Benedicta & venerabilis es Virgo MARIA,  
quæ sine tactu pudoris inuenta es MATER SAL-  
VATORIS, & quem totus non capit orbis in tua se-  
clausit viscera factus Homo.

8. Benedicta sis tota ô dulcissima Virgo, in corpo-  
re tuo purissimo, & anima sanctissima.

9. Benedico beatissimum vterum tuum, in quo Domi-  
num cæli & terræ portasti. Benedico beatissimum cor  
tuum,



tuum, quo feruenter filium tuum dilexisti. Benedico beatissima vbera tua, quibus eum lactasti. Benedico os & labia tua, quibus ei dulcissima oscula dedisti &c.

10. Benedictus sit DEVS Pater, qui te in suam Filiam adoptauit. Benedictus sit Filius, qui te in Matrem suam elegit. Benedictus sit Spiritus Sanctus, qui te in Sponsam sibi assumpsit.

11. Sancte Gabriel Archangele MARIANE benedic & saluta mecum, & pro me MARIAM, & doce me illam salutare; vt oret pro me, oret nunc dum viuos; nunc dum oro; nunc dum in periculo damnationis æternæ, & in agone mortis meæ.

12. O Virgo gratiâ plena, esto mihi MARIA, impetra, vt in gratia moriar, vt Dominus sit mecum, & ego cum Domino in æternum.

13. O benedicta in mulieribus, ora, vt benedictus fructus ventris tui IESVS, sit mihi viuenti & morienti IESVS. Ita fiat ô MARIA Mater DEI, viuentium & morientium, ac prædestinatorum. Mater.

14. O Virgo Beatissima, quæ cum esses paruula, placuisti Altissimo, tantum te & ego diligo, vt si ego solus possiderem omnium Electorum gratissima corda, libenter illa omnia amoris tuo impenderem.

15. Si essem ô Domina CHRISTVS, in te non in aliam flumina gratiarum deriuarem. Si essem MARIA, relinquerem esse MARIA, vt in sola esses MARIA. Si essem supremus Angelus te non aliam, nomine omnium Angelorum optarem Reginam.

16. Si in me voluntates omnium hominum posita essent, te non aliam Mediaticem redemptionis hu-

manæ precarer, Si cordibus & linguis omnium loquerer, te, non aliam Dominam mundi vocarem.

Eodem die.

*Actus ante S. Communionem.*

**D**ereliquit me dulcissime Amor, miles V, Virtus mea, & lumen cordis mei atq; robur mentis meæ, non est mecum. Formido enim & terror, tremor Majestatis tuæ occupauerunt, & ceciderunt super me. Non sum dignus soluere corrigiam calceamenti tui, & dignus ero in sanctissimo SACRAMENTO recipere te? Quomodo audebo accedere ad te? Vnde mihi tantum dignitatis vt venias ad me?

Ad Virginem Matrem, non prius venisti, quam Spiritus sanctus superueniret in eam, & Virtus Altissimi obumbrasset illi, & tamen jam illa fuerat gratiâ plena, quomodo igitur potes ad me, & Spiritu sancto, & Virtute Altissimi, & plenitudine gratiæ destitutum, venire? Cur te mihi obtrudis Domine inuito, trementi, & vilitatis meæ conscio?

Ignosce Dñe, quod formide reciperem te, quia tu es DEVS meus magnus nimis, ego autem sum homuncio vilis nimis, ex nulla parte par, sustinendo tibi, declina à me Domine, quia peccator sum, quia nihil sum, quia non habeo sanctitatem Matris tuæ.

Non audeo quidem resistere voluntati tuæ, & tamen etiam non audeo te admittere ad me Domine. Consentire timeo, & dissentire pertimesco. quis enim resistit tibi & pacem habuit? Aut quis sum ego, qui respondeam DEO pro mille? Si te cupio recipere, audacia est, si renuo ad te accedere miseria



miseria est. Coarctor nimis & angustia mihi sunt vndiq;

Scio tamen miser, quid faciam, en ad tuos pedes supplex accurro pia Mater & Virgo, quia à sæculo non est auditum quenquam ad tua currentem praesidia ( teste tuo BERNARDO ) tua implorantem auxilia, tua petentem suffragia à te esse derelictum. Per te ergo accessum habeamus ad Filium ô benedicta inuentrix gratia, genitrix vitæ. Tuo Filio me reconcilia tuo Filio me representa, vt ad me veniat, & mansionem apud me faciat,

Tu enim sola placuisti Altissimo, quæ ardore diuini amoris accensa, totâ mente, totâq; virtute virtutum eleuata, DEVM tuum ardenter diligens contemplantaris, & tunc tibi S. TRINITAS DEVS per vocem Angeli sui salutationem transmisit, Incarnationis Filij DEI consilium intimauit, Virginali integritati, pro qua zelabas honorificè cauit, obedientiam acceptauit. Et quando ancillam DEI te esse professâ fuisti, in illa hora benedicta, DEI Filius in te factus est tuus Filius.

En etiam anima mea ancilla tua Domine, fiat. obsecro iterum in corde meo VERBUM CARO FACTUM. Eo affectu dulcissime IESV te suscipere hodie desidero, quo te affectu & desiderio tua Mater, Spiritu sancto cooperante in visceribus suis incarnauit, suoq; purissimo Sanguine conuestiuit. Veni Domine IESV, salus & vita animæ meæ, & non li tardare.

*Actus post S. Communionem.*

**O** MARIA Virgo & Mater Ecce Filius tuus Homo-DEVS factus mihi concorporeus! pro quo, vt ardentissimas illi gratias aga, suppliciter postulo.

Gg

Adoro

Adoro te mi dulcis IESV, Fili MARIÆ Virginis. Adoro diuinam Carnem & Sanguinem hic realiter sub Eucharisticis speciebus existentem, quam de Virginis MARIÆ substantia in Incarnatione assumpsisti.

Benedictus sis tu DEVS Creator omnium, qui in Vterum MARIÆ Virginis, ac sub testum meum, descendere dignatus es.

Millies & infinities sit benedictum & benedictum Sacramentum! Benedictus sis infinities IESV dulcissime Amor meus, benedicta sit Caro tua, Sanguis tuus, anima tua, diuinitas tua, quod venire dignatus es ad me.

Benedicta sis etiam millies ac millies Virgo Beatissima, quod lacte proprio, magnisq; laboribus panem hunc ad victum nobis dederis, in Crucis ara pro nobis, & in altari in nostrum remedium æterno Patri offerendum, atq; in Sacrario Cordis nostri reponendum.

Die dolorosæ Virgini sacro.

*De septem illius doloribus.*

1. **P**la Mater fons amoris, me sentire vim doloris, fac vt tecum lugeam, fac vt ardeat cor meum, in amando Christum DEVM, vt sibi complaceam. Vt & tibi complaceam, Cujus animam pertransijt gladius, & vtriusq; dolore & amore langueat, ardeat, liquefiat anima mea.

2. An non toties pertransijt animam tuam gladius Virgo beata? quando in stabulum diuertisti, primogenitum tuum in præsepio collocasti, Circumcisionem ejus commiserata aspexisti, in Ægyptum cum Filio fugere debuisti, ac duodennem in templo amissum triduo dolens quaesiuisti?

3. En



3. En denum anima illa diuina, illud delictum cordi, tristis est vsq; ad mortem Filius tuus, dum ille cælestis vultus, in quem desiderant Angeli prospicere infusus lacrymis procumbit in terram, & factus est sudor ejus, sicut gutta sanguinis decurrentis in terram.

4. O dolor! en etiam Filius tuus aptatur ad verbera, jam cæditur, rumpit sacram cutem violentia flagellorum, repetitis ictibus crudelia verbera scapularum terga conscindunt, jacet extentus ante hominem DEVS! Liceat rem tam immanem ac nouam, nouo, inusitato vocabulo exprimere? Verbum Incarnatum carnifices excarnarunt, flagris verberibus, multiplicatis velut super incudem ictibus, carnem ab ossibus mixtam sanguine per aërem disjecerunt.

5. Vidisti pia Mater Filium, & non erat ei species, neq; decor, non erat aspectus, Vidisti eum despectum, & nouissimum, virum dolorum, & scientem infirmitatem, & quasi absconditus vultus ejus & despectus.

6. Egredere insuper Filia Syon, egredere o Virgo Mater & vide filium tuum IESVM in diademate, quo coronauit eum Mater sua, Mater improba Synagoga. Inspice, quomodo diris sentibus horrens textum, armatis ferro manibus, & fustibus in diuinum IESV verticem altè deprimitur, fluit vndequaq; permixtus lacrymis sanguis.

7. Sed non stetit hic furor Cadentem te mi IESV Virgo Mater ingressu primo in terram, & sapius deinde labentem sollicita suo excepit sinu, fouit oculis, recreauit amplexu, at nunc in egressu vltimo sub immani Crucis pondere toties labentem, non est qui adiuuet, non est qui recreet, En jam su-

rore quanto, extra ciuitatem educitur IESVS vsq; in Caluariz locum, graui onustus Cruce, comitatus latronibus. Ergone credam ejectum te Sanctum Sanctorum ex Ciuitate sancta, nec vsquam amplius comparere in ea?

8 Hæc singula confers in corde tuo, & profundè gemens dicis: Ne vocetis me Noemi, id est pulchram: sed vocate me Marai id est amaram, quia amaritudine valde repleuit me Omnipotens.

9 O tristissima Matrum, te adiuuat anima mea, & qualis est Vnigenitus tuus, qui occurrit tibi? Et dicis: Vnigenitus meus candidus & rubicundus, sed non illo colore ad miraculum amabili, sed flebili supra omnem modum.

10. O MARIA! ô matissima mulierum, ô afflictissima Virginum! vbi dilectus tuus cubat, vbi nunc latitat indica mihi? Eheu filia Ierosalem dicunt mihi? quia ad funestum Caluariz locum, pro homine, graui onustus trabe, coronâ spineâ confixus, post mille gemitus, post amaras lacrymas, post cruentos gressus, stipatus latronibus, pergit. crucifigendus.

11. Ita est. En jam stat toto corpore nudus, expositus vndiq; frigido aëri, perfusus stillante cruore, oppletus doloribus, Circumdatus tortoribus, Filius tuus, in loco totius mundi vilissimo, in cadaueroso furcis & crucibus infami.

12. Inspice cum lacrymis, quomodo extentas manus Carnifices trabalibus clauis perfodiunt, demum funibus extendunt, vt nerui omnes ac venæ dirumpantur. Tam atrox porro fit hæc membrorum extensio, ac tam violenta, vt ossa singula suis sedibus dimota atq; diuisa numerari possint.



13. O cælum ! ô terra ! ô superi & inferi ! ô quidquid vſquam ſentit aut ſenſûs expers eſt ! quis audiuit vnquam talia horribilia , quæ fecit genus filiorum hominum ? O ſol ſubtrahe te tanto facinori, obſcurare, & in tenebras abi, obuoluite vos caligine ſidera; excutere à fundamentis tellus, & ſede tua exili, ſcindite vos petræ, hiate ſaxa ad tantum nefas.

14. Quale ſpectaculum porrigit oculis meis Golgotha ! in medio Paleſtinæ. Ah ! aſpectum ! dignum, poſt quem nihil aliud aſpiciam.

15. O quàm flebile ſpectaculum illud fuit Virginis Matris, lacrymantis, ſuſpirantis, & præ dolore deficientis; & Filij ejus in Cruce pendentis & expirantis !

16. Tu verò amantiſſime IESV, in hoc rerum ſtatu, in his tuis injurijs, doloribus, contemptibus, in hac hominum iniquitate & ſcelere, in hac vniuerſi perturbatione, quid agis ? quid animo voluis ? quæ tibi mens ? quod conſilium ? Amas ? Et quosnam amas ? homines amas ? Etiamne mi Amor homines amas ? & ardentiffimè amas ? & ſummè amas, & ad mortem vſq; amas.

17. Abſit mihi jam aut gloriari aut quieſcere, niſi in Cruce tua mi IESV, in tuis vulneribus ! Amore tui languero, ac deficio. ſed quaſo vos, quicunq; eſtis, ne me fulcite floribus, ne me ſtipate malis, ſed fulcite me ſentibus, ſtipate me ſpinis, clauis etiam ſi vultis configite, vè Chriſti configas Crucem.

18. Offero etiam Cor meum tibi ô afflictorum & dolentium Regina, ad excipiendos dolores tuos, & liberandum ab eis cor tuum. In tuis & pro tuis

acutissimis doloribus mori exopto. Instans mortis  
meæ doloribus tuis, & doloribus Filij tui commen-  
do, & communio.

Eodem die:

*Actus ante S. Communionem:*

**E**Rubesco verè ante conspectum innocentissimi  
Redemptoris mei, tam crudeli morte, ob sce-  
lera mea perempti, vt spectaculum immanis lania-  
næ factus sit Angelis & hominibus luctuosum, cu-  
jus tota corporis compago, tot plagis liuida, tot vul-  
neribus lacerata est, Cor ipsum aspectus diuini amo-  
ris reclinatorium immani lanceæ ictu patefactum!

Ah! tuorum est ô anima! tuorum hoc opus est pec-  
catorum. Video tamen mi IESV! Video te exten-  
dere manus tuas, vt me ingratum fugitium, non  
filium, sed rebelle mancipium recipias. Et cum sim  
vna turpitudine, tu tamen me amplecti, imò etiam  
Corpore & sanguine tuo recreare vis. Vnde verò mi-  
hi tanta gratia, nisi ex speciali, ac profundissimo amo-  
re tuo?

Audeamne ruere in amplexus tuos, & suscipere  
te, qui me proiecti per peccata mea infra pedes Lu-  
ciferi? Sufficeret mihi jacere ad pedes tuos vt cani-  
niculo, & illos lambere, atq; ad hos, omnes tur-  
pitudines meas & peccata mea euomere.

Quia tamen mi Domine! inuitas me ad sacrum  
Conuiuium tuum: Venite, inquit, ad me, qui in  
me perdendo laboratis, & hoc ipso graui scelerum  
mole onerati estis, & ego reficiam vos. Venite, bi-  
bite, & inebriamini charissimi, bibite vinum, quod  
torculari Crucis expressum miscui vobis, Venio gau-  
dens Domine mi IESV! ac clamo post te: da mi-



hi panem vitæ qui de Cælo descendit, vt refocilletur anima mea.

Ad tuos etiam pedes accedo ô MARIA, mea, tot titulis, quot ego tibi obligor beneficijs, tanto mihi beneuolentior affectu, quanto propinquior partu, Mater mea es, non conditione naturæ, sed gratiæ jure sub Cruce constituta, quando me genuisti, non ex vtero naturalem, sed ex corde filium Spiritualem, non quidem doloribus parturientis, certè tamen doloribus morientis, non tui, sed in te morientis Filij tui, vnicè dilecti.

Ecce Mater mea! Venit ad te filius tuus, licet Primogenito tuo longè dissimilis, & inter adoptiuos tuos infimus, supplicat tibi non tantùm pro salute sua sanguine Filij tui partâ, lacrymis tuis impetratâ, verùm etiam cum fame pereat, petit micæ panis vitæ, quem qui gustauerit, non morietur in æternum.

Monstra igitur te esse Matrem, & respice Filium quo homine si ille indignus est, tu certè materno dignissima, respice ergo vt succurras, respice & non despiciet Filius, Et si quid in me offendis, vnde displiceam, in te reperis vnde placeam.

*In Visitatione.*

1. **E**Xurge Domina, surge amica mea, DEI Mater & Virgo, gratiosa mea & veni: ostende mihi faciem tuam; sonet vox tua in auribus meis: vox enim tua dulcis, vox salutis est, nuntia Saluatoris.

2. Loquere Mater, & exultabit præ gaudio cor meum. Dic verbum & sanabitur anima mea, Tu enim habes intra te Verbum DEI, quod dat vitam mundo.

3. O Domine mea! ut facta est vox tua in auribus meis, cor meum, & caro mea, exultant in DEVM viuum. Gaudebo in Domino semper, iterum dico, gaudebo, & exultabo in DEO IESV meo.

4. O Virgo Beatissima! ad cuius hodie Elisabetham visitantis vocem infans Ioannes in Matris utero, præ gaudio exultauit! non te potui amare antequam nascerer, ora, ut saltem nunc, & in hora mortis, & per omnes beatitudinis felices æternitates, sim in numero seruorum & filiorum tuorum lætantium in te, & amantium te.

5. Visita me cum tuo IESV Ô MARIA, ita ut nunc & in hora mortis meæ visitatio tua custodiat Spiritum meum, hinc migrantem; ut in æternum vnâ tecum, magnificet anima mea Dominum, & exultet Spiritus meus in DEO salutari meo,

6. O quàm beati, quos respexerint illi tui misericordes oculi Ô MARIA! hos etiam oculos ad me conuerte, & Filio tuo benignè me reconcilia, & in æternum conjunge.

7. Gaudeo Virgo Beata, quòd sis inuentrix gratiæ, quòd sis thesauraria & dispensatrix gratiarum, ita ut nulla gratia de cælo in terram veniat, nisi transeat per manus tuas.

8. Gaudeo & exulto Ô SS. Virgo, quòd DEVS te amet, super omnia opera sua, & de hac te super omnia delector.

9. Gaudeo quòd sis Sponsa DEI, Mater Verbi, ministra Incarnationis, omnium gratiarum mare. vèrè illuminata MARIA, Angelorum Regina, Mediatrix nostra & omnium Domina.

10. Exulto de illo amore, quo te amat DEVS Pater,



Pater, DEVS Filius, DEVS Spiritus Sanctus! & de illo amore & honore, quo te amant & colunt omnes Angeli & omnes Beati in cælo, & omnes iusti in vniuersa terra.

11. Inuenisti Virgo gratiam apud DEVM: Quid non impetrabit tanta Filia à Patre, Mater à Filio, Sponsa à Spiritu Sancto?

12. Per te accessum habeamus ad DEVM ô benedicta inuentrix gratiæ, genitrix vitæ, Mater salutis.

13. Sis mihi ô MARIA pia, semper Mediatrix apud Filium: sis de me tanquam de filio tuo sollicita: succurre erranti: deduc me in semitas iustitiæ: misericordes oculos ad me semper conuerte & mihi in morte succurre vt pia Mater cum festinatione.

### Eodem Die

#### *Actus ante S. Communionem.*

**O** Quanti quamq; multiplicis gaudij & exultationis, vna Virginis Beatissimæ, Visitatio, causa fuit! Miratur præ gaudio Mater Elisabeth, dicatq; Vnde mihi, vt veniat Mater Domini mei ad me? Infans Ioannes ad vocem salutantis Virginis exultat in Vtero: ipse demum Spiritus MARIE exultat in DEO salutari suo. Insuper illud gaudium humani generis Homo DEVS, jam nunc delectatur ludens in orbe terrarum, & tanquam sponsus gestiens procedere de thalamo suo, exultat ad currendam viam suam, viam salutis humanæ.

O IESV nunquam satis amate, nunquam satis amande transilias licet colles, & salias in montibus similis capræ hinnuloq; ceruorum, sequetur te perenicibus alis amor meus, assumet pennas vt columba.

& volabit & requiescet sub vmbra tua, quem desiderat anima mea.

Ibo, ibo, te ducente Virgo, & transibo in locum tabernaculi admirabilis; vsq; ad domum DEI, vt inueniam, quem quæsiui, quem concupiui, quem diligit anima mea, ibi tenebo eum, nec dimittam, donec benedixerit mihi.

O Sponse dulcissime, sonet vox tua in auribus meis, & dicamus inuicem dilectus meus mihi, & ego illi, inter vbera mea, in corde meo commorabitur.

O dulcissima Mater, quo tu affectu & feruore filium tuum IESVM dilectissimum exurgens per montana detulisti, atq; in domum Zachariæ intulisti, eodem affectu & desiderio, cupio dulcissimum Filium tuum, sub speciebus Eucharisticis inclusum, sub testum cordis mei deferre ac deducere.

Quia verò homo peccator sum, & non sum dignus, vt intret Filius tuus sub testum meum, sanctifica me prius pia Mater, vt Ioannem, reple Spiritu sancto vt Elisabetham, imple benedictione illâ & gratiâ, vt domum illam. Per Virgo Beatissima Dominum IESVM ad me, vt sanctificet me sanctificatione æternâ, tunc exultabit Spiritus meus in DEO salutaris meo.

*Actus post S. Communionem.*

**I**ESV hospes amantissime, occurro tibi in Eucharistia ad me venienti, stupore & humilitate Elisabeth dicens: Vnde hoc mihi, vt veniat Dominus meus ad me?

Cantabo etiam tibi in vita mea cum MARIA Matre tua, psallam tibi DEO meo, quamdiu fuero, clamabo ad DEVM Altissimum, qui bona tribuit.



buir mihi: Magnificat anima mea Dominum, & exultauit spiritus meus in DEO salutari meo. Quia respexit humilitatem animæ meæ ancillæ suæ, & fecit mihi magna qui potens est. Esurientem impleuit bonis, & diuites dimisit inanes.

Gaudebo in Domino semper, item dico gaudebo, & exultabo in DEO IESV meo, O delictum, sine deliquio! ô exultationem sine supplicio! ô lætitiā sine fastidio! ô gaudium sine tormento! &c.

*In Assumptione.*

1. **V**bi est mors victoria tua? ubi est mors stimulus tuus? Non tu vitam aufers Virgini, sed ad DEVM transfers, non mortalitati subijcis, sed donas immortalitati.

2. Verè fortis est mors, sed fortior dilectio **MARIE** in DEVM, quæ valido impetu animam Virginis à corpore separauit.

3. Non nobis Domine IESV, non nobis, sed **MARIE** Matri tuæ da gloriam: eleuetur hodie magnificentia ejus super cælos, ubi tu Rex regum, stellato sedes folio.

4. O quis mihi daret, vt omnia membra mea, vterentur in linguas, tunc non aliud prædicarem nisi hoc: viuat, regnet, & triumphet **MARIA**!

5. Si linguis hominum & Angelorum hodie loquerer, adhuc celsitudinis tuæ dignitatem & gloriam ô Virgo pulcherrima ne adumbrare quidem, nedum effari possem.

6. Benedictus sis tu **DEVS**, qui corpus & animam **MARIE** Virginis Matris tuæ in cælum assumpsisti. & super omnes Angelos juxta Deitatem tuam honorificè collocasti.

7. Gaude **MARIA** Virgo quia omnes Sanctos superas.

superas tuo honore. Gaude quia totum cælum  
& orbem illuminas tuo splendore.

8. Gaude quia ad tuum nutum, tota tibi obedit  
cælestis curia. Gaude quia ad tuum votum à  
DEO impetras omnia.

9. Gaude quia sola es SS. Trinitati proxima. Gau-  
de quia servis tuis dantur à DEO præmia maxima.

10. O MARIA pulchra vt luna, electa vt sol, fac  
me videre pulchritudinem tuam, & ob eam adorare  
& laudare diuinam Majestatem in æternum.

11. Situit anima mea ad te DEI Matrem viuen-  
tem & regnantem in cælis! quando veniam & vi-  
debo lucidiorem sole faciem tuam?

12. Speciosa facta es in delicijs tuis dulcissima  
DEI Genitrix, quis non diligit te? ô Regina cor-  
dium & Mater sancti amoris, quis non amabit te?

13. Amo te Virgo Beata, & desidero amare tan-  
tùm, quantum te omnes beatæ animæ in cælo, quan-  
tùm te amant omnes nouem Chori Angelorum,  
quantùm te amat ipsum cor & anima Vnigeniti  
Filij tui.

14. Saluto te ô Regina cæli & terræ! ô Ma-  
ter gratiæ & misericordiæ! vita mea & spes mea,  
post DEVM! Saluto te & veneror in throno glo-  
riz, ad quem DEVS te exulit. Video te jam in  
portu, dum nos jactamur procellis. Video te in  
patria, dum nos gemimus in exilio. O potentissi-  
ma Mater memento nostri, dum tibi bene est, &  
ne obliuiscaris inopiæ nostræ & tribulationis nostræ.

15. Scimus quòd pulchra sis mulier, dic ( ob-  
secro ) quòd soror nostra sis, vt benè sit nobis pro-  
pter te, & viuat anima nostra ob gratiam tui.

16. Fratres tui sumus ô Virgo, os tuum, caro  
tua.



tna, sanguis tuus. Obsecra Filium, vt misceatur  
fratrum tuorum, filiorum tuorum, ac proinde fra-  
trum suorum.

Eodem die.

*Actus ante S. Communionem.*

**Q**uod munus pro MARIA hodie assumpta, la-  
tificante Ciuitatem DEI, dabis cælum nobis?  
Ecce dum eleuatur magnificentia Matris DEI super  
cælus, majus est gaudium Angelis DEI, super vna  
Virgine, Domina Virtutum, Regina gloriæ trium-  
phante, quam super nonaginta nouem iustis.

Vtiq; scio, quia humanis obsequijs diuina vincî  
beneficentia non silet, quin qui omnes benefaciendî  
facultate superat DEVS, vincit etiam benè meren-  
di de omnibus voluntate. Calicem aquæ frigidæ  
sibi datum, diuinæ voluptatis torrente compensat,  
& cibum esurienti exhibitum regno remuneratur  
æterno.

Venientem vt viueret inter homines DEI fili-  
um MARIA Virgo excepit in domum suam, do-  
mum pudici pectoris, quod templum DEI repen-  
te factum est, quid igitur Pater sanctissime pro e-  
jus obsequio, pro sanguinis sui dato subsidio, vt  
filius tuus fieret Homo DEVS dabis nobis?

Scio equidem & certus sum, quia viuentem Fi-  
liam tuam, vt viuat inter cælites, excepisti in do-  
mum tuam, & quæ humanitate circumposita &  
circumducta carne Virginea filium tuum corona-  
uit, vtiq; illam cælesti gloriâ & diuinitate tuâ cir-  
cumlatâ coronasti.

Optimè quidem in hoc apparuit benignitas &  
humanitas tua mi D E V S! cum enim sit Mater  
diuinæ

diuinæ gratiæ, & genitrix substantiæ ejus, ex æquo sedet ad dexteram Majestatis tuæ in excelsis, tantò melior Angelis effecta, quantò differentius præ illis nomen hereditauit. Cui enim dixit aliquando Angelorum filius tuus? Mater mea es tu, tu hodie genuisti me.

Loquar tamen ad Dominum meum, cum sim puluis & cinis? Quale gaudium nobis est, dum in tenebris sedemus, & hoc lumen cæli non videmus? scio verè, quia Virgo Mater inebriatur ab vbertate domûs tuæ, & torrente voluptatis tuæ potatur, nos autem mendici & pauperes hîc fame perimus?

Omnis potestas data est tibi mi Domine! à Patre, in cælo & in terra, tibi Mater à Filio, quæcunq; ergo poposceris à DEO, dabit tibi DEVS, quid enim denegare poterit, qui seipsum tibi donauit? pete ergo & accipies, dic obsecro, vt panem Angelorum manducet homo, catellus Domini.

Fac vt ambulem in fortitudine cibi illius ( qui de cælo descendit ) vsq; ad montem DEI Horeb.

*Actus post Sacram Communionem.*

**V**iuat in me IESVS, regnet IESVS, triumphet IESVS, DEI viui & Mariæ Filius! Quiesce in me ô piissimum SACRAMENTVM. sufficiat mihi, Amor mi dulcissime IESV, quòd te habeam, quòd te in SACRAMENTO susceperim.

O quàm cupio dignè tractare & salutare te! O quis mihi dabit linguam Angelorum? quis Seraphicam, vt te ô IESV mi! tuumq; Corpus ac sanguinem dignè contrectem, ac complectar.

O si ferri possem illo incendio amoris tui, quo sanctissima Mater tua primum in cælum veniens te salutans & adorans, æstuabat! O si omnes guttæ sanguinis



Sanguinis mei mutarentur in flammæ æternæ charitatis, quibus ardent omnes Angeli & Sancti tui.

O adorande, & diuinis tantummodo amoribus sat dignè redamande Amor meus, tu scis; quia amo te! vtinam toto me, toto te! vtinam in æternum corde MARIÆ amem te!

Quia verò homo peccator sum, ad te recurro, & Virgo Mater DEI! Mater amabilis, Mater admirabilis, amabilis in gaudio, admirabilis in honore. Per te nos exules filij Euæ, accessum habeamus ad Filium, per te serui à DEO profugi refugium habeamus ad Dominum, per te peccatis mortui viam inueniamus ad vitam, per te in æternum amemus DEVM nostrum.

In Fæsto S. Patris N. BERNARDI

*Abbatia.*

1. SAncte mi IESV! MARIA DEI IESV Mater, gratias vobis pro donis bonisq; omnibus in Sanctissimum vestrum ac meum BERNARDVM largè effulis,

2. O cordis felicissimi & flammei Bernarde. tot candidorum filiorum Pater, candidum me faciat non tam vestium, quàm animi candor. Fac vt cygæam ac candidam puritatem in moribus & cogitationibus meis præferam.

3. Melliflua IESV & MARIÆ ac cordium deuotorum apis! fac me verum IESV & MARIÆ seruum, impetra mihi hoc vnum, hoc sanctum, vt non aliter velim viuere, nec mori velim aliter, quàm, tanquam natus ad hoc, vt viuam & moriar IESV & MARIÆ humillimus seruus & filius.

4. Felicissime nascentis IESV! amator & spectator!

qui

qui puer vidisti natali DEI nocte nascentem IESVM; ora, vt cor meum vinat in IESV ac vicissim in corde meo nascatur, adolescat, delectetur, & nunquam moriatur IESVS.

5. Triumphator mundi, carnis, & Dæmonis; qui turpes ignes aquâ gelidâ extinxisti, & nocte latronem pudicitie fugasti victor; arce à me machinas immundi Spiritûs, ne quid in carnem meam vel in spiritum meum, dolis suis possit.

6. Martyr amoris diuini! cui fratres tuos ad Religionem pellicienti, visa est adesse non semel olim extincta Mater tua, quæ tibi arridens gratulabatur de consilio tam felici; alias quoq; à te conspecta in gloria; fac vt per te discam DEVM amare, ita vt tu amasti, DEI Matrem seruire, ita vt tu seruisti, alta fugere, vt tu fugisti.

7. O cordium dulcis magnes! qui ad vale mundo & salue cælo dicendum, triginta socios vnâ tecum traxisti, tot animas ad DEVM, voce, calamo, exemplo, oratione rapuisti. Ora vt tales hîc socios amem, qui me ducant, vel quos ducam illuc, vbi tu es. Inua me, vt hîc, & in cælo, tuorum cætu dignus inueniar.

8. Seraphine terrestres! è cuius orantis ore visus est ignis erumpere; quem hoc tuo die, gloriosum vidit S. Gertrudis, mirifico quodam splendore de tuo pectore, ad omnia eorum pectora erumpente; qui per tua merita feruentem DEI amorem obtinere desiderant. Ecce me vnum ex illis desiderantibus, desidero amorem illum, quo cor tuum, os tuum, tuus calamus abundauit.

9. Cælestis inter homines Angele! qui singulis tuis orantibus, singulos Angelos adesse, ac nullâ  
omis-



omissâ syllabâ, quidquid orando dicebant, auro, argento, vel aquâ ( prout quisq; flagrans erat vel tepidus in orando ) adnotare vidisti. Fac ut nomen meum quotidie libro vitæ, frequentibus purissimi erga Deum amoris & laudis actibus velut aureo caractere, inscribam.

10. Potentissime apud IESVM & MARIAM Orator ! qui sæpius visus es in altum cum Cathedra eleuari. Eleua Sanctissimis precibus tuis frigidâs, arentes, & distractionum pondere pragraues orationes meas, ut constanter assuescam elevato ad IESVM & MARIAM corde, ignea hæc jacula incælum pleno affectu euibrare.

11. Felicissime IESV collactanee ! quem Virgo Beatissima dicentem sibi : Monstrate esse Matrem, purissimo sui pectoris lacte in os tuum immisso recreavit. Clamo & ego : Monstra te esse Patrem, quod melius non præstabis, quàm si propitiâ mihi reddideris clementissimam misericordiæ Matrem. Irriga cor meum igneo hoc lacte, fac ut corde toto rationabile, diuinique amoris plenum sine dolo lac concupiscam.

12. Sanctissime Pater ! in cuius amplexu solutus de cruce brachijs, se se dimisit Christus, ac tantâ dulcedinis copiâ cor tuum inundauit, ut tuncverè cantare didiceris solenne illud tuum *Expertus potest credere, quid sit IESVM diligere*. Inebria aridum cor meum de illa supereffluente gratiarum plenitudine quam è fonte mellifluo Christi vulnerum bibisti. Fac ut residuum annorum meorum sit jugis meditatio dolentis & amantis IESV : nec prius dolere & amare desinam, quàm viuere,

13. MARIE Deiparæ cliens intime, qui moriens

cuidam apparuisti dicens te velle ad montem ascendere ad discendum ; hic enim nullam ibi omnem veri scientiam reperiri : qui deniq; à MARIA sanatus illam spei tuæ fiduciam, & ad cælum scalam esse dixisti, & cælum per illam moriens ascendisti. Com-menda me MARIÆ, vt quamuis oculi mei vitij corrupti, non sint digni illam in hac lacrymarum valle spectare, illius tamen auxilio purgati non excludantur à conspectu ejus in cælo gloriæ.

14. S. Bernarde, ad quem, cum Spiræ ad salutationem pijsimam, salue Regina à te ( vt multi non dubitant ) inuentam, deuotam illam clausulam addidisses : *O clemens, ô pia, ô dulcis Virgo MARIA:* ex ejusdem Icone, audiente omni populo dulcis echo insonuit : *Salue BERNARDE*, Liceat & mihi te alloqui.

Salue BERNARDE melliflue Pater & spes te amantium Salue. Ad te clamamus exules filij tui, ad te in cælis regnantem suspiramus gementes & flentes peccata nostra in hac lacrymarum valle. Eja ergo aduocate miserorum, illos tuos amabiles oculos ad nos clientes tuos conuerte. Et IESVM solutis de cruce brachijs tibi constrictum, nobis post hoc exilium ostende placabilem, O clemens ô pie, ô dulcis BERNARDE.

Eodem Die.

*Actus ante S. Communionem.*

**O** Quantum exultauit Spiritus tuus in DEO salutari tuo, mi suavis & ardens BERNARDE ! quando totus Vox exultationis factus, cantasti Domino canticum nouum, clamans & jubilans: IESV dulcis memoria, dans vera cordis gaudia, sed super mel & omnia ejus dulcis præsentia. Ve-



Verè dulcis præsentia, tua mi DEVS & omnia!  
nec lingua valet dicere, nec litera exprimere, ex-  
pertus potest credere, quid sit IESVM possidere,  
IESVM præsentem habere. Qui te gustant esuriunt,  
qui bibunt adhuc sitiunt desiderare nesciunt, nisi te  
solum quem diligunt.

Gustem & ego mi Saluator amantissime te ipsum  
sub speciebus Sacramentalibus existentem. Gustem  
& videam, quàm suavis sis Domine mi IESV!  
Tu enim es balsamo suauior, omni dulcore dolci-  
or, præ cunctis amabilior, tu in ore mel mirifi-  
cum, in aure dulce canticum, in corde nectar  
cælitum.

Quocunq; loco fuero, te vnicum desidero, quàm  
latus cum inuenero! quàm felix cum tenuero. Te  
mi hospes dulcissime, spes suspicantis animæ, te  
quærant meæ lacrymæ, & clamor mentis intimæ.  
Desidero te millies, mi IESV quando venies? me-  
de te quando saties?

O cordis felicissimi & flammei BERNARDE:  
ô Vir desideriorum! ô terrestris Seraphine! accen-  
de obsecro cor meum facibus tuis, & vivo cordis  
tui igne, vt totus quantus sum, ferar ad DEVM  
meum amore æquoso, seraphico, immortalis. Im-  
petra mihi, vt quem quæro inueniam, quem con-  
cupisco teneam, præsentem IESV langueam, & corde  
totus ardeam.

*Actus post S. Communionem.*

O DEVS amoris æterni! quid mihi est in-  
cælo & à te quid uolui super terram? defecit  
caro mea & cor meum, DEVS cordis mei & pars  
mea DEVS in æternum.

Quomodo ô dulcis hospes mi IESV, imò ipsa  
dulce-

dulcedo cordium, excedens omne gaudium, & omne desiderium, amabo te ita amantem me? quomodo amplectar te?

Vtinam ore tui BERNARDI osculer te! vtinam cum ipso vel ad vnicum momentum hinc lactari ab ubere Matris tuæ, hinc pasci a tuo Vulnere possim! vtinam quantus quantus sum transferar in te; absorbearq; a te, & totus abeam in cineres dilectionis tui!

Vtinam saltem haberem mi dulcis & ardens BERNARDE, vel vnum è tuis illis ardoribus constantem scintillam, quæ mihi semper viuat in corde vsq; ad mortem, vsq; ad æternitatem. Vtinam & viuens & moriens sic æternum ardeam illo igne æterno, qui est DEVS.

O IESV DEVS cordis mei! sim tuus totus & tu meus in æternum. In te viuam, in te meriar, in te perennem amando te. Vtinam nihil sapiat, nihil dulcescat mihi cum tuo BERNARDO nisi tu! tu cibus meus, tu potus suauissimus, tu omnis delectatio mea, tu vita animæ meæ.

Conde in corde meo Seraphine terrestris, dulcis Pater, quidquid de amore diuino scripsisti, dixisti cogitasti. Abstrahæ cogitationes meas, voluntates, potentias ab omnibus, quæ sunt super terram, vt mihi mundus crucifixus sit, & ego mundo,

*In Natiuitate Beatissime.*

1. **N**on possum tristari, quia nata est nobis puella Sancta, Mater Domini mei, & ipse fundauit cælum Altissimus.
2. O Sancta felicissimorum Ioachim & Annæ Filiola, natiuitas tua gaudium annunciauit vniuerso mundo; quæ nata es,
3. Ad



3. Ad beatissimas cunas supplex accorro o puella Beatissima, annuntio tibi gaudium magnum: Ecce concipies & paries Filium & vocabis nomen ejus IESVM.

4. Nescio quid dicam tibi puella Sancta Virgo MARIA, Regina mundi, quomodo te salutabo, dicam tibi quod per Angelum auditura es: Ave gratia plena, Dominus tecum.

5. Utinam omnium creaturarum corda haberem, ut ex affectu & viribus omnium te dulcissima Virgo salutarem inquam. Ave Filia DEI Patris. Ave Mater Filij DEI, Ave Sponsa Spiritus Sancti. Ave templum SS. Trinitatis.

6. Quot maris sunt guttæ, cæli stellæ, quot beatorum Spirituum agmina, toties ex intimo cordis mei affectu te saluto Virgo Beata, tibi inclamos: Vivat MARIA, cæli Regina, Domina mundi.

7. Te saluto cum Ecclesia Sancta Catholica! Ave maris Stella, DEI Mater Alma, atq; semper Virgo, felix cæli porta. Salve Regina cælorum, ave Domina Angelorum.

8. Te saluto cum S. Bonaventura: Ave Domina mea, Mater mea, imò cor meum, & anima mea Virgo MARIA & MARIA mea.

9. Te saluto cum S. Chrysostomo. Ave animatum DEI templum. Ave cæli terræq; pariter domicilium. Ave naturæ illius, quæ comprehendere non potest amplissimum habitaculum.

10. Æstimo te pretiosissima DEI Mater super cor & animam meam, super omnia solo DEO minor, quia tu es honos totius creaturæ, (& præcipue generis nostri,) quæ nec primam similem visa est, nec habere sequentem.

11. Toto cordis mei affectu, & quantum possum amo te amabilissima Virgo MARIA, super omnia amabilia creata.

12. Amo te decus Angelorum, honor, gaudium Sanctorum, uniuersis imperans. Amo te nostra Mediatrix, afflictorum consolatrix, nostri semper miserans.

13. Trado me tibi in seruum perpetuum, in mancipium, te autem mihi eligo & assumo in Dominam & Reginam.

14. En corpus & animam meam, Spes & omnes res meas, Tibi deuoueo & mancipio in æternum, vt tibi viuam, moriar. Tibi æternum tuus, Tibi tuoq; seruitio omne tempus, quantum possum dedico: & opto momenta singula illius conuerti in æternitates, quibus tibi inferuiam.

15. Monstra ô MARIA; te veram esse mihi Matrem, ama me vsq; in finem, & fac; vt te redamare totis visceribus cordis mei contendam.

Eodem Die

*Actus ante S. Communionem.*

**E**N ad te supplex accedo, ô puella Sancta, cæli terræq; Regina, etiam in periodo tuæ Natiuitatis Sanctissima, & potentissima. O Mater! ô Virgo, Beati meritò te dicunt omnes generationes, Domina mundi, quæ omnibus generationibus vitam & gloriam genuisti.

In te piissima Virgo Angeli lætitiâ, iusti gloriam, peccatores veniam inueniunt. Meritò in te respiciunt oculi totius creaturæ, quia per te, & in te, & de te, benigna manus Omnipotentis, quicquid creauit, recreauit,

*Audi.*



Audi ergo ô Mater, audi miserum ad te clamantem. Ciba hodie pauperem tuum ô Domina, plena gratiarum, rore cælesti plena, ciba micis panis vitæ, qui de cælo descendit.

Si verò me ejeceris Domina, pace tua ô Virgo! unde quò progrediar, audi quid loquar. Unde quæso illa in te magnitudo, vt DEI Mater efficereris, nisi a me?

Fuisses quantumuis humilis & pudica, & sancta corpore & spiritu, fuisses licet omnium virtutum laude præcellentissima, nihil hæc tibi tantum ad honorem suffragata essent. Nisi enim scelera & peccata mea fuissent, nunquam DEI Filius de sinu Patris in sinum tuum delapsus fuisset, nisi malitia mea ascendisset ad cælum, nunquam illa Majestas descendisset ad terram.

Etenim sine me peccatore, quid opus fuisset Redemptore? sine me ægrotante, quid opus fuisset medico visitante? Itaq, nisi mei miserearis, prope, dixerim, te à jure, ab æquitate, ab officio discessuram.

Grati igitur animi ratio exigit à te, vt quo peccante, DEI Matris honore ac homine gaudes, eodem etiam penitentiam agente, Patronæ ejusdem munere fungaris. Monstra ergo te esse Matrem, ac oculos tuos misericordes ad me in hac lacrymarum valle gementem mendicum conuerte,

Vtiq; nata es, vt ex te nascatur DEVS.

Per te itaq, sumamus panem vi-

ta, qui de cælo vteri tui Virginalis descendit,

*In Fesso Nominis Beatissima.*

1. **B**enedic anima mea Dominæ nostræ, Virgini DEI Genitrici MARIE, & omnia quæ intra me sunt nomini Sancto ejus.

2. Per singulos dies benedicam tibi ô MARIA Virgo & Mater DEI Sanctissima, & laudabo nomen tuum dulcissimum in sæcula.

3. Adhareat lingua mea ori meo, si non proposuero te ô MARIA in principio lætitiæ meæ: si non meminerò nominis tui, obliuioni detur dextera mea.

4. Magnificate omnes Dominam mecum & exaltemus nomen MARIE in æternum, nam nomen MARIE, nomen Sanctissimum, nomen dignissimum, nomen potentissimum.

5. O MARIA esto mihi MARIA: ô dulcis MARIA! recognosce, quod IESV CHRISTI Filij tui in me est, & absterge quod mundi & amoris proprij in me est.

6. O Nomen MARIE, nomen dulce; nomen MARIE, nomen delectabile; nomen MARIE nomen gloriosum & salutiferum. Quid est enim MARIA nisi Stella maris? ergo ô MARIA propter nomen Sanctum tuum luccas mihi in procelloso mari hujus mundi nauiganti.

7. Protege me dulcissima Virgo MARIA sub umbra alarum tuarum; & non recedat in æternum mellissimum Nomen tuum ab ore & à corde meo.

8. O Virgo dulcissima & suauissima fac vt mori nequeam, nisi inuocato hoc jucundissimo, hoc mellifico, hoc salutifero nomine tuo MARIA, MARIA.

9. Gloriosum ô MARIA & admirabile est Nomen



men tuum : qui illud retinent & inuocant, non expauescent in puncto mortis. Inuocabo & ego semper nomen tuum, vt me tuearis in morte à rugientibus præparatis ad escam; vt me Stella maris deducas ad portum salutis.

IO. Data est tibi ô Virgo Sanctissima, omnis potestas in cælo & in terra, & in manu tua est vita & salus nostra, loquere ergo pro me bona, loquere Filio tuo dulcissimo, impetra mihi gratiam & veniam.

II O MARIA! monstra te esse Matrem, & respice filium inter adoptiuos infimum. Respice & non despiciet Filius tuus; recipe & non seducet inimicus. Quod vt à te impetrem viuus, & obtineam mortuus, per illud tibi charissimum, & mihi dulcissimum Nomen Matris supplico.

Eodem die.

*Actus ante S. Communionem.*

SCIO verè mi dulcissima MARIA Virgo & Mater, & certus sum: quia si quid petierimus Patrem in nomine tuo, dabit nobis. Peto ergo, vt per te accipiam in ulnas cordis mei directum Filium tuum IESVM. Peto vt intret sub tectum meum licet indignissimum Dominus meus & DEVS meus.

Tu si vis potes me iuuare, omnia etenim tibi data sunt à Filio tuo, vt iure dicat seruus tuus PERNARDVS: Ex ore tuo pendet consolatio miserrum; redemptio captiuorum, liberatio damnatorum, salus deniq; vniuersorum.

Sperent in te, qui nouerunt Nomen tuum ô MARIA, quoniam non deselinquis clamantes ad te,

te, & quærentes, per te Filium tuum, quem ego hîc sub candido specierum Sacramentalium velamine latentem, firmiter credo ac profiteor.

Nomen tuum & memoriale tuum ô Domine mea in desiderio animæ meæ, sed etiam spiritu meo, & totis præcordiorum affectibus suspiro ad te ô IESV vita mea, DEVS meus & omnia! Et sicut, desiderat ceruus ad fontes aquarum, ita desiderat anima mea, suscipere te, vniri tibi in hoc SS. Sacramento ac transformari in te.

*In Festo Omnium Sanctorum.*

1. **O** Ter magne DEVS, supreme infinitarum perfectionum Author, gratias tibi pro bonis donisq; omnibus naturæ, gratiæ, & gloriæ, quæ in Sanctos tuos effudisti & effundes.

2. O Sancti Sanctæq; omnes fideles, Sponsæ Christi, saluto & veneror vos, gratias ago DEO meo, quòd vos elegerit & in sublimi gloria collocauerit.

3. O Sanctissima IESV ac prædestinatorum omnium Mater! monstra te esse Matrem, illos tuos misericordes oculos de summo cælorum habitaculo ad nos conuerte, & IESVM benedictum Filium tuum nobis post hoc exilium ostende placibilem.

4. Sancti Patriarchæ & Prophetæ, qui Dominum nostrum dictis prophetatis, & ardentissimis desiderijs è cælo ad terram traxistis, succendite me illo igne, quem Dominus misit in terram, & voluit vehementer accendi. Feliciter ardebo, si corde ita succendar.

5. Sancti Apostoli & Euangelistæ, impetrate obsecro mihi, vt totus dulcedine amoris diuini plenus, totus flammâ diuinæ charitatis incensus diligam DEVM ex toto corde meo, totisq; medullis præcordia-



cordiorum meorum, habeam DEVM in corde, in ore, & præ oculis, semper & ubiq;

6 Sancti Martyres, gratulor vobis, quia Saluatori vestro vitam pro vita, sanguinem pro sanguine reddidistis. Utinam & ego, sicut vos, effundere possem sanguinem, & fieri victima in holocausto fidei, spei, charitatis! Orate, vt sim saltem DEO meo amoris victima incruenta, si cruenta non ero.

7. Sancti Pontifices & Confessores fideles dominici gregis Pastores, ad me respicite adhuc peregrinantem in hoc exilio, & mittite de cælo opem, eleuate me ab hac sordida terra, vt mihi mundus crucifixus sit, & ego mundo.

8 Sancti Monachi & Eremitæ, illibatam mihi mentis & corporis puritatem obtinete, vt hujus vitæ cursu peracto mundus ab omni labe in conspectu Domini merear præsentari!

9. Adjuro vos Sanctæ Virgines & Viduæ filiæ Ierusalem, habitantesq; in ea animæ beatæ, si inueneritis dilectum meum, vt nuntietis ei, quia amore languco, præ magno faciei ejus videndæ desiderio.

10. Omnes Sancti pœnitentes, innocentes, item conjugati olim, impetrate mihi frequentissimos ac pretiosissimos excellentissimi erga DEVM amoris actus, nunc ac potissimum vltimo die atq; momento; vt sit pretiosa in conspectu dilecti DEI, vita mea, mors mea, æternitas mea.

11 Omnes Sancti, qui SS. Trinitati, Crucifixo IESV, SS. Eucharistiæ Sacramento, Virgini SS. singulari pietate addicti fuistis in hac vita, impetrate mihi duo hæc præsidia, Crucifixi vulnera & MARIAM, vt viuam & moriar in osculo Domini sicut Moyses,

12. Omnes Sancti meæ nationis! omnes Sancti, qui inter prædestinatos omnes DEO estis proximi atq; charissimi: omnes Sancti & Sanctæ DEI, quorum nomina sunt in libro vitæ: impetrate mihi, iuuate me vt DEVM vobiscum videam; vt in templo Sancto gloriæ suæ DEVM meum vnâ vobiscum benedicam, æternum benedictus.

## Eodem Die

*Actus ante S. Communionem.*

**I**ESV mi amantissime! quid inuenisti in me, quod trahat te à summo cælorum, ex splendoribus Sanctorum, & descendere faciat in abyssum meretriciarum? Quid reperisti in me, quod elegeris ad me venire, & mansionem apud me facere?

Ecce cæli cælorum te non capiunt, imò columnæ cæli contremiscunt, Angeli velant facies suas, reuerentur Archangeli, & tu dicis: Venite ad me omnes, & ego reficiam vos?

O quam bonus es & fuisti mi DEVS erga electos omnes, ac etiam erga me! Agnosco tuam liberalitatem, & amorem. Nam cum essem paruulus & abiectus in domo mea, de pulvere erexisti me, & constituisti cum principibus populi tui, vt comederem panem, & biberem vinum in mensa tua, omnibus diebus vitæ meæ.

Vnde inueni hanc gratiam in oculis tuis mi IESV, vt ostenderes in me diuitias misericordiæ tuæ, & parares mihi mensam, habentem omne delectamentum, & omnis saporis suauitatem?

Ad vos itaq; clamo omnes Sancti & Electi DEI, omnes beati Cælites, qui nunc ad mensam gloriæ cælestis, DEO per visionem beatificam fruimini, impetrate



petrate mihi tantum erga Sanctissimum Sacramentum à me breui sumendum, deuotionis affectum, plenissimum Angelica puritate, profundissima humilitate, ardentissimo ac planè igneo feruore charitatis, cum quanto vos idem diuinissimum Christi Corpus & Sanguinem in via sumpstis.

Impetrate mihi tantam mensuram ac plenitudinem celestium Virtutum, donorum, ac meritorum, quantam vos omnibus Communionibus vestris, ex eodem diuinæ liberalitatis fonte per IESVM Christum hauistis, & vestris precibus alijs impetrastis.

*In Feste Presentationis Beatissime.*

1. **O** DEO, Angelis, hominibusq; amabilis Paruula, triennis MARIA, quam Ioachim & Anna, parentes felicissimi, trimulam hodie in Sanctis Sanctorum victuram DEO, præsentarunt in templo, munus præ omnibus hæcenus datis majus: offer me nunc, & in agone meo munus Sanctis Sanctorum æternis,

2. O templum DEI! ô Sancta Sanctorum! ego me tibi præsto in seruum. Ad te ô Domina, vnice id pertinet curare, vt ita viuam, ita moriar, sicut decet tuum, & à te in templum gloriæ in Sancta Sanctorum præsentandum

3. Maternæ tuæ curæ Virgo Sancta hoc ipsum transcribo, ne me aliter, quam tibi dedicatum, & prædestinatum decet, viuere permittas.

4. Fac me pia Mater viuum templum gratiæ DEI. Offer me templo gloriæ; vt sim ædificatio DEI, pone in corde meo altare aureum, cuius Sacerdos sit amor DEI, qui ei, alendo diuino igni, ligna suggerat per singulos dies.

5. Impetra mihi ô dulcissima Paruula, vt sim inter ignitos

ignitos lapides in illa vrbe amoris DEI, cujus turres gemmis ædificabuntur, id est amoris actibus pretiosis!

6. O mi DEVS! sint obsecro oculi tui, & cor tuum in hoc templo tuo, quod tibi millies dedicaui; vt oculos meos & cor meum custodiant, & faciant, vt semper te geram in oculis & in corde. Ita cor meum erit domus orationis assidua, locus Sanctus, inæstimabile Sacramentum.

7. De viuīs & electis virtutum, tibi maxime placentium lapidibus, architecto amore tuo, in me obsecro æternum Majestati tuæ præpara mi DEVS habitaculum: vt cor meum sit aurea domus tua, quies tua, deliciae tuæ.

8. Nec Salomonis templum fuit adeò sumptuosum, quàm hoc meum, seu tuum in me, cujus ædificatio, expiatio, dedicatio constitit pretio magno valde sanguine Filij tui DEVS! vestias ergo illud cedris DEI. Cogitationes meæ sint in illo tibi Sancta Sanctorum. Pone in medio ejus tuæ voluntatis oraculum, & arcam fæderis æterni, Sacratissimam Virginem Matrem, quæ est fæderis arca.

9. Nihil erat in illo templo quod non auro tegeretur. Tege, imò imbue, intus & foris, quidquid cogito, dico, ago, illo tuo auro ignito, quod nascitur in montibus Sanctis, in corde tuo DEVS! vt nihil in me sit, quod amore illo solido cooperum non sit.

10. Pone in me mi DEVS! auro tectos Cherubinos, qui me doceant scientiam Sanctorum, id est amoris tui, adde Seraphinos, qui me pretioso illo tui altaris igne perpurgent, illuminent, ac inflammant.



flamment, Vt ita igneis & aureis Seraphinorum  
ac Cherubinatorum alis, ope tuâ, ad te subuectus  
intellectus meus, & voluntas mea videat te, amet  
te, ac immortaliter viuat in te, in templo Sancto  
gloriæ tuæ.

Eodem die.

*Actus ante S. Communionem.*

**O** Pretiosissima Parens! parentum tuorum ma-  
nibus hodie vel potius tua oblatione & arden-  
tissimo affectu, DEO in ancillam, in sponsam præ-  
sentata & oblata, imperfectum meum videant ocu-  
li tui, loquere pro me bona dilectissimo Filio tuo.

Memoriam fecisti mi DEVS mirabilium tuorum  
dans escam timentibus te, ac panem cæli dans no-  
bis. Veni ergo Domine & noli tardare, reple bo-  
nis tuis esurientem animam meam. suscipiamus  
hodie misericordiam tuam in medio templi tui,  
per MARIAM.

Quo affectu ac deuotione, puritate ac prom-  
ptitudine mentis suæ præsentauit se hodie in tem-  
plo Virgo Mater, æternisq; tuis obsequijs manci-  
pauit, & gratissimam gustui tuo diuino ex se ipsa  
oblationem fecit, hoc eodem affectu feror in te Do-  
mine, ac cor meum do, dono, subijcio, vt non  
amplius sit meum, sed tuum, cupiens eadem ple-  
nitudine in te transfundi, quâ hæc Virgo à primo  
sui ortûs instanti transfusa in tuam possessionem  
& hereditatem fuit

*In Festo Sancti tui Nominis.*

1. **S**ancte N. cujus nomine ac patrocínio me,  
jam inde ab ipsa baptisimi mei hora, muni-  
uit optimus DEVS meus; commenda me DEO,  
diuinæ

diuinæ Matri, ac Sanctis omnibus; illis; potissimum  
omnibus Electis DEI, quicunq; hoc tuum, ac me-  
um, nomen in terris olim magnâ virtute ornârent;

2. Respice ô Sancte Patrone, ex illa æternæ se-  
curitatis ac lætitiæ vrbe, me tibi cognominem, hâc  
adhuc inter quotidiana æternûm pereundi pericula  
exulem ac timentem,

3. Effice Sancte & Electe DEI, vt sicut idem  
tecum nomen gero, ita tuo & nomini & exemplo,  
Sanctâ heroicorum tuorum factorum imitatione  
respondeam,

4. Suggere cordi meo, quæ DEVS vult, & tardi  
cordis mei duntiem ac surditatem vince,

5. Sensus meos omnes, & cor meum gubernas,  
MARIAM Reginam nostram & Sanctos omnes,  
ac Sanctas DEI, tibi pro auxilio adjuuge: totum  
me Sacratissimæ Trinitati, per IESV sanguinem,  
& MARIÆ manus, ex toto dedica, in holocaustum  
æternum: omnes omnino (etiam quas indifferen-  
tes dicimus) actiones meas ad maiorem DEI glo-  
riam, offer ad thronum gratiæ ejus, & gloriæ,

ô Ope tuâ obsecro mihi assiste cum socijs tuis  
Sanctis, nunc, & in hora mortis, vt omnia ac sin-  
gula momenta vitæ ac mortis meæ, sint mihi, ti-  
biq; æterno solatio; IESV & MARIÆ, æter-  
no honori & amori, in felici Sanctorum omnium  
æternitate, ad quam, quod DEVS te prædestina-  
uerit, & dotibus ad illam necessarijs decorauerit,  
gratulor tibi.

✠ ( \* \* ) ✠

CA-



## CAPVT XII.

Aspirationes Viatoris pro felici  
morte ad Christum.

**N**ON intres in iudicium cum seruo tuo Domi-  
ne IESV! quia non iustificabitur in conspectu  
tuo omnis viuens.

Ne memineris, bone IESV, iniquitatum mearum:  
citò anticipent me misericordiae tuae, quia pauper  
factus sum nimis.

Ne tradas Domine IESV, bestiis animam con-  
fidentem tibi, & animam pauperis tui ne obliuiscas  
in finem.

Illumina mansuetissime IESV! oculos meos,  
ne vnquam obdormiam in morte, ne quando di-  
cat inimicus meus, praeualui aduersus eum.

Tuus sum ego saluum me fac Domine, & ne  
perdas cum impijs DEVS animam meam.

Saluum fac seruum tuum, Domine DEVS, spe-  
rantem in te.

O IESV esto mihi IESVS! & salua me. Iube  
me venire ad te, vt cum Sanctis tuis laudem te &  
in æternum fruam te.

O mi dulcis IESV! quando corpus meum mo-  
rietur, fac vt animæ donetur paradisi gloria.

In te Domine IESV speravi non confundar in  
æternum.

*Alij affectus ad IESVM agonizantem.*

**I**ESV agonizans & in cruce moriens pro me, im-  
mitte, quaeso Spiritum tuum in cor meum, illoq;  
animam meam viuifica, quoniam Tuo solo spiri-

tu viuere volo, tam in hujus presentis vitæ meæ tempore, quàm in mortis meæ articulo,

IESV in cruce agonizans & moriens pro me; adoro te adoratione Patriæ debita Majestati tuæ diuinæ, insuperq; mori totis viribus cupio, vt morte mea quàm citissimè, & condignissimè agonizantem morientemq; Te pro me in Cruce venerer ac morte mea quo ad possum, compensem mortem tuam.

IESV in Cruce agonizans, & moriens pro me; per hunc agonem tuum, & per Spiritum, quem in manus Patris æterni commendasti, obtestor te, vt instans mortis tuæ influat in mortis meæ instans; illudq; dignificet, & in conspectu SS. Trinitatis gratum atq; pretiosum reddat. Instanti igitur mortis tuæ, agoniq; tuo pretioso, instans mortis meæ agonemq; meum humillimè repræsentem, recomendo, vno, confecto,

IESV agonizans & moriens in Cruce pro me, ibidemq; orans pro crucifixoribus tuis Patrem obsecro vt ores quoq; eundem pro me crucifixore tuo, impetresq; mihi mortem sanctam, & charitate perfectam consummatam.

IESV agonizans & moriens in Cruce pro me; stillantem tepentemq; amore mei sanguinem Tuum colligo, & lambo deuotus, oprans simul ac petens à Te; vt in hora mortis meæ adesse mihi præsens cum gloriosa Matre tua, Sanctisq; tuis digneris, adnumeretq; me saltem vltimis redemptis, & electis tuis, & in illo decretorio agonis mei momento, secundum magnam misericordiam, copiosamq; redemptionem Tuam miseraris mei.

IESV agonizans & in Cruce moriens pro me;  
cupio



cupio, propono, & à te peto, vt instans vltimum vitæ mortisq; meæ consummatium, sit ardentissimus Tui amor, quo cor meum & accensum ignescat, & vulneratum immoriatur, & consumptum incineretur, & concrematum faullescat.

IESV agonizans & in Cruce moriens pro me, amo te quàm possam ignitissimè & æstuosissimè, quomodo etiam amare te volo, statuoq; in mortis meæ agone, in quo vt cor meum amoris Tui ignibus Seraphicis Marianisq; ac insuper Tuis æstuet, palpitet, concutiat, eorumq; actu & æstu conficiatur, ac emoriatur, Tu mi IESV propter agonis mortisq; tuæ instans, misericordissimè facito.

*Ad Beatissimam Virginem.*

**M**ater D E I memento mei nunc & in hora mortis.

Adsis mihi Domina in omnibus actionibus meis, nec me deseras in hora mortis.

O Sanctissima Virgo, per pretiosissimam mortem tuam, & illos actus amoris DEI, quos tunc elicitisti, per omnem misericordiam, quâ vlli succurristi, memento mei nunc & tunc. Gere curam mei finis, vt tua defensione munitus ingrediar beatam æternitatem, Experiat te Matrem pulchræ dilectionis, & timoris, & agnitionis, & sanctæ spei.

Per te accepi gratias pia Mater, per tuas etiam manus commendo & offero Spiritum meum DEO meo; vt illum videam, videam, videam; amem, amem, amem æternum.

O IESV rogo te per MARIAM, ô MARIA rogo te per IESVM: ô IESV & MARIA rogo vos per SS. Trinitatem: ô SS. Trinitas rogo te per

amorem quò te amas; miserere mei, vt felix moriar ad maiorem tuam gloriam & amorem: vt vos amem æternùm.

*Ad SS. Angelos & omnes Sanctos.*

**S**uccurrite, subuenite ò vos omnes beatissimi Spiritus Sancti Angeli DEI: & cum in extremis vestram opem non amplius implorare potero, ne me deserite.

Sancte Angele Custos, defende me in hoc prælio, vt non peream in tremendo iudicio,

Sancti Dei omnes intercedere dignemini pro animæ meæ salute.

Moriatur anima mea morte iustorum, sed viuat prius vitâ iustorum. Amen.

## HOMAGIA

In vita & morte DEO præstanda.

*Reddite quæ sunt DEI DEO. Mat. 22.*

1. **A**gnosco te ò mi DEVS! vt supremum Dominum meum, Primum Principium. & vltimum finem meum, Authorem naturæ, gratiæ, & gloriæ: & profundissima cum humilitate te adoro Dominum vitæ & mortis tibiq; sponte sacrificio vitam meam.

2. Credo te mi DEVS vnum in essentia & Trinum in Personis, Patrem, Filium, & Spiritum Sanctum. Credo, teneo, ac profiteor fidem illam, quam Christus docuit, quam prædicauerunt Apostoli, quam Sancta Romana Dei Ecclesia docet: ac profitetur, & singulos Catholicæ fidei articulos paratus sum sanguine meo subsignare, & morte mea confirmare.



3. Doleo Domine & quidem ex animo, quòd non merui vitam meam alio modo pro obsequio tuo amittere, sanguinem scilicet fundendo cum SS. Martyribus pro nominis tui confessione, sed quia his indignus sum, en etiam hanc mortem meam lubens amplector in incruentum amoris tui sacrificium.

4. Spero misericors Domine, per sanguinem & merita IESV Christi, ab infinita bonitate tua, ac clementia remissionem peccatorum, quibus te summum Bonum meum grauissimè offendi. Spero firmissimè me à paterna liberalitate tua obtenturum gratiam copiosam, & gloriam sempiternam.

5. Amo te amabilissime DEVS ex toto corde meo, super omnia, propter infinitam Bonitatem tuam. Vellem si possem, amare te illo amore, quo te amant omnes Sancti, & IESVS CHRISTVS Filius tuus; & quo te ipsum infinitè amas. Fac vt in æternum amem te in regno amoris & beatitudinis.

6. Gratulor tibi de te Gaudeo de infinita gloria tua. Gaudeo de diuinitatis tuæ thesauris infinitis. Vniū Cherubinarum, Seraphinarum, Angelorum omnium, Sanctorum omnium, Beatissimæ Virginis Matris, ac deniq; ipsius IESV corde possem amare ac laudare te, gaudere de te, & gratulari tibi.

7. Veneror, approbo, laudo, & ab omnibus laudari cupio iudicia tua omnia occulta, horrenda, tuam de nobis & quidem æternam duraturam dispositionem.

8. Doleo, doleo, doleo! quòd vnquam vllò modo Te maximum, dulcissimum, optimum D E V M meum offenderim. Doleo! non propter infernum, vel purgatorium, quæ tamen credo & timeo. Doleo!

non propter caelestem gloriam: quam tamen credo & spero, sed doleo propter te, optime super omnia, pulcherrime super pulchra omnia, dignissime super omnia DEVS.

9. Doleo! quod vllum temporis momentum perdiderim, quo te mi DEVS non amaui. Vtinam possem redimere, & excellentissimis excelssimæ charitatis actibus implere omnes horas illas, ô Deus, qui charitas, qui ignis consumens es!

10. Detestor omnia peccata in toto mundo quomodocunq; commissa & committenda contra te mi DEVS! vtinam potuissem, ac possem omnia impedire ac in totidem bona conuertere! vtinam possem omnia instantia & momenta actionum peccaminosarum, bonis ac heroicis actibus implere.

11. Detestor omnes cogitationes præsumptuosas, & magnificantes merita mea, quas Spiritus malignus in mortis meæ articulo posset inspirare, humiliterq; confiteor, me non posse habere ex me ipso, nisi nihilum, nisi peccatum, nisi damnationem æternam. Ac proinde Domine DEVS te solum & vnicum Authorem salutis & felicitatis meæ agnosco.

12. Rata nunc habeo mi DEVS bona omnia, quæcunq; in tota vita mea, ex Te, circa Te, propter Te habui; ratos habeo pios motus ac sensus & actus meos omnes sub omni latitudine illorum ac sublimitate, eosdem nunc elicitos à me volo, imò illos, quæ possum elicio, Approprio mihi merita Filij tui, & facio illa mea, illi q; vnio & dignifico omnia bona mea. Approprio mihi omnes actus bonos à quocunq; elicitos & eliciendos, eosq; tibi mi DEVS, quasi meos offero. Omnia opera totius vitæ meæ, quanta quanta sunt mala & imperfecta retracto, & corripi ad tuum placitum.



13. Statum Religiosum (si est Religiosus) quem tot annis tenui, approbo, amplector, & exnunc ingredior, totiusq; mundi res & spes pro tuo amore & seruitio calco.

14. Approbo omnia bona opera omnium hominum & Angelorum. Approbo quidquid boni vnquam factum vel futurum est: & vtinam augere bona illa possem in infinitum.

15. Pro omnibus, & singulis beneficijs tuis, mihi quomocunq; in tota vita mea & ante vitam præstitis, & post vitam præstandis, gratias ago tibi mi Deus, quantas possum, ago quantas debeo, ago quantas Christus pro suis obtulit & Beatissima Virgo, quantas omnes Sancti obrulerunt & offerrent. Deinde ago tibi gratias pro omnibus proximorum, atq; adeo creaturarum omnium bonis.

16. Volo voluntatem meam tuæ dare in victimam, Quidquid vis, quantum vis quomodo vis & ego volo. Visne Domine vt hoc anno moriar? hoc mense? hac die? hac horâ? hoc momento? an lentâ mortem? an inopinatâ? volo & ego, visne vt in inferno omnes cruciatus & omnes damnatorum pœnas æternum sustineam? lubens hoc faciam, quoniam sic placitum est ante te.

17. Nolo quidquid non vis ô DEVS meus! volo quidquid vis. Doleo quòd fuerit tempus, in quo nolui, quæ volebas; & volui quæ nolebas.

18. Decretum mortis à tua diuina manu, eo animo excipio, quo animo excepit Christus IESVS Filius tuus, decretum mortis suæ pro me, in instanti Conceptionis suæ & in crucis morte. Item eo animo amplector, quo animo excepit nuntium Incarnationis; expressitq; illis verbis; Fiat mihi &c. Pretiosissima Parens Virgo MARIA. 19.

19. Spiritum meum non alibi, quàm in suavis-  
sima tua voluntate, IESV Christi latere, Pretiosis-  
simæ Parentis meæ manibus, Ecclesiæ Romanæ  
Catholicæ fide ( in Religione mea ) emittere atq;  
deponere exeuntem ex hoc corpore volo atq; cupio.

20. Non merui quidem te mi DEVS videre be-  
atificè, nec merebor in æternum : cupio tamen æ-  
stuantissimis desiderijs videre, quia tu me ad hunc  
finem condidisti, sanguine Filij tui redemisti, gra-  
tiam largiris, & merendi per Christi sanguinem,  
facultatem.

Desiderium bonæ Mortis.

*Cupio dissolui & esse cum CHRISTO*

Rom. 7. 24.

**O**pto mori : quia mortalis sum naturâ meâ  
& DEI Creatoris mei sic factus sum volunta-  
te, fiat ergo voluntas ejus.

Opto mori : testimonium & protestationem, tum  
supremæ potestatis, dominijq; in me diuini : tum  
totalis meæ rerumq; omnium à DEO dependentiæ.

Opto mori vt primi originalis peccati pœnam  
etiam mihi iusto iudicio DEI inflictam exoluam  
morte, tandemq; illud finaliter expiem.

Opto mori : vt sum extra periculum omne pec-  
candi, vel in minimo, contra dignitatem, Majesta-  
tem, Sanctitatem, Bonitatem DEI mei.

Opto mori : vt mea morte mortem IESV Chri-  
sti Domini mei, quâ me ille ab æterna morte re-  
demit, honorem imiter, eiq; mortuo, & ipse mor-  
tuus assimiler.

Opto mori : vt sequar exemplum Pretiosissimæ  
DEI Matris Mariæ Dominæ meæ : quæ carens  
alioqui moriendi debito, mori tamen voluit & ipsa, vt  
suâ morte mortem Filij honoraret, Opto



Opto mori : vt in articulo mortis meæ, omnes DEI mei voluntates circa me absolutissimè impleantur.

Opto mori : vt citiùs finem vltimum ad quem creatus sum, assequar.

Opto mori : ex desiderio quàm primùm accedendi ad Sanctos eosq; videndi : tum pretiosissimam DEI MATREM. Verbi quoq; Incarnati sacratissimam Humanitatem : præ omnibus autem Vni Trinam Beatissimi DEI Essentiam ; vt mediante morte meâ, tandem DEO æternaliter ac beatificè coniungar in gloria consummata.

Opto mori : ne amplius exosâ vitâ mea alios scandalizem.

Opto mori : vt in Ecclesia sepultus nunquam ampliùs auellar & recedam à præsentia Augustissimi Sacramenti.

Opto mori : vt exhilarem Cor Beatissimæ Virginis, cor Sancti Patris N. quando post mortem gaudeas gaudebo in DOMINO, & misericordias Domini cum Sanctis omnibus in æternum cantabo.

Opto mori : vt finaliter de Thesauro Ecclesiæ Sanctorumq; communione participem.

*Aspirationes Morientis.*

1. **P**ater in manus tuas commendo Spiritum meum. *Psal. 39.*

2. Cupio dissolui & esse cum Christo. Infelix ego quis me liberabit de corpore mortis hujus. *Rom.*

*7. 24.*

3. Educ de custodia animam meam Domine ad confitendum nomini tuo : me expectant iusti, donec retribuas mihi. *Psal. 141.*

4. Lætatus sum in his quæ dicta sunt mihi, in domum Domini ibimus. *Psal. 121.*

5. *Pæ*

5. Paratum Cor meum DEVS, paratum cor meum Tibi & ad Te. *Psal. 56.*

6. Ecce sponsus venit exeamus obviam ei. *Matth. 25.*

7. Quemadmodum desiderat cervus ad fontes aquarum, ita desiderat anima mea ad te o DEVS, *Psal. 41.*

8. Sitiuit anima mea ad DEVM fontem vivum, quando veniam & apparebo ante faciem Domini, *Psal. 41.*

9. Misericordias Domini in æternum cantabo, *Psal. 88.*

10. Adjuro vos Filiz Ierusalem, vt nuntietis Dilecto meo, quia amore langueo. *Canti. 5.*

11. Tædet animam meam vitæ meæ, quia non video Deum Deorum in Syon.

12. O quando vacabimus & videbimus, videbimus & amabimus, amabimus & laudabimus? & quando erit finis sine fine? *S. August.*

13. O Fons vitæ perennis, quando sitim meam extingues in me! o beata æternitas, & æterna beatitudo, quando perennabo in te.

14. IESVS & MARIA dulcissimi mei Amores, patiar ego moriar ego amore vestri: totus sum vester, nullus meus in æternum.

15. Æterna Sapientia dulcissime IESV, absorbeat quæso medullas, & viscera animæ meæ ignita & melliflua vis amoris tui: vt amore amoris tui moriar, qui dignatus es pro me indigno in ligno Crucis mori. *S. Aug.*

16. IESV nostra redemptio, Amor & desiderium, DEVS Creator omnium, Homo in fine temporum Quæ te vicit Clementia, vt ferres nostra crimina? *Hymn. Eccl.*

17. De-



17. Desidero te millies, mi IESV, quando venies; me lætum quando facies? me de te quando saties? *S. Bernardus.*

18. Mori desidero, vt videam Christum, viuere renno, vt viuam cum Christo, *S. Aug.*

19. Eja Domine moriar vt te videam, videam vt hic moriar. *Ibidem.*

20. Veni Domine & noli tardare, veni Domine IESV, & visita me in pace. Veni & educ vincitum de carcere &c.

*Supplicia coram CHRISTI Crucifixi effigie.*

**A**gnosce ô Dômine creaturam tuam non à dijs alienis creatam; sed à te solo DEO viuo & vero: Ne me perdat Domine iniquitas mea, quem fecit omnipotens bonitas tua.

Respice Domine Sancte Pater de excelsis celorum habitaculo. Ecce vox sanguinis Fratris nostri pro nobis clamat ad te de Cruce. Audi Pater vocem sanguinis Filij tui.

Respice pie Pater innocentes manus Filij tui, quæ distillant pretiosum sanguinem, vt dimittas iniquitatem meam. Intuere illud lanceâ perfossus pectus, & amore mei apertum Cor, meq; ex sacro illo fonte renoua. Desige oculos ô Pater celestis in faciem hanc dilecti Filij tui, & in membra conquassata Christi tui, & per miseras, quas ille amore mei sustinuit, miserere mei.

Eja dulcissime Redemptor Domine IESV, per illas lacrymabiles voces, quas in Cruce moriturus edidisti. DEVS DEVS meus quare me dereliquisti? ne quæso derelinquas me in hora mortis meæ.

En

En suauissime IESV in manibus, in pedibus, & in toto Corpore descripsisti me. Cernitur in toto Corpore sculptus amor, lege scripturam tuam hanc & salua me.

Respice in me oculis misericordiae tuae Domine IESV, Rex aeternae, DEVS & Homo, Crucifixus propter hominem. Exaudi me sperantem in te: miserere mei pleni miserijs & peccatis, tu qui fontem miserationis nunquam manare cessabis.

Recordare Domine creaturae tuae, quam tuo Sanguine redemisti, Hic ovis amissa ad Pastorem meum redeo: Vocem tuam noui non alienorum. Potestne vocem spernere balantis ouiculæ tuæ & fugientis ad te?

Scio equidem me conspectum tuum non mereri; quia dum vitam meam considero, confusio est mihi potius appellanda, quàm vita. Sed in Spiritu humilitatis, & in animo contrito suscipe me, o bone IESV salus & vita mea. Suscipe me secundum magnam misericordiam tuam, & non confundas me ab expectatione mea. Aperi mihi propteranti janua[m] vitæ, & principes tenebrarum non occurrant mihi. Tua me manus inducat in locum refrigerij, & vel in ultimam mansionem exijs, quas parasti seruis tuis timentibus te.

Quando moribundus animi territi signa ostendit inculcandum est ei illud de S. Bernardo Abbate, qui in ægitudine extrema grauissimis & auxeis plañe verbis inimicum accusantem confudit; ita habet Author vitæ, qui tunc præsens aderat,

*Cumq[ue] extremum iam Spiritum trahere Videretur, in excessu mentis sue ante Tribunal Domini Xesus est præsentari. Adfuit autem & Satan ex aduerso, im-*  
probia



# CHRISTIANVS

301

probis eum accusationibus pulsans: Vbi Verò omnia ille, fuerat prosecutus: & Viro DEI esset pro sua parte dicendum, nihil territus aut turbatus ait. Fateor non sum dignus ego, nec proprijs possum meritis regnum calorum obtinere. Caterum duplici illud iure obtinens Dominus meus, hereditate scilicet Patris & merito passionis, altero ipse contentus, alterum mihi donat, ex cuius dono iure illud mihi vindicans non confundor in hoc Verbo confusus inimicus. l. 1. c. 12.

*Quedam clarâ voce moribundo suggerenda.*

**P**rotestor, quòd morior verus Catholicus, in Fide, Spe, & Charitate in DE VM. Protestor, quòd volo mori mancipium IESV & MARIAE. Protestor, quòd exnunc & pro reliquo vitæ meæ tempore nolo consentire vlli tentationi Dæmonis.

In manus tuas Domine commendo spiritum meum. IESV Fili David miserere mei. DEVS in adiutorium meum intende. Domine ad adiuuandum me festina. Bone IESV dic animæ meæ salus tua ego sum. Bone IESV qui venisti perditum redimere, noli redemptum damnare, Domine IESV, suscipe spiritum meum. Fiat voluntas tua.

*Addantur hæc in aurem.*

**A** Brenuncio tibi Sathana. Vade Sathana, Domine vim patior responde pro me, ne derelinquas me Domine DEVS, ne discefferis à me.

Bone IESV, in quem credidi miserere mei. Bone IESV in quo speravi miserere mei. Bone IESV quem dilexi miserere mei. Recordare IESV pie, quòd sim causa tuæ vitæ, ne me perdas illâ die.

O Mater DEI memento mei, MARIA Mater gratiæ, Mater misericordiæ, tu nos ab hoste proteges.

tege, & hora mortis suscipe. Eja bonâ Mater & Aduocata nostra illos tuos misericordes oculos ad nos conuertere. O clemens, ô pia, ô dulcis Virgo MARIA. Angele DEI sit tibi cura mei.

O IESV & MARIA dono vobis cor meum, animam meam. IESV MARIA, amores mei, patiar, moriar amore vestri. O IESV, esto mihi IESVS & Saluator. IESV agonizans, morti tuæ mortem meam vnio. IESV pro me mortue, mors tua sit vita mea. O bone IESV exaudi me, intra Vulnera tua absconde me, & ne permittas me separari à te. Domine IESV suscipe spiritum meum. Tu es Christus Filius DEI Viui, Dominus meus & DEVS meus.

O MARIA sis mihi propitia.

Amore tui morior mi dulcis IESV.

O IESV, IESV, IESV, esto mihi IESVS.

*Cum iam in agone sui exitus anima anxiatata dicantur sequentes orationes.*

**P**roficiscere anima Christiana de hoc mundo; In Nomine DEI Patris Omnipotentis qui te creauit: In Nomine IESV Christi Filij DEI Viui qui pro te passus est: In Nomine Spiritus Sancti qui in te effusus est. In nomine Angelorum & Archangelorum, In nomine Thronorum, Principatum, & Potestatum. In nomine Cherubim & Seraphim. In nomine Patriarcharum & Prophetarum. In nomine Sanctorum Apostolorum & Euangelistarum. In nomine Sanctorum Martyrum & Confessorum, In nomine SS. Monachorum & Eremitarum. In nomine Virginum & omnium Sanctorum ac Sanctarum DEI: hodie sit illi

pace



pace locus tuus, & habitatio tua sit in Sancta Syon; Per eundem &c.

**D**EVS Misericors, DEVS Clemens, DEVS qui secundum multitudinem miserationum tuarum peccata penitentium deles & prætorum criminum culpas veniam remissionis euacuas; respice propitius super hunc famulum tuum N. & remissionem sibi omnium peccatorum suorum totâ cordis confessione poscentem deprecatus exaudi. Renoua in eo pijsime Pater, quidquid terrena fragilitate corruptum, vel quidquid diabolicâ fraude violatum est; & unitati corporis Ecclesiæ membrum redemptionis annecte. Miserere Domine gemituum, miserere lacrymarum ejus, & non habentem fiduciam, nisi in misericordia tua, ad tuæ Sacramentum reconciliationis admitte. Per Christum Dominum nostrum. Amen.

**C**ommendamus tibi Domine animam famuli tui N. precamurq; te Domine IESV Christe, Saluator mundi, vt propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à dijs alienis creatam, sed à te solo D E O Vno & Vero: quia non est alius DEVS præter te, & non est secundum opera tua. Lætifica Domine animam ejus in conspectu tuo; & ne memineris iniquitatum ejus antiquarum, & ebrietatum quas suscitauit furor siue feruor mali desiderij. Licet enim peccauerit, tamen Patrem & Filium & Spiritum Sanctum non negauit, sed credidit, & zelum DEI in se habuit, & DEVM qui fecit omnia, adorauit. Amen.

*Oratio ad Beatam Virginem.*

**I**Ntemerata & in æternum benedicta Virgo MARIA, famulo tuo in hoc extremæ necessitatis articulo subueni, illos tuos misericordes oculos ad illum conuerte: ostende illi dulcissimam faciem tuam, & in virtute Sanctæ Crucis inimicos ejus omnes disperde. Libera eum ex omni angustia, ut tecum & cum beatis Spiritibus Redemptori suo æternas gratiarum referat actiones. Reminiscere misericordiarum tuarum, ô Mater Misericordiæ, & secundum multitudinem miserationum tuarum anime illius succurre.

*Post expirationem.*

**S**ubuenite Sancti DEI, occurrere Angeli Domini, suscipientes animam ejus, offerentes eam in conspectu Altissimi.

*V.* Suscipiat te Christus qui vocauit te, & in sinum Abrahamæ Angeli deducant te. *R.* Suscipientes animam ejus, offerentes eam in conspectu Altissimi. *V.* Requiem æternam dona ei Domine. *R.* Et lux perpetua luceat ei. *Kyrie eleyson* Christe eleyson. *Kyrie eleyson.* Et ne nos inducas &c.

*V.* A porta inferi. *R.* Erue animam ejus. *V.* Requiescat in pace. *R.* Amen. Domine exaudi orationem &c.

*Oremus.*

**T**ibi Domine commendamus animam famuli tui N. ut defunctus sæculo tibi uiuat, & quæ per fragilitatem humanæ conuersationis peccata commisit, tu veniâ misericordissimæ pietatis absterge, Per Christum Dominum nostrum.

DEVS



**D**EVUS cui proprium est misereri semper & parcere, te supplices exoramus pro anima famuli tui N. quam hodie de hoc sæculo migrare iussisti; vt non tradas eam in manus inimici, neq; obliuiscaris in finem, sed iubeas eam à SS Angelis suscipi, & ad patriam paradisi perducì, vt quia in te sperauit & credidit, non pœnas inferni sustineat, sed gaudia sempiterna possideat. Per Christum Dominum nostrum Amen Requiem æternam &c.

*Orationes pro omnibus Christi fidelibus ubicunq;  
agonizantibus.*

**O**IESV Crucifixe per merita SS Genitricis tuæ, per merita & intercessionem SS Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, itemq; dilectæ Sponsæ tuæ Ecclesiæ te supplices exoramus, vt miserearis omnium illorum, qui in hora mortis constituti turbantur, & propter vehementiam hostilis imperiûs vacillant.

A morte perpetua & æterna, libera eos Domine. A terrificis visionibus inimici, libera &c. A regione gelidissima & feruentissima: libera &c. Ne audiant in regione vmbrae mortis & tenebrarum blasphemari nomen tuum. Ne tradantur in manus bestiaë infernalis, libera &c. Ab inani fiducia & securitate non in te fundata, libera. A corde obstinato & in peccatis obducato, libera. Per mysterium Sanctæ Incarnationis tuæ, per Natiuitatem tuam, per catenas, funes, vulnera, alapas, spurs, spinas, crucem, & mortem tuam, libera. Per gloriam resurrectionis tuæ, & per triumphum tuæ in celum ascensionis, libera eos Domine.

**V.** Ne tradas Domine bestiis animas confiten-  
tes tibi. **R.** Et animas pauperum tuorum ne obli-  
uiscaris in finem.

*Oremus.*

**C**lementissime I E S V invocamus Clementiam  
tuam per charitatem illam infinitam, quæ te  
ad moriendum pro genere humano impulit, ut mi-  
sereris omnium agonizantium, & ijs condones  
excessus commissos cogitatione, verbo, & opere,  
& ut suppleas, quod in eis desideratur, applica illis  
infinita merita tuæ passionis, & pretium sangui-  
nis tui, quem pro nobis effudisti.

Assistat illis S. Michael Archangelus & per ma-  
nus SS. Angelorum deportentur ad paradysum tu-  
orum Electorum: ut liberati de principe tenebra-  
rum, & abyso pœnarum, in consortium veniant.  
Sanctorum tuorum resuscitati cum gloria, ut filij  
& heredes regni tui, Amen.

*Quidam Religiosus, ut refert Casarius, impe-  
travit sibi gratiam ex hac vita migrandi  
sine purgatorio ad Calum hæc  
præcatiunculâ.*

**D**omine IESV per illam amaritudinem, quam  
sustinuisti propter me in Cruce, maximè quan-  
do Anima tua benedicta egrediebatur de corpore  
tuo: miserere animæ meæ in egressu suo. *vel*  
Domine IESV instanti mortis tuæ, & instanti m-  
tis Matris tuæ, omniumq; Electorum tuorum  
instantis mortis meæ commendo: bene-  
dic isti propter illa.

( o )



Conclu-



## Concludo Melliflui Doctoris S.

## BERNARDI Verbis.

**D**ignus est morte, qui tibi Domine IESV recusat  
 Vivere (adcoq; te laudare te glorificare) & mor-  
 tuus est. Propter te ipsum DEVS fecisti omnia,  
 & qui cultu esse sibi & non tibi, nihil esse incipit  
 inter omnia.

Ad M. D. G. B. M. S. V. I. C. H.

## I N D E X.

<b>C</b> APVT I. Manuductio Viatoris, cui recta Via proponitur ad Patriam.	pag. 1.
Viator, quasi a facie Colubri fuge peccata.	10.
Affectus animi contriti.	15.
Formula propositi emendationis.	21.
Via recta ad Calum Via Crucis.	22.
Actus desiderij patiendi pro Christo.	33.
Compendium via celestis est breuissimum per He- roica.	34.
Affectus anime ad heroica anhelantis.	38.
<b>C</b> AP. II. De predestinatione Viatoris, que est scopus & terminus vite nostre; & medijs ad eandem consequendam.	40.
Affectuose aspirationes ad DEVM ut est prade- stinator.	51.
Pactum cum DEO Viatoris per totam hebdoma- dam dispositum.	55.

# INDEX

<i>De cultu Magnæ DEI Matris.</i>	79.
<i>Affectuose Salutationes Virginis Beatissimæ.</i>	81.
<i>Actus gratitudinis ad finē Septimane eliciendi.</i>	84.
<i>Decet Viatorem semper &amp; ubiq; DEI sui memi-</i> <i>nisse.</i>	86.
<i>Orationes iaculatoriæ, &amp; motus Anagogici quid</i> <i>sint?</i>	94.
<i>Viatori per creaturas ad Creatorem ascenden-</i> <i>dum.</i>	99.
<i>Praxis aspirationum seu affectuum pro qualibet</i> <i>occasione &amp; actione.</i>	103.
<b>CAP. III. Diarium Viatoris siue actionum per</b> <i>diem ordinatio.</i>	120.
<i>Actus Matutini.</i>	124.
<i>Actus intentionis.</i>	128.
<i>Actus diuersarum Virtutum.</i>	130.
<i>Pia Viatoris desideria, siue scintille ad flammam</i> <i>amoris diuini concipiendam.</i>	132.
<i>Actus ante recitationem officij diuini.</i>	134.
<i>Post diuinum officium.</i>	137.
<i>Actus ante meditationem</i>	141.
<i>Visitando SS. SACRAMENTVM.</i>	143.
<i>Observanda circa Sacrificium Missæ</i>	144.
<i>Praxis offerendi Sacrificium Missæ cum Sacerdo-</i> <i>te celebrante.</i>	145.
<i>Intentio &amp; Preparatio, quando conceduntur in-</i> <i>dulgentiæ.</i>	151.

Depreca-



# INDEX.

Deprecatio pro felici successu S. Religionis.	157.
Actus ad Virginem B. & Sanctos Patronos.	159.
Votiva ad S. Iosephum.	164.
Ad S. Antonium de Padua.	165.
Ad S. Barbaram.	166.
Ad S. Bernardum.	167.
Contra pestem & morbos contagiosos.	168.
Modus honorandi quemcunq; Sanctum in eius festiuitate.	170.
Actus antemeridiani.	171.
Actus meridiani.	173.
Actus ante refectionem.	174.
Consideranda circa refectionem.	177.
Actus Pomeridiani.	179.
Actus anteuespertini.	180.
Actus euntis dormitum.	182.
Actus brevis pro defunctis.	187.
CAP. IV. Alphabetum amoris DEI per hebdo- madam dispositum.	188.
CAP. V. Solitudo septemdialis. Seu quotidia- na familiaris cum Deo conuersatio.	214.
CAP. VI. De penitentia vera salutis semita, quâ homo ex regione longinqua ad DEVM & salutis viam reuertitur.	281.
Quedam obseruanda ante Confessionem Sacra- mentalem.	289.
Actus ante Confessionem.	291.
Actus	

# INDEX.

<i>Actus post Confessionem.</i>	296.
<b>CAP. VII.</b> Praxis sacrae Communionis.	297.
<i>Affectuosa aspirationes ad Christū suscipiendū.</i>	303.
<i>Observanda post S. Communionem.</i>	306.
<i>Actus Salutationis Christi.</i>	307.
<i>Actus petitionis post Communionem.</i>	310.
<b>CAP. VIII.</b> Praxis deuotè & reuerenter celebrandi Sacrificium Missae.	315.
<i>Oblatio sacrificij.</i>	319.
<i>Actus diuersarum Virtutum.</i>	324.
<i>De proxima dispositione ad Missam.</i>	330.
<i>Actus post Missam.</i>	335.
<b>CAP. IX.</b> Proponuntur praxes seu Exercitia colendi per annum festa Christi Domini.	
<i>In Aduentu Domini.</i>	339.
<i>Eodē tempore, actus ante Communionem.</i>	341.
<i>Actus post Communionem.</i>	343.
<i>In Vigilia Natiuitatis Domini.</i>	345.
<i>Eodem die Actus ante Communionem.</i>	347.
<i>Post Communionem.</i>	349.
<i>Die Natiuitatis Domini.</i>	352.
<i>Eodem die actus ante Communionem.</i>	354.
<i>Actus post Communionem.</i>	357.
<i>In Circumcisione Domini.</i>	360.
<i>In Epiphania Domini &amp;c. &amp;c.</i>	366.
<b>CAP. X.</b> Breues meditationes de Passione Domini.	411.



Cap. XI. Proponuntur Praxes colendi  
Deiparam Virginem et quosdam  
SS. in Festis Ipsorum.

Cap. XII. Aspiraciones Viatoris pro  
felici morte ad Christu.





Biblioteka Jagiellońska



stdr0023456





